


Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.118





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.118




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.118





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAFL 2.0.118






2.6.118









2-6-118

A

XXX
CONR





HERMANNI
CONRINGII
FRISII

De

IMPERII GERMANICI REPVBLICA
ACROMATA SEX
Historico-Politica.

Sen

DISCVRSVS NOVI HISTORICO-POLITICI

De

IMPERII GERMANICI

CIVIBVS,
VRBIBVS,
DVCIBVS ET COMITIBVS,
ELECTORIBVS,
EPISCOPIS ET
IVDICIIIS.

Quibus accessit

TRACTATVS DE IMPERATORE
ROMANO GERMANICO.


Cum Indice Rerum & Verborum locupletissimo.

EBRODUNI,
APVD SOCIETATEM.

M. DC. LV.









DE
GERMANICI
IMPERII CIVIBVS



E Ciuibus & Statibus Imperij pauca quædam tradituris, præmittenda nonnulla erunt, quorum auxilio, facilius in ipsius rei cognitionem deuenire possumus. Nam & dicendum nobis erit, quinam verè Cinium nomine veniant, & cum non vno eodemque modo Ciues dicantur, æquiuoca autem simul definiri nequeant, vox illa in primis *ab homonymia* erit liberanda.

Eruditè autem (vt solet) *lib. 3. Pol. cap. 1. de huius vocis ambiguitate* differit Aristoteles, quæ quidem tam latè se extendit, vt pro variarum Rerump. formis specie etiam Ciues differant. Et verò si Resp. priores & posteriores specie differunt, Ciues quoque in iis Rebusp. eodem modo differre necessum fuerit.

Vt verò æquiuocatio hæc dilucidè ostendatur, omnibusque ob oculos ponatur aduerendum est. Primò, nonnunquam eos dici Ciues, qui tantum patre & matre Ciuibus nati sunt, quamuis nonnulli, non contenti parentibus, etiam de auo & tritauo inquirendum statuunt an fuerint Ciues. Sed hæc quidem significandi ratio admodum est incerta, cum in infinitum ita quæri possit, donec peruenias ad eum qui patrem Ciuem non habuit. Et hanc ob causam Gorgias Leontinus, siue ioco, vt solebat multa, siue quoddam aliter se expedire non posset, Ciues fieri à Ciuibus aiebat. Sicut enim mortaria fierent ab ijs qui hanc callerent artem, ita esse opifices Larissæ, à quibus Larissæi Ciues fierent. Sed quàm improvidè hoc sit dictum quilibet facile animaduertit. Nam si ij tantum sunt Ciues, qui nascuntur à Ciuibus, quomodo appellabuntur ij qui vel condiderunt vel fundarunt Ciuitatem? Improprie verò etiam ij Ciues dicuntur, qui respectu sal-

A

tem aliquo hoc sortiuntur nomen : quales sunt ciuitate donati, qui non re ipsa, sed honorarij tantum sunt Ciues : Dicuntur porro etiam Ciues pueri, & qui nondum perfectæ sunt ætatis, itemque decrepiti, qui ob venerandam senectutem, immunitatem ac vacationem à muneribus impetrarunt, & puerili ætati rursum sunt proximi. Hi verò quamvis Ciues appellari possint, non tamen simpliciter hoc est asserendum, sed ita ut illi imperfectè & potentiâ tantum Ciues esse dicantur, hi verò iam effecti & idèd hoc nomine gaudeant, quòd olim verorum Ciuium numero accensiti fuerint.

Cùm autem hæ Ciuis appellationes longè sint alienæ à nostro proposito, supervacaneum prorsus esse censemus, in hisce diu morari: proinde breuiter tantum insignem huius vocabuli æquiocationem notasse sufficiat. Nunc ut rem ipsam definiamus, & quibus verè Ciuium nomen competat accuratè explicemus ratio postulat.

Ciuis autem secundum Aristotelem (quem in omnibus sequendum meritò statuimus) est, *cui in illa ciuitate Cuius est ciuis, potestas est fungendi magistratu vel deliberariuo vel iudiciali.* Quam quidem definitionem omnibus qui verè Ciues appellantur, applicari optimè posse confido. Etiam si enim obicere quis posset multos esse Ciues quibus ista non conueniat, (sicut in Tyrannide aut Oligarchia multi sunt Ciues qui nullo loco sunt, nulla dignitate aut munere funguntur,) ei regerimus, æquiocam hanc Ciuis appellationem esse, ut paulò antè vberius explicauimus. Maximè propriè verò & in illis corruptis adeoq; falsò dictis Rebus publicis nomine hoc esse dignos, quibus illum magistratum capessendi facultas est: valde impropriè verò qui hanc dignitate excluduntur.

Hiscè præmissis obscurum nemini esse potest, quinam hodie in nostro Imperio veri & genuini propriisque sint Ciues, ij videlicet qui potestatem habent iudicandi de iis, quæ ad *τὸ κοινόν* vel summam Reipublicæ (versatur autem, ea circa pacem & bellum, circa leges publicas rogandas vel derogandas, circa fœdera cum peregrinis, circa vitam mortem & exilium Ciuium, denique circa bona Ciuium aut confiscanda aut verò in commune distribue ida), pertinent. Hinc etiam non potest non patere, rectè illos ciues *Status & Ordines Imperij* appellari, quòd nempe sint totius regni columnæ, vel quòd legitimam in comitiis habeant standi personam.

Neque verò mirum sit hos solos veros Ciues, reliquos autem Incolas

colas potius esse vel subditos. Omnis enim Cuius utique socius est civilis societatis: est autem veri socij suffragium ferre & sententiam de rebus ad societatem pertinentibus. Apertam sanè implicat contradictionem, esse alicuius societatis verum socium, nec tamen ius suffragij in eà societate obtinere.

Scilicet hoc suffragiorum ius usque adeò est proprium Civium verorum, verorumque Ordinum ac Statuum alicuius civitatis ut essentiam eorum vnicè constituat. Adeoque qui caret illà facultate siue per injuriam siue iure, non est actu Cuius: qui fruatur illà, siue iure siue injurià, reapsò est in Statuum siue Ordinum seu Civium censu. Neque enim refert nunc iure hoc fiat an injurià. Sic qui nondum gaudet illo jure, etsi gaudere debeat aut possit, rectè loquendo non est actu Cuius, sed potentià tantum.

Quoniam hoc ergo verè constituit Ciuem, facilè apparet per accidens tantum fieri, ut talis aliquis matriculæ aut albo ordinum sit insertus, siue collectiones Imperij in publicum ararium pro rata proximè soluat. Quæ duo tamen nonnulli perperam inter certissimas Civium atque Ordinum notas recensent. Quod enim insertionem in album attinet, certum est in multis Rebus publicis nullum esse album; quemadmodum nec vlla etiam matriculæ memoria exstat in repub. nostra, ante illam quam Sigismundus Imp. anno 1431. fecit conscribi, quod rectè proditum est à Goldasto *lib. 2. de Regno Bohem. 6. 17.* Itaque nec ante illud tempus vlli fuissent Imperij Ordines, quo nihil est dictu absurdius. Eodem modo etiam sæpe in Civitatum ac Rerum publicarum ararium cõferunt illi, qui meri subditi sunt, & parere dominis coguntur. Ita sanè olim Polonia devicta aliquot auri libras quotannis Germanico Imperio soluit, nec tamen in conventu nostrorum procerum sententiam dicendi habuit facultatem: contra Bohemiarum Rex onera Imperij non fert, in electione tamen summi magistratus Cæsarij quasi ciuem agit.

Fatemur tamen ut nunc sunt imperij mores ferè solos illos, qui contribunt immediatè in publicum ararium, & albo sunt inscripti, suffragandi in comitiis jus habere. Sanè ex quo placuit omnes Ordines in album referre, deberet utique nunc illud album certam nobis notam veri Cuius exhibere. Quoniam etiam constitutum jam est, ut soli Ordines proximè solvant debitum suum arario, deberet utique & illa collectio significare veros Ordines. At infra proba-

bitur, turbatis Imperij rebus esse factum, ut de quibusdam juréne inferi debeant an non, item solueréne sua debeant publico necne, hodieque incertum sit. Et verò permultis licet historijs docere, haud paucos interdum errore quodam in publicum ararium sua contulisse, quibus neutiquam in comitijs publicis standi potestas fuit.

Sed de hisce infra latius: Id verò ex his quæ diximus jam est manifestum; ne quidem ethi quis suo Princeps siue Comes Imperij dicatur, modò non habeat ius hoc comitiorum, in Ordinum aut Civitum Imperii censu meritò esse numerandum. Anterioribus quidem seculis obtinuissè haud negamus, ut nemo Princeps vel Comes Imperij vocaretur, nisi qui idem hac suffragandi potestate valeret, cum nempe illis nominibus adhuc officia publica designarentur. Nunc tamen longè alijs vivitur moribus: titulis nempe illis solis in multos collatis sine vlllo suffragiorum iure.

Ita constat, in annum vsque trigésimum sextum à solo Ferdinando II. Augustæ memoriæ Cæsare creatos Principes viginti duos, Comites plusquam sexaginta, Barones vltra centum viginti: formulæ tamen diplomatum vulgares, quas exhibet libellus cui titulus: *status particularis regiminis Ferdinandi II.* non perhibent illos in Ordinum Imperij censum esse relatos. Verba Formulæ quæ in Ducibus creandis sunt obseruata ita sese habent: *Iuxta hæc itaque per Imperium perque nostras hereditarias ditiones seriò ac strictè mandamus & volumus, ut sape iam nominatus dilectus noster Dux N. & omnes illius in regimine dicti ducatus N. tam ex lineâ descendente quàm post hanc extinctam alii successores, vigore dispositionis huius pro eis instituta, uti suprâ exprimitur, de hinc perpetuò, non minus quàm alii in sacro Romano Imperio reliquisque nostris hereditariis regnis ac ditioibus Duces, pro Ducibus N. reliqui autem legitimi heredes liberi & eorum heredis heredes, mares & femina, descendentes lineæ, qui iam nati sunt, nascentur de, primogeniti tamen non sunt, & post extinctam modò lineam fratres Ducis N. qui, secundum commemoratæ dispositionis tenorem, in Ducatus N. successisset, licet Ducatum N. neque regant neque possideant, perpetuò imposterum pro nostris & Imperij Principibus & Principibus in quibusvis honorificis conuentibus, equestribus ludis, superioribus & inferioribus diœcesibus ac præfecturis, tam Ecclesiasticis quàm secularibus, & aliàs ubique, colantur, admittantur, habeantur & agnoscantur: ipsis quin etiam dicto sensu respectuè Ducum Principumue titulus ac nomen tribuatur, quo tales nuncupentur atque scribantur: honos eorum autem, dignitasque præeminentia, privilegia, iura, iurisdictiones, quibus, ut ceteri sacri Romani imperii, nostrorumque regnorum & terrarum Duces,*

Principes & Principissa, de iure & consuetudine gaudent, vruntur ac fruuntur, incorrupta ac in omnibus salua conseruentur, &c. Ad eundem ferè modum se habent verba formulæ per quam titulus Principis confertur. Ita enim sonant: Idcirco post clementissimam recogniti nem generis pralustris & peruesti Comitum ab N. & eorum nec non huius ipsius, laudabiliter acquiratarum virtutum, & Nobis totique Romano Imperio exhibitorum fidelissimorum obsequiorum, Nos probè deliberato animo, vero & maturo consilio, rectâ notitiâ, n. minatum iam Comitum ab N. singulari hac gratiâ ex proprio m. tu affecisse; eum non solum quidem, sed post obitum, etiâ maximû natu filii eius, atq; sic porro semper natu maximû, indefinente linea legitime procreatû, Comitè ab N. in statum, honorem & dignitatem nostrorû ac sacri Imperii Comitum Principum, nouiter clementer edeuerisse & collocauisse, & collegio ac societati aliorum nostrorum & sacri Imperii Comitum, Principum nouiter clementer edeuerisse & collocauisse & collegio ac societati aliorum nostrorum ac sacri Imperii Comitum Principum coniunxisse, sociatuisse & equiparauisse; & ut titulus, ac in specie predicatum Celsissimorum, vnâ cum reliquo titulo & dignitate nostrorum ac Imperij Principum, ipsis daretur, & ab ipsis gereretur, seque DEI gratia tales scriberent & nominarent, clementer concessisse & indulgisse. Et ex Romana Casarea Maiestatis potestate & perfectione, scienter & vigore harum, ordinare & constituere, ut suprâ dictus Comes ab N. eoque defuncto filius eius natu maximus ac porro quouscunque ex istâ lineâ descendente maximus natu, Comes ab N. legitime natus, uti intellectum, in statum, honorem & dignitatem nostrorum & sacri Imperii Comitum, Principum, modò commemoratâ ratione referatur, collocetur, iis equiparetur, & eorum collegio & societati associetur; Simulque illis impertuisse & attribuisse, præter iam acquisitos honores & titulos, nomen ac titulum, nostrorum ac sacri Imperii Comitum, Principum ab N. & in specie predicatum Celsissimorum, iuxta titulum statumque nostrorum & Imperij Principum, aded etiam ut se DEI gratia tales scribere debeant & possint: Et consequenter, statuere, decernere ac velle, ut sape dictus Comes ab N. & post eum relictus filius eius natu maximus, ac deinceps omnes ipsius heredum heredes, uti constitutum, continuò & semper nostri & sacri Imperii Comites Principes esse, eo sese commemorato predicato, titulu ac dignitatibus, supra & iuxta pristinos benèque & cum laude acquisitos titulos nominare & scribere, à Nobis & nostris in Imperio successoribus, aliisque omnibus ac singulis tales haberi, agnosci, coli, vocari ac inscribi: vniuersa quin etiam beneficia, priuilegia, honores, dignitates, prerogativas, præeminentias, emolumenta, iura & iurisdictiones, vnâ cum beneficiis in suc-

ferioribusque diocesis ecclesiasticis ac secularibus, feudis & praefecturis in conuentibus & equestribus ludis, suspicere, obire, aliaque omnia obtinere, & participare, his denique cunctis praecipue verò Principali Principum Comitum titulo ac nomine, in sessionibus, in votis, in processionibus, ubique locorum & apud omnes, summo cum honore, prout par erit, eorumque necessitas, voluntas ac beneplacitum feret, gaudere, uti, frui, debeant ac possint: Eo plane modo quo alii nostri & sacri Imperii legitimi Principes Comites de iure & consuetudine talibus gaudent, utuntur ac fruuntur, nemine prohibente: &c. Pari ratione Comitum quoque confertur titulus ac honor: Nos ei sequentem singularem gratiam & privilegium bene deliberato animo, sano consilio, rectaque notitia, in optima valentissima & firmissima forma & modo contulisse atque concessisse; & in praesens eandem illi Romana Caesarea auctoritate, absoluto iure, scienter & harum vigore, conferre & concedere; nimirum ut deinceps à Nobis, nostrisque in sacro Imperio successoribus, Romanorum Imperatoribus, Regibusque saepe nominatus Comes ab & in N. ipsius legitimi haeredes liberi, eorumque haeredes in descendente linea, ex omnibus nostris & successorum nostrorum in sacro Imperio, domoque Archiducali Austria archibus, in nostris & illorum loquendi formulis, scripturis, tabulis & epistolis, aliisque libellis, qui à Nobis & successoribus nostris, seu ad eos, seu alià ratione mittentur, in quibus mentio illorum fiet, titulo, predicato, & axiomate, Generosissimi afficiantur & scribantur; &c.

Ceterum quid proprie constituat Ciuem reip. ex allatis est manifestum: consequens est dispiciamus quinam ad eum censum pertineant. Atque executientibus quidem rerum patiarum antiqua monumenta, liquidum statim fit, non adeo certo semper eorum numerum initum fuisse. Neque enim alià de causâ tam terò coepit album quoddam publicum, aut matricula Imperii Ordinum, quam appellant, constitui. Cessit autem hac negligentia dabo procul, haud leui damno Reipublicæ. Etenim pro vario numero eorum qui ad comitia vocantur, Reipubl. quoque diuersæ species oriuntur. Mutatur scilicet sensum in oligarchiam democratia, si pauciores paulatim comitia frequentent, reliquis domi remanentibus: contra oligarchia in democratiam degenerat, si magis magisque plures ad publica consilia conueniant. Quocirca & prudentiores legibus politis, aut arcanis artibus, siue seruandus sit praesens status, siue mutandus, vel minuant, vel augment, vel verò seruant ac tuentur diligentissime Ciuium verorum numerum.

Verum

Verum quò liqueat etiam apud Germanos aliam atque aliam cæ-
pisse Reipub. formam, non obleruato semper eodem verorum Ciuium
censu; haud abs re fuerit fortassis ab antiquissimâ usque memoriâ
reperere quinam ius consiliorum publicorum habuerint, Vbi initio
monendum Germaniam olim non in vnâ Remp. aut ciuitatem coa-
luisse, sed ferè quor populos totidem diuersas ciuitates extitisse. Pri-
mi sanè Franci, auspiciis & rarâ felicitate Caroli Magni, omnia quæ
Balthico mari, Oceano, Alpibus & Carpatho monte, ac Vistula fluuiio,
sunt cincta, suo per Galliam omnem extenso imperio coniunxerunt.

Antiquissimis verò temporibus quid consueuerit ac fuerit recep-
tum ex Tacito apparet. Prodit enim duo tum fuisse in vsu conci-
liorum genera, alterum *maius* de maioribus rebus: alterum *minus*
de minoribus, & huic quidem solos Principes interfuisse, illi autem
totum populum. Sunt autem Tacito Principes qui in singulis ciuita-
tibus *iuxta pagos & vicos dixerunt*, pagorum vocabulo veniente id
ferè quod nunc *ein Ampt / vicorum* verò quod nunc *ein Flecken* / aut
ein Dorf appellamus. Quos principes olim præcipuè fuisse nobilita-
tis haud obcurè ex eodem est Tacito colligere. De maioribus verò
comitiis videntur omnino accipienda illa eiusdem Taciti: *ut turba
placuit consistunt Armati. Mox Rex vel Princeps audiuntur, auctoritate
suadendi magis quàm iubendi potestate. Si displicuit sententia fremitu
adspersantur.* Nimirum turba voce populus notatur, cui Rex vel
Principum aliquis sententiam suam de negotio iam tum apud suos
prætractato proposuit.

Ex his verò Taciti verbis colligere est duplicem tum in ciuitatibus
Germanicis Statutum aut Ciuium fuisse conditionem: aliam nimirum
primæ, aliam secundæ auctoritatis ac dignitatis. Primi generis fue-
runt qui post *Adelingsi* & ab officio *Grafen* vel *Richter* aut *Haupt-
linge* sunt dicti: nobili omnes stirpe nati. Ad alterum autem ordi-
nem plebs omnis pertinet. Non tamen eo in honore Serui tum fue-
runt, sed nec ipsi quidem Liberti. Discertè enim de Germanis idem
Tacitus: *Liberti non multum supra seruos sunt, raro aliquod momentum
in domo, nunquam in Ciuitate, exceptis dumtaxat iis gentibus qua regnan-
tur. Illic enim super ingenuos & super nobiles ascendunt: apud ceteros
impares Liberti Libertatis argumentum sunt.* Ast regnatum Germanis
populis rarissima fuerunt: Liberti verò valuerunt, procul dubio, mini-
sterio potius regio quàm suffragiorum potestate. Principes autem ex

nobilitate fuisse, haud difficulter patet. Præterquam enim quod perpetuò principes opponantur plebi, disertè ita scribit Tacitus: *Eliguntur in iisd. m. c. milibus & principes qui iura per pagos vicosque reddunt: centeni singulis ex plebe comites, consilium simul & auctoritas adsunt.* Si autem comites ex plebe, utique principes nobiliore fuerunt stirpe orti. Non multò post idem ait: *Insignis nobilitas aut magna patrum merita Principis dignationem etiam adolescentibus assignat.* Et verà recepti olim in omnibus Germanicis populis moris fuit, non tribuere hanc iuris dicendi potestatem nisi maximà nobilitatis ratione habità.

Loquitur autem de illis cum maioribus tum minoribus comitiis in hæc verba idem Tacitus. *De minoribus rebus principes consultant, de maioribus omnes: ita tamen ut ea quæque quorum penes plebem arbitrium est apud principes pertractentur.* Vbi tamen cum Hugone Grotio, summo sanè viro, legendum fortè præ tractentur. Nempe ut penes Principes illos de maximis rebus fuerit *æssura*, at de minoribus integrum arbitrium. Et verò constare id ipsum videtur etiam ex vltu rerum Germanicarum sequentibus seculis fuero: tum quod in comitiis maioribus illis soli Plebi sit proposita non tam res aliqua tum primùm deliberanda, quàm concepta iam sententia.

Ergo omnes iam ex Plebe ingenui Ciuium tunc autoritate polluerunt: primario licet loco fuerint *Adelingi* aut *Principes*: ut pote cum sine ingenuorum omniū consensu nihil magnæ rei constitui poterit. Constat verò idem & ex iudicandi potestate, quâ valuerunt plebei. Neque enim iudicium fuerunt penes solos nobiles, etsi hi illis præfuerint potissimùm; sed ex parte & penes inferiorem illum ordinem. Iam enim antè audiuius, centenos singulis Principibus ex plebe comites fuisse, adiunctos consilii & auctoritatis nomine. Qui fortè sunt, quos Tacitus lib. 5. *Histor. de Treueris* loquens, ut & Cæsar lib. 4. de *Vbiis, Senatores* appellant. At qui veri Ciues, consulendi iudicandique potestate definiuntur.

Nimirum alio planè loco apud Germanos antiquitus Plebs fuit quàm apud Gallos, de Gallis enim Cæsar lib. 6. de bell. Gallico: *Plebs penè seruorum habetur loco, quæ per se nihil audet & nulli adhibetur consilio.* de Germanis autem idem: *Vbi quis ex principibus in concilio se dixit ducem fore, qui sequi velint, profiteantur: consurgunt ii qui & causam & hominem probant, suumque auxilium pollicentur, atque à multitudi-*
ne col-

ne collaudantur. Eburonum, gentis Germanicæ Cistrenanæ, Rex Ambiorix apud eundem Cæsarem l. 5. ita loquitur: *Sua esse imperia eiusmodi ut nō minus haberet in se iuris multitudo quā ipse in multitudine.* Hinc Tacitus lib. 4. Histor. scribit, Civilem Batauum rebellionem dum moliretur, non tantum primores gentis Batauorum, sed & promptissimos vulgi conuocasse.

Quamquam verò populi nonnulli Germanici sub Regibus vixerint, quidam sine Regibus, etiam apud illos tamen eadem fuit Ciuium natura. Neque enim Regibus fuere plena maiestatis iura quæ vocantur; sed omnis eorum potestas fuit haud alia quā olim Regum Lacedæmoniorum. Disertè Tacitus: *Regibus non infinita aut libera potestas.* Item ubi de comitiis integri populi disseruisset, Reges, ait, auditos ibi esse, *autoritate suadendi magis quā iubendi potestate.* De Frisiis cum dixisset lib. 14. Annal. eos à Verrito & Malorige regi, adiecit: *in quantum Germani regnantur.* De Gothonibus idem lib. de morib. Germanor. *Trans Lygias Gothones regnantur, paulò iam additius quā cetera Germanorum gentes, nondum tamen supra libertatem.* De solis autem Sueconibus idem sic loquitur: *Vnus imperitat nullis iam exceptionibus, non precario iure parendi.* Quo ostendit eos à Germanico ingenio multum abesse. Si autem libertas populi etiam sub Regibus olim salua fuit; non potuit non & ius comitiarum, cum nobilibus tum plebi, fuisse integrum.

Manisse verò hanc formam Ciuium etiam aliquot post seculis, argumento est, quod in vniuersum Germanicorum populorum libertas deprædiceretur. Opponitur autem libertas dominatui. Vbi autem libertas viget populi non potest ille excludi à consiliis rerum maioris momenti.

Cæterum illa libertas in plerisque populis videtur post extincta à Francis. Hi enim devictis à sese plerisque Germaniæ populis, durissimam videntur seruitutem imposuisse. Cerrè hanc fortunā subierunt Alemanni potentissimus antè populus, post victoriam Clodovæi anno Christi 499. partam. Quà de re *Emilius florentissimus Gallicarum rerum scriptor: Cedit Alemannorum Res: Alemannia fracta ingens tributum pendere iussa, leges etiam graues, magistratusque ab irato victore accepit.* Ioachimus Vadianus, vir Germanicarum, inprimis Alemannicarum, antiquitatum peritissimus, epistolâ quâdam quam recitat Goldastus tomo 2. Antiquitatum Alemannicar. f. 84. ita loqui-

tur: Plena fuit seruis & seruitutibus Alemannia nostra, cuius magna pars hodie Heluetia est. Nec est quod sciam montanus pagus aliquis Helueticus, qui, rebus Francorum florentibus, durissimam illam seruitutem non seruerit. Exstant enim tabulae veteres quae hanc rem clarissime testantur. Peruenerunt autem in miseram istam seruitutem illa. Clodouici victoria non Alemanni tantum, sed & Baioarii, quemadmodum ex Gregorio Turonensi, Sigeberto, aliisque antiquis Francicarum rerum scriptoribus est manifestum. Summa rei verò totius Alemannici & Baioarici populi ad Francos delata, non illi liberi Cives regni Francici sunt facti, sed potius Subditi. Qui enim illis sunt praefecti magistratum loco, Francicae plerique prosapiae videntur fuisse, non Alemannicae aut Baioaricae.

Post Alemannos circa annum 524. deuicti Thuringi, non quidem in eandem videntur seruitutem redacti, ius ciuitatis tamen sub Francis retinuisse, aut in ciuitatem Francorum transisse non videntur. Namque & ipsi tributum pendere sunt iussi, magistratus quoque & leges ex victoris populi arbitrio acceperunt. Neque enim in societatem assumpti, sed imperio subiecti sunt.

Eadem fortuna Frisiorum fuit. Qui populus oram maritimam à Rheno usque ad Visurgim insedit. Namque & illa regio omnis à Carolo Martello, & post Pipino, in prouinciam redacta est: populo, ut nonnulli perperam volunt, in seruitutem compulso. Et si verò libertatem illis reddiderit Carolus Magnus, praclare in Italiâ gestis eorum rebus motus, in ciuitatem tamen Francorum eos assumptos non liquet.

Meliori euentu Saxones ab iisdem Francis sunt victi. Illi verò eâ tempestate Vestphaliâ omnem & Angriuariam, quicquid item est terrarum Salam inter, Melibocum montem, Visurgim, Oceanum & Albim, imò & trans Albim quod ad Eidoram usque annem ora est maritimae, tenuerunt. Quanquam enim & hi initio iussi sint pendere tributum, & communem deuictarum gentium fortunam subierint, exitus tamen belli felicior fuit. Notatu eâ de re digna sunt verba Eginharti l. de vita Caroli Magni: *Eâ conditione à Rege proposita, & ab illis subscripta, tractum per tot annos bellum constat esse finitum: ut abiecto Daemoniorum cultu, & relictis patriis ceremoniis, Christiana fidei atque religionis sacramenta perciperent, utque FRANCIS ADVNATI VNVS CVM EIS POPVLVS efficeretur. Paulo plenius contractum hunc descri-*

describit poeta ille anonymus & annalium Caroli Magni autor, quem primus edidit Reinerus Reineccius ad annum 803. Testatur enim ille initum fuisse pactum cum Nobilitate Saxonum. Quo nomine intelliguntur soli illi qui iuris dicundi potestate valentes vulgò Graffen aut Fürsten appellati sunt. Contractum autem scribit tum in alia tum in hac:

At verò censum Francorum regibus vllum

Solvere nec penitus deberent, atque tributum

Canitorum pariter statuit sententia concurs.

Tum sub iudicibus quos rex imponeret ipsis

Legatisque suis, permisi legibus vri

Saxones patriis, & libertatis honore.

Hoc sunt postremo sciati fœdere Francis,

Vt gens & populus fieret concorditer unus

Ac semper Regi parens aequaliter vni.

Ex his autem videtur, solam illam Nobilitatem Francicæ tubæ civitatis ius accepisse, non autem plebem reliquumque populum Saxonicum: quippe cum quibus solis est contractum. Non quasi non & aliis sua manserit libertas reliqua; sed tantum quod non omnis populus in curam communis Reip. concesserit. Neque verò probabile mihi sit, quod Reineccius ad hunc locum notat, etiam ante hanc mutationem plebem à Reip. negotiis fuisse remotam. Quod tamen disputare non est huius loci. Id verò etiam atque etiam est notandum: ex hoc pacto magistratuum omnium constitutionem Carolo cessisse, omnemque Saxoniam gubernandam partim per ordinarios magistratus, partim per missos aut legatos, hoc est, extraordinarium magistratum, utrumque tamen à Cæsare dependentem. Quomodo scilicet & aliæ provinciæ tum gubernabantur.

Iuncti igitur Francis Saxones, at non ut penitus subditi, sed ut vnius Reip. Ciues. Quod ipsum & VVitekindus Corbeienfis l. 2. innuere voluit his verbis: *Qui olim socii & amici erant Francorum, iam FRATRES & quasi VNA GENS ex Christianâ fide, veluti modo, facta est.* Nec verò aliâ de causâ Carolus Saxoniam Dominum se dixit & Francorum Regem; non autem aliorum populorum, quos plurimos continuit imperio suo, nisi solum in Italiâ Longobardorum nomen titulo suo adiunxit. Nempe quod hi populi soli libertate fruenter non in Francorum ditionem penitus concessissent. Is autem Caroli

titulus legitur in iis literis quibus episcopatum Osnabrugensem condidit: *Carulus Imperator Augustus, Romanum gubernans Imperium, Dominus & Rex Francorum & Longobardorum, nec non Dominator Saxonum.*

Præter autem laudatas antè nationes nihil in Germania cis Rhenum quidem fuit Germanicæ originis; reliquum omne Venedis aut Sclavis occupantibus. Hi verò nec paruerunt integrè Francis, nec in societatem Reip. accepti sunt, sed tributum solummodò penderunt. Potest hoc plurimis doceri, at suffecerit vnum Eginharti rerum harum omnium peritissimi testimonium adduxisse: *omnes barbaras ac feras nationes, quæ inter Rhenum ac Vistulam fluuios, Oceanumque & Danubium posita, linguâ penè similes, moribus autem atque habitu valde dissimiles, Germaniam incolunt, ita perdomuit ut tributarias eas fecerit.* Inter quas ferè præcipua sunt VVelatabi, Sorabi, Aboriti, Boëmänni: cum iis namque conflixit, ceteras verò quarum longè maior est numerus in deditionem accepit. Incoluerunt autem Sorabi ea quæ inter Salam sunt & Alhim. VVelatabi & Aboriti Meclenburgicam hodie dictam terram tenuerunt.

Cæterùm omnibus hisce ita sese habentibus apertum sit, eo tempore quo Franci rerum per Germaniam omnem sunt potiti, nullum populum Germanicum libertate fuisse usum, aut ciuitatis ius habuisse præter solos Francos, & quibus hoc relictum fuit, Saxones. Constat tamen in omnibus aliis quoque Populis, Primores ad conuentus publicos esse accitos, qui fortè fuerunt Franci, & alii illis præfecti. Hac sanè de causâ, præsertim verò quòd & illi Francicæ originis essent, & vel pagis vel regionibus deuictis olim præpositi, dicitur quidè passim populus Francorum conuenisse, alius autem præter hunc nullus: ex omnibus tamen prouinciis dicitur in vnum coisse.

Ut autem res omnis eò clariùs pateat, operæ pretium fortè fuerit apertè ostendere quinam ergo ius comitorum Francicorum olim habuerint. Quod idem est atque exponere, quinam olim potentibus rerum Francis Ciues veri fuerint Germanici. Id ipsum autem si non aliunde, optimè fortassis potest perspicui ex iis quæ ex Adelhardi propinqui Caroli Magni & consilarii, mox Abbatis Corbeix vtriusque Gallicæ & Germanicæ, libello de ordine palatii recitat Hincmarus Archiepiscopus Rheimensis, nobili & ipse Francorum ortus prosapia, inque aulicis regni negotiis ætate Ludouici Pii cuiusque filiorum versatissimus, epistola ad Episcopos Franciæ perscripta 3. c. 29. *Consuetudo* (verba

(verba eius sunt) tunc temporis trita erat, ut non sepius, sed bis in anno, placita duo tenerentur. Vnum quando ordinabatur status totius regni ad anni vertentis spacium: quod ordinatum, nullus euentus rerum nisi summa necessitas, qua similiter toti regno incumberebat, mutabat. In quo placito generalitas vniuersorum Maiorum, tam Clericorum quam Laicorum conueniebat. Seniores propter consilium ordinandum: Minores propter idem consilium suscipiendum, & interdum pariter tractandum, & non ex potestate, sed ex proprio mentis intellectu vel sententiâ confirmandum. cap. 30. Ceterum autem propter dona generaliter danda aliud placitum à Senioribus tantum & præcipuis consiliariis habebatur, in quo iam futuri anni status tractari incipiebatur. &c.

Hæc verba modò rectè intelligantur, omnem rem quam inquiremus nobis demonstrant. Duo scilicet apud Francos fuere conciliorum genera: alterum commune totius Populi: alterum particulare, de rebus quidem minoribus semper, interdum tamen & maioribus, sed non nisi *ægyptius* *ægyptus*, quorundam ex Principum aut primorum ordine delectorum. Vtrumque quotannis celebratum. Et Maiore quidem illo negotia regni constituta sunt in integrum annum. Minore res maximæ in futuro generali conuentu constituendæ, sunt prætractatæ. Quem morem omnibus Germanicis populis olim fuisse vlitatum ex Tacito suprà probauimus. Tempus porro comitiorum illorum Maiorum statum fuisse circa calendas Maii, probat testimonium Sigeberti Genblacensis in Chronico ad annum 662. Francorum inquit ille Regibus moris erat Kalendis Maii præsidere coram totâ gente, salutare & salutari, obsequia & dona accipere. Quod totidem penè verbis dicit Cedrenus. Sed hoc fortassis primis obtinuit temporibus: ætate certè Caroli Magni adedè religiosè obseruatum non fuit.

Iam verò cùm in comitiis illis maioribus fuerint totius regni negotia constituta, & verò illa peracta fuerint totius populi arbitrio ac consilio, liquet utique omnem populum Francicum obtinuisse ius Ciuium, & comitiis interfuisse. At Populi nomine multi veniunt. Namque & primores seu procures pars populi sunt, & plebs quoque ingenua eodem nomine comprehenditur. Videri autem posset ex Hincmaro, solos Procures olim ad eomitia conuocatos, seclusâ plebe. Scribit enim coisse generalitatem MAIORVM. Ceterum mendo textus laborat: scribendumque, generalitas Maiorum & Minorum. Statim enim post & Minores consilio scribit interfuisse, quos utique er-

go conuenisse necessum est.

Illos verò Minores fuisse multitudinem ipsam seu plebem, claret ex iis quæ habentur *cap. 39* eiusdem epistolæ, vbi disertè scribitur distinctis locis in comitiis istis Seniores & Multitudinem resedisse. Quanquam verò & multitudo illa conuenerit, liquet tamen ex Hincmaro non eam fuisse multitudinē, quæ erat Procerum, auctoritatem. Disertè enim scribit *Seniores*, (quò nomine ille appellat Proceres aut Primores regni) conuenisse, *propter consilium ordinandum*, *Minores propter idem consilium suscipiendum*. Nec tamen omne arbitrium rerum fuit multitudini ereptum. Addit enim: & *interdum pariter tractandum, & non ex potestate* (h. e. non tam alieno potentiorum iussu) *sed ex proprio mentis intellectu vel sententiâ confirmandum*. Ergo & multitudo interdum tractauit res illas maximas: habuit verò potestatem, ea quæ placuerant Primoribus *confirmandi*, & quidem *ex proprio consilio*, non ex mandato. Si autem confirmandi liberum ius habuit, habuit ius quoque reiiciendi quæ displicuerunt, more antiquo sc. adhuc integro. Patet idem ex capitulari Caroli M. *l. 16. c. 217. de capitulis quæ in legem nauiter addita sunt, & postquam omnes consenserunt, subscriptiones & manu confirmationes suas in ipsis capitulis faciant*. Fine legis Alemannicæ hæc habentur: *Hoc decretum est apud Regem & Principes eius, & apud cunctum populum Christianorum, qui infra regnum Merouingorum consistit*. Vbi Populus oppositus Principibus non potest non plebem significare. At ex illius Populi decreto Leges illæ Alemannicæ sunt constitutæ. Idem confirmant & constitutiones illæ *l. 5. c. 38*. vbi recensentur quæ communi fidelium regis consensu constituta sunt. Ad fidelium enim numerum non potest non & plebs pertinere. Istâ verò loquendi formulâ & ipse Ludouicus Pius utitur *l. 1. Capitular. sub init. c. 22. & 24.*

Tanta verò fuit præ Plebe Procerum auctoritas, vt libertate suâ antiquâ, reiiciendi nempe illa quæ Principibus placuerant, nunquam vlt legatur, siue non displicuit quod illis placuit, siue contra niti haud fuerit ausi. Hinc in antiquis monumentis concilia illa Populi plerumque, haud alio nomine quàm *conuentus Procerum*, aut *Principum*, vel *Optimarum* audiunt: omni scilicet concilii potestate ferè ad hos solos relatâ. Eodem spectat procul dubio Hincmari illud consilium Ludouico Baldo datum *Epist. 1.* vti rem publicam administret ex Procerum aut Principum consensu, nusquam Plebis mentione facta.

Vnde

Vnde & epistolam illam claudens cap.x.scribit: *De generalibus Ecclesia ac regni negotiis, sine generali Primorum regni consensu & consilio secretum dare consilium nefas: etiam consensum deliberare non volo.* Posset autem id ipsum facile plurimis probari testimoniis si opus foret: sed rei perspicuae fidem conciliare velle; videtur esse operam ludere.

Proceres autem ac Primores ordines quod attinet, notandum est Hincmarum testari conuenisse *generalitatem Vniuersorum maiorum tam clericorum quam Laicorum.* Itaque primum omnibus Archiepiscopis, Episcopisque in vniuerso Francorum Imperio ius fuit suffragii in comitiis publicis ferendi. Eodem pertinuerunt & Abbates. Namque & illorum cum primis magna fuit auctoritas. Eoque & Hincmarus Ep. 5. c. 7. Ludouico Baldo suadet, vt inter alios proceres, Hugonem & Gozlinum Abbates minus Regi arquos conuocet, atque ex eorum etiam consilio negotia regni ordinet. Laici deinde Maiores omnes veri fuerunt Ciues. Eo autem nomine comprehenduntur Duces ac Comites. Atque hi quidem videntur & *magistratus* appellari ac *iudices* in antiquis Francorum monumentis. Nam qui plebeios credunt his nominibus significari, illi sanè falluntur. Vt enim alibi probatur, eà tempestate, magistratum & iudicum officia, sola nobilitas administravit. Quinimò Comitum officium non aliud fuit quam iudicum. Vbi ibi etiam rectius exponetur.

Hos porro Proceres iam temporibus Francorum antiquissimis, concilio interfuisse, plurimis quidem testimoniis probare in procliu est: satis autem fortassis est vnum alterumque attulisse. Apud Theganum Chorepiscopum Treuirensis *l. de gestis Ludouici Imp. c. 6. de Carolo Magno* ita legitur: *Imperator cum intellexisset appropinquare sibi diem obitus sui, vocauit filium Ludouicum ad se cum omni exercitu. Episcopis, Abbatibus, Ducibus, Comitibus loco positis, habuit grande colloquium cum iis Aquigrani in Palatio.* Initium legum Alemannicarum ita sese habet: *Lex Alemannorum qua temporibus Lotharii Regis cum Principibus suis, id est 33. Episcopis, 34. Ducibus, 72. Comitibus, & reliquo populo constituta est.* Vbi tamen nulla Abbatum sit mentio, quod nempe primà Francorum aetate nondum id iuris essent adepti. Aetate tamen Caroli Magni eà dignitate iam potitos fuisse Abbates, ex iis quæ attulimus certum est. Taceo enim nunc quod Hincmarus cap. 3. c. 35. disertè scribit, *Episcopis & Abbatibus in concilio populi sua fuisse subsellia.*

Ceterum Carolo Magno & Ludouico Pio eius filio non Germania tantum sed & Gallia omnis atque Italia paruit, itaque tum quidem temporis ad concilium generale ex omnibus illis locis Ordines sunt vocati. At Germania à reliquis illis in proprium regnum cepit post separari, per diuisionem illam inter Ludouici Pii filios tres institutam. Ludouico enim cesserunt præter Austriam, Bauariam, Alemanniam & Franconiam, Frisia, Saxonia, Venedorum portior terra, & Vrbes ad Rhenum. Accessit post & illa portio, quæ cis Alpes ad Lotharium ex eadem diuisione deuenerat, & Lotharii regnum aut Lotharingia hinc appellata est, veteremque Belgicam Galliam penè exæquat. Omnia hæc imperio suo & Henricus Auceps complexus est: ab eo verò per multa secula sequentes Impp. Germanici acceperunt. Adiecit Otto magnus Italiam. Conrado porro Casare & Burgundiarum regnum seu Arelatense cum Germanico & Lotharingico coniunctum est. At post fatale illud interregnum quod Friderici Secundi tempora exceperunt, Burgundici quidem regni Procerum plerique pro se quisque liberum sibi regnum condidere, ac mox in Gallorum Regum potestatem peruenerunt. Multæ quoque Lotharingici regni prouinciæ à corpore Imperii Germanici, siue vi detractæ sunt, siue vltro secessionem fecerunt. Germanici quoque propriè ita dicti regni portiones quædam haud leues Respublicas sibi proprias struxerunt. Nec verò quicquam Germanico quidem regno post Ottonem M. accessit, præter illa quæ trans Albim in Meklenburgensi & Pomeranico sunt tractu, Prussiam item & Liuoniam: quæ vltima tamen iam in ciuitatem Polonicam concesserunt. Non annuero enim Germanicis prouinciis Daniam, Poloniam, Vngariam, et si tributum interdum penderint, Polonia verò etiam leges ex parte acceperit.

Verum hæc latius & pro dignitate deducere eius opera est quæ de prouinciis, & limitibus regnorum omnium Germanicorum agitur. Facile autem ex his manifestum est, prout creuit vel decreuit Imperium Germanicum, ita & numerum Ciuium fuisse inmutatum. Namque Ludouici Germanici ætate quidem, solius Germanici propriè dicti regni Ordines comitia constituerunt: post in idem concilium & Lotharingici status assumpti sunt. Burgundici regni ordines, an Germaniæ concilia frequentauerint, merito fortassis, quis dubitet. Exceperunt enim illam ætatem, quæ primùm coniuncta est Germaniæ Burgundia, ingentes motus, quibus Germaniæ robur fractum

Atum: & ipsi Ordines Burgundici sui iuris esse maluerunt. Italicum quoque regnum sua habuit semper concilia. Certè omnium horum regnorum vniuersale aliquod concilium si habitum est vnquam, non nisi rarissimè est habitum. Videtur tamen penè euismodi aliquod celebratum, cum eligeretur in regem Conradus Saliquus. Historiam illam describens VVippo, *Italiam* (inquit) *trans eo cuius principes in breui conuenire ad Regiam electionem nequiverunt.* Scribit tamen: *Tunc singuli de singulis regnis eadem verba electionis sapissimè reperebant.* Sed tale quid fortassis factum in electione Regum: aliàs autem factum esse vix legas.

Illud verò constat, Lotharingicum & Germanicum regnum ita à temporibus vsque Henrici Aucupis coaluisse, vt vno nomine, iisdem conciliis, pari auctoritate sint vtriusque regni ordines, verèque vnā ciuitatem constituerint. Sed eorum qui ex iis terris ius habuerint verorum Ciuium, numerum inire difficile est. Namque & à monumentis antiquis deserimur, & quæ laudantur sublesta sunt fidei, tum verò longa ætas magnā omnium rerum mutationem fecit.

Circumfertur tamen vetus quædam Ordinum tabula, quā illi in quaterniones diuisi sunt. Inferuit illam operi suo iam olim auctor Chronici Coloniensis editi anno 1499. inferuit & Petrus de Andlo *l. 1. cap. 16. de Romano Imperio*; exhibuit ex posterioribus Munsterus *l. 1. cosmogr. c. 18.* plurimi alii laudauerunt, eoque vulgò nunc in picturas abiit. Nec verò dubitant nonnulli auctorem eius Ottonem III. Imperatorem statuere, prudentiores tamen incertam illi adscribere originem malunt. Verum enim verò qui non videt omne illud incipitum esse otiosorum hominum commentum, in antiquis Imperii rebus nihil videt. Certè hæc diuisiones contra omnem sunt historiæ fidem. Nec verò est quod cum Limnæo *l. 1. c. 7. n. 44* mirari sentiamus, eò quòd in Recessibus Imperii Erphurdia celebratis paragrapho *darauß wir nach außweisung/* Comites Svartzburgenses nominentur titulo *der vier Grauen des Reichs*, aut quòd Recessibus anno 1557. Carolus de Frauenbug subscripserit *des heiligen Römischen Reichs Erbritter.* Huiusmodi enim & alia multa meritis commentis subnixa per incuriam quandam in Recessus irreperunt. Ottonis eertè tertii opus tabula illa nequaquam est. Referuntur enim in eā Duces Brunsvicenses, nec non Thuringiæ & Hassiæ Landgrauii: quos diu post Ottonem constat capisse. Comites porro Sabaudia Arcla-

tensi sunt regni procures : illi verò regno eâ tempestate cum Germanico regno nihil fuit commercii. Lubecam quoque certum est liberis Imperii vrbibus additam demum esse à Friderico I. Barbarossa. Non dicam nunc, quod illa tabula nullos Episcopos, nullos Abbates exhibeat, sileat quoque plurimos Comites, plurimas vrbes Imperiales: quibus in conciliis Imperii iam illa ætate fuit locus.

Aliam tabulam Ordinum itidem per quaterniones distinctam, inseruit *tomo unico constitut. Imperial. p. 34.* Melchior Goldastus, & ex illo repetiit Limnæus *l. i. c. 7. n. 48.* Quæ & ipsa videtur nonnihil antiquior, minùs tamen vulgaris quàm illa prior. Est autem & illa nihil aliud quàm lusus quidam hominis vani & inepti, qui ut multos quaterniores conficeret, totius orbis Respublicas non erubuit suis nugis concutere. Aded autem putida sunt & anilia commenta, ut iis confundendis operam impendere, fuerit operam perdere; neque enim quicquam ferè habet illa tabula fani.

Amplissimum Catalogum Ordinum Imperii eorum, qui intra annos circiter quadringentos Ciuitati Germanicæ adscripti, ius suffragiorum ferendorum in comitiis habuerunt, descriptum ex tabulis publicis (verbo recito) quos Fridericus III. Imperator in Comitiis Ratisbomensibus anno 1471. conscribi & in acta Imperialia inferri mandauit, nec non ex *Recessibus & Imperii Matriculis variis tam veteribus quàm nouis*, proposuit idem Melchior Goldastus *tomo unico Constitution. Imperial. pag. 12.* & ex illo Limnæus *l. i. c. 8.* At satis apparet, totum illud confictum esse ingenio Goldasti: illum verò huc transtulisse omnes qui vnquam *Recessibus* nomina sua subscripserunt: quod constat sæpe à peregrinis Regibus ac Principibus esse factum, in testimonium potiùs & maioris fidei pondus. Id certum est Reges Angliæ, Franciæ, Magnum Ducem Lithuanie, Archiepiscopum Gneznensem, Lundensem, Pragenssem, & plurimos alios nunquam fuisse Ordinibus Imperii accensitos, quos ille Catalogus inter primos locat.

Meliorem & fide digniorem Ordinum Catalogum recitat Paurmeisterus *lib. 2. de iurisdictione Imperii Romani c. 1. n. 17. & seqq.* Quum tamen & ille ex monumentis Imperii haur sit descriptus, non est quod illi fidem tutò adhibeas. Quin ne ex ipsis quidem monumentis antiquis plerisque haud aliud tutò colligas, quàm quinam sint ad concilia vocati, aut quinam concilio interfuerint interdum; aut denique quinam ex decreto publico contribuere quidquam debuerint

in ara-

in ararium Imperii: iure verò an iniuriâ horum aliquid sit factum, non colligas.

Scilicet exitiali peccato per plurima secula neglecta est publici Ordinum Albi confectio, & certa in illud omnium nominum infectio. Accesserunt post à tempore Henrici quarti perpetui ferè civiles motus, cum Cæsareæ dignitatis & auctoritatis tantum non interitu coniuncti. Ipsa quoque concilia magis magisque cæperunt esse sumptuosa. Ex eo verò plurimi paulatim Ciuitate Germanica deserta maluerunt domi viuere immunes & liberi, quàm turbulentis Imperii negotiis immisceri. Nec verò vel illi, qui permanserunt in obsequio, Ordines, videntur hanc mutationem ægris oculis aspexisse: siue quòd & ipsi ad eandem libertatem adspirarent: siue quòd domi regna sibi condentes, aut pace fruenter & otio, publicas Imperii res extra suas curas poneret: siue quòd latentibus omnibus in obliquo sibi procliue videret bona quædam publica interuertere: siue denique desperarent de conseruando Imperii statu. Sanè si ab initio fuisset confectum Album aliquod opum & Ordinū Imperii publicū, si Imperii acta & decreta sanctè semper fuissent consignata, si Cæsaris postremò auctoritas mansisset integra, longè nunc alia esset Ciuium Imperii ratio.

Nempe prudentiæ ciuilis monitum est, ne qua mutatio fiat minus diuitum Ciuium, cauenda esse sumptuosa comitia, aut verò sumptus omnes ex publico faciendos. Quin inuitandos esse omnes & singulos pœnis ac præmiis propositis. Ante omnia autem Album publicum constituendum, inque id omnium, qui iam per ætatem habent comitorum ius, nomina esse referenda. Id sanè optimæ quæque olim Respublicæ obseruauerunt: imò & nunc prudentiores quæque obseruant. Nec verò nulla Respublica huius rei obseruata non fructum magnum, non obseruata autem non magnum sensit detrimentum.

Sed hæc ὡς ἐν πρῶτῳ. Cæterum Sigisfinundo Imp. & post Friderico, Maximiliano, ac Carolo V. videntur maiori curâ Ordines de certo numero Ciuium ineundo laborasse. Eius autem rei incitamentum proculdubio præbuerūt Bohemica & Turcica bella, vtraque vi & auctoritate publicâ gesta; quod à temporibus vsque Friderici Primi per fuit insolens. Etenim cum bellum publicis sumptibus esset alendum, necessarium omnino fuit Ordinum censum inire, quo sciretur quid à quoque esset expectandum.

Ac initio quidem vix potuit error evitari. Erant scilicet illis primis temporibus res Imperii in densissimis tenebris, & omnia adhuc barbaries infestabat. Ad hoc, multorum intererat, ut ampliaretur quam maximè Ordinum numerus, non tam studio quodam Reipublicæ iuvandæ, quam quò in plures diuiso publico tributo singuli minùs onerarentur. Sed & maluerunt multi in Imperii potius quam in provincie alicuius ærarium suam pecuniam conferre: sibi eò & dignitatis multum & libertatis accrescere haud ineptè colligentes. Accesserunt Cæsarum Ordinumque varia circa hanc rem & oeculta studia. Enimuero interest hodie Cæsareæ auctoritatis, ut crescat numerus Ordinum, cum primis verò ut omne quod in provinciis est robustissimum in hunc censum transeat. Vires enim ac opes regni non in paucorum sed plurimorum esse manibus, salus regia est. Quin ipse inter multos de libertate ciuica contentiones, cum parandæ tum conservandæ regie auctoritatis maxima sunt adminicula. Ex aduerso Ordinum quisque sibi mauult alium subiectum quam toti Imperio, sed tamen & vicinus vicini potentiam suspectat. Itaque & inter ipsos illos Ordines occultis hoc in negotio est odiis aut amoribus certatum haud leuiter.

Hicce de causis effectum sanè est, uti hodieque omnis hæc res per sit impedita. Namque primis quidem illis in conciliis à temporibus Sigismundi Cæsaris plures esse errores commissos, vel ex eo statim apparet, quod in omnibus ferè comitiis alia sit matriculæ seu Albi Ordinum ratio. Facile hoc cuius est perspicere, si libeat inter se cõferre Matriculas (quas appellant) conciliorum anni 1431. 1467. 1471. 1480. 1481. 1486. 87. 89. 91. 1507. Liqueat enim multos Ordinibus esse accensitos, qui alibi omittuntur. Tum verò certum est (ut vnum hoc adducam solummodò) concilio anni 1471. inter alia subscriptum esse: *Goslar/ Herr Johan Buchholz mit gewalt Braunschweig/ Hil- desheim/ Göttingen/ Lünebeck/ Hannover vnd Hamelen/ & tamè in nulla Matricula nomina plerarumque harum urbium inueniuntur; imò nunquam alias comitiis Imperii iure plerasque esse vsas certissimum est.*

Agnouerant illud ipsum Ordines omnes, eoque superioris seculi anno 21. maiori diligentia plurimos errores emendarunt, & Matriculam elaborarunt perfectiorem. Sed neque hæc omni ex parte est perfecta. Nam in comitiis anni 1548. Augustanis, exhibitus est Cæsari ab

ri ab Ordinibus magnus sanè catalogus eorum, quos eximendos Matriculâ Imperii pro se quique crediderunt. Edidit eius partem Limnæus *lib. 1. c. 7. n. 73.* at integer habetur *Act. Brunsvicensium part. 2. sect. 2. p. 1084.* Ea propter in Comitibus anni 1570. §. wann dann darneben indictus est locus certus perficiendæ demum Matriculæ. Repetitur idem anno 1576. §. demnach wir ferners/ anno etiam 1594. §. demnach wir auch zum fünfften. Etsi enim in comitiis anni 76. §. wann auch zu Franckfurt das dubium erregert worden welche Reichs matricul. constitutum sit sequendam illam anni 1521. disertè tamen additur: was vnd so viel dann die vörige im Jahre 45. 57. 71. gewesen moderatoren (doch der interponentem appellationibus ohne nachtheil) oder durch nachstünfftige moderatoren oder deputatos geändert wü rde / darnach dann dieselbige erst matricul. endlich erzgänget vnd richtig gemacht werden sol. Ex quibus patet ne sic quidem Matriculam istam, omni ex parte esse perfectam. Probant autem id ipsum quàm maximè acta comitiarum Ratisbonensium anni 1603. Tum verò lites hodieque haud prauæ pendent, à Fiscali Imperii hoc nomine institutæ. Quin Matriculæ insertionem non nisi præsumtionem iuris Status afferre etiam asserit Gallius.

Porro etiam in conuentione Ordinum sæpe hodieque peccari, alios nimirum non vocando, alios verò vocando qui vocari minimè debebant, vel vnica illa epistola Rudolphi II. Cæsaris doceat quæ habetur *part. 2. sec. 2. Act. Brunsvicens. sect. 2. in additione pag. 21.* Acriter enim à Cæsare obiurgatus est Papenheimius Vicemarscallus Imperii ob multos errores in comitiis anni 1602. commissos.

Non est autem quod quis censcat, omnes illos esse Ordinum loco habendos, quibus imponitur nonnihil in ærarium Imperii conferendum. Namq; de Hanſiatici fœderis urbibus constat sanè, ab iis in uniuersum aliquid esse postulatam: ut tamen singulæ non minùs suo loco quotam soluere teneantur. Et verò quid notius est, quàm pleræque huius fœderis, non liberas fuisse vrbes sed provinciales, quoniam tamen magno numero vrbiū illud constiterit. Quin hoc ipsum disertè agnoscitur *Recess. Comitiorum anni 1566. §. Ob dem nicht allein & nihilominus tamen omnes sociæ urbes ad contribuendum publico invitantur, quòd opulentæ sint & periculum id postulet.* Eodem modo & Comites Suenicæ ac Franconicæ Rhenanæque provincie publico tribuant sua, sine suffragandi potestate.

In uniuersum ergo æstimanti, hodieque omnis hæc res est perim-
pedita, nec satis accuratè constituta, magno sanè Reip. malo. Non
tantum vero in dubio est maximo de nonnullis, sintne Ordines Im-
perii nec ne, sed & illud incertum videtur, quum multorum, quibus
olim ius suffragii fuit, opes ad unum aliquem peruenerint, an vni illi
totidem suffragia ferre licitum sit. Sanè nonnullos id sibi nemine
contradicente lumpsisse constat: Brunsvicensis autem familiæ Prin-
cipes nostros id ipsum haud obseruasse, iam antè monuit Ampli ss.
Lampadius tractatus de Republ. Romano Germ. c. n. 19.


Illud tamen constat, Ciuium Imperii alios esse Clericos, alios Lai-
cos. Illius Ordinis sunt Archiep. scopi, Episcopi, Abbates, Abbatissæ,
Magistri Ordinum militarium sacrorum omnes, quotquot hodieque
Imperii Germanici finibus continentur, & territorium aliquod ab
Imperio obtinent. Illi tamen Clerici qui Augustanam confessio-
nem profitentur licet sint istius Ordinis, à iure hoc conciliorum, vi
Transactionis Pragensis nuperæ excluduntur. Ad alterum verò Or-
dinem pertinent Electores, Archiduces, Duces, Principes, Marchio-
nes, Comites, Barones, & denique Vrbes variæ, quæ itidem Imperii
legibus viuentes, territoriorum aliquod Imperii obtinent. Aded vt
hodie quidem illud Ciuitatis ius territorio huiusmodi sit annexum.

Horum autem Ordinum Clericorum & Laicorum, iam Fran-
corum temporibus locum fuisse in comitiis publicis, certif-
simum est. De Urbibus solis nonnihil nos dubios facit, quod
illarum disertè nusquam fiat mentio in antiquis monumentis. Nam
quod à Lhemanno l. 4. cap. 3. *Chron. Spirensis* adducitur è Rhadeuici l.
2. cap. 3. Friderico primo etiam Cæsare ciuitatum consules in Ronca-
lias esse citatos: id ad Italicas vrbes quidem pertinet, at cā ætate lon-
gè inferiore conditione fuerunt Vrbes Germanicæ, quod peroptimè
docet idem vir harum rerum longè peritissimus, eodem capite. Pri-
mis tamē Saxoniorum Cæsarum temporibus in *multitudine* sic dictā
& Urbium fortè nonnullarū delegati fuerunt, fuit sanè & tum multi-
tudi in aliquis in comitiis locus. Liqueat scilicet id ipsum ex electione
Henrici Aucupis quam l. 1. magis verò clarè ex electione Ottonis
Magni quam lib. secundo describit VVitkindus: ex Dithmari item l. 4.
c. 5. vbi describitur electio Hærici Secundi: ex VVippone deniq; quo
toco narrat Conradi Saliqui electionē. Sed *multitudinis* illius maxi-
nam partem videntur constituisse equestris dignitatis homines, quos

de hinc milites dixerunt. Sequentibus tamen seculis omne hoc videtur abolitum: siue quoddam multitudinis nulla propè ratio haberetur, siue quoddam sumptuosiora essent comitia, quàm ut ferendis sumptibus sufficeret, siue denique quoddam nullum ex comitiis fructum speraret. Decimo quarto tamen à nato Seruatore seculo, paulatim Vrbes iterum ad comitia accitæ, quoddam illa tempestate & numerus earum sat magnus esset, & præcipuæ opes & vires Imperii iis continerentur, & nouis sumptibus ad onera publica esset opus quàm maximè. Nunc certè pleno iure conciliorum fruuntur Vrbes illæ liberæ. Nam quod Peuerus scribit lib. 5. Chronicorum eas *nec suffragia ferre, nec sententiam in comitiis dicere*, id verò optimè refellit Lehmannus l. 4. c. 3. fusissimè verò confutarunt in consiliis suis huius materiæ editis Ludouicus Bremptus & Hieronymus zum lamb ex quibus multa transcripsit Limnæus lib. 7. c. 1. quorum scripta compilare non est meum. Et verò de hoc argumento iam satis fortè est actum pro instituto nostro.

* * * * *

Acroamatis I. Finis.





DE
GERMANICI IMPERII
REPVBLICA
ACROAMA SECVNDVM

in quo agitur

DE VRBIBVS
GERMANICIS.



E regni Germanici Urbibus agere quoniam animus est, prius in genere de Ciuitatum & Urbium origine atque caulis quædam præfari, fortè haud abs re fuerit: si modò quid ciuitatis, quid item Urbis nomine indigemus, paucis prius exposuerimus. Ita enim non tantum præstantissimorum philosophorum ductum sequemur, verum etiam multò rectius in sequentibus progredi poterimus.

Est verò *ἡ πόλις* aut Ciuitas, iuxta optimun & dicendi & sapiendi magistrum Aristotelem, nihil aliud quam societas liberorum hominum bene beateque viuendi gratiâ constituta. Vrbs autem propriè mœnibus definitur & loci alicuius munitione.

Esse autem inter hæc maximum discrimen, cum per se manifestum est, tum vel exinde patet, quod totum aliquem Ducatum aut prouinciam Ciuitatem quandam appellare liceat, si nimirum iisdem legibus vtatur, non tamen vnâ Urbem. Absurdum enim foret Peloponnesum v.gr. licet vnis mœnibus cincta esset, vnâ urbem dicere.

Quamquam verò hæc prima sit significatio vocabuli ciuitatis eâ.

D

que ratione ab optimis Latinis antiquis scriptoribus vsurpetur, frequentibus tamen seculis ferè Urbem cœpit notare & nihil aliud. Sic & Urbis acceptio cœpit diffundi ad loca neutiquam munita, modò maiorem ædium frequentiam coniunctam comprehenderent. Scilicet aut sparsim amplis spatiis locatur domus, aut sedibus coniunctis habitatur. Hoc verò sit vel paucis, vel denique ea multitudine cœtibus domibus, quæ ad vitam sic satis bene degendam requiritur. Prior congregatio nobis ein Dorff, Latinis vicus, nonnullis vulgò pagus audit. Altera imò & tertia si mœnibus careat, nobis ein Flecken, sequioris æui scriptoribus minùs Latine Villa, nonnunquam & Urbs dicitur: sola tamen illa tertia ein Stadt appellatur, præcipuè si eadem sit mœnibus cincta, quod propriè classicis scriptoribus Latinis Urbs est.

Sed quicquid sit, quia de nomine tantum est quæstio, non est quod hic operose sumus solliciti, sed nobis quidè *ciuitas* & *urbs* dicantur prout modò definiuimus: interim vocabulo Urbis potissimum utemur, utpote quod omnium commodissimè & structuram & ipsam hominum societatem denotat.

HISCE præmissis nunc videndum, quænam causâ primùm homines commouerit ciuilem aliquam societatem inire, & multis aded legibus sese subiicere.

Sunt autem hac de re diuersæ diuersorum sententiæ. Nonnulli quidem omnem Ciuitatem à tyrannico imperio initium sumisse autumant; quasi nimirum primi tyranni domitos à se populos in vnum coegerint. Alii contrà sponte credunt homines nonnullos coisse, metu tamen quasi coactos, scelere improborum hominum vbiuis latè grassante.

A quibus tamen vtrisque longè dissentit Aristoteles: vult enim ille hominem naturâ, h. e. naturæ innato instinctu ad ciuilem societatem ferri, adeoque naturâ esse animal *πολιτικόν*. Hominem namque etiam omni malorum metu absente, nihilominus naturâ ciuilem hanc societatem appetere.

Videtur autem Aristotelis sententia præ aliis verisimilis, adeoque ut in cæteris ita & hac in re maxime sequenda. Nam primæ quidem illius & secundæ opinionis autores affirmare coguntur, quod si per Adami lapsum non in vitia defecisset humanum genus, nullam futurâ fuisse Ciuitatem; contrà quàm tamen omnino res se habere videtur.

Primò.

Primo enim certum est, homini natura quasi ante lapsum etiam inditum esse sermonem: quorum verò nisi societatis gratia? quippe cum instrumentū hoc nullā alia de causa homini sit concessum, quā ut ea quæ nocent sibi, quæue profunt, & per consequens quid iustum sit ac iniustum eo significare possit, si verò nullus sit cum quo loquaris, ne quidem sermone tibi opus fuerit. Est autem homini sermo non tantum de iis quæ ad domesticam, sed de omnibus etiam quæ quocunque modo ad vitam feliciter degendam requiruntur. Quod si igitur naturā homini datum est illud quod non tantum requiritur ad societatem, verum etiam non aliam ob causam requiritur quā ob societatem, manifestum utique est hominem naturā quoque ferri in societatem civilem: nisi frustra sermonis vsum homini à natura concessum dicere velis.

Secundo certum est & illud, quod licet homines non essent lapsi, tamen quidam ad imperandum, quidam ad parendum, fuissent nati; utpote cum discriminē hoc naturale prorsus sit homini, uti præclare observatum est Aristoteli *lib. 1. Polit. c. 5*. Videmus enim naturā feminam, quoad ingenii & iudicii vires, non minùs ac ratione corporis viro esse imbecilliores: videmus quoque naturā inter iam adultos & pueros, ut ætatis, ita & ingenii discriminē vel maximum reperiri: habent enim pueri natura imperfectam consultandi vim: eoque aliis opus à quibus manu ducantur, virtusque eorum perficiatur. Quod sanè discriminē in omnibus etiam non lapsis animaduertere licuisset; quippe cum & ipsemet Saluator noster, nullo licet peccato contaminatus, sapientiā scribatur profecisse. Ut autem minùs prudens obsequatur prudentiorum consilio & monitis, id verò recta ratio suadere videtur. Hinc itaque patet, tametsi lapsus nullus primorum parentum intercessisset: futurum tamen fuisse ordinem quendam & distinctionem obsequentium & imperantium. Talis autem ordo citra societatem nequicquam potest constitui.

Procul dubio autem etiam tum, alii quidem omnia illa iussissent quæ ad vitam feliciter degendam postulatur; alii verò his in omnibus illis obtemperassent. At ubi est societas imperantium & obsequentium in omnibus vitæ negotiis quæ ad felicitatem requiruntur, ibi est civilis societas. Nihil enim aliud est Ciuitas quā multorum hominum societas perfecta, bene viuendi gratiā instituta.

Tertio & illud constat, quoniam ob mutuam operam & vitam feliciter degenda non ad societates inter se ineundas natura homines ducuntur, licet lapsi non essent, multo certe magis ad civilem societatem eosdem propendisse. Quisque enim quoad fieri potest bene & feliciter quam miserè vivere satagit; atqui id nemini rectius quam in civili societate viventi obtingere potest, ut pote quæ omnium perfectissima est, & totius ferè sufficientiæ summam in sese continet. Vnde rectè inquit Aristoteles 1. Pol. c. 2. *eum qui natura in societate vivere nequit aut extrema malitia esse, aut homine potiorum; etenim coniungi hominibus non posse ferarum est; at coniunctione non egere solius est Dei.*

Quamquam verò tam altè accersenda meritò est origo civilis societatis, omnino tamen concedendum est, aliam longè futuram fuisse faciem Reipublicæ, siquidem homines nullis sese peccatis contaminassent, quàm nunc necessitate exigente passim solet institui. Multa enim nobis nunc profectò deficiunt, & tranquillitatem vitæ plurimum perturbant hominum scelera: quibus omnibus occurrendum nunc est per varii generis artificia, arma, consilia, opes, si modò velimus tranquillè vivere; quorum tamen nullus fuisset usus, siquidem homines in primogenia integritate vitæ perstitissent.

Atque hinc coacti sunt variè se contra perulantissimorum hominum iniurias munire, unde progressu temporis Urbes sunt exortæ: in quibus iam non tantum rerum ad vitæ necessariorum ipsis copia superpeteret, sed quarum etiam beneficio hostium iniurias à se propulsare possent.

CETERUM quò ad res Germanicas transeamus, Urbium nullas Germanorum populis ante mille sexcentos præter propter annos habitatas fuisse, antiquam memoriam repetentibus facile apparet. Enimvero quæ de antiquiore Urbium nonnullarum initio à quibusdam memorantur, figmenta mera sunt & inanes fabulæ, ut quorum fides nullis neque peregrinis neque domesticis monumentis sit subnixæ. De suo ævo, hoc est, ætate Traiani disertè Tacitus, cui res Germanicæ fuerunt compertissimæ: *Nullas Germanorum populis urbes habitari satis notum est: ne pati quidem inter se iunctas sedes. Colunt dispersi ac diuersi, ut fons, ut campus, ut nemus placuit.* Loquitur autem ille de Germaniâ magnâ: in ea scilicet quæ parebat Romanis cis Rhenum Germaniâ Urbes tum fuisse, ipse non semel alibi prodiderat.

iat. Et verò hæc est causa quare pleraque Vrbes Germaniæ vel à fluuiis, vel campis, vel etiam syluis nomen post acceperint: id quod latè deducitur à Philip. Cluu. *Germania Antiqua* l. i. c. 13.

Nec tamen nos Cluuerio facilè in aliis adfentimur, quæ de antiqua Germanorum habitandi ratione ille memorat, quasi nempe illum morem seruauerint quem Tacitus Fennis adscribit, vtut promiscuè Germanis simile quid tribuere Seneca videatur. Sunt autem verba Taciti de Fennis: *nullos iis penates; vestitui pelles, cubile humum: nec aliud infantibus ferarum imbriumque suffugium, quàm vt in aliquo ramorum nexu contegantur: huc rediisse iuuenes; hoc senum receptaculum fuisse, id beatius arbitratos quàm domibus illaborare.*

Neque verò hæc ad omnes Germanos trahenda, sed Fennorum id proprium. Idem certè Tacitus Germanis omnibus non ædium vñ attribuit tantùm, sed & struendi rationem narrat. Venedos idem inter Germanos potiùs referendos censet, quàm inter Sarmatas, quia domos figunt, Sarmatis in plauistro viuentibus. Neque ille Fennos audet Germanis accensere; quin testatur illis *miram fuisse feritatem, sedam paupertatem*; quæ scilicet omnia Germanis erant diuersa. Vt proinde, quæ fuscè & narrat & pingit de habitaculis Germanicis Cluuerius, plus ficti habeant quàm veri.

Id verius & certius præcos Germanos non tantùm dispersos hinc inde coluisse, sed & vicos inhabitasse. Expressè Tacitus: *Vicos locant non in nostrum [Romanorum videlicet] morem connexis & coherentibus edificiis; suam quisque domum spatio circumdat, siue aduersus casus ignis remedium, siue inscitia edificandi.* Dudum antè Tacitum Cæsar l. 4. de bello Gallico scribit Menapios ad vtramque Rheni ripam *edificia vicosque habuisse.* Et verò Historici Romani passim vicos Germanorum memorant & domos, rudes licèt & incultas.

Sed vicos quidem incoluerunt Germani Prisci, Vrbes tamen nullo modo ferre potuerunt, quin potiùs ad exemplum Lacedæmoniorum pro mœnibus iuuentutem suam reputarunt, magno sibi dedecori existimantes mœniis se valloque cingere. Vnde quoque Tençteri apud Tacitum l. 4. Hist. Vbiis istam ignauiam exprobrantes sic inquirunt: *Vt amicitia societasque nostra in æternum rata sint, postulamus à vobis, muros colonie, munimenta seruitii, detrahatis, etiam fera animalia, si clausa teneas, virtutis obliuiscuntur: liceat nobis vobisque vtramque ripam cingere, vt olim maioribus nostris: quomodo lucem noctemque omnibus homini-*

bus, ita omnes terras fortibus viris natura aperuit. Quomodo scilicet Poloni hodieque ex antiquo more oppida munita non magni faciunt, neque eorum nisi exiguum habent numerum.

Neque verò Taciti fidem in dubium quis vocauerit opposito testimonio vel Iulii Caesaris, vel Claudii Ptolomæi, quem paulò post Tacitum ætate Antonini constat Geographica sua conscripsisse. Enimverò Iulius Cæsar & Suevis & Vbiis, utrique Transrhenanorum populo, sua oppida adscribit comment. IV. Suevos postquam per exploratores pontem fieri comperissent, more suo concilio habito nuncios in omnes partes dimisisse uti de oppidis demigrarent: liberos, uxores, suaque omnia in sylvas deponerent. Et comment. IV. Vbiis imperat ut pecora deducant, suaque omnia ex agris in oppida conferant. Neque potest negari Ptolomæum amplius nonaginta in magna Germania recensere loca πόλεις nomine; sed non est dubitandum auctores illos per πόλεις aut oppida nil quicquam aliud quàm vicos non munitos intellexisse. Et verò neque ἡ πόλις, neque oppidum, propriè urbem significat aut locum munitum. Et quidem eius naturæ fuisse tum τὰς πόλεις Germanicas, uel vnum Herodiani testimonium evicerit l. 7 in vita Maximini; cum enim scripisset: vicisque omnes incendendos diripiendosque militibus concessit: subiungit; namque oppida eorum (τὰς πόλεις αὐτῶν) atque ædificia omnia ignis depascitur, uti liqueat Herodiano τὰς πόλεις hic esse idem ac τὰς κώμας.

Pari verò ratione non est quod ex *burgi* appellatione, iam Ptolomæi ævo nonnullis locis adiecta, moenia & fossas Germanis usurpata quis credat. Etenim est *burgus* quidem Romanis sequioris ævi castellum parvulum, ceu testatur Vegetius l. 4. c. 10 at alia significatio obtinuit olim apud Germanos. Disertè enim Orosius l. 7. c. 22. & Iulius I. 9. c. 2. de Burgundionum vocis origine differentes: crebra habet a-cula constituta *burgos* vulgò vocant. Clarius Luitprandus l. 3. c. 12. ipse (Germani scilicet) domorum congregationem qua non clauditur, *burgum* vocant.

Sed quid in re clara opus est verbis? Sanè nemo historicorum qui expeditiones Romanas in Germaniam usque ad seculum à nato Seruatore quintum sat prolixè descripserunt, vel verbulo Urbis alicuius per Germaniam magnam meminerunt. Quin nec vicos aut ædificia aliter describunt ac Tacitus, ceu ex Herodiano est manifestum. Ammianus Marcellinus l. 16. c. 43. narrat Argentoratum, Brotomagum, Taber-

Tabernas, Salifonem, Nemetes, Vangiones & Moguntiacum ciuitates, Germanos transhenanos possedisse quidem, non tamen ipsas Vrbes sed territoria inhabitasse, nam ait, ipsa oppida vt circumdata rebus lustra declinans.

Quin igitur magna Germania nullam habuerit Vrbein ante quintum seculum Christianum non est dubitandum. Sequentibus vsque ad seculum nonum temporibus pauca itidem vel propè nulla extructa sunt à Germanis populis, qui certè Germanico solo non egressi sunt. Neque verò in vilo bonæ fidei Scriptore reperias mentionem vllius Vrbs tanto temporis spatio structa, in immenso illo terrarum tractu qui Danubio, Rheno, Bohemicâ & Thuringicâ sylua vsque in Saxoniam aut VVestphaliâ definitur: si vnum fortè exceperis VVurtzburgum, cuius in vita S. Kiliani fit mentio, ita tamen vt nescias Vrbsne tum fuerit an oppidum aliquod nullis cinctum moribus.

De Thuringia tamen proditur apud Gregorium Turonensem *lib. 3. Hist. Franc. c. 4. & 7.* & VVitikindum Corbeiensem *Hist. Saxonia l. 1.* Vrbein munitam Schidingam ad Vnstrutum sitam à Saxonibus occupatam, quo tempore per Theodoricum Francorum regem Thuringia regnum est destructum, h. e. circa annum 524. Sed præter hanc vnam (cuius nunc etiam vestigia perierunt) Vrbs alia nulla memoratur.

Nec in Frisia vllam Vrbein videntur inuenisse Franci quando regnum eius euersum est per Carolum Martellum, si vnum excipias Traiectum ad Rhenum à Romanis extructum; certè eius æui monumenta nullam memorant Vrbein à Francis occupatam. Venit autem eâ ætate Frisia nomine omnis maritima ora à Rheno ad Visurgim: adeoque & Hollandiam & Zelandiam tum comprehendit.

Id certissimum videtur, ætate Caroli Magni in omni Saxoniâ i. e. VVestphaliâ, Angriuarâ, omniq; illo tractu qui est inter Visurgim, Albim, Melibocum montem & Salam amnem, imò nec trans Albim ad Eidoram vsque, vbi nunc floret Holsteniæ Ducatus, nullam omnino Vrbein inuentam. Cum enim Ab Aimonio inque Annalibus Francicis aut Fuldensibus diligentissimè narretur quid quoque anno in bello Saxonico gestum, quibusue modis libertatem suam Saxones defenderint, Vrbs tamen nullius, vel levis, fit mentio. At uerò obsidere & occupare utiq; debuisset Vrbes Carolus, si quæ tum extric-

sent. Quid? quod soli VVestphali legantur duobus sese castellis
tum defendisse Bresburgo & Sigiburgo. Sapè ne arx quidem vlla à
Carolo inter Visurgim, Salam & Albm, aut trans Albm occupata
memoratur. Quo colligere est nullam tum extitisse.

Enimverò & Urbibus nonnullis & castellis Saxonibus longè altior
origo à quibsdam adscribitur. At proculdubio habenda potius fi-
desiis qui illis quæ narrant vel interfuere vel non procul abfuere:
adeoque ad quos incorruptior fama potuit peruenire. Is verò est
auctor annalium quos laudauimus, & porro antiquus vitæ Carolinæ
Scriptor. Itaque nec Barderiuicum verosimile est mœnibus tum cin-
ctum. Meminit enim eius auctor annalium anno 795. sed mini-
mè vt Urbis munitæ. Poeta ille disertè *nobilem vicum* indigitat. Si-
militer constat ex iisdem annalibus, tū primū Hamburgi iacta fun-
damenta, castello contra Sclauos extructo nomine *Hudbecke* aut *Hu-
bocke*. Testantur enim anno 807. ab exercitu Francico ad albm con-
structum castellum: item anno 808. castella duo ad albm à Carolo
condita aduersus Sclauos; anno verò 810. disertè inquit: *Castellum*
nomine Hobbuchi Albi fluminis contiguit in quo Odo legatus Imperatoris &
Orientalium Saxonum erat presidium, à VVilsis captum. At Hochbu-
chi esse Hamburgum præter alios docet nos Albertus Stadenſis *ad*
annum 811. castelli tantū quoque nomine venit Hamburgum auctori
Annalium anno 845. Mitto alios errores. Vel ex eo autem liquet
nullam urbem inter Visurgim & Albm Saxonibus tum habitam,
quoniam Carolus Episcopos & Bremæ & Verdæ constituit: quam
vtramque Urbem mœnibus tum caruisse constat. Et tamen locis tum
potissimis datos episcopos ex more & lege veteri Christianorum nul-
lum dubium est.

Cæterū in exstruendis Urbibus Germanicas gentes superarunt
Venedi, illi qui circa seculum Christianum sextum quicquid est in-
ter Salam & Vistulam fluuios, mare Suenicum vel Balthicum vsque in
Holstenios Saxones, ea tempestate habitatoribus Germanis vacuum,
occuparunt. Hos enim iam ætate Caroli Magni & Vrbes & castel-
la coluisse, suaque habuisse & Balthicum mare emporia, haud diffici-
le est probatu ex Francis Annalibus, omnium antiquissimo harum
rerum monumento. Memorant enim anno 789. *Dragauniti* Wilco-
rum trans Albm Urbem: anno 808. Obotritorum etiam trans Al-
bm quædam castella & Urbem à Danis aut capta aut oppugnata: *Re-
rich*

rich item nobile emporium ad Oceanum vel potius mare Balthicum ab iisdem destructum *translati inde negotiatoribus*: anno 809. Smeldingorum quandam *Vrbem maximam*, ab Obotritis captam. Hi verò populi Venedici omne trans Albim vixerunt ad Varnum vsque, mare Balthicum, & Cimbricam Chersonesum. Si vera quoque sunt quæ de V Vinetha Vsedomi insulæ Vrbe circa annum Christi 830. vel ab Heldungo Suociæ rege euersâ, vel marinis fluctibus haustâ, à nōnullis (inter quos & Chytræus Saxoniae Lt.) narrantur, habuit iam tum Pomerania littus *Vrbem frequentia commerciorum, magnificentiâ, opibus & potentiâ florentissimam*. Fortè iam tum & Lulinum famosum emporium, & anno 1168. à Waldemaro I. Daniae Rege dirutum, floruit.

Sed de Urbibus illis Venedicis ab ea quidem vsque ætate perobscura memoria superest. Et verò quæ tum maximo in pretio, sequenti tempestate vnâ cum ipsa gentis illius libertate dudum perierunt, quæ verò nunc potissimæ sunt famæ in omni illo trans Albim tractu, illæ aliquot post seculis demum sunt conditæ.

Si verum itaque fatendum est (exceptis pauculis illis Venedorum) trans Danubium quidem & Rhenum, ad vsque seculum Christi novum, nulla Vrbs Germanis est habitata. Sed *Cisrhenana* Germaniæ ab eo vsque tempore quo Gallia omnis per Iulium Cæsarem in prouinciam est redacta, alia semper fuit conditio. Partim enim in ipsa Gallica Rheni ripa, partim alibi passim extructa sunt à Romanis castella plurima, conditæ quoque vrbes quæ paulatim in magnitudinem insignem excreuerunt. De Druso Florus: *Drusus in tutelam prouinciarum præsidia atque custodias vbique disposuit, per Mosam flumen, per Albim, per Visurgim: nam per Rheni quidem ripam quinquaginta amplius castella direxit.*

Germanicæ autem originis populi tum fuerunt, non illi tantum qui ad ripam proximè, sed & qui remotius ab illa, Belgicæ prouinciæ partem coluerunt, quod præclare demonstrauit Philippus Clauerus. Non est verò instituti mei enumerare hic omnia castella omnesque Vrbes in vtraque Germaniæ prouincia, superiore & inferiore, vel primâ ac secundâ, parteque Belgicæ, florentibus Romanorum rebus, ad vsque seculum Christianum quintum extructa. Id operæ est pretium heic notasse, metropolitanas Vrbes tum audiuisse Belgicæ primæ quidem Augustam Treuironum; Germaniæ primæ Moguntiacum; Germaniæ secundæ Coloniæ Agrippinensem: quæ hodieque

fedes præbent tribus primariis Germanici regni Archiepiscopis. Præter autem has tres metropoles, libellus prouinciarum ciuitatumque Galliarum primarias Vrbes has recitat: Germaniarum quidem primæ, ciuitatem Argentoratensium h.e. Strasburg: ciuitatem Nemetum, h.e. Spira: ciuitatem Vangionum h.e. VVormacia. Germaniarum secundæ, ciuitatem Tungre. Vtriusque autem Germaniarum potissima procul dubio illa Agrippina fuit, quod Romana colonia esse meruisset, ut loquitur Tacitus. Eoque & Ammianus lib. 15. vocat eam *Vrbem munitissimam*. Zosimus lib. 1. *Vrbem Rheno adiacentem maximam*.

Itaque iam ea tempestate habuerunt Germani Cisrhenani Florentissimas Vrbes. Fuere autem iam tum, cum alibi in Galliis, tum in prouincia etiam maxima Sequanorum, aliarum iis haud impares. Cis Danubium item celebri fama Vrbes floruerunt per Rhætiā, Vindeliciā, Noricum & Pannoniam. Quæ cum sequentibus seculis in Alamannorum, Baiiorum, aliorumque Germanicorum populorum potestatem deuenerint, hodieque solis Germanis habitentur, Vrbium Germanicarum originem quærentes nefas est latere. Eminuit autem tum inter omnes cis Danubium in Vindeliciis Augusta Colonia, non minus clarâ hodie famâ, mutatis licet eulcoribus.

Cæterum hæc florentissimæ Vrbes & munitissima castella à Germanicis populis qui Rheno & Danubio transgresso in Galliam omnem, Pannoniam, Vindeliciam & Noricum sese effuderunt, aut vastata sunt, aut penitus excisa, aut certè pessimis modis multata. De Galliarum excidio in medio est querela S. Hieronymi ep. 11. *Mogunciacum nobilis quondam ciuitas capta atque subuersa est, & in ecclesia multa hominum millia trucidata. Vangiones longâ obsidione deleti. Rhemorum vrbs præpotens, Ambiani, Atrebatæ, Morini, Tornasi, Nemetes, Argentoratus translatus in Germaniam. Attingit autem ille tantum eam cladem quam circa annum quadringentesimum à Vandalis & confœderatis populis duce Caroco & Godegisilo passæ sunt Galliarum: quam tamen ludum iocumque dixeris præ illa tempestate, quam Attila cum omnibus ferè Germanicis gentibus sibi sociatis Galliarum intulit. Et tamen de Caroco memoriæ proditum est ab Aimonio l. 3. c. 1. quærenti quomodo magni nomen consequi possit, respondisse matrem: *maximus Vrbibus & munitionibus destructis & incolis interfectis: neque enim posse eum pulciores firmioresque Vrbes condere, eoque proximum esse earum euersione belli gloriam ad posteros propagare. Quod ille consilium* *haud**

haud segniter est persequutus.

Passæ autem hanc cladem ad Rhenum sunt potissimum maxima illa Sequanorum Prouincia, inque ea nobilissima Vibes Vindonissa & Augusta Rauracorum, vt & Germania prima vel superior, huiusque Vibes Argentoratus. Paulò mitius Germaniam secundam & Belgicam primam alteramque Franci videntur tractasse: neque enim mœniis leguntur Vibes nudasse, etsi incolarum magna parte trucidata, etiam ipsi solitudinem propè iis induxerint. Et sanè ea de causa Belgicæ viriisque & Germaniæ primæ Vibes post illam tempestatem primæ omnium videntur respirasse.

Quamuis verò deuictis Alemannis, Burgundis & Baiariis quicquid cis Rhenum & Danubium Germani occupauerant, in dittonem Francorum perueniret, Merovingâ tamen regiâ familiâ rerum potente, pauca Urbium antiquarum valuerunt ex ruinis nonnihil resurgere, tantum abest vt pristinum splendorem recuperarint, vel in maiorem amplitudinem excreuerint. Multò minùs nouæ quædâ Urbes tum conditæ. Nihil sanè horum legas in eius æui monumentis. Bene Franciscus Guillimannus *l. de episc. Argent. c. 3. In agriculturam, relicto deinceps bellandi ex parte studio, cuncti Alemanni Francique vicis incoluere, neque quas recuperauerant vrbes vel munimenta instaurarunt, aut serè habitauere, siue ne rursus illi vt antè sapius eicerentur à principio formidarent: aut vetere & ex Germania allata consuetudine manendi in aperto. Vix semel legere est: Chilpericum regem misisse ad Duces & Comites ciuitatum, vt muros urbium, resque suas cum vxoribus & liberis intra murorum munimenta concluderent, atque repugnarent viriliter, sinecessitas exigeret. Frigidum certè mandatum caruit effectu, nec quis paulò nobilior temerè intra mœnia recessit.*

Scilicet tum fuit quod incrementum daret Urbibus: non immunitas incolarum: non commercii frequentia: non inhabitatio denique illustrium hominum quorum vita profusior attrahit opificum aliorumque ministrantium manum. Quæ omnia diu pòst insequutis temporibus demum euenerunt. Igitur aut sine mœnibus inter rudera sua manserunt tum illæ Cisterhenanæ & Cisterdanubianæ Urbes, aut verò si mœnia antiqua seruarunt, incolis destitutæ magnas solitudines comprehenderunt.

Paulò melior fortuna videtur eas respexisse sub Carolingis. Omnes scilicet nobiliores Urbes Episcopos tum acceperant, adeoque x-

dibus sacris & monachorum claustris passim ornatae sunt. Mitigatus quoque imperii in ciues pristinos rigor videtur, & pacatis magis Germaniae rebus, sine dubio commerciis quoque locus maior est apertus. Sed tamen hanc fortunam vnâ cum imperio Francorum, cis Danubium quidem Vngarorum, cis Rhenum verò Normannorum, in mediam Germaniam fœda & crudelissima incursiones turbaerunt. Quam rem acerbissimis querelis eius æui Scriptores persequuntur: ex quibus constat pleraque tum Urbes iterum ferro & igne omne decus perdidisse.

Sed Saxoniorum Caesarum imperio uti toti Germaniæ ita & Urbibus noua lux affulsit. Eum verò statum antequam exponamus, fortè operâ fuerit pretium paucis exponere quæ Reipublicæ facies fuerit priscæ Germaniæ: quæ conditio Urbium prouinciarumque, & antiquo Romanorum, & subsequenti Francorum imperiis florentibus. Hisce enim expositis & Urbium & vicorum Germaniæ vetus quidem fortuna clarissime elucescet, & quæ post inualuere longè reuerti poterunt doceri.

DE REPUBLICA autem acturos ante omnia latere nequaquam oportet aliud esse noscere integram aliquam Urbem, & aliud cognoscere rempublicam alicuius Urbis. Quæ enim distinctio est inter cognitionem totius & cognitionem partis principalis, ea quoque differentia est inter notitiam integre alicuius Urbis & cognitionem Reipublicæ. Nam omnis ciuitas notat perfectam hominum societatem beatè viuendi gratiâ institutam; Respublica autem ac πολιτεία est quasi anima ac ratio & forma illius societatis, & quidem potissimum circa partem imperantem aliosque magistratus ac iudicia.

Sanè qui integram aliquam ciuitatem nouit, idem non potest ignorare & statum seu formam illius societatis, hoc est, Remp. at verò qui Remp. tantum nouit, nō nouit omnia quæ ad ciuitatem pertinent: quamplurima enim ad eam requiruntur, quæ nequaquam Reip. nomine veniunt. Primum enim omnis Ciuitas constat multitudine hominum, constat etiam loco quodam: postulat deinde alimenta, postulat præterea & munimenta aliaque quamplurima, utpote cum non vnus tantum commodi gratia sit instituta, sed omnem prorsus respiciat vitam. Vnde qui propositum sibi habet integre alicuius Ciuitatis naturam pernoscere, illi profectò ad omnia isthæc & similia est attendendum. At cum πολιτεία seu Resp. denotet solum constitutionem

nem ciuili alicuius societatis circa regimen eius ac magistratus & iudicia, manifestum est, qui horum sibi noticiam comparauit in aliqua Ciuitate, illum ea quæ ad Rempubicam istius Ciuitatis attinent, omnia penitus habere explorata.

In Germania igitur antiquam rempubl. inquirentibus, principio notandum, maiores nostros propter ingenitam animorum feritatem non tantum nullam communem habuisse Rempubicam, sed ne iunctas quidem sedes inter sese passos esse, quod cum ex aliis, tum vero omnium optimè ex C. I. Cæsare licet cognoscere; ita enim ait ille 6. comment. libro: *Ciuitatibus maxima laus est; quam latissimis circum se vastatis finibus, solitudines habere, hoc proprium virtutis existimant, expulsi agris finitimos cedere, neque quenquam prope se audere consilere: simul hoc se fore tutiores arbitrantur, repentina incursum timore sublato.*

Quapropter in Romanorum monumentis videmus eos non cum vicinis tantum gentibus, verum etiam inter sese perpetua bella gessisse. Et certè florentibus Romani imperii rebus, nullus fuit populus magis ad bellum natus, qui que plus Romanis negotii faceretur, quam Germani. Et Tacitus quidem libro de moribus Germ. cap. 37. Martium illum animum his verbis prodit: *Sexcentisimum & quadragesimum annum urbs nostra agebat, cum primum Cimbrorum audita sunt arma, Cæcilio Metello ac Papiro Carbone Coss. Ex quo si ad alterum Imp. Traiani consulatum computemus, ducenti ferme & decem anni colliguntur: tam diu Germania vincitur. Medio tam longi cui spatium multa inuicem damna, non Samnis, non Pœni, non Hispania Galliae, ne Parthi quidem sepius adnuere: quippe regno Arsacis acrior est Germanorum libertas, &c.* Hæc ille, maiora profecto dicturus, si fractas Imperii Romani vires Germanicis manibus conspexisset.

Verum enimvero tamen non in vnam Remp. tot populi potuerint conspirare, vnus licet originis atque eiusdem linguae essent: singulis tamen non fuisse nullam Reipublicæ formam, vero valde est simile, & ex antiquis quoque monumentis licet colligere. Sicuti enim in vniuersum nulla societas sine legibus stare potest, ita quoque populos istos feroces, ut non absque societate, sic nec absque legibus & imagine quadam Reip. vivere potuisse certissimum est; licet optimam quidem Reip. formam non habuerint, utpote qui rudes essent & veræ virtutis ignari.

Quænam verò ea fuerit & ostendunt nobis clarissimè Romanorum.

scripta, & verò iis etiam tacentibus ingenium & mores ipsorum eandem abundè produnt. In tanta enim animorum ferocia & fortitudine, quis dubitauerit incredibile quoque fuisse libertatis studium? Est quippe libertas finis quasi fortitudinis, omnisque militaris rei & gloriæ mater vel nutrix. Et verò hanc ubique etiam à Romanis hostibus nostris deprædicatam legimus, atque eò quidem magis quò agriore animo ereptam sibi eandem per Cæsares dolebant, Sufficiat vnus è multis Lucani testimonium adduxisse, qui *lib. VII. hist.* sic canit:

*Libertas ultra Tanaim Rhenumque recessit,
Et toties nobis ingulo quasira negatur,
Germanum Schyricumque bonum.*

At verò vbi libertatis cura maxima, ibi indubiè non potuit non sponte sponte prodire aliquid illius Reipublicæ, quam popularem vel Democraticam vulgò appellitamus. Hæc enim sese præ omnibus effert ciuium suorum libertate: aded vt libertatis vocabulum Regio & Oligarchico dominatui ab optimis Scriptoribus plerumque soleat opponi, & multi iuxta Philosophum *6. Polit. c. 2.* in sola hac Reip. forma libertatem se consequi posse arbitrentur.

Quamuis autem hæc ita sese habuerint, verisimile tamen per se statim sit, etiam silentibus imò amissis Romanorum monumentis, non potuisse meram aliquam democratiæ tum temporis vllò in populo Germanico obtinere. Vbicunque enim populus rudis est, audus tamen bellandi, sponte suâ statim abitur à pura Democratiæ formâ, & nonnihil Aristocratici status suboritur, potestatem quamlibet maiorem necessitate tantùm nobilioribus adeoque prudentioribus imponente. Itaque non potuit non commune olim fuisse omnibus Germaniæ ciuitatibus Reipublicæ formam non simplicem habere, sed ex populari & optimatum statu temperatam.

In quibusdam verò etiam necessariò aliquid regium, Laconicum tamen aut Aesymeticum non potuit non commisceri. Neque enim bella administrari rectè nisi vno imperante possunt, qui perpetuus sit necesse est, si quidem non multi fuerint paris prudentiæ, bellum tamen perpetuò trahendum sit.

Ad hunc verò modum Germanicos populos Rempublicam suam olim instituisse, multis testimoniis veterum Scriptorum aliàs ostenditur. In ipsis autem Germanicis vicis ex parte penes nobiles, ex parte

parte penes plebem ingenuam arbitrium fuisse Republicæ, vel vnus Tacitus nos docuerit. Disertè enim testatur fuisse Germanis Principes qui iura per Pagos Vicosque reddiderunt. Hos autem fuisse nobili stirpe natos idem prodit: insignis, inquiens, nobilitas aut magna patrum merita Principis dignationem etiam adolescentulis assignant. Iuris itaque dicundi potestas in singulis Germaniæ vicis penes vnum aliquem fuit nobilem. Verùm ille solus quidem ius illud haud tenuit, sed ex ipsa plebe delecti nonnulli, iudicio assessores dati. Disertè iterum Tacitus: centeni singulis ex plebe comites, consilium simul & auctoritas adsunt. Ingenuos autem hos comites seu assessores fuisse non seruili aut libertino genere natos, itidem nos docet Tacitus: Liberti (inquit) non multum supra seruos sunt, raro aliquod momentum in domo, nunquam in ciuitate, exceptis dumtaxat iis gentibus, quæ regnantur. Ibi enim & super ingenuos & super nobiles ascendunt. Apud ceteros impares libertini libertatis argumentum sunt.

Illis verò Principibus nullum fuit ius aut tributum suis indicendi aut leges statuendi, nullum item fuit belli ac pacis arbitrium nisi plebis consensu impetrato. Principum porro illorum successio neque planè hereditaria fuit, neque plenè electitia, ætate quidem Taciti; sed ea quæ hodie in Daniâ & Poloniâ est Regum. Constituti scilicet sunt in maioribus totius populi comitiis. Clare Tacitus: eliguntur in iisdem conciliis & Principes: adeoque eligendi ius non fuit penes vnus alicuius pagi incolas, sed apud optimatum & delectorum ex omni plebe concilium.

Verùm hæc alibi rectius docentur; id hoc loco adiiciendum solummodò est, principes illos quos appellat Tacitus, ab antiquissimis usque temporibus Germanicè *Graven* dictos, utpote cùm hæc vox iudicem significet. Assessorum quoque illorum iam antiquitus receptum nomen Germanis est *Schepen / Schöppen / Schopffen*. Quo liquet antiquissimis illis temporibus iurisdictionem in pagis & vicis fuisse penes *Graviones* & *Scabinos*, aut delectos ex ingenuis, nulli autem omnem eam commissam vel soli plebi, vel vni alicui præcipue nobilitatis.

Quæ iurisdictionis autem, eadem & meri mixtique imperii fuit ratio. Neque enim legas, vel delectos illos Scabinos sine *Gravione*, vel sine Scabinis *Gravionem* in quenquam animaduertisse. Ita nec de summa Reipublice quidquam constituere vel plebi licuit soli, vel soli

Grauioni: sed ad concilium, si quid maioris rei esset constituendum etiam ex plebe delegati una cum Principibus conuenerunt: quod expressis verbis docet Tacitus. Absque dubio tamen in omnibus his maxima vis & auctoritas Principum fuit. His enim inter se de minoribus rebus consulere & statuere fas, etiam inconsulta plebe: de maioribus negotiis *res publica* fuit; cuius quæ vis sit notum prudentioribus. In iure dicundo etiam Scabini suis Grauionibus *consilium* solummodo & *auctoritatem* addiderunt; potissima autem potestas aded fuit Grauionum illorum, uti nulla plebis facta mentione simpliciter dicat I. Cæsar comment. 6. *In pace nullus est communis magistratus: sed principes regionum atque pagorum inter suos ius dicunt, controuersiasque minuunt.*

Hæc antiquissima Reipublicæ Germaniæ forma, ut omnibus eius populis placuit, ita & in Saxonia obtinuit ad usque ætatem Caroli Magni. Omnes enim pagi seu gouæ (ut semigermanicâ utar voce) habuerunt suos Comites, [quomodo Grauiones *asperunt* dici] qui iura dicerent cum delectis è populo aut scabinis. Ita & in vicis omnibus, quorum pars Urbium dignitatem post accepit, iurisdictio Comitum fuit, simulque merum ac mixtum imperium; ut tamen & in his locum aliquem suum plebs per delectos seruaret. Cum autem tres in populos adeoque totidem Ciuitates Saxonia diuideretur, ne singulis quidem pacis tempore unus aliquis communis magistratus fuit, sed imminente bello, comitum aliquis, prout virtute fuit maior, in sua gente Dux creatus est, *certis terminis exercitus congregandi contentus*: quæ verba sunt VVidekindi Saxoniorum Scriptorum antiquissimi. Nec verò trium populorum communis aliquis Dux electus, *nisi vniuersali bello ingruente. Quo peracto* (iterum verba sunt VVidekindi) *aquo iure ac lege, propria contentus potestate unusquisque vivebat.* Verum hæc testimoniis ostendere alterius est instituti.

Igitur nulli cum vici, nulli pagi non sub Grauionibus fuerunt, illustri & antiquissimâ ortis protapia. Nec tamen illis liberâ fuit aut infinita in plebem ingenuam potestas; sed in ipsius iurisdictionis partem hæc venit, tantum abest ut legum, pacis & belli arbitrium ad solos Grauiones pertinuerit. Hæc autem omnia uti in proclui est demonstrare, ita fabulosa liquet esse quæ a nonnullis memorantur de eius tempestatis Republica. Quasi nempe Saxonia metropoles aliquot habuerit, easque libertimâ potestatis, nullique nobilium im-

perio

perio subditas. Aut, quod alii narrant, omnem iurisdictionem cum mero ac mixto imperio, item arbitrium belli & pacis, tantum in Comitum vel vnius Regis infinita potestate fuisse collocatum, plebi obsequii gloria tantum relictâ.

SED AB antiqua illa libera Germaniæ Republica ad eos pergendum est, qui in Romanorum imperium concesserunt. Cisrhenanis igitur Germanicis populis postquam in Romanorum ditionem peruenierunt haud est dubium parum vel nihil pristinae libertatis reliquum mansisse. Dura quippe prouinciarum sub Romanis fuit conditio. Accipiebant enim ab iis magistratus suos & iudices annuos cum imperio & securibus; qui iuxta mores & præscripta Romanorum eos viuere cogerent, propriis ipsorum legibus & institutis abrogatis: imò quò magis seruitutem agnoscas, lingua non sua sed Roman. vti oportuit. Ciuilis Batauis apud Tacitum l. 4. Hist. Treueris genti origine Germanicæ seruitutem illam exprobrans, sic inquit: Vos autem Treueri, ceteraque seruientium anima, quod pretium effusi toties sanguinis expectatis, nisi ingrati militiam, immortalia tributa, & dominorum ingenia? Scilicet tria potissimum fuerunt seruitutis tum incommoda. Primum quòd cogerentur habito delectu eoque iniquissimo, Romanis etiam inuiti militare. Alterum quòd immanibus tributis per publicanos i.e. harpyas & hirudines attererentur. Tertium, quòd herilem magistratum quotannis Româ acciperent, qui cum fascibus ac securi, abolitis patriis legibus, ius diceret. Nec verò dubium est hanc fuisse conditionem penè totius vtriusque Germaniæ. Attamen Batauis in Rheni insula ad suam vsque ætatem mansisse honorum & antiquæ societatis insigne, prodit Tacitus: viros tamen & arma imperio ministrarunt, auarissimè interdum delectum exercentibus Romanis: quâ de re extat Ciuilis querela apud Tacitum l. 4. Hist.

Urbium quoque si non omnium, multarum tamè & cis Rhenum & cis Danubium haud paulò melior felicitas. Namque nonnullæ coloniarum, aliæ municipiorum iura acceperunt. Onuphrius Panui-nius l. 3. comment. septem numerat colonias Galliæ Belgicæ: Agrippinam Vbiorum, Augustam Rauracorum, quæ hodie sit Basilea, Augustam Treuororum, Augustam Vlpianam Traianam, Coloniam Iuhonum, Lutarburgium Tarbelliorum. Quæ omnes in Germania Cisrhenana fuerunt, si vnam excipias & alteram: quanquam fortè nec Iuhonum aliqua colonia fuerit, populi sc. non cis sed Transrhenani, quod rectè ostendit

Cluuerus l. 3. *Germ. antiq. c. 8.* Iam verò harum coloniarum Agrippinensem fuisse iuris Italici scribit Paulus l. in *Lustr. S. 2. ff. de censib.* Idem porro Onuphrius colonias Rhetiae quinque recenset: *Augustam Quinranorum, Augustam Tiberi hodie Reginoburg, Augustam Rhetorum, Coloniā Constantiam, Curiam:* Vindelicorum vnam *Augustam Vindelicorum.* Taceo nunc Norici colonias: quam terram omnem hodie incolunt Germani. Alias porro nonnullas Vrbes fuisse municipia, vel vnum hoc testimonium Ammiani Marcellini ostendit l. 15. *Prima Germania: ubi prater alia municipia Moguntiacus est, & Vangiones, & Nemetes, & Argentoratus barbaricis cladibus nota.*

Constat verò colonias quidem Reipubl. suae administratione effigiem quandam Romanæ retulisse. Nam ut Roma erat populus & senatus, (verba sunt Onuphrii) sic hi novos colonos in decuriones & plebem diuidebant: decuriones senatus, plebs populi Romani imaginem referebat. Ex decurionibus singulis annis duo vel quatuor viri creabantur iuxta colonia magnitudinem vel paruitatem, qui dumuiri vel quadrumuiri iuri dicundo vocabantur. Hi consulum Romanorum speciem representabant. Creabantur insuper Aedilis, qui viarum, edificiorum publicorum; item Quaestor qui ararii publici, curam habebat. Atque hi erant praecipui colonia magistratus: in ceteris omnibus more, legibus, & institutis Romanis vivebant. Ius porro Italicum quo Agrippina olim floruit, si communi credimus interpretationi, immunitatem tributorum dedit; si Cuiacio l. 3. *obseru. c. 35.* leuationem censitionis: fecit autem porro ut in reliquis eodem iure sit eius colonia respubl. quo ipsa Italia, puta in traditionibus nexi, in usucapionibus, in annali exceptione & in iure capiendi.

Municipiorum rationem Gellius nos docet l. 16. c. 3. *Municipes, inquit, sunt ciues Romani ex municipiis suo iure & legibus suis vrentes, muneris tantum cum populo Romano honorarii participes, à quo munere capefendo appellati videntur, nullis aliis necessitatibus, neque ullà populi Romani lege adstricti.* Itaque vero simile fit, sicut colonias Romanorum, ita municipia illa Germanica, Germanorum mores, ritus & leges maxime obseruasse.

Ceterum & alia dara multa passæ sunt omnes illæ Vrbes, & illud praecipue non potuit non esse acerbum, quod perpetuo praesidio militari tenerentur. Scilicet & Germaniæ primæ, & Germaniæ secundæ, & Belgicæ primæ metropoles sedē ac domicilium praebuerunt *Ducibus, reliqua oppida praefectum militum, cum validâ & numerosa militum manu.*

manu. Quæ res quomodo circa Arcadii & Honorii tempora sese habuerit, exponit optimè liber vetus, cui titulus *Notitia vtriusque Imperii*, quem insigni commentario illustrauit Guido Pancirolus. Quorum scrinia nolimus compilare. Adèd impotens verò tandem fuit Romanorum dominatus, vt omnis libertas sublata, omnia iura tandem confusa sint.

Quo factum vt prouinciæ pertasa laborum scelerumque Romanorum, externa nouaque imperia circumspicere cœperint, præ aliis verò Francos dominos desiderauerint. Testatur id Gregorius Turonensis l. 2. c. 23. *Terror Francorum resonauit in his partibus, & omnes eos amore desiderabili cupuerunt regnare.* Item cap. 36. *Mulci tunc ex Gallis Francos dominos summo desiderio cupiebant.* Nec verò Romanorum corruptissimos mores & latrocinia quis satis mirabitur, solius si Saluiani Massilensis libros de Prouidentia eâ tempestate scriptos inspexerit. Et verò Franci, quorum teste Eginharto in vit. Caroli M. *semper Romanis & Græcis fuerat suspecta potentia*, tandem etiam omni Romanos ditione exuerunt, magnamque imperii illorum partem sibi subiecerunt.

CATERVM nec Franci subactos à sese populos multum leuiore imperio quàm Romani continuerunt. Non enim verum est, quod l. de origine Saxonum scribit Reineccius: *Francos in Germanici nominis prouinciis subactis imperio contentos, nulla alia re indigenis graues fuisse.* Est enim in promptu ostendere Francos more Romanorum prouinciis sui per Germaniâ, Galliam, Italiâ & grauissima tributa imposuisse, & magistratus dedisse, qui ex ipsorum nutu penderent, alios ordinarios, alios extra ordinem delegatos, ius quoque militem legendi ex omni ingenuorum numero sibi sumplisse. Quorum omnium potestas cum Regibus esset commissa, procedente tempore regaliū vel regaliarum noua vox, aut noua certè vocis acceptio, hinc inualuit.

Non est nostri instituti argumentum hoc plenius exponere, suffecerit nunc adducere in medium Italicæ gentis propriam de iure illo regio confessionem à Friderico I. Cæsare iis expressam. Radeuicus eius ætatis Scriptor l. 2. c. 5. rem illam ita narrat: *requisitique de hoc iure quid esset, adiudicauerunt Ducatus, Marchias, Comitatus, consularatus, monetæ, telonia, fodrum, vectigalia, portus, pedatica, molendina, piscarias, omnemque utilitatem ex decursu fluminum prouenientem: nec de terræ sanctorum, verum etiam de suis propriis capitibus census annui reddicionem.*

Hisque omnibus in fiscum adnumeratis &c. Guntherus l.8. de eodem negotio in hunc modum canit:

Ac primum Ligures super hoc à Rege rogati:
Vectigal prorsus, cunctanda iura moneta,
Cumque molendinis telonia, flumina, pontes,
Id quoque quod fodrum vulgari nomine dicunt,
Et capitolicium certo sub tempore censum:

Hæc Ligures sacro tribuerunt omnia fisco.

Ius feudale Longobardicum l.2.r.56. hæc loquitur: Regalia: armaria, via publica, flumina nauigabilia, quæ vulgò dicuntur telonia, moneta, mulctarum poenarumque compendia, bona vacantia, & quæ ut ab indignis, legibus auferuntur, nisi quæ specialiter quibusdam conceduntur: & bona contrahentium incestas nuptias, condemnatorum & proseriptorum, secundum quod in nouis constitutionibus cauetur: angariarum, parangariarum, & plaustrorum & nauium præstationes, & extraordinaria collatio ad felicissimam regalis numinis expeditionem; potestas constituendorum magistratuum ad iustitiam expediendam: argentaria & palatia in ciuitatibus consuetis: piscationum redditus & salinarum, & bona committentium crimen maiestatis, & dimidium thesauri in loco Caesaris inuenti, non datâ operâ, vel loco religioso: si datâ operâ, eorum ad eum pertinere.

Non tantum autem hæc in Italis post deuictos Longobardos, sed & per Galliam & Germaniam in subditis prouinciis obtinuerunt. Sanè hoc durum iugum & Alemannos cum Baiuariis, & Frisios omnes à Rheno ad Visurgin vsque, & Thuringos, Cithrenanos etiam Germanos omnes florenti Francorum imperio passos, aliàs ostenditur. Scilicet fumebant sibi Franci in populos deuictos iura victorum ex more Romano: itaque aut tributarios tantum eos reddiderunt, aut si planè sibi subiecissent, magistratus & iura etiam dederunt. Et verò illud belli in victos ius, vnicum fundamentum est regaliarum quas appellant: ut nihil iniquius sit iis, qui in omni libero principatu aut regno eas regibus conantur vindicare.

Enimverò ipsi Franci siue Orientales siue Occidentales ab his oneribus immunes, non eam regibus suis seruitutem debuerunt. Neque enim tributum aut censum penderunt, sed sola annua dona regibus contulerunt, præter multæ partem. Seruata sc. pristina consuetudine, omnibus olim Germaniæ liberis populis usurpatâ. De qua

Tacitus

Tacitus: Mos est ciuitatibus ultro ac viritum conferre Principibus vel armentorum vel frugum, quod pro honore acceptum etiam necessitatibus subuenit. Item: pars multa regi vel ciuitati, pars ipsi qui vindicatur vel Propinquis eius exsoluitur.

De Saxonum sub Francis conditione res videtur explicatu impeditior. Adamus Bremensis c. 6. Thuringi & Saxones, itemque cetera quae iuxta Rhenum sunt nationes, ex antiquo Francis tributaria leguntur. Quibus deinde à Regno eorum deficientibus, Pipinus genitor Caroli bellum intulit. Crancius l. i. Sax. n. c. 31. Lotharium regem tributum annuum Saxonibus imposuisse scribit quingentorum bouum circa annum 572. Annales Francici ad annum 758. Pipinus coegit Saxones, ut promitterent se omnem voluntatem eius facturos, & singulis annis honoris causa ad generalem conuentum equos trecentos pro munere daturus. Sequutum deinde bellum illud atrox cum Carolo Magno, ac tandem pax composita. Leges pacis ita memorat Eginhartus: ea conditione à rege proposita & ab illis subscripta, tractum per tot annos bellum constare esse finitum, abiecto damonum cultu, & reiectis patriis ceremoniis, Christiana fidei atque religionis sacramenta perciperent, & Francis adunati vnus cum eis populus efficerentur. Quibus verbis videtur indicari Saxones in parum cum Francis libertate relictos. Poetafter antiquus vitæ Carolinæ scriptor paulò plenius rem exponit: ut antè ex ipsius allegata poesi pag. ii. videre est.

Faciunt huc verba nonnulla in tabulis quibus Episcopatum Bremensem instituit Carolus Magnus. Seruauit v. nobis eas Adamus Bremensis, & qui exscribere illum solet Albertus Stadenfis, & post vtrumque Crancius: Saxones pristina libertati donatos, & omni nobis debito censu solutos, pro amore illius qui nobis victoriam contulit ipsi tributarios addiximus, videlicet ut qui nostra potestatis iugum hactenus ferre detreuerunt, victi iam Saluatori nostro Iesu Christo & sacerdotibus eius omnium suorum iumentorum & fructuum, totiusque culturae decimas, & nutritura diuites ac pauperes legaliter constricti persoluant. Pertinet huc & illud antiqui scriptoris de vitis Romanorum Pontificum, qui vulgò Luitprandus creditur, in vita Hadriani secundi: Karolus omnes decimas, ait, in saxonia constituerat ad regale seruitium, & eas rex dare potuit cui voluit.

Ex his verò constat, tametsi Saxones initio penderint tributum Francis, more aliarum gentium victarum, illo tamen onere à Carolo

liberatos, pristi nãque libertati hæcenus restitutos, nisi quod decimas soluere tenerentur cultui diuino. Constat porro magistratum collationem Regem sibi sumpsisse. Quod sc. antè penes totius populi concilium fuit, id imposterum Regio arbitratui est commissum. Fuit autem tum duplex magistratus, alius nempe Ecclesiasticus in Episcopis circa sacra & cultum religiosum occupatus: alius ciuilis, uti vocant, isque vicissim vel status vel extra ordinem missus. Et status quidem *Iudicum*, alter *Legatorum*. Quorum nominum illo quidem *Grauiones*, qui tum Latinum nomen ex more Romanæ reipubl. acceperant *Comitum*, hoc verò significari eos qui aliàs Francis *missi* audiunt, benè notat doctissimus Reineccius. Quæ iurisdictionis ratio in ipso Francorum libero populo fuit. Ut proinde rectè queat dici, concessisse Saxones in eandem cum Francis ciuitatem, *equali libertate* gaudentes: eoque illorum conditionem longè meliorem mansisse quàm reliquis prouinciis.

Si hic autem fuit status Saxoniarum sub Carolo, non potest non falsum esse quod legitur in vita Ludouici Pii à P. Pithæo edita, utut eadem verba recitet Aimoinus l. 5. c. 10. Quo etiam tempore Saxonibus atque Frisonibus ius paternæ hereditatis quod sub patre (Carolo M.) ob perfidiam legaliter perdiderant, Imperatori à clementiâ restituit. Quod alii liberalitati, alii imprudentiâ assignabant, eò quòd hæc gentes naturali libertati assuescæ talibus habentis deberent coerceri, ne sc. effrænæ in perduellionis procacitatem ferrentur. Imperator verò (Ludouicus) eò sibi arctius eos vinciri ratus quò eis beneficia potiora largiretur non est spe sua deceptus. Nam post hæc easdem gentes semper sibi deuotissimas habuit. Ac iure paternæ hereditatis soli serui carent. Saxones autem omnes nunquam sunt in seruitutem redacti. Sed & Frisii libertatem relictam constat ex ordinibus Adelingorum, ingenuorum, litorum & seruatorum, qui in eorum legibus antiquis disertè memorantur. Ut taceam illos omnes ne quidem armis vnquam victos à Francis, sed qui trans Fleuum sunt, sponte sua post deuictum Radbodum in Francorum ditionem concessisse, quod legitur in vita S. Ludgeri. Certè Carolo viuo perfidiæ nunquam notari: quare, si antiquæ famæ credendum, rerum cnm fide & virtute gestarum præmium auitam ex parte libertatem recuperarunt. An Saxoniarum Frisiarumque Grauionibus concessa tum à Ludouico hæreditaria quasi successio imperito Scriptori minùs rectè intellecta fuit? Quicquid sit, ne illud quidem quod

Vide.

Videkindus scribit l. i. S. Viti patrocínio per Henricum & Ottonem magnum Saxoniam ex seruâ factam liberam, & ex tributariâ multarum gentium dominam, ita accipiendum, quasi Francis illa hæcenus seruiert & tributaria fuerit. Ad Vngarorum enim, & Normannorum dominatum illa trahenda, à quo liberata per Henricum & Ottonem Saxonia, quam & aliis abundè opibus fecerunt affluere.

Pari verò modo liquet alienius esse à vero id quod alii narrant in plebis Saxonica tum potestate fuisse situm, ex *Adelingis* aut præcipua nobilitate magistratum sibi creare si quem vellet, eamque libertatem etiam à Carolo relictam. Neque enim legas penes plebem liberimis Germaniæ rebus hanc fuisse potestatem: iamque audiuius magistratum inferiorum creationem sui iuris fecisse Carolum. Ne nunc adducam plebeiæ illius electionis in omnibus præcis monumentis nec volam reperiri nec vestigium.

SED de his obiter. Qui verò prouinciarum in vniuersum, idem & Urbium & Vicorum florente Francorum imperio fuit status. Certè non in codice legum Francicarum, non in aliis eius æui monumentis obseruare est, meliorem fuisse conditione Vrbes aut nobiliores Vicos præ aliis in agro viuentibus. Primò enim incolæ Urbium fisco penderunt vectigalia & tributa. Monetarum quoque cudendarum ius & molendinorum, telonia, portus, pontes, atque similia omnia non in Urbibus minùs quàm alibi per omnem Germaniam ad regium fiscum pertinuerunt. Neque verò horum quidquam in Urbibus illis [Carolo certè magno eiusque filio Ludouico imperantibus] temerè legas in subditorum aut nobilium aut plebei ordinis fuisse peculio. Ex aduerso perspicere est sequutis demum sæculis Regum largitionibus in variorum potestatem hæc deuenisse. His certè oneribus eâ ætate, obnoxias fuisse Vrbes ad Rhenum & Danubium, passim docet Lehmanus vir horum peritissimus. Auctor etiam Chronici Colonienfis, iam olim ex nescio quibus Prumiensis cœnobii annalibus annotauit p. 91. & 131. à Clodouæi vsque ætate ad Ottonem Magnum Agrippinenses tributum regibus Francorum soluiffe.

Sacra porrò omnia iura administrata tum fuisse per Episcopos non in Urbibus minùs quàm alibi nihil est notius. Sed & meri ac mixti imperii, quod vocant, vis penes Comites fuit aut missis à regibus constitutos. Gregorius Turonens. l. 6. hist. Franc. c. 2. Rex Chilpericus in ciuitatibus novos Comites ordinat, & cuncta sibi inbet urbium tributq; de-

ferri. Idem disertè variorum Comitum Urbibus Gallicis præfecturum meminit l. 9. c. 5. l. 5. c. 48. & alibi. In capitulis Caroli magni l. 2. c. 25. fit mentio Comitum Vefontii, Moguntiae, Treuironum, Coloniae, aliorumque, qui vnà cum episcopis illorum locorum fungi debeant munere *missorum* regionum. Per Comites autem & *missos* illos iura tunc dicta populo, argumentis ostendere facillimum est. Scilicet tametsi in omnibus penè Urbibus Episcopi confidèrent, iuris tamen dictio non illorum, sed Comitum fuit & Missorum, qui regi auctoritate præerant. Neque verò inter Urbium administrationem & agri, ratione iurisdictionis, in omnibus eius ætatis monumentis quidquam est reperire discriminis.

Quum verò præter Vrbes, vici, & villæ tunc fuerint & palatia regia, horum feliciorum fuisse conditionem, nemini fiet faciè probabile. Cæterum vsque ad Saxonum etiam imperium paucissimi vici per omnem Germaniam muniri cœperunt. Certè quæ potissimâ tunc facta fuit & auctoritate in Saxonibus Brema, ætate Caroli *villa publica* audiit nomine, vt patet ex fragmentis tabularum Carolinarum apud Adamum Bremensem cap. 15. nec murò cingi cœpit ante Normannicam tempestatem circa annum 990. eodem teste cap. 75. Etiam hanc verò non nisi diu post Comitum potestate liberatam infra patebit.

Hac verò occasione non possumus non in eos animaduertere, qui Urbium Saxoniarum nescio quam libertatem iam inde à Carolo Magno accersere conantur. Manifesto autem eos errore implicari, haud difficile fortè est probatu. Aiunt enim Carolum M. quibusdam Saxoniarum Urbibus statuam Rolandinam in signum libertatis dedisse, quod nimirum ab eo iussu Caroli liberam iudiciorum potestatem accepissent. Ast ex superioribus constat, tum temporis nullam adhuc Urbem præter Cisterhenanas in Germania fuisse. Certè nullius inferioris Saxoniarum Urbis in historia Caroli M. fit mentio: quod tamen haud dubiè Scriptores, vtpote rem notatu dignam tam sicco pede non præterissent. Imò duas tantum arces, vt supra etiam est dictum, in Germania Transrhenana & quidem in VVestphalia obsedisse legitur Carolus Magnus; quod si autem plures tum temporis extructæ fuissent, profectò non ita occupare Saxoniam potuisset: quippe cum libertatis suæ Saxones fuerint tenacissimi. Quid? quod Eginhartus in *vit. Caroli M.* inter alias causas belli Saxonici etiam hanc referat, quod termini Francorum & Saxonum penè vbique in plano essent contigui, præter pauca loca in quibus vel syl-

uæ ma-

maiores, vel montium iuga interiecta vtrorumque agros certo limite determinarent, eoque in iis caedes & rapinas & incendia fieri non cessasse.

Taceo Rolando duce Carolum in expugnandis Saxonibus usum, nullis priscis monumentis referti; & omnino stultum videri ducis statuam erectam in occupatis Urbibus à victore Rege. Quinimò Rulandi colossos demum post annum millesimum & quod excurrit erectos, nec non omnes Vrbes quæ illos ostendunt, post tempora Caroli M. primùm esse exstructas, monumenta historica peruoluenti non potest esse obscurum. Denique cum ex quæ tempore Caroli magni ad Rhenum fuere florentissimæ nullam habuerint iuris dictionem, multò minùs obscuros quosdam in Saxoniâ vicos libertatem accepisse vero valde est simile. Quare cum tota hæc assertio fabulæ quàm veritati similior esse videatur, non est quod eam pluribus refutando operam ludamus: interim si quid ea veritati habet consentaneum, videtur id rectissimè omnium à Goldasto *Tractatu de immunitat. & priuileg. Reip. Magdeb.* hæcenus non edito esse obseruatum: nimirum omnia quidem illa quæ de duce Rolando Caroli M. ex sorore nepote commentantur Historiographi, quasi eius ope & concilio pleraque in Saxonia gesserit, & quæ sunt huius generis alia, esse merè ficticia & nulla prorsus fide historica niti; attamen certum, inquit, Rulandi nomen non esse proprium aliquod, sed appellatiuum, quasi dicas Rûgeland; compositum nimirum ex vocabulo Rûgen, quod est veteri idiomate Germanico, causam suam proponere, & diligenter ponderatis cuiusque litigantium partis argumentis sententiam pronunciare, & territorio seu districtu: ut ita statua Rolandina significet signum per quod notatur ibi esse forum publicum causarum, iurisdictionem, locum iustitiæ, territorium, seu ut suo idiomate Germani vocarunt, Mallum publicum ein Malsstade da man frey Beyserlich Gerichte helt. Hæc ille. Cuius rei indicia adhuc hodieque in Urbibus nonnullis licet animaduerrere. Id scilicet eertum colossos illos constitutos in signum liberæ iurisdictionis: accedente fabulâ à Carolo Magno illam profectam: præ rerum veterum imperitia haud distinguente vulgo libertatem à Carolo concessam, ab ea quæ post demum nata est. Ut illa ætas fabulis obnoxia fuit. Crancius l. 10. c. 2. narrat Hamburgenses à Carolo IV. Holstia Comitibus parere iussos Rolandi statuam quam pro signo libertatis olim erectam habuerant deiecisse. Visuntur autem hodie eius-

modi colossi alii & in Marchia, alter Kinspergæ alter Prinflauia: ne quis solis Saxonici Urbibus eos tribuat.

Igitur ut reuertamur in viam, Francorum tempestate omnis Vrbs omnisque vicus iura à Comitibus aut legatis regiis acceperunt: & verò Duces si qui fuerunt Comitum illa potestate sunt vti. Neque enim nomen Ducis aut Comitum ut hodie alicuius familiæ suæ dignitatis, sed officii olim nomen fuit: uti nunc aliquem Marschallum aut iudicem prouincialem appellamus. Magna autem potestate Comites illi præditi fuere, quippe cum nomine Imperatoris & Imperii ius belliarque pacis habuerint, & flagitante necessitate in aciem ciues eduxerint, adeoque ipsum Imperatorem in Urbibus repræsentarint. Negat quidem autor de Præfecturis, eos olim habuisse ius gubernandæ Reipublicæ; sed fallitur: nam ipse *Lehm. l. 4. Chron. Spir.* cogitur id fateri, & ratio est manifesta, quippe cum olim præfecti fuerint præcipui magistratus, omnino eisdem regimen habuisse necessum est: utpote cum id maximè propriè magistratum constituat, ut rectè dicit Aristoteles 4. *Pol. cap. 15.*

Nec tamen vel tum ab omni iurisdictione exclusa plebs fuit, sed suo ordine iudicio Scabinos dedit septem, plures. Quorum eligendorum ius penes Legatos regiois fuit, ex parte tamen & penes populum cum Comite. Nec electi ad id munus nisi meliores & in plebe potissimi. Eà de re in medio hodieque sunt leges variæ ipsius Caroli Magni & Ludouici pii in Capitulis Ansegisi l. 3. c. 33. *Missi nostri Scabinos per singula loca eligant, & eorum nomina quando reuersi fuerint, secum scripta deferant. ca. 56. ut indices, aduocati, scabini, quales meliores inueniri possunt, & Deum timentes constituantur ad sua ministeria exercenda. Cum Comite & populo eligantur mansueti & boni. Capit. Addit. IV. c. 73. Missi nostri ubicunque malos scabinos inueniunt, eiiciant, & totius populi consensu in locum eorum bonos eligant, & cum electi fuerint iurare faciant, ut scienter iniuste iudicare non debeant. Ibidem cap. 74. Ut in omni comitatu hi, qui meliores & veraciores inueniri possunt, eligantur à missis nostris, ad inquisitiones faciendas & rei veritatem dicendam, & adiutores Comitum sint ad iustitias faciendas. Item cap. 75. Volumus ut quicumque de Scabinis deprehensus fuerit propter munera aut propter amicitiam vel inimicitiam iniuste iudicasse, per fideiussores missus ad præsentiam nostram veniat. De cætero omnibus Scabinis denuntietur, ne quis deinceps etiam iustum iudicium vendere præsumat. Quæ tria vltima capitula in-*
ferre

terra quoque sunt Legi Longobardorum *libr. 2. tit. 41.* Sed de Scabinis satis.

Quoniam autem omnis ciuitas est societas quædam maxima, & verò præter hanc iurisdictionem item alia est ciuium communio, quæ sine rectore institui non potest, absque dubio omnis us Vibibus iam tum sui *Burgimagistri* fuerunt, dirigendis scilicet negotiis ciuilibus, minoris quantumvis momenti. Neque enim probabile sit Consularis huius regiminis originem Henrico Vto Cæsare primùm cœpisse. Ipsa enim societatis natura illud exigit: eo quæ videmus vicis minimis ex antiqua consuetudine hodie suos esse magistros. Atque hæc Urbium Germanicarum vsque ad tempora Saxonum & Sueuicorum Imperatorum ferè fuit conditio.

Hiscæ verò constitutis nemini iam non liquet, etiam hæc tempestate Vrbes fuisse admodum raras, earumque summam reipubl. in Ducum Comitumque non nisi vicaria fuisse potestate, arbitrio potissimum penes reges constituto. Nec Episcopos tum, vt alibi, ita etiam in Urbibus, vbi sedes suas locauerant, præter sacra curam ciuiliū rerum habuisse. Nondum verò vllam tum Urbem libera populi potestate fuisse gubernatam. Vnde & id consuetarium est, tum temporis ratione regiminis quidem nullum fuisse inter Vrbes discrimen, quod nempe aliæ Imperiales aut Regiæ, aliæ Prouinciales audierint, vtpote quam omnibus æquali ratione sui magistratus fuerint per Reges præfecti.

CÆTERVM insequentibus temporibus omnia hæc magnam vicissitudinem passa sunt. Vici enim, villæ, castra, imò loca inculta hætenus passim Urbium dignitatem acceperunt, atque eà quidem frequentia, vt Urbium numero contendere hodie Germania possit cum omnibus regionibus quaquà versum pater Europa. Inter quas nonnullæ & ciuium copia quàm maximè abundant, naturâ atque arte penè insuperabiles, splendore ædium opibusque prorsus stupendæ. Respublica etiam immans quantùm mutata parum retinet antiquæ consuetudinis, nec ipsa vniūsmodi, sed quàm maximè varia. Quæ omnia quibus initiis quæue de causâ contigerint nunc dicendum. Ac principio quidem differendum, quibus causis impulsu Germani tot Vrbes extruxerint, curque patentibus campis relictis contra morem autum intra mœnia sese tanto numero abdidierint, necnon quid Vr-

bes ad eam opulentiam evexerit. His pramissis autem ad Rem^{am} publicam accedemus.

Prisci Germani nulla opum cupidine, nullo luxu, rudi recti vellere, & cibo simplice, lacte, caseo, agrestibus pomis, recenti fera contenti, vitam omnem in studiis rei militaris transegerunt. Eoque commodius tunc fuit discretis ac dispersis edibus habitare, ut fons aliquis, ut campus, ut nemus, maximo poterat vsui esse, quod ita nihil posset sue desiderare beatitati. Nec peregrine mercaturę ergo tunc locus, vilia tantum & obuia petentibus, & nullo opum honore; opificia verò penè omnia exularunt, luxurię scilicet & mollis vitę instrumenta. At postquam vestis elegantior & lautior cibus, & domus splendidior, mutatis Romanę cõsuetudine moribus, paulatim cœpit allubescere, crevit necessariò artificum copia, & mercatura ad externos extensa est. Hinc opum cupido, & rationes varię excogitatę faciendi nummi, vnde tandem non elegans amplius vita sed luxuriosa in pretio. Eadem verò causa & priscum habitandi modum non potuit non flectere. Mollior enim vita exigit in proximo plures qui aut operam præstent aut rem subministrent. Idem quietis studium & mœniis iussit oppida cingere, tutum & exiguo quantumvis muro securum aduersus magnam etiam latrocinantium hostium vim refugium. Quæstui intensis & quieti deditis nihil aduersus quàm semper in armis, in excubiis stare, aut si quiescas prædonum hostiumque libidini fortunam omnem exponere.

Igitur à bellis ac raptibus in otium ac quietem conversis studiis, cur habitandi ratio è priscis moribus adeò prompta populi Principumque voluntate discesserit, nihil admiratione dignum habet. Isthac autem mira animorum mutatio ferè cum abiecto dæmonum cultu cœpit, ad lenissimū Saluatoris exemplum mitigatā nonnihil priscā feritate. Cuius sanctę quietis occasione, mox ad opum cupidinem & luxuriam præcipiti quodam gradu transitum est. Quibus cum & populus & Principes se dederent, pari studio Urbibus exstruendis insudarunt; quòd nec Principibus liceret splendide viuere nisi Urbium oppidorumque auxilio, nec populo facile sit, aliter securę quæstum facere.

Et numerum quidem Urbium auxit indubiè ingens Principum per Germaniam numerus penè cum regiã potestate, post attritam Cæs-

rum

rum maiestatem suis imperantium : ferè singulis familiis sibi Vrbes struentibus , accenso æmulationis studio & cupidine quadam mollioris vitæ ac regii fastûs. Nec verò structæ tantum à Principibus Vrbes, sed & ad eas inhabitandas multis propositis immunitatibus inuitatus vndique populus. Vnde plebi factâ per varia opificia & mercaturam ad opes perueniendi haud adeò difficili viâ, & ipsa relicto aratro in Vrbes immenso numero commigrauit. Quæ res agris quidem solitudinem penè induxit; vt tamen & hoc ipso nonnulli agrestium superstitem lucro haud parum accesserit, his scilicet paucis in plurium rura succedentibus.

Auxit verò hoc plebis studium indubiè innumera libertorum copia, quæ post annum Christi nongentesimum succreuit, omnibus penè seruis per vniuersam Germaniam ex pietatis feruore emancipatis. Quibus cum proprii agri nihil, adeoque ruri quidem non nisi durissimo seruitio victus poterat parari, cum in Urbibus per opificia aliaque ministeria faciliior esset vitæ tolerandæ ratio, quin & ad diuitias pateret aditus, plerique illorum agris relictis, Vrbes incolere cœperunt. Vnde Urbibus magna accessit incolarum frequentia. Nec tamen Lehmanni sententiam *lib. 2. c. 19.* facimus nostram, quasi olim nulli ingenui vel mercaturæ se dederint, vel opificiis. Præterquam enim quod ipsum nullo argumento, nullo testimonio probet, cui fiet vero simile etiam pauperes ingenuos nulli vnamquam operam suam locasse, aut honestâ ratione quæstum fecisse?

Ceterum causæ quidem eius Urbium per Germaniam copiar, hæc ferè sunt. Primus autem præ aliis struendis iis operam dedit Henricus I. rex quem Aucupè nuncupant, verè Theseus Germanic⁹. Vt enim ille Athenienses, ita hic Saxones certè, si non & alios Germanos; ex agro in Vrbes compulit. Vrgentibus scilicet institutum Vngarorum immanibus irruptionibus, quò tutus daretur miseris receptus. Eam rem his verbis persequitur rer. Saxon. l. i. Widekindus. Corbeiensis: Henricus rex recepta pace ab Vngaris ad nouem annos, quantâ prudentiâ vigilauerit in munienda patria & in expugnando barbaras nationes, supra nostram, est virtutem edicere. Et primum quidem ex agrariis militibus nonum, quemque eligens in urbibus habitare fecit, vt ceteris consamiliaribus suis, aut habitacula exirueret, frugum omnium tertiam partem exciperet seruaretque; ceteri verò octo seminarèt & meterent, frugesque colligerent, nono & suis eas locis reponderent. Concilia & omnes conuentus atque conuiuia in

urbibus voluit celebrari. In quibus exstruendis die noctuque operam dabant, quatenus in pace discerent, quod contra hostes in necessitate facere debuissent. Vilia aut nulla extra urbes fuere monia. Eadem de re Sigbertus Gemblacensis ad annum 925. Rex Henricus agrarios milites recensens, ut octo eorum in agris; nonus vero in urbe moraretur, & octo in agris non laborarent: nonus vero in urbe tertiam partem omnium frugum illorum referuaret in edibus à se ad hoc extructis, ut in bello nihil aliarum rerum deesse, urbesque rebus & vini plenae essent.

Igitur ex Henrici instituto nonus quisque ingenuus in Urbem concessit. Soli scilicet ingenui eà tempestate militabant. Atque omnibus his victus ex agro allatus est, nullo suo labore. Quod ad robur Urbium fecit plurimum. Sicut & illud iuuit incrementum earum haud leuiter, quod omnis conuentus & conuiuia publica non nisi in Urbibus celebrata. Hinc enim & quæstui Urbium & dignitati consultum est. Extant hodieque veteris eius instituti nonnulla in Saxoniciis Urbibus indicia. Potioribus enim & antiquioribus ciuibus ab agro manent cognomenta, vnde primùm in Urbem commigrarunt. Nūdinæ quoque publicæ haud alibi temerè quàm in Urbibus exercitæ. Est & ubi hodieque nuptialia conuiuia non nisi in Urbibus celebrent agrestes.

Multas Urbes nominatim recenset Dithmarus Mersburgensis l. i. ab Henrico exstructas; interque eas Misnam, Quedenburghum & Mersburgum. Patris vero exemplum secutus Otto & ipse haud paucas condidit quarum præcipua Magdeburgum: locum tamen iam diu antè, nullis licet mœnibus, commerciis celebrem, seu liquet ex l. 2. *Capitular. Carolin.*

Non patitur institutum nostrum Urbium omnium originem exponere: id omninò monendum, rarum per Germaniam & non nisi viliorem fuisse commerciorum vsum vsque ad annum à nato Seruatore præter propter post millesimum centesimum. Vnde fortuna Urbium in aperto est, ceu quæ mercaturæ magnam opum partem debeant. Hactenus scilicet, pauca peregrinæ merces & vix aliunde quàm ex Italiâ, Oceano omni Normannorum piraticâ infesto, & aliàs Germanicis nauigiis penè ignoto. Et verò ipsum quoque Balticum mare circa annum 1160. post excisos Venedos Saxonibus nouis accolis per commercia demum patuit.

Cate.

Ceterum circa finem seculi illius Christiani vndecimi, nauigijs vltro citroq; circa Oceani littora commecantibus, iam maritima commercia passim cœperunt institui. Vnde c. 48. describēs Adamus Bremensis Birkam Ostrogothorum Urbem, addit: *Ad quam stationem, qua tutissima est in maritimis Sueonia regionibus, solent Danorum, Nordmannorum, Sclauorum, atque Semborum aliique Scythia populi pro diuersis commerciorum necessitatibus solemniter conuenire.* Cum primis verò memoranda sunt quæ de Iulino emporio Venedico ille memorat cap. 66. In Odera, inquit, ostio, qua Scythicas alluit paludes, nobilissima ciuitas Iulinum, celeberrimam barbari & Sueci qui in ciuitate sunt, prestat stationem: Est sane maxima omnium quas Europa claudit ciuitatum, quam incolunt Sclauicū cum alijs gentibus Græcis & Barbaris. Nam & aduenæ Saxones parem cohabitandi legem acceperunt, si tamen Christianitatis titulum ibi commorantes mutauerint. Vrbs illa mercibus omnium septentrionalium locuples, nihil non habet iucundi aut rari &c. Iisdem verò porro verbis Vinnetam Urbem describit Helmoldus l. 1. c. 2. histor. Sclauic. vt solet Adamum exscribere; quare fortassis non alia vrbs est Vinnetæ quæ nonnullis memoratur, à Iulino; corrupto sc. tantum à librariis vocabulo. Quicquid verò huius sit, fuit nobile illud emporium iam Helmoldi ætate à Danorum rege funditus destructum. Idem Adamus Bremensis de Ripa Iutiæ ad Oceanum oppido cap. 208. ita scribit: *ciuitas Ripa alio tangitur alueo: qui ab Oceano influit, & per quem vela torquentur in Frisiam, vel in nostram Saxoniam, vel certè in Angliam.* Vnde constat Frisios, (quo nomine tum dicti omnes etiam Fleui accolæ) Saxones, lutas littora tum legere fuetos mercaturam mutuam exercuisse. De Bretia verò idem Adamus c. 183. testatur eam à negotiatoribus ex omni parte terrarum mercibus frequentatam. Et cap. 208. de antè memorata navigatione hæc habet: *Ex portu Schlesuicensi naues emitti solent in Sclauoniam, vel in Suediam, vel ad Semland. (Prussiam,) & vsque in Græciam (Russiam.)*

Ergo ab anno post millesimum centesimo melior multò fortuna Urbibus Germanicis alluxit, republica etiam illarum in maiorem libertatem astricta, ceu post dicitur. Urbium ad Rhenum fortunam colligere est ex his verbis Othonis Frisingensis breuiter describentis res circa annum 1114. gestas per Fridericum Sueuicæ ducem in gratiâ Henrici V. Cæsaris. Ipse, inquit l. 1. c. 52. *Fridericus de Alemannia in Gal-*

nam transmissis Rheno se recipiens, totam prouinciam à Basilea usque Moguntiam ubi maxima vis regni esse noscitur, ad suam inclinavit voluntatem. Qualis Moguntia tum fuerit, latius idem narrat c. 53. In Saxonibus Bremæ potentiam indicant tres nauales expeditiones, altera in Palæstinam [quæ à nonnullis perperam refertur in annum 1029.] altera in Lusitaniam circa annum 1141. victoria creptæ Sarracenis Vlyssiponæ nobilis: tertia iterum in Palæstinam circa annum 1189. quo tempore Bremensium laudabili exemplo peregrinantium agrorum suscepta cura, Teutonico equitum, qui appellatur, ordini initium dedit. Ab iisdem nauigatum tunc & per Oresundam in Liouoniam: quin & coloniâ Bremensium ciuium eò traductâ, pactâque cum Liouonis amicitia, & Christiana religio barbaris coli cœpit circa annum 1160.

Eodem tempore Lubeca condita breui & incolarum multitudine & commerciorum frequentia magnum incrementum sumpsit. Similiter & VVilmaria, & Rostochium, & Stetinum, & Stralsundum maritima ad Balthen oppida nouis Saxonibus incolis acceptis refloruerunt. Imò omnis trans Albim Schlavorum terra maritima depopulata penitus & incolis orbata, coloniis Hollandorum, Frisorum, Flandrorum cœpit excoli, Urbibus multis aut reparatis, aut nouiter conditis, imposterum Germaniæ accensendis. Non minor verò fuit fortuna & eius Saxonie, quæ cis Albim & Visurgim. In Frisiis Stauriâ polluisse classe & potentia nauali, atque etiam commerciorum frequentia floruisse, seculo Christiano maxime duodecimo testatur Vbbo Emmius. In Hollandia Flardingum & Renensburgum celeberrimum famâ: quæ tamen ferè hoc ipso tempore haud leue damnum passæ ab Henrico V. Cæsare. Iam & Flandria cœpit maritima commercia cum Anglis instituere. Quæ omnia annalium testimoniis probare in promptu est.

Proximo seculo Urbium per Germaniam conditio haud parum solito etiam melior reddita. Namque & numerus earum multum creuit in omnibus penè regionibus, & maritima commercia aucta in immentum. Et verò hoc tempore primum Vrbes fœderibus institutis se & sua contra prædones & hostes armis defendere cœperunt. Primæ videntur in societatem huiusmodi coisse quæ Rhenum accolunt, anno 1255. Eo de fœdere in hæc verba loquitur Arnoldus Abbas Stadenfis, qui tum vixit: *Quidam validus ciuis in Moguntia cœpit hortari concines suos ut pro pace restauranda iuramento se inuicem constringerent*

gerent. Conserunt ei & alia ciuitates plurima. Vocarunt eum VVar-
bodonem. Non placuit res Principibus, nec militibus, sed neque pra-
donibus, & maxime his qui habebant assidue manus pendulas ad
rapinam, dicentes esse sordidum mercatores habere super homines ho-
noratos & nobiles dominatum. Notatu digna quoque sunt, quae
Chronicon Augustanum vetus habet: Interea VVilhelmo Rege Romae
cum comitissa Flandria & Frisnibus bellica agente negotia, Ciuitates Rhe-
ni quasi deslituta regia defensione vinculo societatis fortissime ad inuicem
coniunguntur. Capitaneum eligunt, telonia eiusdem fluminis, quae a plu-
ribus fuerant aggrauata, remouent; vicinos Principes & Comites sua socie-
tati adherere compellunt, undique in finibus suis pacem ordinantes optimam
& hactenus inauditam. Cui superueniens primus Ludouicus, nouus Palati-
nus Comes Rheni, foedus laudabile societatis inuit cum ciuitatibus supra di-
ctis. Ista autem pax more Lombardarum ciuitatum inchoata, propter ma-
litiarum resistentium, non diu durat. Fuere autem in foedere illo Vrbes
41. vt & Principes aliquot, quorum nomina post Auentinum & Cus-
pinianum consignauit Lehmannus l. 5. Chron. Spirensis cap. 92.

In eadem penè tempora incidit & initium foederis eius quod
HANSICVM appellatur. Sanè Chytræus l. 23. scribit: De Hansi-
corum in exteris regnis emporiorum initis, vt & de ipsis etiam Han-
sica societatis verè origine quo anno Christi cæperit, & quando emporia sin-
gula occuparit, saepe multumque ex præcipuarum Vrbium Syndicis, Secreta-
riis & aliis sciscitatus sum; qui non modo de emporiorum origine certi nihil
docebant, verum etiam quo anno ipsorum ciuitates in Hansæ societatem pri-
mum receptæ essent, plerique non indicabant. Cedit tamen cæpisse so-
cietatem paulò ante tempora Friderici II. circa annum salutis 1100. cc.
Eum sequitur, vt in plerisque aliis Germanicarum rerum narratio-
nibus, Thuanus l. 39. verbis Chytræi non nisi leuiter mutatis. In spif-
sis suis quatuor centonibus Ioannes Angelius nihil de origine foede-
ris certi prodit, ineptus autor, vt molliter dicam. Videtur tamen
eam repetere interdum ab Henrici Leonis æuo. Scriptor Italicus
thesauri politici sese originem foederis certam nullo studio potuisse
discere fatetur: Henricum tamen Sudermannum societatis consilia-
rium eam reieciisse in tempora vetustissima, quæ annum Christi mille-
simum ducentessimum longè antecedant. Sed cum Lubeca, quæ fo-
deris vnà cum aliis Vandalicis, quæ appellantur, Vrbibus caput sem-
per audierit, non potest profectò societatis origo excurrere ultra ipsa-
earum Vrbium primordia. Cæperunt verò illæ condì seculo illo duo-

H

decimo declinante. Quis porro credat fœdus illud coisse quo tempore Lubeca, Hamburgum & reliqua penè omnis ora Balthica impotentem dominatum Danicum passa? Excussum autem illud iugum est anno 1226. Neque legas in bellis pro libertate contra VVoldemarum eiusque filios Ericum, Abeleum & Christophorum Daniæ reges, gestis Vrbium ad Balthin socii armis Lubecenses vsos. Confectum autem id bellum fuit circa annum 1259.

Itaque post annum sexagesimum fœdus illud demum coit: pace scilicet cum Danis pactâ, adeoque magis magisque florentibus iam maritimis commerciis. Ipse Angelius *parte tertiâ* centonum suorum c. 10. Vrbes Hanſicas firmiorem societatem iniisse testatur anno 1270: tabulas verò fœderis seruari hodieque in archiuis. Neque verò fidem meretur quod idem scribit c. 15. visa sibi antiqua documenta priuilegiorum anno 1194. societati huic concessorum: aut quod alii narrant, ab Henrico III. Angliæ rege anno 1205. amplissimis priuilegiis societatem hanc ornatam. Namque Henricus III. puer patri successit primum anno 1217. Anno verò 1194. Vrbes Vandalicæ pleræque cœperunt coli. Credimus tamen ab Henrico III. illo data quædam priuilegia societati, quum id ipsum testetur Polydorus Vergilius; at Henricus ille regia est dignitate vsus ad annum vsque 1273. Confirmatur coniectura, quod Angelius producens excerpta ex tabulis Noruuegicis non potuerit laudare aliquid antiquius anno 1278. Sed nec in compendio legum fœderis, quod à Domanno confectum *partis quartæ* c. 11. inseruit Angelius, vlla legitur antiquior constitutio anno 1312: ut fortassis illo demum tempore in iustum corpus coierint.

Ceterum scrupulosior hæc indagatio fortè minimè conuenit instituto nostro. In naturam autem scopumque cum Moguntini illius tum Hanſici fœderis inquirentibus, facile ingens vtriusque discrimen apparet. Illud enim pro salute publica ipsarum Vrbium initum: exprimente id necessitate, quod euerſâ tum Cesarum auctoritate, omnia rapinis & potentiorum libidini paterent, adeoque nullum superesset remedium ex republica conseruandis rebus, quam factâ societate vim omnem prohibere. Etsi verò vix nouennium durauerit fœdus illud, & in presens tamen fuit vtile & exemplo confutauit posteritati. Comperto enim semel societatis beneficio, insequentibus temporibus eiusmodi Vrbium fœdera, quoties neces-

ſitas

tas visa exigere plurima coierunt, in diuersis locis diuersa, donec Maximiliano I. Caesare diuisa in Circulos, quos vocant, Germaniã, iisque optimis legibus instructis, instituto item Camera iudicio, tranquillitati publicæ nonnihil rectius consultum est. Omnia verò hæc ^{vixit} ~~vixit~~ fœdera vno Heluetiorum excepto ad breue tempus & pleraque intra paucas Vibes steterunt: cæterum Sueuicū mole, & numero præ aliis eminebat. De quo rectè tamen lib. 1. de repub. Heluet. Iohas Simlerus: Auri in memoria cum Friderico Augusto auctore & principe, Sueuicæ urbes sœdus fecissent, magna iniuriâ apud omnes eius fœderis fama fuit & opinio, verum bello aduersu. Heluetios tamen si scepto, & infeliciter gesto, multum existimationi eius decessit, quam tamen pulso duce V. Irtembergico, & arcibus prædatorum totâ Sueuiâ disiectis, recuperasse videbatur, nisi pauld post finito præscripto tempore fœderis, ita statim in diuersum abiissent, ut quos antè hostium loco habuerant, iis ut amicis, & veteribus amicis & fœderatis, h. stum penè loco vti fuissent. Ita hominum memoriâ sœdus illud cœpit & in nihilum abiit. Heluetica verò societas paucas quidem Vibes comprehendit, at æternitate & robore planè sine exemplo est. Non enim ipsa illa antiquitati celebrata vel Achaicum vel Aetholicum, Græcarum Vibium fœdera, cum Heluetio siue potentiâ siue tempore contendere merentur.

Alia verò natura est fœderis Hansici si quidem primam eius ætatem spectes. Contractum enim maxime videtur non nisi ob commercii maritimi libertatem in regnis exteris. In eam sanè sententiam scribit disertis verbis David Chytræus, harum rerum maxime intelligens auctor l. 23. Saxon. & qui hunc exscripsit Thuanus l. 39. Sed & Albertus Cranzius non aliter de fœderis huius summa loquitur: quem tamen eius natura non potuit latere. Eius verba l. 9. metropol. cap. 41. sunt: Diu laborarunt, priusquam ad memoratam communionem iterum reponerentur, hoc est, ad usum privilegiorum in mercaturis. Saxoniæ item l. 9. c. 39. Non sunt passa [ciuitates reliquæ] mercatores eius urbis in emporiis versari. Hoc vocant Hansâ cedere & proscribere, cum illis privilegiorum usu & communione interdicitur. Non aliter in Vandalia l. 9. c. 7. Ex quo tempore denuò admissi sunt in communionem Hansæ, hoc est, participationem privilegiorum, quæ in quatuor emporiis, in Flandria Brugis: in Anglia, Londoniis: in Noruegia, Bergis: in Russia Nouogardie: permissa sunt olim mercatoribus, ab retrò principibus & terrarum gubernatoribus, vniuersis eius communionis participibus. Confirmatur idem vel

edò maxime, quod in compendio illo constitutionum Hanſicarum Domanniano nihil habeatur quod ad *summam* possit trahi. Ad hoc, cum plerique huius societatis Vrbes principibus variis sint subditæ, quis crediderit eorum consensu Vrbes subditas in formidabile adeò fœdus coisse? Constat verò à Principibus multis pro Urbibus suis in iura Hanſæ recipiendis intercessum. Sed nec cum bella varia gesta nonnullas huius fœderis Vrbes inter & Principes Germanicos aliosque, tota Hanſæ societas ad se olim pertinere id credidit: itaque nec obseruare in monumentis est historicis, in defensionem singularum Urbium sumpta ab omnibus sociis arma, aut submissa auxilia. Sanè suppetias sibi mutuas nonnunquam aliquæ huius fœderis tulerunt; at non ex Hanſæ illo communi, sed nouo & singulari, pacto. Cuius generis & inter sese & cum aliis Hanſæ non consociatis Principibus & oppidis, aliis temporibus alia, & quidem non nisi momentanea, certisque annis definita inierunt. Formula tamen renouati fœderis in conuentu Hanſico anno 1579. proposita, caput habet *rei summæ* contra vim iniustam: ceu liquet ex iis quæ narrat Chytræus l. 24. *Chronici*. Disertè idem continet formula fœderis anno 1604. conscripta, quam post alios edidit Angelius, sed barbarè de Germanico versam *part. 4. c. 12*. Quanquam verò ita conuenerit, vix tamen vltum communibus societatis viribus bellum gestum in vnius Urbis defensionem: formula anni 1604. pactum illud disertè annis decem definiuit.

Ergo primam sanè originem fœderi Hanſico dedit studium conseruandi maritimi commercii cum peregrinis, Danis, Suecis, Russis, Anglis. Hæ enim Gentes cum eâ tempestate importatis Germanicis mercibus, ingeniosâ magnam partem manu confectis, indigerent, contrâ verò abundarent plurimis rebus in Germania desideratis, & tamen siue præ mercaturæ simul & nauticæ rei imperitia, siue quòd lucri minus cupidi periculum & labores nauigantium detrectarent, consensu nauigiis vtrò citroque commercia maritima nullâ vel raris instituerent, factum hinc est vt ad solos Germanicos mercatores ac nautas omne hoc negotiandi genus deuolueretur. Magno verò sui videntibus exteris & sibi hæc commercia cedere, non dubitarunt & vectigalium immunitatibus & aliis priuilegiis vtrò Germanos inuitare. Qui & ipsi certâ spe amplissimi lucri, nò segniter hoc egerunt. Sed piratis infesto Oceano marique Balthico, & exteris
illis

illis concessa semel priuilegia facile mutantibus, ad tutum iter præstandum, simulque vt semel donata integra seruantur, fœdus necessarium fuit.

Ac primum quidem Vandalicæ Vrbes, quæ appellantur, coisse videntur. Manet hodieque illis ac præcipuè Lubecæ primarius in confessu locus, vt fœderis auctoribus. Inde plures per Pomeraniam, Prussiam, Liuoniam, Episcopatum Bremensem; Ducatum Brunsvicensem, VVestphalam, Frisiam, & vicinas regiones accesserunt: assumptis in societatem multis etiam mediterranea colentibus, vt numerus vltra octoginta aliquando excreuerit. Extendit numerum Angelius ad 108. *parte 4. cap. 16.* sed indicem nominum inspicienti facile apparet multas ab illo recensitas ne nomen quidem fœderi dedisse, alias ante aliquot centum annos illi renuntiasse. At omnes in vniuersum in quatuor diœceses aut ordines diuisæ, totidem metropolitani oppidis constitutis, Lubeca, Colonia, Brunsvico & Dantisco. Omnium principem tamen locum & auctoritatem Lubeca sortita est, in originis memoriam: proxima dignitas Agrippinensibus cessit, utpote quibus & iam antè hoc fœdus Hanficum, suum aliquod fœdus cum vicinis Urbibus fuerit, adeoque vnà cum sociis in Hanficam societatem transierit. Etsi porro in omnibus penè exteris regionibus sua societati sint priuilegia & immunitates, quatuor tamen potissimum emporia peregrina constituta, Londinense in Anglis, Nouogradam aut Nerua in Russia, Bergenſe in Noruegia, & Brugenſe in Flandris, quod post Antuerpiam in Brabantinis est translatum.

Verùm hæc & alia huius fœderis narrare non est instituti nostri. Aded multas autem Vrbes in societatem accipere primi fœderis auctores sunt coacti, quod soli non sufficerent defendendis immunitatibus suis aduersus vim & iniuriam. Lucri verò expectatio in aded multis societatis desiderium excitauit: quod soli scilicet socii ad commerciorum hæc beneficia admitterentur. Qua de causa, consensu etiam Principum dominorumque contractum fœdus, alias Principibus merito suspectum: quod & hi Vrbes suas omni commerciorum genere florentissimas esse cuperent. Id verò non minimam Germanici Imperii labem arguit, quod ingens aded societas coierit nulla auctoritate publica. Eo enim effectum, vt cum exteris regnis & prouinciis pacta, contractus, conuentus sint initi, non publice

Imperii nomine, sed priuato subditarum aliquot Urbium. Quod in bene constituta Republica minimè profectò est tolerandum. Fuit autem & ipsis sociis Urbibus priuatim id noxium: utpote quæ publica Imperii autoritate destitutæ, solæ excipere vim omnem exterorum populorum coactæ sint. Verùm quo tempore cœpit societas, & aliquot post seculis perturbatissima Imperii ratio, attrita Caesarum dignitate; parum in Republ. præsidii fuit positum. Ut ergo plurimi alii errores tum commissi, ita & hic recepto tum more contigit. Aliàs haud fortè difficile fuisset, & toti Imperio & Urbibus sociis consulere ab initio ad illum modum, quem in societatibus mercatorum Indicâ, Americanâ, Septentrionali, aliisque instituendis Belgici fœderati Ordines magna cum prudentiæ laude obseruarunt.

Quamuis verò hæc celeberrima ac nobilis societas ipsis primùm centum annis in regibus principibusque, quorum beneficiis nata erat, formidabilè potentiam excreuerit, bella quoque pro concessis semel immunitatibus suis cum Danis, Suecis, Anglis, aliisque populis magna felicitate gesserit, post annum tamen millesimum quingentesimum sensim cepit deficere, ita ut anno præter propter sexagesimo post, animam propè agere visa fuerit. Actum deinceps anno 71. de instauranda societate Hanſica & renouando ciuitatum fœdere, formula quoque fœderis noua in conuentu proposita anno 79. à paucis tamen in eam consensum. Aliæ leges fœderis anno 1604. conscriptæ, nec minùs strenuè à nonnullis laboratum de societate reparanda, sed post tot etiam labores, magis magisque ad paucas Urbes ingens illa olim societas, magno fanè Urbium damno, contracta est.

In causas verò eius decrementi inquirentibus non vnæ videntur illæ occurrere. Præcipua fortè est sociarum Urbium inæqualitas: quæ ut omnium ferè seditionum mater est & causa, ita quoque omnes in vniuersum societates dissoluere solet. Cùm nempe parvæ Urbes exiguum ex hoc fœdere fructum percipere se existimarent, pleræque ad se maioribus trahentibus, primùm ab his negligi societas, mox & relinqui cœpit. Ad hoc, ipsæ illæ exteræ Gentes nauticis commerciis operam dare Hanſicorum exemplo didicerunt, quibus tamen alibi non eæ immunitates concessæ. Hinc orta inuidia, & societati sua libertas passim erepta. Quæ alibi frustra iterum quesita, alibi reparata quidem, non nisi sumptuosissimis tamen bellis suscepris. Vnde maximum ærarii damnum enatum, reliquantibus ple-

risque,

risque, quod etiam potetiam societatemque ipsam sensim labefactauit. Denique haud parum detrimenti attulit quoque Hanficus Flandrorum & Hollandorum mercaturæ & rei nauticæ studium : quo illæ gentes ab anno usque millesimo ducentesimo, cum primis autem post quingentesimum floruerunt. Primum enim interceptus monopolii fructus, mox præcipua nautici commercii vis ab Hanficus in Hollandos tandem transiit.

Sed de fœderibus Urbium satis. Sine dubio autem magno & fœderatis Urbibus ipsis, & toti Germaniæ commodo fuerunt. Nam illis quidem *οὐρανίας* & tranquillitatem publicam & libertatem popularem aliquot per secula debemus. Ut enim nonnunquam excesserint modum, si verum tamen fateri velimus, absque hoc remedio extrema seruitus omnes dudum oppressisset, qualis sanè fuit aliquot centum annis Germaniæ *ἀναρχία*. Iudicauit idem Caspar Peucerus magnæ doctrinæ & prudentiæ vir ; itaque de fœdere Moguntino l. 6. Chron. verba faciens ira loquitur : *Profuit hoc exemplum posteritati. Similibus enim consiliis deinceps & malis publicis obuiam itum, & multorum audaciam ac molitiones repressas esse constat. Nec aliter seruari res communes possunt, publicis periculis augescantibus.* Sic Hanficæ societatis magnam partem beneficio certum est ad eam opulentiam, eamque omnium rerum abundantiam cum Urbes tum & reliquam Germaniam peruenisse. Illa certè Septemtrionis & Britannicæ Galliæ opes cum Germanis, & nostras cum illis vicissim communicauit. Vnde copia rerum & lucri ingens magnitudo. Nec fœdere illo saluo in Germaniam moliri quidquam auli sunt maritimi externi populi. Ut securitatem etiam Germaniæ Hanfico fœdere aliquot seculis steterisse fatendum sit.

Cæterum quibus præcipuè de causis septingentorum annorum spatium, & in hunc numerum & in illam fortunam Germaniæ Urbes excreuerint penè iam dictum est. Vnum tamen addendum, de metallorum & salforum fontium copia, quorum itidem pleraque hoc annorum intervallo aut inueniri aut excoli cœpta. Abundare autem Germaniam hodie præ aliis Europæ regionibus omnis generis ditissimis metallis, ut & salis fontibus, notum iam vulgus est. Illa verò & originem Urbibus plurimis dederunt, & immensam pecuniæ vim subministrarunt. Hinc verò splendore & luxu mirum quantum crescente, opificum quoque variorum industria ad summam acumi-

nis laudem penetrauit.

Consequens est vt de Vrbiū Republica differamus. De illa verò in vniuersum ferè licet pronunciare, post Carolinorum tempora iuris dicendi vim cum mero mixtoque Imperio, magistratuum item constitutionem, nec non fisci iura à Cæsaribus partim prodigis largitionibus, partim venditione, partim aliis nescio quibus modis, in aliorum potestatem deuenisse. Harum mutationum initium multi ab Ottonibus repetunt: quod ex parte verum esse, ex parte non, ex iis quæ addemus patebit.

Igitur Ottonibus auctoribus, in illis sanè Vrbiibus quæ in possessionem cesserunt Episcopis & Archiepiscopis, penè per omnem Germaniam admodum mutauit Respublica. Quam enim illam hætenus per Comites, Missos, Duces, administrari Reges curassent, Ottones eandem Episcopis suis concesserunt: falsa ducti persuasione id cum ad præsentis vitæ felicitatem, tum ad æternæ beatitudinis præmia capessenda maximè profuturum. Quasi verò non multo rectius aliis sacrorum animarumque, aliis ciuiliū cura permitteretur: quos magistratus omnino distinguendos inuicem esse iam olim ostendit & *Arist. 6. polit. c. ult.* Planè sine exemplo autem fuit hæc Episcoporum ciuiliū Vrbiū cura, Cum enim ex veteri auro recepto more non aliam coercionis potestatem haberent quàm penitentiae & excommunicationis: paulatim adiecta tantum iurisdic-tio est in clericos eorum, quoad personas & bona: ita vt monachū vel clericum coram suo Episcopo accusare licuerit. Negatum tamen etiā Episcopis iudicio præsidere, aut bona administrare aliter quàm per constitutos Aduocatos. Neque verò ferendus est Albertus Cranchius, qui iam à Carolo omnem Reipublicæ curam in Saxonia Episcopis vult commissam. R. pugnat enim cum omnibus aliis monumentis, tum sufficit illi refutando vnum illud diploma Caroli Magni quo Episcopatum Bremensem instituit, quod & ipse in Metropoli ac Saxonia recitat, dudum autem historiæ suæ inseruerat Adamus Bremensis c. 9. & post hunc Albertus Stadēsis. Ne nunc laudem formam Episcopatibus demandandis vsurpari vulgò tum solitam, quæ habetur apud Marcolphum 1. & 3.

Primus autem Bruno à fratre Ottone Magno Ducatum Lotharingæ accepit, atque ita simul ius gladii temporalis. Itaque rem insolitarrans VVitukindus l. 1. excusandam eam sibi sumpsit, exemplo Samuelis

rama

Samuëlis. Verba ipsius sunt: Brunonem Pontificis summi ac Ducis magni vidimus officium gerentem; ac ne quis eum culpabilem super hoc dixerit, quum Samuëlem sanctum & alios plures, sacerdotes pariter legamus & iudices. Auctor chronici Belgici magni, eandem rem notatu dignam duxit: Ante hac sua (Brunonis) tempora Archiepiscopi Colonienses, non iudiciis gladii temporalis, sed tantummodo iurisdictione vsi baculi pastoralis. Sicut autem Brunoni fratri Lotharingiam, ita VVilhelmo filio Moguntino Archiepiscopo Thuringiam & Hassiam, aliis alia pleni domini iure possidenda dedit. Quod latè ostendere huius loci non est.

De Episcoporum autem noua in Vrbes potestate seorsim nonnihil dicendum. Erant bona Episcoporum vt & monasteriorum iam diu antè, secularibus quæ appellantur iudiciis exempta, singulari liberalitate Regum ita curante, adeoque omnibus Episcopaliū & monasticorum bonorum causis diiudicandis, passim Aduocati ac defensores ita dicti à Regibus ipsis præficiebantur. Quod hic probare non attinet. At omnia illa bona intra villarum, agrorum, sylvarum, feruorum aliquot, ac similia aliarum paucarum rerum vilitatem consistebant. Ab Ottonibus verò Vrbes, arces, comitatus, imò integræ provinciæ Episcopis & Monasteriis donari cœperunt. Bene enim Theodoricus de Niem: Otto primus omnibus penè cathedralibus Ecclesiis in Italiâ, Galliâ, Germaniâ s; Burgundiâ & Lotharingiâ constitutis, multas ciuitates, castra, oppida, villas, & multa alia dominia temporalia & iurisdictiones donauit, atque omnibus illis Ecclesiis propria insignia perpetuò deputauit. Archiepiscopos quoque & Episcopos Ducatibus & Comitatibus & Baronis communis, quibus nobiles & potentes vasallos subiecit, ut semper essent ad resistendum, & manu forti paganis & hereticis in opportuna tempore fortuna. Hactenus Niemus, qui prudenter notauit penè omnibus Episcopis multa adeò largiter ab Ottone donata. Historiam enim eius æui accuratè scrutantibus liquet, ab Ottone nonnullis nihil præter decimas datum, & vt plerique Episcopi castra, Vrbes, & comitatus sint à successoribus Ottonis naçti, aliquos tamen hodieque omnibus illis destitui. Ista verò noua largitione Regum multas passim Vrbes in potestatem Episcoporum deuenisse certum est.

Cæterum cum in Vrbus illis Cæsares, vt alibi hactenus, obtinissent non tantum potestatem iuris dicendi per Comites & Lega-

ros, verum etiam fisco regio sua & quidem varia fuissent iura, notatum primis dignum est, in donandis Urbibus non eandem semper rationem obseruatam: sed alibi & iurisdictionem & omnia iura fisci, alibi partem etiam horum Episcopis cecidisse. Manifestum id faciunt tabulae donationum regiarum eius æui, quas omnes hic adducere, alienum est: quædam earum verba paulò post. in partem citabimus. Hinc verò liquet, perperam nonnullos si hoc aut illud videant donationum, omnia alia etiam dono illo comprehensa autumare. Quomodo & illi falluntur, qui Episcopis omnibus aut plerisque Vrbes cathedrales eo, statim tempore cecidisse credunt, quo Vrbes ab iis possideri coeperunt. Facile enim ostensu est, à multis longò post demum tempore tale quid impetratum, à nonnullis nunquam, qui alias Vrbes haud paucas in possessionem acceperunt. Vt proinde in his omnibus ipsæ tabulae donationum sint consulendæ.

Ita Chronicon Colonienſe vetus p. 129. scribit Urbis Agrippinensis merum & mixtum imperium ante Brunonem penes Imperatorem fuisse. p. 131. Huius Brunonis beneficio liberatam Urbem à tributo regio in perpetuum. p. 132. inquit: Quo tempore Saxones sceptrum gerebant Cesareum, Colonia Episcopali iurisdictioni subdita fuit. An quid ulterius ceciderit tum Episcopis, haud liquet. Quid Episcopo Spirensi ab Ottone Magno in Urbem Spiram concessum sit, omnium optimè patet ex diplomate Ottonis III: quo ille aurum donum confirmavit. Recitat illud integrum Lehmannus l. 4. Chronici c. 3. Quædam eius verba huius argumenti ita sese habent: Episcopus donauit ac concessit, ut nullus Dux sine Comes, vel nullus publicus index ex iudiciaria potestate, aut aliqua cuiuslibet potestatis ignota persona, nisi solus Episcopus & Advocatus ipsius suprà dicta Spirensis Ecclesie, ex iustione & concessione nostra deinceps potestatem habeat, pro quocunque negotio, vel pro aliqua re parua aut magna, placitum retinere, seu publicum iudicium facere, intra ciuitatem Spira seu Nemeta vocatam, aut in circuitu extra ciuitatem, id est in villa Spira, & in Marcha; quæ eidem Vrbi adiacens est, aut aliquid per regale bannum in usum nostri, successorumque nostrorum exigere: neque aliquid de prædiis, vel de moneta, seu de telonio, vel ex vlla re in fisco regium transferre, &c. Ex quibus claret, iudiciis Urbis impostero præfectum Episcopum & eius Advocatum, prouentus quoque ex prædiis, ex monetaria re, ex telonio, aliisque fisco regio hæstenuſ solitos solui, posthac remissos. Num verò in totum remis-

ſis.

si, an donati Episcopo, non liquet. Caterum Comitibus erepta cum sit iurisdicatio Urbis, facile perspectu est falli Lehmannum, quando l. 4. c. 2. Conradum II. Imperatorem Spirensis dictum ab Urbis praefectura, aetate item Henrici V. & Friderici suos Vrbi Comites fuisse docet. Spirenses enim Comites dicti & illi, qui pago aut Gouæ Spirensi praefuerunt.

Simile verò quid ab Ottone Magno & Episcopo Mindensi datum. Literas Cæsareas seruauit nobis auctor Chronici Mindensis. Quæ huc faciunt ita sonant: *Precipientes ergo iubemus, ut nullus iudex publicus [id est Princeps] vel quilibet ex iudiciaria potestate (Comes vel Scabini) in Ecclesias aut loca vel agros seu reliquas possessiones dictæ Ecclesie quas nunc infra ditionem regni nostri legibus possidet, vel quæ deinceps in iura eius diuina potestas voluerit augeri, ad causas audiendas vel freda exigenda, mansiones vel paradas faciendas, aut fideiussores tollendos, aut homines ipsius Ecclesie Francos, liberos & ecclesiasticos litones, malmian, vel seruos cuiuslibet conditionis, seu colonos contra rationem distringendos, nec ullas redhibitiones, aut illicitas occasiones requirendas ullo unquam tempore ingredi audeat, aut bannum siue herbannum, seu ea quæ supra memorata sunt, ab illis penitus exigere presumat, &c. Item: Insuper bannum nostrum & monetam teloniumque siue macellum publicum ibi construi licere, & quicquid ad potestatem nostram pertinere videbatur, eidem Ecclesie donauimus. Quo patet maiori tunc dono affectum Mindensem Episcopum, quam Spiresem.*

Trahenda verò huc videntur & illa de Adaldago Episcopo Bremensi, coæuo Ottonis Magni, apud Adamum c. 51. *Iste est qui nobis rem publicam restituit. Item: Adaldagus primus ut ingressus est Episcopatum, Bremam longo primis tempore potestatibus ac iudiciaria manu oppressam, precepto Regis absoluti, & instar reliquarum Urbium immunitate, simulque libertate fecit donari. Præcepta Regis hæc continentia præsto sunt, & alia. Libertas scilicet habitata tum fuit, exemptum esse seculari, quod appellant, iudicio, & Episcopi administrationi subesse. Multa scilicet indigna à Comitibus & Misis regiis passus ante populus, ut fieri assolet, & ex ipsis Capitulis Carolinis non potest esse obscurum. In mitius itaque imperium relatus indubiè tum populus, ubi Episcopis cæpit subiici, in libertatem se asseri existimauit. Et verò eiusmodi prorsus fuisse libertatem ab Adaldago partam, probant clarè eiuldem Adam verba t. 122. de Adelberto: *Et quoniam, inquit, magnus Pontifex vidit Ecclesiam, Episcopatumque suum, quem prædecessoris sui Adalgagi prudentia**

liberauerat, iniqua Ducem potentia iterum vexari, summo nisu reddere co-
 arum est eandem Ecclesiam pristina libertati, ita ut nec Dux nec Comes, nec
 aliqua iudicialis persona quampiam iurisdictionem aut potestatem in suo
 haberet Episcopatu. Tum verò ex eodem Adamo constat Adelberti
 ætate omni h. e. vsque ad annum 172. Breimam Urbem Episcopo paru-
 isse. Nam & Bezolinum Episcopum muro ciuitatem cinxisse c. 103. &
 Adelberti iussu eadem mœnia diruta c. 121. ab eiusdem vero ministris
 impotenti dominatu oppidanos pressos c. 183. fusâ narratione perfe-
 quitur.

Lucem hæc accipiunt ex versiculis nonnullis Dithmari, barbaris illis
 quidem, in testimonium tamen adduci hic aptissimis, quòd VVorma-
 riæ Urbis idem fatum exponant, & auctor planè hac ætate Henrici
 II. vixerit, illustri genere & dignitate Episcopali conspicuus. Consen-
 su sc. Ottonis Ducis VVormatiensis oppidum erat concessum Epi-
 copo;

*Vrbs Vormacensis gaudet temporibus istis
 Libertate sua, cuius manebat in umbra
 Hactenus, atque Ducum fuerat sub lege suorum.
 Burckard Antistes letatur & inter heriles,
 Ex animo proceres, quid non rimet amplius hostes
 Nunc ex contiguo, longè semotus ab illo.
 Aula Ducis, domini domus est, iam pradia Christi
 Et iudices varios clerum nunc deprimit illos.
 Hoc Rex Henricus fecit, pietate coruscus,
 Hanc propriis soluens rebus, Christoque remittens.
 Annuit ista pius Otto Dux, atque benignus
 Munere regali concessit abundè teneri:
 Ex hoc lasantes sint semper quique fideles.*

Idem Dithmarus de Ottonis II. in Episcopatum Mersburgensem li-
 beralitate l. 3. ita loquitur: Pauperem adhuc Episcopatum Mersburgen-
 sem largisua pietate respexit, & eius prouisorii Gislero, quia hunc multum
 dilexerat, Suenecam ciuitatem cum appertinentibus cunctis, ad seruitutem
 sancti Iohannis Baptiste tradidit, & quicquid Mersburgensis murus conti-
 net Urbis, cum Indis & mercatoribus de moneta & foresto &c. permisit.
 Quò simul patet verum esse quod diximus, ab Ottone primo non
 omnibus Episcopatibus amplas aded diuitias concessas, multò mi-
 nus

nus omnes Episcopos eius beneficio in Vrbes cathedrales suas iurisdictionem nactas.

Scilicet VVormacia Henrici primū benignitate cessit Episcopo. Ab eodem donatum Episcopo Argentinensi Strasburgum scribit Guillimannus *l. de Episcopis Argentinens. cap. 2.* Non probat tamen tabulis quæ adfert aliud Episcopo datum quàm monasterium S. Stephani: in cuius ditione fuisse oppidum perperam disputat *c. 4.* Et verò nec ipse negat *palatii regii* nomine audiisse idem Carolinorum ætate, & paulò ante donationem illam Henrici Cæsaris *caput Ducatus Alsatiæ* sub Hermanno Duce appellatur à Dithmaro *l. 5.* quibus temporibus paruisse Vrbem monasterio, nemini temerè probabitur. Quin fortè fuit Vrbis in ditione Ducum vsque ad familiæ illius interitum. Vrbes autem cathedrales multas in Episcoporum potestatem haud deuenisse constat exemplis Basileæ, Ratisbonæ, Augustæ Vindelicorum, quarum rempublicam certum est nunquam in ditionem Episcoporum deuenisse. Nempe quæ Vrbes iam antè peculium quasi Ducum & Comitum potentiorum erant factæ, illarum paucissimæ ab Episcopis occupatæ, vtut reliquæ nimia Regum liberalitate iis cesserint.

Cæterùm Episcopi vt hætenus in administratione aliorum bonorum, ita & in Vrbibus Aduocatis sunt vsi, adeoque ex eo vsque tempore in Vrbibus quarum iurisdicctio Episcopis concessa, iudiciis nomine Episcoporum Aduocati aut *Thumvögte* præfuerunt. Quibus & scabinos assessores ex populo eligendi fuit ius, vt pote quum in Comitum locum successissent, quibus hoc olim competierat. Et verò horum alibi maior, alibi minor fuit potentia, prout nempe plus aut minus regalium quæ appellantur in Episcoporum ditionem concessisset, quorum illi Aduocati ministri erant. Hoc verò Aduocati munus ab imprudentioribus nonnullis, certis familiis in feudi beneficium collatum, iisque interdum magnæ potentia & dignitatis, adeoque Ducibus, imò ipsis Cæsaribus. Quò effectum vt multarum Vrbium iurisdictione Episcopi paulatim exciderint, penè æterna lege alteri mancipatis iuribus suis, aut in ministerium ascitis iis, qui & inuitis suis dominis poterat imperare. Id quod multis ostendere huius argumenti non est, sed eius quòd de bonorum sacrorum administratione alibi pluribus est exsequendum.

Quæ verò Episcoporum eadem penè & monasteriorum antiquo;

rum, quæ fere omnia S. Benedicti viuendi regulam solent profiteri, conditio est. Namque & his à Cæsaribus villæ regiæ, Vrbes & arces, alibi cum fisci iuribus, alibi sine iis donatæ. Consilio certè multò minùs probando, quàm illo priore. Quid enim alienius esse debet ab hominibus professis & vitam contemplatiuam, quàm negotiis huius seculi sanctum suum orium impendere? Fuit autem & his Aduocatis opus, adeoque plerique cum auctoritate & viribus Episcopis ipsis essent inferiores, præ potentia Aduocatorum, aut longi temporis mora, suarum Urbium iurisdictione exciderunt.

Porro vt Episcopis & monasteriis, ita & Comitibus ac Ducibus partim pleno domini iure, partim in feudum, eadem Regum aut prodigalitate aut negligentia, plurimæ Vrbes cum fisci regi prouentibus cesserunt. Vnde in earum rempublicam eadem vis illis Dominis erat quæ antè Cæsaribus; imò nonnullibi per vim maior dominandi vis succreuit. Et verò huic præcipuè Cæsarum largitioni debetur, quod pleræque Vrbes Ducibus, & Comitibus, ratione iurisdictionis & fiscalium oriturum hodieque seruiant.

Ed verò vsque & largitionibus illis & negligentia Regum, maxime accedentibus immanibus illis turbis ab Henrici vsque IV. æuo, & paulatim magis magisque imminutâ regiâ vi & auctoritate, tandem peruentum, vt penè omnium Urbium Germanicarum summa iurisdictione cum omnibus fisci iuribus, priuatorum Ducum, Comitum, Episcoporum, & Monasteriorum possessio hodie censeatur. Extorquente regibus illa omnia nunc superstitione, nunc necessitate, nunc & aperta vi. Quâ de re plenius differere alterius loci est. Id certum paucas oppidò Vrbes hanc conditionem effugisse, puta fortè Aquilgranum, Francofurtum ad Mœnum, Goslariam, Northusam, Molhusum, & si quæ sunt aliæ. Has enim solas in aliorum ditionem non peruenisse dixeris, in oppidanos ipsos translata postmodum à Cæsaribus summa illa vicaria iurisdictione, cum multis aliis immunitatibus.

Quamuis verò plerarumque Urbium respublica primis illis Germanici Imperii temporibus ad eum modum ab illis potentioribus regni ordinibus sit occupata; in vniuersum tamen omnium Urbium conditionem speculantibus fortè pronunciare liceat, seculo duodecimo præter propter in maiorem multò libertatem cœpisse eas exurgere, initidò tamen à paucis facto. Procedente verò tempore multæ ab Episcoporum, Ducum, Comitum, Monasteriorum, aliorumque im-

perio

perio ac potestate vel prorsus, vel ex parte liberatæ sunt. Inter has aliis tandem ius suffragii in regni comitiis tributum, adiecto onere conferendi indictos publice nummos in ærarium regni, quas *Imperiales* vulgò appellamus: aliæ hac quidem dignitate destituuntur, iis tamen immunitatibus gaudent, ut in multis nonnullas prioris illius ordinis vincant, in paucis tantum Episcopis, Ducibus, Comitibus, Monasteriis, & quasi ad eorum solum reuerentiam, adstrictæ: aliæ ad dictius quidem regnantur, etiam ipsæ tamen rempublicam habent pristino liberiores.

Verum hæc omnia quando & quomodo cæperint, non vna opinio est. Namque ante hos centum annos & quod excurrit, videtur multis persuasum aut à Carolo Magno aut ab Ottone III. Cæsare *Vrbes* aliquas sigillatim regni vsui adscriptas, munere Cæsaris multis immunitatibus collatis, & tributo illo suffragandi iure. Posterius narrat inter alios auctor Chronici Colonienfis antiqui, vir cæteroqui haud indoctus, & pro capta temporis eximio iudicio. Verum ut omnia alia quæ attexit ille interdum de institutis ab eodem Ottone Electoribus, & regni Ordinū quadripartita serie, fabulosa sunt, ita certum est huius Ottonianæ constitutionis in omnibus retrò monumētis nec volam nec vestigium reperiri. Nonnullæ porrò *Vrbium* quas ille auctor ab Ottone nominatim in hoc ordine, vult locatas, tum temporis ne conditæ quidem erant, ut Lubeca, Berna, Luneburgum: aliæ Complures iam tum potentioribus ordinibus parebant, aliæ nunquam ad dignitatem illam peruenerunt, quod de Antuerpia, Gotinga, Luneburgo & aliis quibusdam extra controuersiam est. Caroli M. æuo omnes *Vrbes* in vniuersum à regis præfectis fuisse administratas suprà ostensum: nulla verò earum suas ita res gessit ut nunc fieri videmus, neque ab oneribus fisci regii ad hunc nostrum morem fuit immunis. Alii tempus quidem quo cæpit hæc libertas vel incertum putant vel varium, omnem tamen illam Cæsaris dono vnicè referunt acceptam. Hos enim Episcopis cum primis, quod illorum visum creuisset, seorsim *Vrbium* administrationem iterum eripuisse. Alii aliud causantur: plerosque tamen errare, haud difficile est ostensu.

Et quidem tempus quod attinet, immunitates & privilegia aliis temporibus alias *Vrbes* seorsim impetrasse certum est. Certum quoque ne singulas quidem *Vrbes* libertatem suam aliter quàm successu tem-

porū consequutas. Origo tamen horum omnium ferè post annum c13. c. à quo sc. tempore & numerus Urbium & oppidanorum cū frequentia, tum opulencia ferè cæpit: ceu suprà narratum. Minimè autem verum est omnem libertatem à Cæsaribus esse, sed magna pars etiam ab Episcopis, Principibus, Comitibus, Nobilibus profluxit. Nec libera donatione omnia impetrata, sed alia etiam emptione, alia permutatione; alia vi crepta primū, subsequuto contractu quodam pōst æquiore titulo possideri cæperunt. Sed neq omnium Urbium etiam illarum quas liberas nunc dicimus & Imperiales, eadem libertas, sed varia admodum, multis hodieque ab Ordinum regni imperio haud absolutis.

Hæc omnia pro dignitate exsequi prolixius est, quàm vt à nobis nunc quidem præstari possit. Quali in exemplum itaque pauca tantum adducemus. *Vormatiam* suprà diximus Henrici II. munere Episcopo cecisse: at eadem Urbs vectigalium soluendorum in compluribus locis Germaniæ onere liberata est ab Henrico IV. oneribus bidelli, manus mortuæ, aliisque seruilibus ab Henrico V. exigua alia adiecit Fridericus Barbarossa, petente id Episcopo, quæ omnia legere est in tabulis Friderici apud Lehmannū l. 4. c. 22. Nec verosimile est aliis privilegiis Urbem tum ornatam. *Spira* Nemetum Episcopo subdita per Ottonem, ab Henrico V. liberata est onere Bidelli in bonis defunctorum oppidanorum, vt & ab aliis oneribus fiscalibus, ceu liquet ex tabulis quas recitat Lehmannus l. 4. c. 22. Confirmavit eadem nonnullis adiectis Fridericus I. quas tabulas recitat Lehman. l. 5. c. 64. Idem Henricus V. concessit Spirensibus facultatem eligendi duodecim viros ex suo ordine reipublicæ administrandæ: alia quædam indulgit auctoritate Henrici VI. Philippus Suevus. Tabulæ extant apud eundem Lehmannum c. 69. A sequutis Imperatoribus alia donata sunt, quæ hic recitare non attinet. Etsi verò hac ratione Cæsaribus fauentibus Episcopi potestati multum decesserit, vel sic tamen mansit Episcopo facultas constituendi iudicium, & de cætero obsequium ac fidelitatem Episcopo vt domino suo hodie iurant oppidani. Quam rem latè narrat Lehmannus l. 4. c. 23. & 24. Nihilominus Spiram inter Imperiales primi esse ordinis constat.

Ratisbonam regiam Urbem appellat ætate Ottonis IV. Vid. kindus: eadem post cecit Ducibus, vnde Norici Ducatus metropolis audiit ætate Friderici I. apud Ottonem Frisingens. l. 2. *De gest. Frid. cap. 28.* at illa Urbs

la Vrbs subducta est Ducatui quo tempore Henricus Leo exutus est omni potestate. Idem contigit *Lubeca*, quam amplis priuilegiis ornarat recenter tum exstructam, teste Helmoldo, idem Leo. De quo legendus Auentinus, & alii. A *Canrado* ultimo Duce *Sueuia* cines *Augustani* se suaque in libertatem non paruo asseruerunt argento: verba sunt *Cruſii* *annal.* p. 3. l. 2. c. 17. Nunc verò utraque subiectione liberati, in posterum ipsimet sibi ex suis municipibus ingenuis proprium senatum eligere & ciuitatis Curatores, Duumuirosue [Magistros tunc ciuium dictos, *Burgermeister*, *Consules*] & Praefectos vrbis adhuc *Stadtpleger* appellari solitos, liberè creare coeperunt, ex quorum consilio & industria totius Reipubl. sua gubernatio penderet, capitalia tamen iudicia, malefactorumque actiones, ut olim, ita & post hac penes Imperatoris vicarios manserunt. Et verò haecenus quidem capitalium rerum praetura illam potuerunt sibi impetrare: sed nunc penes Comites, nunc penes Duces, nunc penes alios fuit, quàm inuitis quàm volentibus *Augustanis*. *Vlmam* regiam olim villam *Carolus M.* donauit monasterio *Augia*, quod diuitis audit cognomeato: at à *Ludouico Bauaro* [verba iterum sunt *Cruſii*] impetrauerunt *Vlmenses*, ut soluerentur in go *Diuit-angienſis* monasterii. Itaque deinde ipsi senatum, consules & tribunos plebis, potestate à *Casare* acceptâ, fecerunt *Ann. circ. 1346.* ita se tunc ferè omnino in libertatem à *Richenoensi* Abbate vindicarunt. Adhuc tamen Monachis eos infestantibus *Carolus IV.* postea eis priuilegia *Ludouici* confirmauit. Nondum vexare destinantibus claustralibus, in concilio *Constantienſi* & *Basiliensi* tandem *Fridericus III.* *Vlmam* omnino liberauit. *Tiguri* fuere à regibus *Francorum* duo collegia sacra, virorum vnum, alterum mulierum, instituta. Penes hac olim (*scribit Simlerus*) maxima ex parte imperiū Vrbs fuit. Ceterum in arce quæ ad *Lemagum* edito loco sita olim fuit, *Francorum* regum praefecti habitabant, qui collegiorum & Vrbs aduocati erant. Post sub Germanis Imperatoribus itidem praefecti dati sunt Vrbi & collegiis, non tamen qui in arce habitarent, nam hoc munus plerumque Principes viri habebant. Ceterum temporibus illis Vrbs nihilominus suum consilium habebat virorum 36. è quibus duodecim quadrimestri tempore imperabant. Fuit autem penes illa collegia ius cooptandi idoneos ex oppidanis in illud consilium, donec *Fridericus II.* concessit Vrbi liberam electionem huius consilii, & ipsa criminalium rerum praetura Vibi cessit, circa annum 1336. si credimus *Stumpfii* annalibus.

Constat porro à Ducibus *Zaringenſibus Bernam*, *Friburgum* &

K

multa alia præclara oppida possessa: similiter in peculio Ducum Sueuiæ innumeras arces & ingentem tunc tractum & complures Vrbes censitas. Vtraque autem familia seculo decimo tertio expirauit, nec successorem naçta est, adeoque, vt omnia alia, ita & Vrbes omnes proximè Cæsarium imperio cæperunt subiici, qui criminalium rerum præturam sibi seruantes, aliorum munerum constitutionem libero oppidanorum arbitrio reliquerunt, confirmatis priuilegijs & immunitatibus quas à Ducibus suis iam erant consequuti.

Verùm hæc & alia narrare singularis erit operæ. Vel ex his paucis tamen pater, non vno modo, aut vno tempore, natam libertatem & immunitates Urbium. Causa verò cur Episcoporum præcipuè, vt & Ducum nonnullorum vis, in multis Urbibus per Cæsares post annu ciro. c. fuerit accisa, non alia est, quàm quòd Saxoniorum Cæsarium nimia libertate, Franconici & Sueuici Reges lenferint altius creuisse nonnullos Ordinum quàm expediret regno, nec sanè aliam viam inuenirent firmandæ regiæ dignitati, quàm Vrbes potentiores eorum imperio subducendo. Id quod effectu eò facilius tum fuit, quò iam plurimum auctis oppidanorum diuitiis, illi in libertatem prono admodum erant animo, ceu fieri assolet. Et verò ab eo usque tempore præ rerum omnium abundantiâ, præsertim quum numero incolarum floreret, ad altiora nullæ non Vrbes adspirarunt, pristina tenuitate minimè contentæ. Quam rem cum primis iuuit Ducatum & Comitatum in minutas particulas, pro multitudine eorum qui illustribus familiis erant, diuisione: qui mos à seculo usque decimo tertio circiter inualescens, potentiam Ducum & Comitum plurimum delibauit: ingrauescente magis magisque malo, quòd in turbis illis reipublicæ, plerique bellum ex bello ferebant: vnde domi egestas. At interea crescente opulentiâ oppidanorum, Urbibusque firmiore muro cinctis, contempta paulatim dominorum impotentiâ, & imperium eorum detrectatum, inde à pecuniæ egenis leui saepe ære immunitatis & libertatis varia iura redempta, alibi & vi expressa sunt.

Sed de his aliàs latius. Quò verò constet clariùs quantum mutata sit reipublicæ Urbicæ ratio quingentis hisce retrò proximis annis, ab illo statu qui Carolinorum temporibus fuit in usu, age rem breuiter oculo subiiciamus. Primum nullæ tum Vrbes in vilius Ducis aut Comitatus aut Episcopi patrimonio fuerunt: hodie earum pleræ-

pleræque ab iis possidentur. Secundò ius constituendi Senatum & Consules, aut iudices vel scabinos, penes regem fuit eiusque præfectos, *Comites* inquam & *Misso*: nunc in plurimis Urbibus penes ipsos ciues hæc facultas, alibi Ducibus aut Comitibus aut Episcopis id competit, alibi partim his partim illis, Imperatori autem fortè nullibi. Tertio deliberationes & consultationes oppidanorum de rebus exiguis & vilibus tum institutæ, rebus sc. Urbium admodum accitis: nunc de bello & pace, de fœderibus, aliisque negotiis momenti maximi. Quarto criminalium rerum iudicium oppidanis nullis tum competit: hodiè id ipsum plurimi nacti sunt. Quintò denique in comitiis regni ad suffragia ferenda nulli tum admitti oppidani, sed oppidorum Comites, hodie verò etiam hoc ius haud paucis cessit.

Quantùm itaque mutata sit Urbium conditio, in propatulo est. Igitur ratione reipublicæ quidem primaria hodiè differentia Urbium est, quod aliæ ius habeant suffragii in comitiis regni cum onere contribuendi in publicum regni ærarium: aliæ hoc ipso careant. Prioris generis nonnullæ olim dictæ sunt *libere*, nonnullæ *regni* vel *Imperiales*: illæ quæ aut nunquã aut nõ diu aliis quàm solis Caesaribus paruissent, præ his quæ seriùs aliquantò in libertatem assertæ, dignitatis aliquam prærogatiuam sibi vindicarent. Inter autem illas nonnullæ & magistratuum & iudiciorum omnium plenam habent potestatem, nonnullæ in quibusdam quæ ad magistratuum constitutionem & iudicia pertinent, hodie vel à Cesare ipso, vel ab Episcopis, Ducibus, Comitibus, Abbatibus dependent. Posterioris ordinis itidem quædam liberrimam habent facultatem magistratuum & iudiciorum cum ciuiliu tum criminalium, quædam neque magistratus constituere, neque iudicia possunt instituere, nisi auctoritate Principum: quædam denique medio sunt loco, diuersæ tamen & ipsæ rationis.

Magistratum porò quod attinet, facilè probatu est Caroli ætate Consules & Senatores, ut & Scabinos, delectos, non quidem à populo, ex populo tamen, & quidem munia hæc commissa solis primariis ciuibus, insigni genere natis, opificum, institorum & operariorum plebe exclusâ. Neque legas ad consultationes vocatam plebem. Seruatum hoc etiam pòst, vbi iam ipsa eligendi potestas Urbibus erat concessâ. Hinc antiquitus in Germaniæ oppidis

Oligarchiæ inualuerant, & quidem omnis generis, ut illas optime enumerat Aristoteles vniciuſciuiſ prudentiæ magiſter 4. Polit. cap. 5. Poſt annum tamen circiter cto. ccc. penè vbiuſi exortâ ſeditione inter plebem & patricios, mutauit reſpublica, & popularis ſtatus paſſim introductus eſt, ita ut hodie vix vna amplius & altera Oligarchia ſuperſit.

Quod procul dubio contigit haud aliâ de cauſâ, quàm quòd eo tempore plebs & numero & opibus iam creuiſſet, ſuaſque tribus paſſim & collegia haberet, patricii verò haud ſatis obſeruarent artes, conſeruandæ Oligarchiæ. Ex eo verò pro Oligarchiis variæ paſſim vel Democratia, vel Ariſtocratia, vel mixti ſtatus nati. Quorum omnium conſtitutiones, morbos, pericula, ſalutem, remedia, exponere fortaiſſis operæ quidem eſſet prætium maximum, nos tamen hodie ne attingemus quidem, tam nobile argumentum in aliud tempus reiicientes.

Aeromaris II. Finis.

DE GER-



DE
GERMANICI IMPERII
REPVBLICA
ACROAMA TERTIVM

in quo agitur

DE DVCIBVS
ET COMITIBVS IM-
PERII GERMANICI



Ntiquis Germaniæ temporibus Ducum officium at-
que dignitatem bellicam fuisse docet nos Iulius Cæ-
sar L. 6. de bell. Gall. de Germanis ita scribens: Cum
bellum Civitas aut illatum defendit aut infert, magi-
stratus qui ei bello præfunt, ut viri necisque habeant po-
testatem, deliguntur. Cui iungendus C. Corne-
lius Tacitus: Reges, inquiens, ex nobilitate, Duces
ex virtute sumunt. Nec Regibus infinita aut libera potestas: & Duces exem-
plo potius, quam imperio, si prompti, si conspicui, si ante aciem agant, ad-
miracione præfunt. c. 7. de mor. Germ.

Licet verò id quod d. l. statim subiicit Cæsar, in pace Germanis nul-
lum communem esse magistratum, de omnibus verum non sit: siquidem
ex iam allegatis Taciti verbis constat, præter paucissimos, quibus
vnius regiè imperavit (vti de Suionibus notat Tacitus de mor. Germ.
c. 44.) fuisse etiam populos, qui sibi Regem vel Principem ex nobi-
litate sumplerunt, & sub eius vixerunt imperio, non tamen absoluto,
sed ita, ut maiestas penes populum maneret, quod patet ex eodem

K. 3

Tacito dicente, *Regem in concilio audiri auctoritate suadendi magis quam imperandi*. Et de his dici potest idem, quod Aristoteles alicubi dicit, priscis temporibus eundem populi, eundemque exercitus fuisse Ducem. 5. pol. 5.

Plurique tamen populi eiusmodi communem magistratum pacis tempore & simul perpetuum, quasi belli Ducem (ut de Lacedæmonum Regibus loquitur Aristot. 3. pol. 14.) non habuerunt: unde Tacitus l. 2. annal. c. 44. scribit: *Maroboduus Regis nomen inuisum apud populares: Arminium pro libertate pugnantem fauor habebat*. Cum enim Germani libertatis famam Græcis iuxta ac Latinis monumentis maximè celebrentur, non potuit non ipsis merè regium imperium esse inuisum, democratica autem reipublicæ administratio gratissima, ut constat ex 4. pol. 4.

Hi itaque populi bellum suscepturi omninò necesse habuerunt vnum aliquem, respectu habito ad bellicam virtutem eligere, totique exercitui præficere, quem procul dubio Scertog vel Scertog dixere, vid. Phil. Cluuii. l. ant. 1. Germ. c. 46. Exemplum inuenire licet apud Tacitum lib. 4. hist. c. 15. in Brionione Caninefate, quippe cum Ciuili Batauis rebellionem in Romanos Batauis suis persuassisset, tractis in belli societatem Caninefatibus ac Frisiis, Brinio stolidæ audaciæ Caninefas, claritate natalium insignis, cuius pater multa hostilia ausus, Caiarum expeditionum ludibrium impune speruerat, igitur ipse rebellis familia nomine placuit, impostusque scuto more gentis & sustinentium humeris vibratus, Dux deligitur, totius scilicet exercitus, qui ex Batauis, Caninefatibus ac Frisiis constabat. Rurum quem in præficiendo Duce adhibuerunt, discimus ex proximè allatis verbis, deligebatur nimirum Dux à multitudine in Concilio, delectus scuto imponebatur, atque in sublime sustinentium humeris eleuabatur, inque gyrum circumlatus Dux belli decreti saluabatur: quem eundem morem etiam in Regum constitutione à Germanis, ut & à Romanis militibus Imp. declarantibus, adhibitum esse, testibus confirmat Cluuius d. c. 49.

Potestatem illorum Ducum quod attinet, in eâ definienda discrepant Iulius Cæsar & Tacitus: ille *potestatem vitæ & necis* ipsis adscribit, hic verò iam antè ex l. de mor. Germ. allegatis hæc subiicit: *Ceterum neque animaduertere, neque vincere, neque verberare quidem nisi sacerdotibus permissum: non quasi in penam, nec Ducis iussu, sed quasi Deo imperante*

imperante. Verùm cum Tacito res Germanicæ magis perspectæ fuerint, potior ei merito fides habenda, præsertim cum non verisimile sit eiusmodi temporario Duci plûs Germanos tribuisse, quàm perpetuo belli Duci siue Regi: cuius quæ fuerit potestas ipse docet Cæsar l.v. de Bell. Gall. ubi refert orationem Ambiorigis Eburonum dimidiæ partis Regis, in quâ habetur: id quod fecerit de oppugnatione castrorum non iudicio aut voluntate suâ fecisse sed coactû ciuitatis: suaque esse eiusmodi imperia, ut non minus haberet iuris in se multitudo, quàm ipse in multitudinem. Neque tamen colligendum omnino nihil potestatis fuisse Ducibus: parendum enim utique erat ipsorum imperatis, licet ipsi in inobedientes animaduertere non potuerint, nec soli de re alicuius momenti statuere. Vnde legimus apud Tacitum l.2. *Annal.* c.45. Iulio Merum cum manu clientum ad Maroboduum perfigisse non aliam ob causam, quàm quia fratris filio iuueni (Arminio Duci) patruus senex parere dedignabatur. At verò finito bello his Ducibus nullam competiisse potestatem satis apparet: eosdem tamen inter nobiliores relatos & magno in honore fuisse quis dubitet?

Cæterum cum non solum necessarium sit ciuitati, si velit tueri libertatem, ut in ea sint qui bella gerant, sed quàm maxime necessariû sit, ut sint, qui ius dicant, docente Aristotele 4. *pol.* 4. Hinc quoque à Germanis non tantum bellicus magistratus constitutus, sed & electi ex nobilitate qui iura per pagos vicosque redderent, quos ab antiquissimis temporibus Grauen, [quæ vox iudicem significat, *gl. spec. Sax.* l.3. *art.* 53. Ein Graff bedeut nach altem Sâxischen Deutschen ein Richter / darumb haben diesen Nahmen viel vnterschieden Richter] dictos sequior ætas, nomine in Imperio Romano post Constantinum vsitato, Comites, Cæsar & Tacitus Principes appellant. Ita enim ille l.vi. de bell. Gall. in pace nullus est communis magistratus, sed Principes regionum atque pagorum inter suos ius dicunt controuersiasque minuunt. Huius verba sunt: Eliguntur in iisdem conciliis & Principes, qui iura per pagos vicosque reddunt. c.12. de mor. Germ. Item c.11. De minoribus rebus principes consulunt, de maioribus omnes, ita tamen, ut ea quorum penes plebem arbitrium est, apud Principes prætulerint. De iisdem Idem c.13. ait: insignis nobilitas aut magna patrum merita Principis dignationem & adulescentulis assignant. Ex quibus monumentis apparet, à quibus & ex quibus ele-

ti, & quod eorum fuerit officium, & quæ potestas, tum respectu totius reip. tum respectu vicorum vel pagorum, quibus iuris dicendi gratiâ præfecti erant.

Respectu totius reip. nobilium illarum familiarum [der Graven] autoritas ferè in duobus consistebat, 1. quod haberent potestatem, ut soli de minoribus rebus consultarent. 2. quod possent de maioribus rebus *περὶ ἀσφαλείης* siue *περὶ ἀσφαλείης*, quæ de re Arist. 4. Pol. 14. & 15. Respectu verò pagi & vici, cui præerat Princeps, competebat ipsi Iurisdic- tio, mixtum & merum imperium [ut cum iure Romano loquamur,] ita ramen ut quidam ex plebe delecti assessores iungerentur. Testatur hoc disertè Tacitus d. c. 12. *Centeni singulis ex plebe Comites, consilium simul & autoritas adsunt.* Ingenuos autem hos Comites seu Assessores fuisse ex eodem Taciti libro colligere est, dum dicit: *Liberti non multum supra servos sunt, raro aliquod momentum in domo, nunquam in ciuitate, exceptis dumtaxat iis gentibus, quæ regnantur. Ibi enim & super nobiles ascendunt.* Apud ceteros impares libertini libertatis argumentum sunt. c. 25. Dicti illi Assessores, quos Tacitus Comites vocat, Germanis iam olim fortè aut post Schepen / Schöppen / Schöpsen.

Hic Germaniæ status & administrandæ reip. ratio, adeoque & Ducum, Principum, & Comitum (ut quidem his nominibus Tacitus utitur) conditio & potestas apud Germanos Cis-Rhenanos mansit usque dum à Romanis victi, in prouincias redacti, iisque heriles magistratus præfecti sunt. Ita enim Hottomanus c. 3. Franco Gall. *Tertia Prouincialium seruitus erat, ut ne legibus suis patriis uterentur, sed magistratus à Pop. Rom. cum imperio & securibus mitterentur.* Sic apud Tacitum iv. Hist. c. 55. legimus ab Imp. Vitellio ripæ Rheni præfectum fuisse Iulium Tutorem. Suetonius in Domitiano c. 6. bellum civile motum scribit à L. Antonio superioris Germaniæ Præside.

Sciendum verò hic, apud Romanos Ducum Comitumque nomen non eandem semper significationem habuisse. Ducis quidem appellatio ei primùm tributa, qui exercitum ducebat: postea appellati Duces qui prouinciis præessent, præsertim limitaneis, quorum officium fuit præesse rei militari istis in ditionibus, vid. Onuphrius Panuinius L. 3. *Comm. de Imp. Rom. p. 887.* Guido Pancirolus in *not. Imp. part. 1. cap. 139.* & Idem *thes. var. lect. L. 1. c. 5.* Id quod etiam obtinuit tempore Iustiniani, sicut apparet ex Rescripto eius ad Belisarium, quod habetur

betur in l. 2. c. de offic. pref. prat. Vtteriùs deinde Ducum potestas non ad res militares solùm restricta, sed & ad iuris dicendi potestatem extensa. Comites autem initio apud Romanos nominabantur, qui focii siue adiuncti alicuius erant: sic Papinianus Assessores iudicum Comites vocat in l. 4. D. de off. Assess. vt & Macer in l. 5. D. ad L. lul. reper. Qui ergo in contubernium Imperatoriæ Maiestatis adsciti (vti adscuisse optimos quosque de senatu Adrianum scribit Spartianus) etiam Comites appellati sunt, quorum operâ & consiliis in bello & pace Impp. vsi. Cùm deinde Constantinus M. plurimis ministeriis aulicis, nec non prouinciis, partim vt militibus præessent, partim vt ius dicerent, quoddam præficeret, eiusmodi Comitibus ad istas præfecturas adhibitis, nomen ipsis Comitum mansit, & dignitas Comitua dicta. Hinc passim occurrit mentio Comitum sacrarum largitionum, Comitum rerum priuatarum, Comitum Archiatrorum, Vid. Cassiodor. L. 6. var. c. 7. 8. 18. Comitum Syracusanæ, Neapolitanæ, Idem capp. poster. l. 6. add. c. L. 7.

Superatâ itaq; à Romanis Germaniâ Cis Rhenanâ, eam in plures prouincias distribuerunt, iisque vel Duces vel Comites, vel Duces & Comites præfecerunt. Ita legimus Ducem Germaniæ primæ, Ducem Moguntiacensem, Comitum Argentoratensem, Ducem Sequaniæ, Ducem Rhetiæ primæ & secundæ, Ducem Belgicæ secundæ, &c. vid. Notit. Imp. & in eam Pancirol. part. 2. ca. 75. & seqq. Lehman. L. 1. chron. Spir. c. 9. Ammianus Marcellinus L. 27. ab init. mentionem facit Carictronis Comitum per vtramque Germaniam: & sæpius Idem suâ in historiâ Comites nominat, quos Romani constituere.

Apud Trans-Rhenanos Germanos diutius mansit antiqua reip. facies: verum Francis omnia sibi subiicientibus & illa mutata est. Certè apud Saxones veterem reip. administrationem ad Francorum tempora durasse disertè docet VVitichindus L. 1. verba eius sunt: *A tribus etiam Principibus totius gentis Ducatus administrabatur certis terminis, exercitus congregandi potestate contentis, quos suis locis ac vocabulis nunciuimus signatos, in orientales sc. populos, Angarios atque VVestualos. Si autem vniuersale bellum ingrueret, forte eligitur, cui omnes obedire oportuit, ad administrandum imminens bellum. Quo peracto, a quo iure ac lege propriâ contentus potestate vnusquisque vivebat.* Hæc ille. Vnde obiter discere est, quàm fabulosa sint illa, quæ vulgò narrantur de VVitichindi regiâ in omnès Saxones potestate: quanquam illa e-

tiam hinc possint refelli, quod nullius Regis Saxonici in historia Caroli Magni fiat mentio, & V Vitichindus solis Angriuarii dicatur præfuisse. Cæterum Franci, morem Romanorum secuti, omnes terras in prouinciæ formam redegerunt, & præcauenda defectionis, vt & defensionis ab hostibus, nec non commodioris administrationis gratiâ, *Duces*, i.e. summos gubernatores nonnullis earum præfecerunt, quibus interdum Comites adiuncti, vel etiam Comitibus prouincias sine Ducibus regendas concediderunt. Confirmat hæc, quæ diximus, Beatus Rhenanus l. 2. rer. Germ. *In hoc*, inquit, *Roman s. imitari sunt Franci*. Nam illi Prouinciarum rect. res *Duces* appellabant, id quod ex libro magistratuum Romanorum satis liquet: unde form. la *Ducatus* Rhetiarum apud Castiodrum in Variis. Deligebant autem Ducem ex nobili familiâ. Sic Boiariis Agilolfingorum antiqua gens diu *Duces* dedit, ex quâ V Velphones prodisse suspicor. Hoc autem privilegium habebat ea familia à præcis Francorum Regibus, ut si quis fidus regno prudensque ex eadem progenitus compertus fuisset, non aliunde quisquam asisteretur in Ducem. Ergo primam dignationem sub Francis in Alemanniâ habebat Dux, proximam Comites. Similiter Vadianus L. 1. de colleg. Monast. in Germ. vet. *Franci Reges*, dicit, Regnum suum Ducum maxime & Comitum operâ moderabantur, qui in illâ quidem ætate, non suam seu propriam, sed publicam regni ditionem, administrabant.

Duces igitur quod attinet, constat ex iam adductis Rhenani verbis, eos ex nobili familiâ optimeque de patriâ meritâ à Rege & Proceribus electos, ita tamen vt filius dignus parentis munere non facile præteritus sit. Dignitatem hanc summam fuisse, non tamen aliam quàm alicuius magistratus, Vadiani verba docent: prouinciarum videlicet, quas gubernabant, plenum dominium apud Regem & populum mansit, ipsi solam administrationem & iurisdictionem quoad ecclesiasticas & civiles causas habebant, uti videre est ex legibus administrationi Ducis Baioariæ præscriptis, quæ exstant apud Auentin. L. 111. annal. & Lehman. chron. Spir. L. 2. c. 16. Vnde Idem Vadianus cit. loc. *Illâ ætate*, inquit, *Duces & comites non sui iuris, sed Regum atque Imperatorum officarii veluti atque ministri erant*. Fuit autem & horum Ducum, necessitate exigente, militiæ præesse. Sic enim in LL. Alemannorum cap. 35. dicitur: *dum Dux utilitatem Regis potest facere, i.e. exercitum gubernare, &c.*

Sub his Ducibus aliquando erant Comites, inferiores iudices, qui
in ciui-

in ciuitatibus ac pagis prouinciarum & in Ecclesiasticis & civilibus
ius dicebant. Leg. Lehman. L. 2. c. 21. 22. 23. Atque Comites etiam bel-
li praesides erant, vt constat ex Paulo Diacono L. 5. c. 14. dicente: *Is*
[Alahis] *dum Dux esset in Tridentina ciuitate cum comite Baiariorum,*
quem illi Graunonem dicunt, qui Banzanum & reliqua castella regebat,
confluxit, eumque mirifice superauit.

Quamuis autem expressa lege, teste Lehmanno L. 2. c. 16. cautum
fuerit, vt, si quis Dux de prouincia illa quam Rex ordinauerit tam audax
aut contumax, aut leuitate stimulat, seu proteruus & elatus, vel super-
bus atque rebellis, fuerit, qui decretum regis contempserit, a nato dignitate
ipsius Ducatus careat, insuper spe superna contemplationis sciat se esse c. n-
demnatum & viam salutis amittat: successu tamen temporis autorita-
te & potentia Ducum crescente nonnulli istorum Reges suos spre-
uere, colque tanquam superiores agnoscere noluerunt. Quod pru-
denter perspicuens Carolus M. duos Francici regni tum maximos
Ducatus Baioaricum & Aquitanicum sustulit, prouincias inter plu-
rimos Comites distribuit: magno regiae potestatis bono. Testatur
hoc de Baioarico Eginhardus in vita Caroli his verbis: *Thassilo Dux*
Bauaria ad Regem euocatus, nec redire permissus, neque prouincia quam
tenebat, ulterius praesse, sed Comitibus ad regendum commissa est. Eo-
dem modo & alios Ducatus in plures Comitatus transmutauit: vid.
Lehmann. l. 2. cap. 16. Vnde sub Imperio stirpis Carolinae in histo-
ria Francica gubernatores Comites seu Grauniones plerumque ap-
pellantur, raro Duces, & licet forte ab Historicorum aliquo quis
Dux dicatur, idem eiusdem prouinciae ab alio Comes vocatur.

Fuit vero tempestate Francorum, praesertim aetate Caroli Mag-
& sequenti, duplex magistratus, alius Ecclesiasticus, quem gere-
bant Episcopi circa sacra occupati; alius secularis, isque vel status &
ordinarius iudicum, vel extra ordinem Legatorum. Illi dicebantur
Grauniones, qui tum Latinum nomen ex more Romanae reip. acce-
perant Comitum; Duces si qui fuere Comitum potestate vti sunt.
Potestate autem magna hi fuere praediti, vicaria tamen tantum, non
propria, consistebat ea in iure dicendi, & si necessitas efflagitaret, in
ducendo ciues in aciem. Fidem dictis faciunt quae in capitulis Ca-
roli & Ludouici Imp. ab Ang. giso collectis habentur L. 2. c. 25. In
Vesuntio quae est diocesis Bernoini Archiepiscopi Heimirus Episc. & Mon-
goldus Comes. In Mogentia, quae est diocesis Heostulsi Archiep. idem Heistul-

phus Episcopus & Adalbertus Comes. In Coloniâ Hadaboldus Archiep. & Ermundus Comes &c. Spectant huc, quæ scribit Marquardus Freherus in comment. de Lupoduno p. 12. Erat tum, temporis (Pipini Carolique ævo) Francorum ditio totaque Germania vetus in pagos tributa, singulisque pagis, quibus unus Comes præpositus, sua villa: inter quas præcipua Comitris domicilio cedebat, in quâ sedem & aulam suam [quam Saalam ipsi vocabant, (tribunalque & auditorium (quod Mallum illud) haberet, ubi more maiorum ius diceret &c.

Officium horum Comitum patet ex iis quæ ex diplomate quodam Caroli M. adducit Henricus Meibomius in vindiciis Billinganis: Quapropter in illâ parte Saxoniæ [Vestvaliâ] Trutmannum virum inlustrem ibidem Comitem ordinamus, ut resideat in curte ad campos, in mallo [iudicio] publico ad vniuersarum causas audiendas, vel recta iudicia terminanda,isque aduocatum omnium presbiterorum in totâ Saxoniâ fideliter agat, superque Vicarios & Scabinos, quos sub se habet, diligenter inquirat & animaduertat, ita ut officia sua sedulo peragant. Idem Comitibus inculcant capitula Caroli & Ludouici, ex quibus quod habetur L. 2. c. 6. adscribamus: Vobis verò Comitibus dicimus, vosque commonemus, quia ad vestrum ministerium maxime pertinet, ut reuerentiam & honorem sanctæ Dei Ecclesiæ exhibeatis, & cum Episcopis vestris concorderetis viuatis, & eis adiutorium ad suum ministerium peragendum præbeatis, & ut vos ipsi in ministeriis vestris pacem & iustitiam faciatis, & quæ nostra auctoritas publicè fieri decernit, in vestris ministeriis studiosè perficere studeatis. Proinde monemus vestram fidelitatem, ut memores sitis fidei nobis promissæ, & in parte ministerii nostri vobis commissi, in pace se, & iustitiâ faciendâ vosmetipsos coram Deo & hominibus tales exhibeatis, ut nostri veri adiutores & populi conseruatores iuste dici & vocari possitis. Illos quoque qui temeritate & violentiâ in furtis & latrocinis siue rapinis communem pacem populi perturbare moliantur, vestro studio & correctione, sicut decet, compescite. Et si aliqua persona in aliquo vobis impedimento fuerit, quin ea quæ dicimus facere non valeatis, nobis ad tempus illud notum fiat, ut nostrâ auctoritate adiuti, ministerium vestrum dignè adimplere possitis. Addamus etiâ ex L. 4. c. 5. volumus ut Comites, qui ad custodiendam maritimam deputati sunt, quicunque ex eis in suo ministerio resideret, de iustitiâ faciendâ se non excuset propter illam custodiam: sed ibi secum suos Scabinos habeat, si sibi placitum teneat, & iustitiam faciat. Vid. L. 2. c. 23. 24. L. 3. c. 50. Leg. Baioar. t. 2. Marculphi formul. 32. in Cod. LL. Antiq.

riq. Frid. Lindenbrogii. His Comitibus fuerunt adiuncti Scabini siue Allessores, & quidem ex plebe electi, de quibus L. 3. c. 33. capp. addit. t. 4. c. 73. 74. Legatorum seu missorum officium clarè proponitur in capitulis Carol. & Ludov. L. 2. c. 26. his verbis: Ad hoc à nobis missi constitu-
ri, ut si quilibet Episcopus aut Comes ministerium suum propter quodlibet impedimentum implere non possit, ad eos recurrat: & cum eorum adiutorio ministerium suum adimpleat. Et si talis causa fuerit, que per eorum admonitionem emendari non possit, per eos ad nostram notitiam deferatur. Et si forte Episcopus aut Comes aliquid negligentius in suo ministerio egerit, per istorum admonitionem corrigatur: & omnis populus sciat ad hoc eos esse constitutos, ut quicumque per negligentiam aut incuriam vel possibilitatem Comitum iustitiam suam acquirere non poterit, ad eos primum querelam suam possit deferre, & per eorum auxilium iustitiam acquirere, &c. add. c. 27. 28. & L. 3. c. 39. 87.

Licet autè nec eà etate Comitatus dignitas hereditaria fuerit, nihilominus tamen ferè filii Comitum non negligebantur, id quod attestat Capitulum Caroli Calui apud Mireum in Annal. Belg. A. 877. fol. 403. quod ita habet: Si Comes de regno obierit, cuius filius nobiscum, filius noster ordinet de his, qui eidem Comiti plus familiares, propinquioresque fuerunt, qui cum ministerialibus ipsius Comitatus, & cum Episcopo, in cuius Parochia fuerit ipse Comitatus, ipsum Comitatum provideant, siue regant, usque dum nobis renunciatur, ut filium illius, qui nobiscum erit, de honoribus illius honoremus &c. Vid. Christoph. Befoldum thes. pract. verb. **Graff.**

Comites porro alii **Marcgraven** dicti [à voce *March* limitem vel fines notante, vid. Lindenbrog. glossar. voc. *Marcha*] qui finibus præfecti incursionibus hostium resistebant & simul ibi ius dicebant. Alii **Landgraven**, Comites provinciales. Alii **Pallenzgraven** / **Palatii** Cælaris præfecti, de quibus Hincmarus: Comes Palatii de omnibus secularibus causis vel iudiciis suscipiendis curam instanter habebat; ut nec seculares prius Dominum Regem absque eius consultu inquietare necesse haberent, quousque ille prouideret, si necessitas esset, ut causa ante Regem meritis venire deberet. Et Eginhardus in vita Caroli M. si Comes Palatii licet aliquam esse diceret, que sine eius iussu definiri non poterat; statim litigantes introducere iussit, & veluti pro tribunali sedens, lite cognita sententiam dixit. Alii **Burggraven**, arci cuidam præfecti: ita [sunt verba Hugonis Grotii de ant. reip. Batav. c. 5.] *Wassenariorum præfati ante Didericum Burggraviu facere, hoc est iudices arvis eius, quæ*

in locum urbis Lugduni Batavorum à Normannis, ut credibile est, diruti, succeſſerat, ſimulque agri adiacentis: quibus etiam vectigalia, velut cinnis Rheni cuſtodibus, ſoluebantur, qua in hunc diem penes poſteros eorum manent.

Ex his Ducum Comitumque originem & uſque ad illa tempora officium ſatis conſtare opinor. Cum autem adducti Hiſtorici tradant, Ducatus & Comitatus in Germaniâ ad Romanorum imitationem inſtitutos, non adſtipulari poſſumus Cluuerio L. i. c. 48. ant. Germ. ita ſcribenti: *Romani olim, ut multa alia à Germanis mutuati, ſic hos quoque militia ritulos in ſuam diſciplinam adſumpſerunt, præſectos prouinciarum Ducum Comitumque adſuſcipientes vocabulis.*

Eſſi verò Carolus Magnus aboleuerit Ducatus, poſteri tamen eius rebus regni attenuatis, in Germaniâ, Galliâ & Italia complures iterum inſtituerunt. Et quidem vltimis Carolinorum temporibus Germania, ut eam diſtinxeris à terris quas Venedi inhabitauerunt, quinque habuit Ducatus, Baioaricum, Suevicum, Francicum, Lotharingicum, & Saxonicum. Quorum potentia tandem ea fuit, ut Duces hi de prouinciis ſibi proprio iure attribuendis cogitarint, liberè Regum inſtar regnaturi. Cum enim tempore Ludouici iv. vltimi Regis ex Carlinâ ſtirpe, Hungari in Germaniam irruerent, ſcribit Luitprandus L. 2. c. 6. nonnullos Ducum Hungaris non ſolum pugna non intruſiſſe ſed ut proximi caderent anhelante, ut dum proximi caderent, ſoli ipſi liberiùs regnarent. Et Sigebertus A. 914. tradit, contra Conradum Regem potentiores regni Principes rebellionem meditatoſ eſſe, ſcilicet Arnoldum de Baioariâ, Barchardum de Sueniâ, Everhardum de Franciâ, Silbertum de Lotharingiâ, & horum omnium præcellentiore Henricum Ducem de Saxoniâ & Thuringiâ. Add. d. L. 2. Luitpr. c. 7. Vnde ſatis liquet hanc in curam tum incubuiſſe Duces, ut ſe ſubiectiõni ſubtraherent, & inſtar Regum prouinciis præſent. Primus Ducum maximè creuit Otto Dux Saxonie, qui etiam propterea deſuncto Ludouico electus in Regem, quam dignitatem licet recuſauerit, & eius conſilio Conradus Dux Francorum in Regem fuerit vnctus, teſtatur tamen VVitichindus L. i. penes Ottonem ſemper & ubique ſummum vigiſſe imperium.

Suſcipiens Conradus imperium rursus in ordinem redigere Duces intendit, & inuiſam regno poteſtatem, quam ſibi arrogare ceperant ſupprimere. Expreſſè hoc de Saxonie Duce confirmat VVitichindus.

Uitichindus L. his verbis: Igitur patre patriæ & magno Duce Ottone defuncto, illustri & magnifico filio Henrico totius Saxonie ipse reliquit Ducatum. Rex autem Conradus cum saepe expertus esset virtutem noui Ducis, veritus est ei tradere omnem potestatem patris. Quo factum est, ut indignationem incurreret totius exercitus Saxonici. Fictæ tamen pro laude & gloriâ optimi Ducis plura locutus, promisit se maiora sibi daturum, & honore magno glorificaturum. Saxones verò huiusmodi simulationibus non attendebant, sed suadebant Duci suo ut si honore paterno eum vellet sponte honorare, Rege inuito quæ vellet obtinere posset. Rex autem videns vltimam Saxonum erga se solito anteriorem, nec posse publico bello eorum Dacem contere, suppetente illi fortium militum manu, exercitus quoque innumerâ multitudine, egit, ut quoquo modo interficeretur dolo, &c. Verùm cum Conradus Henrici potestatem nullo modo infringere posset, periculofam tamen reip. eius *Uitichindus* videret, optimum existimans remedium huic malo afferri posse, si ipse Henricus Rex constitueretur, suavitati fratri Euerhardo, ut eo modo Francorum regno consisteret, ut pluribus refert VVitichindus. Rectè nimirum docet Aristot. 5. pol. 3. Melius esse ab initio providere, ne istiusmodi fiant *Uitichindus* *Uitichindus*, quam post existentibus illis remedium querere.

Ergo primus, eodem VVitichindo dicente, Henricus libera potestate regnavit in Saxonia. Cui consonant quæ de statu Germaniæ sub Imp. Saxon. & iis qui hos secuti sunt, scribit Rhenanus L. II. Primus sub veteribus Francis libera potestatis Dux fuit in Saxonia Henricus Ottonis pater, qui postea Germanico regno præfuit, seu diximus. Idque eam ob causam ut Scalvinos arceret: diligentius autem custodiuntur quæ propria sunt. Nec hoc ius cuiquam aliorum præsidum concessum est. At sub Saxonibus libertatem nacti sunt non solum provinciarum gubernatores, sed & civitates ipsæ. Nam ut quæque plura bonorum, quæ ad regnum pertinebant, habuit, ita maturius & facilius ad libertatem pervenit, &c.

Hæc itaque ratio illa Comitum Ducumque potestas, quæ olim temporalis & ministra erat, partim vi, partim emptione, partim profusa Regum liberalitate omnino mutata, ita ut provinciis præfint iam Duces, non ut gubernatores, sed penè ut Reges, collatis in eos iis iuribus, quæ solius olim imperii erant atque Imperatoris. Quo enim tēpore Duces administratores & rectores tantum fuere provinciarum, non competeat ipsis autoritate propriâ ius vitæ & necis, non leges ferendi, non magistratus constituendi, non indicendi conven-

tus, non fœdera faciendi potestas; minora quoque, ut vocant, regalia, sub quibus vias publicas, flumina nauigabilia, vectigalia comprehendunt; imò omnis generis redditus prouinciarum non ad rectores illos prouinciarum, sed ad fiscum regum pertinebant. Ist hæc omnia præfectis illis *αὐτοκρατορίας* iure in prouinciis concessa sunt, saluâ tamen semper imperatoriâ superioritate: vnde cum non omninò absolutam potestatem habeant, nec maiestatem propriè eos habere dici potest; vocari verò solet eorum potestas *iuxta superioritatis, Landes fürstliche Obrigkeit / Landes Hoheit vnd Herrligkeit*.

Ex his apparet quantum potestatis, virium & opum Imperatori decesserit, & quomodo res publica regiam faciem paulatim mutauerit. Antea prouinciæ pleræque pleno iure totius imperii erant; post illa ad gubernatores eorum venere, & maior subditorum facta potentia ipsius Regis viribus. Antea fiscus regius satis opulentus erat; postquam autem fiscalina bona ad alios translata, publica regni egestas secuta, & neruus rerum gerendarum regibus præcilius est. Quo ipso non potuit non prisca reip. forma corrumpi, imò in multas partes diuidi: multis scilicet ad eam potentiam peruenientibus, ut, cum in ordinem à Cæsaribus cogi amplius non possent, domi regna noua sibi suisque conderent. Quam verò periculosum sit omni ciuitati, si in ea sint, qui viribus, qui nobilitate, qui diuitiis maximè excellent, præclare docet ciuilis prudentiæ vnicus doctor 4. Polit. II. Hinc idem 3. Polit. 15. monet, regem oportere vires habere tales, ut vnoquoque separatim & simul pluribus potentior sit, populo tamen sit impotentior. Quod fortè perpendens Conradus II. regalia quæ Ducibus concesserat, ipsis post adimere conatus est, uti tradit Autor *Chronici Colonienfis*.

Isti verò Ducum potentiæ maximum incrementum indubie addidit, quoddam plures ducatus vel comitatus minùs circumspèctâ regum liberalitate in vnum corpus concreuerint: quodque eorundem regum concessu Ducatus & Comitatus ad heredes tandem transierint, quod quâ ætate factum sit haud licet definire. Pertinere huc videntur, quæ habentur in consuetudinibus feudalibus L. i. tit. i. Antiquissimo tempore sic erat in dominorum potestate connexum, ut quando vellet possent auferre rem in feudum à se datam: postea verò ventum, ut per annum tantum firmitatem haberent, deinde statutum est, ut usque ad vitam fidelis produceretur: sed cum hoc iure successionis ad filios non perti-

pertineret: sic progressum est, ut ad filios deueniret: in quem sc. dominus hoc vellet beneficiū confirmare: quod h. die ita stabilitū est, ut ad omnes aqualiter filios pertineat. Cum verò Conradus Romam proficisceretur, petiitum est à fidelibus, qui in eius erant seruitio, ut lege ab eo promulgatā hoc etiam ad nepotes ex filio producere dignaretur, & ut frater fratri sine legitima herede defuncti, vel filius in beneficio, quod patris fuit succedat, &c.

Porro Ottonum temporibus Ducales & Comitum potestates Episcopis & Abbatibus cæperunt attribui, nouo & hæcenus inaudito exemplo. Adeoque ex eo tempore duplex cæpit ordo Ducum: Secularium scilicet & Ecclesiasticorum. Primus autem Bruno Episcopus Colonienſis constitutus, à fratre Ottone M. Ducatum Lotharingæ accepit. Quā de re ita VVitichindus: Brunonem Pontificis summi ac Ducis magni vidimus officium gerentem; ac ne quis eum culpabilem super hoc dixerit, cum Samuelem sanctum & alios plures sacerdotes pariter legamus & iudices. Idem notat author Chronici Belgici: Ante hæc sua (Brunonis) tempora Archiepiscopi Colonienses, non iudiciis gladii temporalis, sed tantummodo Iurisdictionis vsu baculo pastoralis. Vt & Theodoricus de Niem vetus historicus: Pene omnibus Cathedralibus Ecclesiis in Italia, Gallia, Germania, Burgundia & Lotharingia constitutis, multas ciuitates, castra, oppida, villas & multa alia dominia temporalia & iurisdictiones domauit (loquitur de Ottone I.) & omnibus illis Ecclesiis propria insignia perpetuo deputauit. Archiepiscopos quoque & Episcopos Ducatibus & Comitibus & Baronibus communiuit, quibus nobiles & potentes vassallos subiecit, ut semper essent ad resistendum etiam manu ferri paganis & hæreticis in opportuno tempore fortiores.

Atque hoc modo Ecclesiastica & Secularis potestas in vnā personā iungi cæpit, Episcopis, perinde ac Principibus secularibus, prouinciis quibusdam inuestitis. Quo ipso potentia illorum nimium quantum creuit, ad religionis opinionem in populo rudi ac pio tantis viribus & armis accedentibus. Enimuerò multis seculis temporibus illi Ecclesiastici Duces potentia præ aliis eminauerunt: neque ipsi Cæsares alios magis metuendos habuerunt. Vnum tamen ad compescendam tantam potentiam frenum superfuit Cæsaribus; libera nempe omnium Episcopatum & Abbatiarum collatio, & quidem eò liberior, quod in cælibe vitā nulla illi Principum ordini legitima soboles nasceretur, cuius in secularibus omnino habenda fuit ratio; maxime posteaquam hi hæreditario iure vasta illa Imperii

feudā cōperunt possidere. Excussum autem & hoc frēnum est Cæsarium manibus Gregori septimi & successorum eius sacrā tyrannide: quo ipso Cæsares dimidium Imperii perdidisse prudenter & verē notauit Onuphrius Panuinius in *uitā Greg. rii septimi*.

Occasionem quoque Ducibus ad soluenda regiae autoritatis vincula dedit immatura Henrici IV. imperium adeuntis ætas, uti obseruauit Albertus Abbas Stadenfis: *Gubernaculo*, aicens, regni mulier cum puero magni imperii præsuit detrimento. Indignantem enim principes aut muliebri potestate confringi, aut infanti diuine regie, primo quidem coniuncti vindicarunt se in pristinam libertatem, ut non seruirent: deinde contentionem mouerunt inter se, quis eorum videretur esse maior: postremo armis audacter sumtis regem & dominum suum deponere moliti sunt. Laborauit Henricus quidem recuperare pereuntem dignitatem, sed neque satis omnia prudenter egisse dicitur, & interueniēte nonnulla fatali quādam aduersitate, quæ penitus ipsum tandem regno atque omni planē autoritate exuerunt. Nec verò à prudentibus laudatur, quod ab Episcopis in ordinem redigendis reparandæ dignitatis initia voluerit facere. Quin nec id prudenter inceptum, quod cum Saxonicoꝝ Principum potentiam, ut pote ipsi præcipue suspectam, imminutam vellet; militari licentiā irritari eos antepassus, mox vno illos impetu ad obsequium cogere, conatus sit: cum tamen nec rebus satis firmis esset; & præterea iam tum, cum alios Principes, tum inprimis Episcopos multis iniuriis offendisset, adeoque in impietatis ac iniustitiæ opinionem se coniecisset: quibus regiam vim affectanti nihil est perniciosius. Sapientissimè scilicet Aristoteles iuber: Si alicuius potentia videatur dissoluenda, erit hoc sensim ac paulatim faciendum, nec vniuersa simul auferenda. Præterea abstinendum omni iniuriā.

Quamquam verò mirum in modum Ducum Comitumque potentia creuerit, nonnullorum tamen sensim iterum est imminuta. Eius autē rei non vnam licet causam obseruare: primā putamus neglectum ærarii, & quod vitam luxuriosè & in socordiā duxerint, prodigalitatis vitio quoque laborantes. Cum enim diuitiæ sint instrumentū reipubl. *Aristot. 1. Polit. 3.* necesse est, si ille ærario inferri non curentur, & tamē luxuriosè viuatur, optimo conseruandę potentiæ organo deficiente, potētiam deficere. Imminuit deinde eadem, quod bella intempestiua & contentiones inter se mouerint, sicuti testatur Albertus citatis verbis.

verbis. Præterea maximè illis obfuit multorum bonorum feudali-
um in vnum aliquem collatio, quâ subditos quosdam potentes &
diuitiis excellere suâ in republ. effecerunt, quod quàm noxium sit
iam antè ex Aristot. 4. Polit. 11. monuimus, vbi, istos *ὁ βέλτερος καὶ μέλλων*
πολιτὴς μάλλον fieri, neque imperium ferre posse nec scire, eleganter
dicit. Hinc conspirationes nobilium in Principes; eandem fortun-
nam Principibus ex nobilium potentiâ experientibus, quam reges ex
principum potentiâ consecuti sunt.

Plurimum porro Ducû Comitumq; vires exhaustit Ducatum & Co-
mitatû in minutas particulas, pro liberorû multitudine, qui illustri-
bus familiis nati erant, diuisio. Hâc enim ratione bona, quæ vnus
possidebat, & maxima, quæ apud vnum erat, potentia pluribus com-
municata, non potuit non attenuari. Quod procul dubio atten-
dens Fridericus Imp. prohibuit Ducatum, Marchiam, Comitatum
diuidi, vt habetur in L. 2. feud. rit. 55. §. 1. Hinc pulchrè Oldradus de
Ponte ICTus [qui floruit Anno circ. ccc. xx.] *conf. 237. n. 7. Auorum no-*
strorum memoriâ feuda dignitatem apud vnum ex familiâ, præsertim se-
niores, semper sacra rectaque conseruata sunt; quia prudenter confide-
rarunt, nihil esse tam magnum, quod diuisione paruum non fiat. Vid. e-
tiam Andreas Gailius L. 2. obs. pract. 153. n. 2.

Multum denique potestatis Ducibus atque Comitibus decessit, cum
seculo præter propter duodecimo Vrbes, quæ pleræque illis omnino
ratione iurisdictionis & onerum fiscalium subiectæ fuere, in liberta-
tem maiorem paulatim euectæ sunt. Auctis enim oppidanorum vi-
ribus & diuitiis, atque inde ad libertatem, vt fieri solet, aspiranti-
bus, ipsi Imperatores in id incubuere, tanquam subleuandæ regis
dignitari admodum proficuum, vt Vrbes potentiores Episcoporum
Ducum & Comitum imperio subducerentur. Præterea crescente
magis magisque Urbium opulentiâ, Ducum verò & Comitum po-
tentiâ decrescente, Vrbes imperium eorum detrectare cœperunt:
vnde læui sæpe ære à Ducibus & Comitibus suis, qui illos in offi-
cio retinere non poterant, egregias immunitates redemerunt, par-
tim etiam vi expresserunt. Atque hinc factum, vt plurimæ Vrbes
vel omnino, vt Imperiales, vel ex parte, vt aliàs immunitatibus gau-
dentes, imperio Ducum Comitumque exemptæ sint, & reliquæ quo-
que Vrbes omnes liberiore republicâ nunc viuunt. Id quod sanè
Episcoporum, Ducum atque Comitum potestatem maximè fregit.

Accedit, quod & Comites & Ducum, quibus subiecti fuere, gubernationi eadem ferè ratione subtraxerint; atque adeò Comitum quidem potentia aliquo modo aucta, Ducum verò magis imminuta.

Licet verò has ob causas potentia Ducum multum decesserit, satis tamè magna ea semper mansit, non solum respectu prouinciarum subiectarum, quas eodem modo eademque ferè potestate, quâ totum regnum Imp. regit, regunt, ut dictum antè, verum etiam respectu totius Imperii, cui vnâ cum Imperatore diuisis maiestatis iuribus prestant.

Constat quidem iam tempore Caroli Magni Duces Comitumque Prouinciarum Proceres etiam regni fuisse; & licet totus Populus ad curam reip. admissus fuerit, atque ius suffragii habuerit, illis tamen plus autoritatis tributum. Liqueat hoc ex iis, quæ ex Adelhardi (propinqui Caroli Magni) libello de ordine Palatii refert Hincmarus Epist. 3. c. 29. *Consuetudo tunc temporis trita erat ut non sapius, sed bis in anno placita duo tenerentur; vnum quando ordinabat Status totius regni ad anni vertentis spatium; quod ordinatum nullus euentus rerum nisi summa necessitas, quæ similiter toti regno incumberebat, mutabat. In quo placito generalitas vniuersorum Maiorum tam clericorum quàm laicorum conueniebat. Seniores propter consilium ordinandum. Minores propter idem consilium suspiciendum & interdum pariter tractandum, & non ex potestate, sed ex proprio mentis intellectu vel sententiâ confirmandum. Quod autem per Seniores intelligat Primores, & per Minores plebem, claret ex iis, quæ antè in nostro de Germanici Imperii Ciuibus A. croamate tradidimus, & quæ habentur c. 35. eiusd. ep. vbi disertè scribitur, distinctis locis in Comitibus istis Seniores & multitudinem resedisse. Fuisse verò inter primores illos Duces & Comites videre est ex aliis monumentis. Sic apud Theganum Chorepiscopum Treuirensis lib. de gest. Ludou. Imp. c. 6. de Carolo Magno legitur. Imp. cum intellexisset, appropinquare sibi diem obitus sui, vocauit filium Ludouicum ad se cum omni exercitu, Episcopis, Abbatibus, Ducibus, Comitibus loco positis, habuit grande colloquium cum eis Aquis grani in palatio pacifice & honestè admonens, ut fidem erga filium ostenderent, interrogans omnes à maximo usque ad minimum si eis placuisset, ut nomen suum, id est, Imperatoris titulum filio suo Ludouico tradidisset, illi omnes responderunt &c. Initium Legum Alemannicarum ita se habet: Lex Alemannica, quæ temporibus Lotharii Regis cum Principibus suis id est 33. Episcopis, 34. Ducibus,*

72. Comitibus & reliquo populo constituta est.

Verum mutata atque aucta Ducum Comitumque potestate, maiorem quoque eorum auctoritatem in suffragiis de totius Imperii rebus ferendis factam esse, & quamvis populus non omnino exclusus fuerit, eus tamen auctoritatem admodum exiguum extitisse omnino dicendum videtur, praesertim plerisque Urbibus Ducum Comitumque libera potestati ab Impp. subiectis; vnde plurimis Urbibus in libertatem exsurgentibus, auctoritatem etiam earundem in suffragiis ferendis iterum creuisse sequitur.

Caterum insignis quoad Ducum, atque Comitum, ut & totius populi iura, quae respectu totius Imperii habuere, mutatio contigit, cum electio Regis, quae ab antiquis temporibus penes omnes Episcopos, Duces, Comites ac vniuersum populum erat, ad septem regni Proceres delata est, qui paulatim alias etiam praerogativas praereliquis Ducibus consecuti sunt: de cuius mutationis primordio maximum inter viros doctos est dissidium.

Hoc quidem certum iam antiquitus obtinuisse, ut quidam Primorum ea haberent munera, quae hodie etiam Electoribus adscribuntur. Ita Apocrisarii (alias Archicancellarii) saepius facit mentionem Hincmarus & alii, vid. *Leman. L. 2. c. 7. De Archicamerario in Annal. Franc. A. 828. Ludouicus Imp. Bernhardum Comitem Parcinnæ Camerarium in Palatio suo constituit. Marechalculus Comes stabuli dicitur Historicis, Regino L. 2. Carolus M. Burchardum Comitem stabuli, quem corruptè Constabulum appellamus, cum classe misit in Corsicam, ut eam à Mauris defenderet. Arctipincernæ munus itidem inuenire est in Annal. Franc. A. 781. Electi ac directi sunt in legationem ad Basilenem in Baiariam de parte Regis Rudolphus Diaconus, atque Eberhardus magister Pincernarum. Archidapifer Eginhardo in vita Caroli M. vocatur praepositus regia mensa.*

Verum licet forte hi ministeriales regii (ut appellantur ab Hincmaro) honoratiore aliquo loco fuerint, electio tamen Imperatorum, ipsi solis non competit. A primâ enim Imperii Germanici constitutione semper fuit obseruatum, ut omnes Principes & populus Imperatorem eligerent. De Carolo Magno ita Eginhardus: *Carolus fratre defuncto consensu omnium Francorum Rex constituitur. De eius filio Thegari Choe piscopi verba idem testantur supra allata. De Conrado. VVitichindus Lib. I. Regi Ludouico non erat filius, omnisque*

populus Francorum atque Saxonum quarebat Ottoni diadema imponere regni. Ipse vero quasi iam grauior recusabat imperii onus, eius tamen consilio Conradus, quondam Dux Francorum, ungitur in Regem. De Henrico itidem VVitichindus L.I. Eusebius (frater Conradi) congregatis Principibus & natu maioribus exercitus Francorum in loco qui dicitur Fridisleri designauit eum Regem coram omni populo Francorum atque Saxonum. De Ottone I. Idem: Defuncto patre patria & Regum maximo primo Henrico, omnis populus Francorum atque Saxonum iam olim designatum Regem à patre filium eius Ottonem sibi eligit Regem. Eodem modo electus fuit Otto II. teste Regione A. 961. Rex Otto I. in Italiam ire disponens, maximam suorum fidelium multitudinem VVormatiæ coadunauit, ubi consensu & unanimitate regni Procerum totiusque populi filius eius Otto Rex eligitur. Sic & Otto II. A. 983. Veronæ placitum habuit (ut scribit Dithmarus,) & filius eius Otto III. ab omnibus in Dominum electus.

Huius Ottonis III. tempore ad septem tantum Proceres deuenisse ius eligendi plerorumque est sententia. Sed quod minus isti subscribi possit, obstant verissima & certa historiarum monumenta, etiam post eius ætatem non à solis septem electionem peractam aperte tradentia. Id de Ottonis III. successore Henrico II. testatur Dithmarus L. 4. & 5. Sequentis Imp. Conradi II. electionem fusè narrat Wippo his verbis: *Consedere Principes, populus frequentissimus adstabat, Archiepiscopus Moguntinensis, cuius sententia ante alios accipienda fuit, rogatus à populo quid sibi videretur, abundanti corde, voce hilari, laudauit & elegit maioris ætatis Cunonem suum in Dominum & Regem atque rectorem & defensorem patriæ. Hanc sententiam ceteri Archiepiscopi & reliqui sacrorum ordinum viri indubitanter sequebantur, tunc singuli singulis regnis eadem verba electionis sapissime repetebant. Fit clamor populi, omnes unanimiter in Regis electione Principibus consensiebant, in illis persistebant, ipsum cunctis dominantibus nihil hestrando proposuerunt.* Idem de Henrico III. IV. & V. historicà fide firmat Lehman. L. 5. c. 17.

De Lothario II. Otto Frising. L. I. de gest. Frider. c. 16. scribit: *Igitur Albertus, nam id iuris, dum regnum vacat, Moguntini Archiepiscopi ab antiquioribus esse traditur, principes regni in ipsâ ciuitate Moguntinâ tempore autumnali conuocat, malorumque à Duce Friderico sibi illarum haud immemor, cum predictus Dux ad regnum à multis exposceretur, ipse*
 Lothar-

Lotharium Ducem Saxonum in Regem à cunctis qui aderant Principibus eligi persuasit. Idem c. 22. de Conrado III. Defuncto Imp. Lothario, ac in monasterio Lutre, quod in eius proprio fundo situm est, humato, principes regni apud Gallia oppidum Confluentiam, ubi Mosella Rhenum insluit, conveniunt, & de eligendo Principe consilium ineunt. Igitur Conradus Friderici Ducis frater, ab omnibus qui aderant, exposcitur, ad regnumque leuatus in palatio Aquis coronatur. De Friderico I. L. 2. c. 1. Decedente Conrado, in oppido Franconesfurt de tam immensâ transalpini regni latitudine uniuersum, mirum dictu, principum robur, non sine quibusdam ex Italiâ Baronibus, tanquam in unum corpus adunari potuit. Vbi cum de eligendo Principe primates consultarent, nam id iuris Romani imperii apex, videlicet non per sanguinis generationem descendere, sed per Principum electionem Reges creare, sibi tanquam ex singulari vendicat prerogatiuâ, tandem ab omnibus Fridericus Suenorum Dux, Friderici Ducis filius, petitur, cunctorumque fauore in Regem sublimatur. Eadem fuit ratio electionis Henrici VI. Friderici II. vid. Lehman. d. l. & Onuphr. Panuini n. l. de comitiis Imper.

Notandâ hic sunt cum primis quæ ætate Friderici II. [quæ etiam vixit] scribit Albertus Abbas Stadenfis in Chronico: Papa Gregorius insolentias Imperatoris [Friderici II.] contra Ecclesiam meruens, Principes super electione ulterius sollicitauit, sed nihil profecit, quia quidam Principum ei rescripserunt, non esse sui iuris Imperatorem substituere, sed tantum electum à Principibus coronare. Electio enim ad istos dignoscitur pertinere. Ex prataxione Principum & consensu eligunt Imperatorem, Treuirensis, Moguntinus & Colonienfis. Palatinus eligit, quia Dapifer est, Dux Saxonie quia Marscalcus, & Marggrauus de Brandenburg, quia Camerarius, Rex Boëmia, qui pincerna est, non eligit, quia non est Teutonicus. Gemina sunt his verba Speculi Saxonici: An des Keyßers Wahl/ sol der erste seyn der Bischoff von Meynz/ der ander der Bischoff von Trier/ vnd der dritte der Bischoff von Cöln; vnter den Leyenfürsten / so ist der erste an der Wahl der Pfaltzgraff beyrn Rhein des Reichs Truchses/ der ander der Herzog von Sachsen des Reichs Marschalck/ der dritte der Marggraf von Brandenburg/ des Reichs Kämmerer/ der vierde der Schencke des Reichs/ das ist der König von Böhmen/ der hat keine Wahl. darumb das er nicht deutsch ist.

Ex his de Electionibus Imperatorum allatis testimoniis de septem

Electorum origine hoc statuendum videtur, quod ius eligendi omnibus, etiam plebi, competens primum sibi solis Principes attribuerint, ut antè dictum, post commodioris electionis gratiâ à toto Principum conuentu quibusdam Primatibus demandatum, ut illi præconsultarent, quis eligendus, cui, si toti etiam conuentui ita visum fuerit, regnum delatum, quemadmodum colligere est ex electione Frederici Lex Ottone Frising. antè descriptâ, & ex verbis Alberti Abb. Stad. etiam antè adductis. Cum autem procul dubio qui munera ista regia obiere aliis Principibus præcelluerint, hinc factum ut ius illud *æque* de eligendo Imperatore ad hos deueniret, qui tandem, crescente sensum aliorum autoritate, sibi solis omne eligendi ius, non conuocatis omnibus Principibus, arrogarunt; atque ita consuetudine post Frederici II. tempora plerumque obseruari, usquedum expressâ sanctione illis Septemviris hoc ius cum plurimis aliis præminentibus à Carolo IV. tributum.

Hæc de Ducum Comitumque origine, incremento, & variè mutata potentiâ atque autoritate iam notasse sufficiat: hoc tantum addito, quod, potestate Ducum Comitumque mirum in modum, uti superius expositum, crescente, ed ferè tandem res deueniret, ut vix quicquam superfuisset quo omnia vnus regni membra, continerentur, præter Turcicæ potentiæ & proscriptionis metum: donec Frederico III. & Maximiliano Imperatoribus de arctius coniungendis & cohibendis Germaniæ ordinibus sedulò actum fuit. Quem in finem in Circulos Germania diuisa est, & supremum Cameræ, quod vocatur, iudicium institutum. Ea interim fuit plerorumque Ducum Comitumque, etiam singulos si spectes, potentia, atque in suos subditos tam æquū iustumque imperium, ut aliquot seculis exteri quidem populi contra Germaniam nihil tentare sint ausi; ipsi subditi autem felicissimè sub illorum alis vixerint. Et verò vtinam liceat eum in modum nobis diu viuere.

Acroamatis III. Finis.



DE
GERMANICI IMPERII
REPVBLICA
ACROAMA QVARTVM

in quo agitur

DE
SEPTEMVIRIS
SEV ELECTORIBVS IM-
PERII GERMANICI.



Espublica Romana ab initio Reges, mox Consules, Tribunos, Dictatores, aliosque Magistratus habuit, donec variis agitatam seditionibus, post gravissimas Marii & Syllae digladiationes, Caius Iulius Caesar, devicto Pompeio, sub nomine Dictatoris, vnius iterum potestati subiecit. Eius ex sorore nepos, filiusque adoptivus Octavianus, patris interfectoris ceterisque inimicis devictis, ceptum à patre opus felicilius pertexuit, fessamque Rempublicam sub nomine Principis omnem in suam potestatem redegit: Estque iis artibus ab eo stabilitus Principatus, ut immotus postea steterit. Ei post longam felicissimamque dominationem defuncto successit Tiberius, Tiberio Caius, uterque ex adoptione. Ceterum interfecto ob horrenda scelera Caio, cum, qui iure hereditario succederet, non esset, rerum omnium ad Senatum populumque Romanum videbatur rediisse summa,

N

iisque omni iure licere quem vellent sibi praeficere: Verum ea fuit militum potentia, ut inconsulto Senatu hoc sibi iuris sumerent. Dio Cassius lib. 60. Caio mortuo Consules, dimissis in omnes partes urbis custodiis, Senatum in Capitolium vocarunt. Ibi sententiis discrepatum, cum alii populo summam Reip. restituendam, alii unum Principem eligendum censerent, atque hi rursus alius alii principatum deferret. Ita re infecta reliquum diei & nox tota absorpta est. Interim milites quidam, rapina causa Palatium ingressi Claudium [qui propterea, quod cum Caio agebat tum ultima metuens se abdiderat] in obscuro angulo occultatum inuenientes, primum protraxerunt, alium quendam esse, ac secum habere aliquid absconditum rati: mox cognitum Imperatorem salutauerunt, ac in castra deduxerunt. Ibi omnium consensu militum ei, orto nimis Imperatorio genere, ac bono viro, Imperium est tributum. Consules cum aliquandiu missis Tribunis plebis ei edixissent, ne Principatum capesseret, sed sub populi Senatusque & Legum potestate esset: postquam a suis etiam militibus deferri se viderunt, ipsi quoque assensi sunt & Imperium ei decreuerunt.

Aliquoties tamen Senatus, idque, quantum ex Romana historia colligere licet, tertantum, ausus est ante militum suffragia creare Imperatores. Et hac ratione electi sunt: occiso Domitiano, Nerva: contra Maximinum Thracem, Caelius Balbinus & Pupienus: interfecto Aureliano, Tacitus.

Sed & ex praedecessorum voluntate & iure quasi haereditario Imperium adpti sunt plurimi, quos omnes hic recensere nimis longum foret: pluresque collegit Onuphrius Panuinius. *libr. de comitiis Imperialib. cap. 1.*

Ex his ergo constat variam fuisse Imperatorum Romanorum successionem; cuius constituendae potestatem cum modo hi, modo illi ad se raperent: non potuit non ea res sepius ingentes dare motus; idque factum esse docent historici. Sane si etiam ceteris omnibus exclusis, penes solos milites [quemadmodum quoque; ut plurimum fuit] fuisset electio, res turbis carere non potuisset. Quippe cum exercitus essent plurimi, itaque magnis a se inuicem locorum intervallis disuncti, omnes tamen idem in creando Imperatore ius sibi vindicarent; non poterat non contingere ut plures simul eligerentur: quibus deinde tamdiu inter se digladiandum erat, donec unus eorum, ceteris non sine ingenti Reip. clade eversis, solus rerum potiretur.

Con-

Constat quoque & illud pessimam tum fuisse reip. Romanæ conditionem, in qua omnia ferè penes milites eosque mercenarios & maximam partem barbaros, quibus de iure nihil in Rep. debebatur, fuere: quorum tanta fuit proteruita ut vel minima, vel nulla demum de causa, solâ vel voluptate vel auaritiâ stimulatî, dominos mutarent. Qua de re egregie differit Erasmus *prefatione ad Tranquillum ad Duces Saxonia*. Quin eò demum processere malitiâ, ut Imperium palam venale proponerent, pluraque polliceri darent, ut auctor est Herodianus. Quare quoque non est quod miremur adedum cecidisse temp. Romanam ut vix veteris gloriæ vestigia restarent: cum regnum in se diuisum stare non posse & Sacræ literæ, & ipsa recta ratio, loquantur.

Sed ad rem redeamus. Translato Imperii robore Constantino-
polim à Constantino, duo cœpere esse Imperia: Occidentis alterum, cuius metropolis Roma: Orientis alterum, cuius metropolis Constantinopolis. Regebantur autem hæc Imperia modò à pluribus modò ab vno; quippe ea lege diuisa erant, ut sibi mutuo succederent. Circa ipsam autem succedendi rationem nihil mutatum est, donec victo & tonso ab Herulis & Gothis Augustulo, desit Imperium Occidentis. Tum enim, fortè quòd res vires ipsorum excederet, quieuere Imperatores, Gothique quietè Italiam possedere, donec tandem, nescio qua de causa, moto à Iustiniano bello, per Narsetem & Bellisarium omnino victi sunt. Fuit tamen haud diuturnum hoc gaudium, nam offenso Narsete, & ab eo vocatis ex Pannonia Longobardis, quæ acquisiuerat pleraque iterum amisit. Ea tamen quæ retinuit, in quibus & ipsa Vrbs Roma fuit, deinceps ab Exarcho, quem Rauennam Imperatores mittebant, gubernata sunt, cuius, crescentibus quotidie Longobardorum rebus, vires aded decreuere ut vix quicquam in illo Romanis auxilii reliquum esset.

Porro imperante Constantinopoli Leone Isauro exarsit grauiissima de Imaginibus controuersia, quæ aded accendit animos, ut tandem à Pontifice Gregorio II. anathemate obstringeretur Imperator, eique vectigalia quæ hactenus Imperio pendebantur negarentur. Quin & Imperatorem creare voluerunt qui in Italia erant exercitus, omnisque Italia, nisi Pontifex id prohibuisset, uti constat ex Paulo VVarnefrido. *Hist. Longobard. lib. 5. c. 44.* & Anastasio in Vita Gregorii II. Mansit tamen aliqua Con-

stantinopolitanis Imperatoribus auctoritas: nam & cunctam Provinciam Italiae literas supplices pro erigendis imaginibus Constantinopolim misisse, & Papam, misso Constantinopolim legato, rogasse Imperatorem, veniret in Italiam, & Romam & Italiam liberaret à Longobardis, auctor est idem Anastasius in *Vitis Gregorii II. & Zachariae*.

Premeabant interea destitutos Græcorum auxiliis Romanos crebris irruptionibus Longobardi, confugere igitur ad Francorum opes longè lateq; tum per Occidentem florentes; qui moti Pontificum, quorum ob religionem magna apud omnes erat auctoritas, precibus, sepius auxilio præstito fuere, & Longobardis modò auctoritate sua modò vi in ordinem redactis, non modò Romam liberarunt, sed & possessionibus non spernendis Romanam ornarunt Ecclesiam. Unde factum, ut Pontifex Romanus, qui iam antè, tanquam Summus Ecclesiae Christianae antistes, summo à Christianis prosequeretur honore, his auctus praesidiis, paulatim maius sumpserit incrementum, donec ad id excrevit eius potentia fastigium in quo adhuc hodie visitur. Verum hæc alio pertinent.

Liberati crebris Francorum auxiliis Romani, Carolum, iam denicto Longobardorum regno victoriis clarum, Patricium sibi adsciuerunt. Fuit autem iam tempore superiorum Imperatorum magna Patriciorum dignitas, ut pote quos Patres Imperatoriae Maiestatis vocat Iustinianus §. 2. l. quibus m. d. ius patr. potest solu. Horum iam ferè obsoleta auctoritas tum deficientibus Imperatorum rebus videtur reuixisse, quodnam autem eorum fuerit officium videre est ex glossa antiqua in c. Adrianus. 63. distinct. Patricius, ait illa, Pater Papa in temporibus fuit, sicut Papa in spiritualibus eius pater, quia ipsi, ut Patres filiis, Reip. providebant.

Postmodum verò Pontifex populusque Romanus, siue ut maiorem referrent pro collatis in se beneficiis gratiam, siue ut tutiores ab hostium incursumbus essent, siue etiam ut vetus sibi iterum adsciscerent Imperii decus, Carolum iam Francorum Longobardorumque Regem, Patriciumque & Principem Romanum, nihil tale cogitatem, ipsis feriis Natalitiis, Anno post natum Seruatorem DCCCC. imposito diademate, Imperatorem salutarunt.

Et hæc est celebris illa Romani Imperii à Græcis ad Francos translatio, quæ cuius auctoritate facta sit multis hætenus scriptis ac-

cerri-

cerrimè agitur, aliis omnia, aliis nihil in hac causa Papæ deferentibus. Id sanè negandum non videtur haud exiguas fuisse Pontificis, ut pote præcipui Reip. Romanæ membri, in hac translatione partes: at qui omnia ei adscribunt, magnam iniuriam inferunt Romanis, quos nullo modo tunc fuisse Pontificis subditos, sed liberos in declarando Imperatore Carolo suffragio, satis constat cum ex veteribus monumentis, ac dilucidè demonstratur in nostro de Rom. Imp. Tractatu. Vnde simul quid eâ translatione ad Carolum deuolutum sit abundè hauriri potest. Certè ipse Anastasius, maximus dignitatis Pontificiæ assertor, ab omnibus electum esse Carolum fatetur in *vita Leonis*. Et Pius II. antè *Aneas Sylvius*, priusquam ad culmen pontificale eueheretur quid senserit, patet ex libro eius de ortu Romani Imperii, quando ita ait: *Populus ille Romanus, qui suo sanguine parauerat Imperium, Carolum magnum primò Patricium, post Augustum, concurrente Pontificis consensu, salutauit.*

Translata est autem procul dubio Imperatoria dignitas ad Carolum eo modo quo illam tenuerunt Imperatores Constantinopolitani, quippe in eorum iura successisse videtur Carolus. Fuit verò illorum dignitas hereditaria, quare & talem translatam esse in Carolum nulli dubitamus: quicquid dixerint Pontificum patroni, qui etiam imposterum Imperialem dignitatem à Papa dependisse statuunt. Vfus verò suo est iure Carolus, quando non consulto Papa Imperialis nominis consortem sibi fecit filium Ludouicum, testibus Annalibus Francicis: Vfus eo est & Ludouicus, dum primogenitum filium sine consensu Pontificis nominis atque Imperii consortem fecit. Certè ita translata tum fuit in Francos Imperii Romani dignitas, ut non nisi penes Francorum reges illa imposterum foret. Vbi notandum accuratè, diuersam esse regni Francorum & Longobardorum ab Imperio Romano dignitatem: utpote quum verè tum temporis solà Romanæ urbis & nonnullarum Italiæ regionum significatione amplum illud nomen Imperii Romani steterit. Hinc ex illo tempore penes Francos quidem solos fuit Imperatoris constitutio in Occidente, non minùs atque apud illos fuit Regem sibi creare: interim non omnis Rex Francorum statim & Imperatoriam nactus est dignitatē.

Gente Germanus fuit Carolus; adeoque modo gentibus Germanicis iam olim, teste Tacito, vñtato, quo hodieque Poloni & Dani vñtatur, ipsosque Francos vñs esse docet Hottomann. *Franco Gall. c. 6.*

& *Lehm.Chron.Spiren* l.2.c.3. ab omni populo, habitâ tamen nobilitatis & natiuitatis ratione, Rex Francorum electus est. Eginhartus. Obiit Pipinus superstitibus liberis Carolo & Carlamanno, ad quos successio regni diuino nutu peruenerat. Franci siquidem factis solenniter generali conuentu ambos sibi Reges constituunt. Idem Eginhartus. Carolus autem, fratre defuncto, consensu omnium Rex Francorum constituitur.

Sed hic iterum litem mouent Pontificiæ auctoritatis adsertores. Etsi enim hanc Caroli successionem in dubium vocare nequeant, atserunt tamen Pipinum Caroli Patrem, adeoque & ipsum Carolum à Papa Regnum Francorum habere. Verum ex ipsa tantum rei narratione quantoperè fallantur apparebit. Torpebant nimio otio Francorum Reges gentis Merouæ, omniaque Regni negotia Palatii Comites administrabant, solum nomen & cultus regius Regibus supererat: quare Pipinus & ipse Palatii Comes in id tandem capit incumbere, ut se regis oppressum negotiis, Regiâ quoque dignitate ornarent Franci. Res hæc ardua meliorem habita est sortitura exitum, si ob religionis opinionem res deferretur ad Ponticem. Missi Legati promptum inuenire Pontificem. Ex his quæ Pontificis fuerint partes quilibet sanus faciliè perspicit. Aliud enim est Regem creare, aliud creandi consilium dare, aut declarare suo testimonio quid populo liceat in rege creando. Aliud ius creandi habere, aliud ius consilii dandi. Quamquam consilii in huiusmodi rebus dandi ius nemo habet nisi à quo petitur. Sigon. Alb. Staden. Hortoman. *Frango Gall.* c.15. Et Lupoldus de Bapenberg. in *Tractat. de iur. Regn. & imper.* ait. Zacharias deposuit Regem Francorum, expone, id est, deponendum consuluit & consensit.

Videamus nunc de Successoribus Caroli Magni. Et filium quidem Ludouicum à Patre etiam viuentis in societatem regni assumptum supra iam diximus. Clara sunt Eginharti verba. Quinque tum morbo & senectute premeretur Carolus, aduocatum ad se Ludouicum Aquitania Regem, qui solus filiorum Hildelgardis supererat, congregatis sollemniter de toto regno Francorum primoribus, cunctarum consilio, consortem sibi totius Regni, & Imperialis nominis heredem constituit: impositoque capiti eius diademate Imperatorem & Augustum iussit appellari. In quibus duo huc inprimis notanda. Primum quod Francorum consensu constituerit Regem, filium Ludouicum Carolus. Deinde quod interueniente eorundem consensu Imperatorem eum appellauerit,

nul

nulla Papæ nullâ Populi Romani factâ mentione. Vnde colligere licet, fuisse hanc Caroli sententiam, dignitatem Imperialem à se acquisitam etiam esse in patrimonio Francorum; adeoque licere illis vt Regem Francorum, ita & Imperatorem secundum antiquam consuetudinem creare.

Ludouicus itidem viuis consortem Imperii assumpsit filium Lotharium. Annales Franc. ad annum 817. *Generalem populi sui conuentum Aquisgrani habuit more solito: in quo filium suum primogenitum Lotharium coronauit, & nominis atque imperii sui socium constituit: ceteros Reges appellatos, vnum Aquitania, aliterum Baioaria prefecit.* Fratres tamen hac non contenti diuisione, post obitum Patris grande sibi inuicem bellum mouerunt, donec tandem de conditionibus his inter ipsos conuenit, vt Lotharius nomen imperatorum, Italiam, Prouinciam & Lotharingiam haberet, Carolus regna Occidentalia à Britanico Oceano vsque ad Mosam, Ludouicus regna Orientalia, omnem sc. Germaniam vsque ad Rhenum, & aliquas trans Rhenum ciuitates. Regin. Sigebert. Eadem postea in familia Carolina obtinuit succedendi ratio, vt interueniente Francorum consensu regna inter liberos diuiderentur, ita tamen vt omnia manerent libera, & nullum in alterum aliquid sibi iuris vindicare posset: quæ singula hic commemorare fortè non est opus, sufficiat insigniora attulisse exempla. Illud hîc omittendum non est, habitâ huius diuisionis ratione, neminem postea Carolinorum Imperatorem se dixisse qui non & ipse Italiæ & Romæ Dominus esset. *Lehm. lib. 2. c. 46.*

Vsq; adeo autem defecit crebris his diuisionibus Regnum Carolinorum, vt tempore Arnulphi pars Italiæ Regem sibi eligeret Berengarium, pars VVidonem Ducem Spoletanum Imperatorem creare ausa sit: Victus tamen ab Arnulpho est VVido, & Arnulphus Romæ à Formoso Papa coronatus.

At extinctâ in Germania Carolinâ familiâ, liberrimâ Francorum Saxonumq; electione Regnum Germaniæ, aut, vt tunc vocari solitum, Regnum Francorum Orientale delatum est Ottoni Saxoni. Recusauit autem ille ob senium illud onus, eiusque consilio electus est Conradus Dux Francorum Orientalium; qui tamen ex stirpe Carolina descendisse à quibusdam perhibetur. VVitkindus Corbeiensis: Regi Ludouico non erat filius, omnisque populus Francorū atque Saxonum quarebat Ottoni diadema imponere regni: Ipse verd, quia iam atq; grauior, recusa-

bat onus Imperii, eius tamen consultu Conradus quondam dux Francorum, eligitur in Regem. Post cuius obitum liberrimè iterum electione, & Conradi iam in agone agentis consilio, ad idem regnum euectus est Henricus filius Ottonis, Auceps postea dictus. Luitprand. lib. 7. c. 7. testatur in hæc verba mori iam vicinum Conradum allocutum esse proceres: Henricum Saxonum & Thuringorum Ducem prudentissimum Regem eligere, Dominum constituire. Is enim est & scientiâ pollens, & iuste seueritatis censurâ abundans, cui ut obediatis, non tantum consulo sed & oro: De Ottone primo clara sunt verba VVitekindi lib. 1. sub finem. Henricus Rex cum se grauari iam morbo sensisset, conuocato omni populo designauit filium suum Ottonem Regem.

Neglexerat Henricus Rex Italiam solâ contentus Germaniâ, & ne quidem inuitatus à Papa nomen Imperatorium voluerat recipere, Viterbiensi teste. Verum Otto, & Italiam & Urbem Romam, quam nonnulli ex populo iam in suam potestatem redegerant, suæ subiecit rursus potestati, Imperatorque omnium consensu dictus, omnem dignitatem Imperatoriam ad Germanos transtulit: quemadmodum id ex dicti nostri de Imper. Rom. Tractatus c. 10. constat. Et exinde factum, ut qui deinceps Germaniæ Reges creati sunt, simul & iura Imperatoria sint adepti, utut Imperatorio nomine ante coronationem Pontificiam sapius abstiauerint, adeoque vna ex eo tempore fuit & Regis Germaniæ & Imperatoris Romani constitutio, utpote quum hæ dignitates ex eo indissolubili vinculo cohaeserint, aded ut tandem ipsa quoque Germaniâ & in Italia regnum Longobardicum vulgò appellatione Imperii Romani caperint usurpari.

Fuit autem is, quem hætenus explicauimus, in Germaniæ regno succedendi modus in usu, ad Henricum vsque IV. Qui cum eodem modo adhuc puer adeptus esset Imperium, optimam hanc & hætenus maximo Germaniæ bono frequentatam succedendi rationem turbauit Papa Gregorius VII. Spernebant pueri Imperium Proceres; & fortè ipse iam adultior, non ita ut debebat administrabat Regnum. Vfus ergo oblatâ occasione Gregorius rebellantes iam Principes confirmat, Imperatorem anathemate ferit, & quod antè auditum erat nunquam, regno deiici mandat. Parent rebelles Imperatori Principes, & Rudolphum eligunt; factaque tum Constitutio quam Auctor Belli Saxonici refert, his verbis. *Hoc sibi communi consensu pro-*

fu probatum, Romani Pontificis auctoritate est corroboratum, ut Regia potestas nulli per hereditatem cederet, sed filius Regis, etiam si valde dignus esset, per electi nem spontaneam, non per successionis lineam proveniret. Si verò non esset dignus Regis filius, vel si cum nollet populus, quem Regem facere veller, in potestate haberet populus.

Licet verò à rebellibus tantum Imperii Principibus lata fuerit hæc constitutio, fracta tamen maiestate Imperiali, & degenerante Imperio deinceps per aliquod tempus in anarchiam ferè, hereditaria deinde successio planè sublata est. Quæ res quàm ingentes dederit turbas loquuntur omnes illius ævi historiae. Etenim cum saluberrimo instituto non exigua haberetur sanguinis ratio, hoc unico quasi repagulo quo feroces Principum cohiberentur animi remoto, & effrenem nacti Proceres potestatem, non potuerunt non maximis omnia miscere motibus. Dum enim quisque sibi ut digniori, potentiori aut opulenti primas quoque in rep. arrogare contendit, electi sunt eodè tempore plures, qui inter se commissi totam ferè Germaniam euerterunt. Accessit ingens illa quorundam Pontificum improbitas, qui, quòd res Gregorio satis benè successerat, ferociores redditi, omnia deinceps fusque deque habere, & modò in hunc modò in illum gladio suo spiritali furere, nunquam non desiere, dummodò sibi luxque consulerent auaritia. Quà in re quàm bene secuti sint exempla Seruatoris & Petri, quorum Vicarii & Successores haberi volunt, ipsi viderint.

Vidimus hæcenus successionem Imperii partim fuisse hereditariam, partim electiciam. Videndum demum penes quos illa electio tum fuerit, & penes quos nunc sit. Factam autem fuisse ab omnibus, vel ex iis quæ suprà attulimus, testimoniis satis constat, in quibus subinde, omnium, cunctorum, totius denique populi sit mentio: idque de Principibus, Episcopis & Nobilibus nemo fortè negauerit. De Ciuitatibus id negat Bellarminus lib. 3. de Translat. Imperii. Refutatur verò & multis & præclaris testimoniis à Lehmanno Chron. Spiren. lib. 5. capit. 17. Certè vel electione Henrici II. constat rem aliter se habere. Etenim cum is Sifridum Archiepiscopum Coloniensem rogasset, ut se in consequendo imperio iuualet, respondit ille: *Quò melior & maior pars populi se inclinauerit libenter se assensurum.* Dithmarus lib. 4. Populum autè includere etiam Ciuitates, vel ipsa recta ratio docet: quin & Radeuicus de reb. gest.

Frideric. lib. 2. ubi ceteri Scriptores voce populi utuntur, expressè dicit *Consules, Ciuitatumque indices*. Hodie ceteris omnibus exclusis soli Septem Principes, Tres Ecclesiastici, Archiepiscopus Moguntinus, Archiepiscopus Coloniensis, Archiepiscopus Treuirensis, Quatuor seculares Rex Bohemie, Palatinus Rheni, Dux Saxonie, Marchio Brandenburgensis, Imperatorem eligunt, dicunturque à numero Septemui, ab officio, Germanicè *Churfürsten*, aut significantius vetere Saxonico idiotismo *Berwörsten*. Id verò quando coeperit, nunc est inuestigandum.

Communis & constans per duo secula, & quod excurrit, ab anno videlicet 1250. ad annum circiter 1500. fuit opinio, Ottonem III. Imperatorem & Gregorium V. Pontificem septem Electores instituisse: in eo tantum discrepant auctores, quòd quidam, ut alia omnia, ita & hanc Electorum constitutionem adscribant Pontifici: quidam verò id negent. Acruter in primis causam Pontificis defendunt Hostiens. in cap. *Venerabilem de elect.* Platina in *Vita Gregorii V.* Molin. Tr. 2. disp. 24. de *Iust. & Iur.* & contra Illyricum acerrimè Bellarminus lib. 3. de *translat. imp.* c. 4. & seqq. Nec adeò pridem Electori Bauaro idem persuadere est conatus Michaël Lonigus in Consilio ad Gregorium XV. de adhortando Bauariæ Duce ad petendam dignitatis Electoralis confirmationem à Pontifice. Primus autem receptam hanc sententiam publicè edito elegantissimo libello, quem inscripsit de Comitibus Imperatoriis, oppugnavit Onuphrius Pauuinius Veronensis, frater Eremita Augustinianus; cum tamè eius falsitatem, leuiter tantum, iam antè perstrinxisset Ioannes Auentinus, in Annalibus Baioaricis, ut testatur ipse Onuphrius d. l. c. 6. Nos pro ratione instituti paucis rem explicare conabimur: plura peti possunt ex Onuphrio d. lib. c. 6. Lehm. *Chron. Spirens.* lib. 5. c. 17. Arniceo de Rep. c. 6. Quorum duo hi posteriores etiam Bellarmini argumenta singularim refellunt.

Certum autem omnino est non existare ullam siue Ottonis siue Gregorii de Electorum institutione constitutionem, neque enim hactenus à quoquam in lucem producta est, neque verò produci potuit. Illud quoque dubio caret, neminem Scriptorum ab Ottonis ætate ad Fridericum vsque II. per ducentos quadraginta, & quod excurrit, annos, huius constitutionis aut ipsorum Electorum aliquam saltem facere mentionem. Certè Gratianus qui circa annum Christi MCLL. Decreta, constitutiones & statuta pontificum

describit, ne verbo quidem huius constitutionis meminit. Exstat-
que tamen hodie in Basilica D. Petri elogium sepulchrale Gregorii V.
in quo omnia præclare ab ipso gesta enumerantur, huius tamen con-
stitutionis nulla sit mentio. Probabile autem non est rem hanc tanti
momenti in hoc monumento desiderari, & ab omnibus eius ævi
Scriptoribus silentio esse præteritam.

Primum omnium qui Electorum faciat mentionem esse Marti-
num Polonum, ait ipse Baronius *ad annum 996. num. 70.* Vixit au-
tem Polonus circa tempora Friderici II. adeoque 250. circiter annis
post Ottonem, quare vix ei fidem adhibere poterimus in iis rebus
quæ ante ipsius tempora gestæ sunt præsertim destituto aliorum te-
stimoniis. Quin nec ipse Polonus constitutionis alicuius memi-
nit, nec tempore Ottonis cœpisse Electores dicit, hoc tantum affir-
mat, post Ottonis tempora cœpisse officiales Imperii eligere: quod
& nos facile largimur. Verba eius sunt. *Et licet tres isti Ottones
per successionem generis regnauerint, tamen postea fuit institutum ut per
officiales Imperii Imperator eligeretur, qui sunt septem &c.*

Quin & euidenter probari potest, etiam post Ottonem tertium
ad Fridericum II. vsque Imperatores, non tantum septem illorum,
sed aliorum etiam Principum suffragiis electos esse. De Henrico
II. qui successit Ottoni III. ita Otto Frising. l. 6. c. 27. *Anno ab incarna-
tione Domini M. I. mortuo sine hærede Ottone III. Henricus, Patre Hezilo-
ne, natione Noricus, eiusdemque gentis Dux, ab omnibus Regni proceribus
electus LXXXVII. ab Augusto creatur.* De Conrado successore Henri-
ci idem Frising. d. l. c. 28. *Anno ab incarnatione MXXV. defuncto sine fi-
liis Henrico, Conradus natione Francus, consilio antecessoris sui, cuius ta-
mē dum adhuc viueret gratiā carebat, ab omnibus electus LXXXVIII. ab Au-
gusto regnum sortitur.* Verum omnia Scriptorum testimonia pauca his
pagellis iniicere non licet: videri ea possunt apud Onuphr. *dict. lib.
de Comitibus Imper. c. 6.* Breviter tamen, quid de sequentibus etiam Im-
peratoribus habeant Scriptores, enumerabimus, sicuti in eo Bellarmi-
num dum summam demonstrationum Onuphrii recitat *lib. 3. de
Translat. Imp. c. c. 2.* De Henrico III. filio Conradi, qui patre uiuente in
Comitiis electus est, nemo Scriptorum affirmat eum ab Electoribus
fuisse creatum: quin rebellis tum fuit Bohemiæ Dux: tantum abest
ut hunc Imperatorem elegerit. Henricum IV. electum ab Episcopis
& Principibus Germaniæ scribit Abbas Urspergensis in Chronico

anni 1051. Henricum V. ab omnibus electum esse testatur idem Vrspergensis in chronico anni 1106. Lotharium electum fuisse ab Archiepiscopis duobus, Episcopis octo, Abbatibus multis, & eminentioribus aulæ Regalis primatibus, scribit Continuator Sigeberti in chronico anni 1126. Conradum III. electum à multis Principibus, non vocato etiam Saxone, & vacante sede Moguntinâ, scribit Otto Frisingensis. lib. 7. cap. 22. Fridericum I. ab omnibus totius Germaniæ Principibus electum fuisse scribit idem Frisingensis. lib. 2. de reb. gest. Friderici. cap. 1. Philippum à Suevis, Bauaribus, Saxonibus: Ottonem IV. à Coloniensibus, Argentinensibus, aliisque nonnullis electum testis est Abbas Vrspergensis in chronico. De electione verò ipsius Friderici II. ita loquitur idem Vrspergensis. Anno D. mini MCCXX. Otto excommunicatus denunciatur. Tunc Principes Alemanniæ, Rex videlicet Bohemiæ (qui paulò antè ex Duce assumptus fuerat ab Henrico IV. ad regnum) Dux Austria, Dux Bauariæ, Landgravius Thuringia & alii complures convenientes, Fridericum Regem Sicilia elegerunt, cui etiam olim, cum adhuc in cunis esset, iurauerant fidelitatem.

Ex his ergo clarè patet ad Fridericum II. usque plerumque Principes, non solos Septemuiros, elegisse Imperatorem. Neque verò id negat, neque etiam negare potest Bellarminus: Quin grauià hæc esse argumenta, & à Viris prudentibus non contemnenda sponte fatetur. Quare eò demum redit eius sententia, ut latam quidem hanc constitutionem tempore Ottonis III. à Pontifice dicat, verum ante Friderici tempora in usum, quibusdam ex partibus, non fuisse deductam. Varias autem fingit huius constitutionis partes, quas nos hic, ut fictitias, non recensemus. Ipsa enim constitutio cum in rerum natura non sit, neque unquam fuerit, libetum illi visum quiduis fingere.

In eo anxius laborat Bellarminus ut Electorum constitutionem soli Pontifici adscribat, licet quo tempore, aut à quo Pontifice, id factum sit ipse dubitare videatur. Non disputabimus nunc an tale quid in Pontificè cadere possit iure diuino, quippe id magis ad Theologorum Scholas pertinet, & egregiè actum est à multis: neq; id nunc attingemus nihil tale quid iure humano còpetere Pontifici, utpote qui Imperatoribus subiectus fuerit & iure esse debet: quod solidè demonstrabitur in *Tractatu de Imperatore Romano*. Argumenta Bellarmini quæ habet lib. 3. cap. 5. paucis videbimus. Et primò quidem nirtur testi-

testimonio Pontificum ipsorum in cap. *Venerabilem. extr. de elect. & Decreti Concilii Sienensis quod extat in Clementina*, Romani principes de iure iur. Verum præterquam quod multa falsa hæc contineant, sunt etiam domestica testimonia, quibus adhibere fidem stolidum foret. Testimonia autem Scriptorum Germanorum quæ producit, iuniora sunt, quam ut illis, in hac causa, credere tutum liceat, & iam antè diximus, commune hunc fuisse errorem, primumq; ab Onuphrio refutatum. Sed nec omnes id quod vult Bellarminus loquuntur. Nam Iordanus ad Carolum M. principium electionis, non verò ad Pontificem refert. Et Nauclerus diuerfas tantum de hac re opiniones recenset. Magnam sententiæ suæ robur ponere videtur Bellarminus in Instrumento electorum ad Nicolaum III. missio. At verò illud à tribus tantum subscriptum ex Goldasto respondet Arnicaus de Rep. c. 6. Et quis miretur, vigente maxime Pontificis tyrannide, tale quid à Clericis imprimis & aliis qui Pontificias partes tuebantur profectum esse, accedente præsertim specie superstitionis, & iuris Pontificii, quod tum maxime ubique vigeat, auctoritate? Et verò quum regni Germanici dispositionem nullo prætextu Pontifices ad se possint trahere, quin multi eorum apertè sint fassi nihil illud ad se pertinere, quomodo Pontifex potuit præscribere Germanis rationem eligendi Regis? Nec est quod dicas Imperii Romani, prout illud est, aliquid à regno Germanico distinctum, curam Pontificii esse iuris. Fac enim ita esse, tamen postquam semel conuenerat ut is esset Imperator quem Germani constituerent Regem, circa modum eligendi Regem & per consequens Imperatorem nihil ille decernere potuit. Bene verò est, licet inter Principes pro superiorum temporum conditione habuerint Papæ suos adulatorem, non defuisse tamē Germaniæ suos etiam libertatis defensores. Quantopere Fredericus I. & plerique Imperii Principes restiterint Pontifici videre est ex rescripto publico quod factum est Bisuntii, & extat apud Lehm. Chron. Spirens. lib. 5. cap. 68. Ludouicus quoque Bauarus, masculè conatibus Papæ se opposuit, quæ res haud paruas dedit in Germaniâ turbas: inter ipsos tamen Monachos defensores inuenit: VVilhelmum Occam, Ioh. de Gandauo, Marsilium Patavinum, & alios complures. Et ut vetera taceam, quam egregiè gloriosissimus Imperator Ferdinandus I. contra Pontificem volentem irritam facere ipsius electionem, quod resignatio Imperii à Carolò V. non in ipsius sed Electorum manus facta esset, Im-

perii decus defendit: Vide Seldium in *seinem Bedencken*.

Sed redeamus unde digressi sumus. Ottoni IV. coetaneo Friderici II. nonnulli quoque Electorum constitutionem adscribunt, factam sc. in Comitibus Fracofurtensibus. Sed respondet illis Goldastus ipse qui constitutionem hanc ediderat. *pace illorum liceat fateri quod res est. Imposuerat mihi Marquardus Freherus, qui illud decretum sua manu exscriptum sub nomine Ottonis IV. ad me transmisit, ego porro aliis communicando, & in Constitutiones imperiales referendo, sine dolo rami & fraude: comperi illud decretum non esse Ottonis IV. sed à Iohanne Baptista Egnatio in vita Ottonis IV. confictum, probabilius quidem iuxta veterum opinionem quam verius.*

Friderico denique II. multi etiam magni nominis viri constitutionem Electorum adscribunt. Et sanè fatendum est post eius tempora magis magisque ad pauciores redactam esse eligendi potestatem. Sed nec huic opinioni accedere nobis licet. Etenim hæc quoque constitutio à nemine unquam mortalium visa est: neque credibile est tot Principes unà aliqua motos cōstitutione tanto suo iuri statim cōsisse. Quod autē Abbas Tritheimius V Vilhelmum Hollandū Friderici coetaneum ab Electoribus electum scribit, veremur sanè ne id veterum testimonio scriptorum destitutus faciat, & secundum mores sui aui loquatur. Quin fortassis non incommode hic locus explicari potest, quod iam tum magnam in electione obtinuerint ii Principes qui hodiè Electores dicuntur, auctoritatem: quod certe negari non potest. Clara sunt hac de re verba Epkonis à Repkau in *Speculo Saxonico* art. 57. *In Principis electione primus erit Episcopus Moguntinus, secundus Treuirensis, tertius Coloniensis. Primus inter illustres regni Palatinus Rheni, qui est Dapifer, secundus Dux Saxoniae, Marechallus, tertius Marchio Brandeburgensis, Camerarius. Rex Bohemiae Pincerna est, qui non eligit quia non est nostra nati nis. Præter istos succedit etiam electio omnium Principum Imperii tam clericorum quam laicorum: non quod secuti prædicti secundum eorum placitum eligere debeant, sed quem omnes illustres eligunt, eundem præ cæteris in Regem nominabunt. Eandemque sententiam confirmat Abbas Stadenensis ad annum 1240. Papa Gregorius, inquit, insolentias metuens Imperatorias contra Ecclesiam, Principes Germania super electione alterius sollicitavit, & nihil profecit, quia quidam Principes rescripserunt, non esse sui iuris Imperatorem constituere. Addit deinde. Ex prætaxatione Principum & consensu eligunt*
Impe-

Imperatorem Treuirensis, Moguntinus & Coloniensis: & de secularibus eligi Palatinus qui Dapifer est, Dux Saxonie quia Marechallus, & Margrauius de Brandenburg quia Camerarius, Rex Bohemie Pincerna est: non tamē eligi quia non est Teutonicus. Vbi nota quod dicat: quia officia illa habeant eligere Principes. Vnde colligimus non paruum quoque occasionem, adipiscendæ tantæ potestatis præbuisse hæc officia, de quibus infra plura.

Manifestum autem est ex his omnibus, iam horum Scriptorum tempore (vixerunt autem circa tempora Friderici II.) aliquam præceteris eorum Principum, qui hodiē Electores audiunt, in eligendo potestatem fuisse, attamen non tantam quæ reliquos omnino excluderet. Vnde concludimus: cum Friderico II. mortuo perturbatissimus esset Germaniæ status, & interregno multorum annorum Rempub. ferè nemo curaret, cæteris vel ob imbecillitatem vel ob negligentiam iura sua non satis tuentibus, [ut sanè ex illo tempore Ordinum pauci habuerunt curam totius Imperii, donec Maximilianus I. instituit illam in Circulos diuisionem, & Cameram Spirenses,] hos ut potentiores sibi solis hoc iuris sumpsisse. Confirmat hoc etiam Aurea Bulla quando statim *lib. 1. ad laudabilem consuetudinem* prouocat. Et in eadem nobiscum sententia sunt Onuphrius [*de Conciliis imperat. cap. 6.* Arnicaeus *de Rep. cap. 6.* Carpzov. *de Leg. Reg. Germ. cap. 11. sect. 1.*]

Confirmata autem est hæc iam moribus introducta consuetudo solenni & firma lege [& quidem optimo consilio, quodd intersit reip. quàm maximè vt summum ipsius reginē firmiter sit constitutum,] à Carolo IV. quam legem Auream Bullam vocamus: eaque tota eligendi ratio & omnis Electorum potestas continetur. Et verò ex eodem Septemviri illi Electorium titulum suo nomini adiecerunt, creuitque illorum dignitas maximè. Nos ex Auræ illà Bullâ, quæ ad nostrum institutum facere videbuntur, paucis exceperemus.

Et primò quidem quomodo deferatur electoralis dignitas videbimus. Vbi obseruandum, Electores *vi & virtute Regni & Principum suorum* hoc iuris adipisci *A. B. tit. 7.* Quod ita intelligendum est, vt, si Archiepiscopi Archiepiscopatus suos, Rex Bohemiæ Bohemiam, Palatinus Palatinatum, Elector Saxonie Electoralem ducatum Saxonie, Brandenburgicus Electoralem suam terram, legitimè acquisierint, eligendi quoque ius obtineant. Quare non simpliciter

persona, sed quatenus ea terram possidet, hæc coheret dignitas. Et Ecclesiastici quidem Electores, ut alii Germaniæ Episcopi, vel electione vel collatione instituuntur. Electio fit communi vel plurium Capitularium suffragio. In subsidium verò electionis introducta est postulatio, ut eum quem eligere non licet postulare liceat: petitque per eam Capitulum à superiore, ut eum sibi præficiat, quem eligere non licebat. Collatio fit ab Imperatore & Pontifice, si fortè emerferit aliqua in eligendo difficultas. Et ita quidem hodie obtinet. Olim Apostoli & hinc populus cum aliis Episcopis Episcopos eligeant. Verum post Imperatores & Reges amplexi fidem Christianam paulatim hoc sibi sumpserunt, cum primis postquam Episcopi inuendis opibus ceperunt eminere, & ad Reip. consilia admoueri, pruden- ter existimantes sua multum interesse quibusnam tanta potestas tantæque facultates concederentur, simul etiam ut esset, unde bene meritis possent tribuere beneficium. Hinc valdè conqueritur Baronius ad ann. DLIX. à Regibus esse præsumtum ius præficiendi Ecclesiis pastoribus destitutis Episcopos hoc seculo tum in occidente, tum in oriente. Viguit ea consuetudo in Germania quoque usque ad Gregorium VII. qui hac etiam de causâ litem Henrico IV. mouit. Res variis agitata bellis eò tandem deuenit, ut Henricus V. iuri suo cedere coactus sit. Vbi dimidium eum maiestatis perdidisse rectè indicat Onuphrius ad Platinam. Ex eâ transactione ad Pontificem deuoluta est confirmatio Archiepiscoporum per baculum: ad Imperatorem collatio bonorum temporalium per sceptrum, reuerà in speciem magis, quàm ut arbitrio Caesaris multum hac in re manserit reliquum. Postea tamen omnia ferè ad se traxere Pontifices, coactique Episcopi Germani multis aureorum millibus pallium, quod vocant, redimere, donec iterum eâ de re inter Nicolaum V. & Fridericum III. transactum est, quæ pacta hodieque in curia Romanâ vocantur Concordata nationis Germanicæ in curia Romanâ. Secundum ea sola ferè electio obtinet, nisi quod emergentibus quibusdam difficultatibus aliquando licet Imperatori & Pontifici Episcopum constituere.

Et hæc de Ecclesiasticis. Seculares vel successionem, vel nudâ Imperatoris collatione hanc dignitatem consequuntur. Successione: quamdiu aliquis ex familia sexus masculini laicus legitime natus superest. Succedit autem semper filius primogenitus laicus: quem quia
lex

Lex simpliciter vocat, non tam beneficio patris, quam auctoritate legis hanc dignitatem consequitur. Vnde quoque spem certam & invariabilem habet, quæ ei neque testamento, neque pactis patris adimi potest. Priuati enim dispositioni non amplius subiacer, quod à lege determinatum est: cum aliàs spes illa quam habent filii in hæreditate parentum variabilis sit, & tota ex futuro euentu dependeat *arg. l. 1. §. 21. ff. de collat. bon.* Excipimus hæc Regem Bohemiæ, quem & ipsa Aurea Bulla excipit *d. tit. 7.* de cuius successione acerrimè cum armis his temporibus disceptatum sit, litem illam nostram non facimus.

Iuri quidem naturali maximè consentaneum videtur vt omnes liberi in æquales succedant partes: quod etiam iuri Romano ciuili conuenit, ita tamen vt filii non excludant nepotes *§. cum filius & §. ult. l. de hereditat. qua ab intestat. & l. 2. 3. 4. C. de suis & legitim.* Sed cum fieri nequeat, vt regni dignitatem ac vim tueri exiguæ regni partes possint, omni ferè æuo à cultioribus gentibus receptum est, vt vnus tantum succederet. Et sanè licet regnum fuerit pars vera hereditatis (quod tamen non est vbiuis, certè in Germania non nisi ex parte est,) tamen ea est naturà, ut diuisionem quamuis non patiatur sine sui destructione. Cæterum vnus ille successor, quis esse debeat, non omnes conueniunt. Primogenitum tamen seu natu maiorem plures & cultiores sibi præficiendum putasse vel ex eo constat, quod *Herodot. lib. 7.* hoc omnium populorum commune ius appelleret. Hodie quoque in plerisque Regnis primogenitus succedit: at modus succedendi secundum leges cuiusque Regni variat. Et verò si id naturale est quod plerumque est conuenientius, indubiè primogenitorum hoc ius quàm maximè est naturæ consentaneum. Nostris Electoribus quem modum succedendi lex præscribat videbimus.

Nominat lex primo loco primogenitum eiusque filium: iis autem non existentibus secundò genitum verbis expressis, & deinceps eius filium. Est autem certa l'eti deciso in *l. cum ira §. in fideicommissio ff. de legat. 2.* quod primò nominati primò quoque sint vocati. Primo a. loco hic nominatur primogenitus. hinc eius filius: inde secundò genitus, sub hac tamen conditione, si sine liberis decesserit primogenitus, cuius conditionis ea vis est, ut existentibus quibuscunque primogeniti legitimis masculis hæredibus, excludatur secundò ge-

nitus. De tertio genito non ita sunt expressa verba A. B. omnino tamen existimandum est, quod disposuit lex in ordine succedendi, qui est inter secundum genitum & primogenitum, idem eam velle in ordine succedendi, qui est inter tertium genitum & secundum genitum: eadem enim utrobique militat ratio, & uti se habet ad primogenitum secundogenitus, ita procul dubio se habere debet tertio genitus ad secundogenitum. Et verò dum secundogeniti filium lex vocat, omnino excludit tertio genitum, nisi & ille sine liberis decedat, quæ conditio in prioribus adiecta erat. Vnde decidi potest quæstio, an tertio genitus excludat secundum geniti filium, & nepotes. Et vim inferunt textui qui tertio genitum præferunt: pro nepotibus quoque ratio legis & circumstantiæ præcedentes militant. Nec iuuat quod primogenituram non tempore natiuitatis sed successionis acquiri dicant: Etenim id contrariatur naturæ primogenituræ, quæ ipso acquiritur momento quo quis in lucem editur, unde ius instantaneum & momentaneum à Ictis dicitur. Molin. de Hispan. primogen. lib. 3. cap. 6. n. 30. Engelbrecht Tract. de Successione in Electorat. qui totam hanc materiam fusè persequitur. Magnific. Dom. Lampadius. Tract. de Constitut. Imperii Romano-Germanici. cap. 4. Idque apertè etiam lex nostra probat, quando filium primogeniti, cuius Pater Elector nunquam fuerat, ad successionem vocat, qui admitti non posset si tempus delatæ successionis spectaretur.

Confirmant hanc nostram de successionem Electorum sententiam Capit. Metensi ibi: Primogenitus filius succedat in eis, sibi que soli ius & dominium competat: Bulla Francofurtensis domus Saxonie: ibi: sancimus quod post dicti Venceslai Saxonie moderni & Luneburgensis ducis obitum primogenitus filius ipsius, & post eius obitum senior filius, ex ordine genitura semper senior succedat. Si verò primogenitus Ducis Venceslai decesserit, masculini sexus laicis duntaxat legitimis heredibus non relictis, ex tunc secundum genitum &c. Eiusdemque esse tenoris Bullam Palatinam à Sigismundo sub anno 1414. datam testatur Engelbrecht d. Tractat.

Eadem erit agnatorum successio. Nam respectu primi acquirentis descendendum numero censetur. Quare agnatos ex secundum genito agnatos ex tertio genito secundum mentem A. B. excludere, non dubitamus asserere. Non enim simpliciter gradus aut ætatis prærogatiua ponitur, sed in ordine genituræ; & quatenus quis prius

primò nominatus est. *Engelbrech. de tract.*

Collatione Imperatoris, & quidem solius dignitas Electoralis acquiritur, si Principatus Electoralis quacunq; de causa vacet. *A.B. tit. 7.*

Electo-ribus minorennibus tutores & administratores præficiendi sunt donec legitimam attingant ætatem; quam in Electo-ribus decem & octo annos completos censeri vult *A.B. tit. 7.* Vt verò in successio-nibus, ita & in tutela hac discedit lex hæc publicæ à Regulis iuris ciuilibus. Etenim oacri est vulgaris tutela, & publicæ auctoritate sustinenda. Vnde etiam iustæ causæ, quæ ab hoc onere excusent, proponuntur *tit. ff. de Excusat. tut.* Hæc ingentia secum fert commoda potestatemque summam. Iure ciuili etiam testamento licet dare tutores, iique præponuntur adgnatis *arg. p. l. de legitim. agnat. tutel.* Contrarium hic obtinet: Neque enim licet Electo-ribus testamento tutores dare, sed expressè hac lege cautum, vt frater primogeniti senior tutor sit, qui, dum legitimam minorennis attigerit ætatem, ius, vocem & potestatem, & omnia ab ipsis dependentia habet.

Porrò Electo-ribus quædam competût vniuersis, quædam singulis. Vniuersis competit ius & potestas eligendi Imperatorem, iisque so-lis: quia in re maxima eorum potestas, & præ reliquis Principibus eminentia elucet. Modus eis in eligendo præscriptus peti potest ex *A.B.* Neque enim nostrum patitur institutum ea omnia hic persequi. Illud quaeritur. An sicut eligendi, ita etiam deponendi Imperatoris ius habeant? Et quidem Aurea Bulla nihil hac de re habet. At histo-riæ tamen depositum ab Electo-ribus VVenceslaum testantur. Præ-terea soli quoque ius habent coronæ regni Germanici electum Impe-ratorem ornandi: altera Cæsarea coronatione ad Papam pertinen-te. Illud quoque magnam arguit Electorum potentiam, quod *A.B. t. 2.* sancitum est: debere eos solos quotannis, cæteris exclusis, conue-nire, & de rep. consilia conferre: aliquoties tamen eiusmodi comi-tia, Cursus fien rage/ habita fuerunt.

Communia etiam sunt Electo-ribus priuilegia quæ iis tribuuntur passim in *A. B.* quorum tamen non pauca aliis quoque Principibus hodiè competunt. Sunt autem ferè hæc. Quod auri & argenti fodinas, atque mineras stanni, cupri, plumbi, ferri, & alterius cuiuscun-que generis metalli ac salis, tam inuentas quàm inueniendas in po-sterum quibuscunq; temporibus iure & legitime possidere possint

cum omnibus iuribus, nullo prorsus excepto, prout possunt seu consueverunt legitime possideri *A.B.tit.9.* II. Quod liceat illis Iudaeos recipere. III. Telonia olim statuta & indicta percipere *A.B.tit.9.IV.* Cudere monetam auream & argenteam *A.B.tit.10.* V. Quod possint à quibuscunque Principibus, Magnatibus, Comitibus ac aliis personis, quascunque terras, castra, possessiones siue bona emere, aut in obligationem recipere, sub talium rerum, castrorum, possessionum, praediorum, seu bonorum conditione consueta, ut videlicet propria recipiantur, vel compareantur ut propria, libera velut libera, & ea quae dependent in feudum, similiter emanant in feudum, seu comparata taliter teneantur *A.B.tit.10.* VI. Quod Electorum subditi ad cuiuscunque actoris instantiam extra territorium, terminos ac limites eorum, ad quodcunque aliud tribunal trahi seu vocari non debeant *A.B.tit.11.* VII. Quod privilegia aliis statibus aut personis ab Imperatore concessa & concedenda non debeant aut possint libertatibus, iurisdictionibus, iuribus & honoribus Electorum derogare *A.B.tit.13.* IIX. Quod, dum feudalitatem sua siue Regalia ab Imperatore recipiunt, ad dandum vel soluendum aliquid nulli penitus sint adstricti *A.B.tit.29.* Consecuti sunt & alia Electores privilegia, quae omnia hic recensere non libet; neque verò facile nisi ex Archiis cuiusque Electoris haberi possunt.

Nunc singulos videamus. Ecclesiastici Archi-Cancellarii vocantur. Quod quidem officium antiquum est, constat enim Carolum Magnum Cancellarios suos habuisse, qui Apocrisarii dicti sunt, eosque Episcopos Germanos. Vid. *Lehm. Chron. Spirensi. cap. 7. lib. 2.* Quando verò ad certos hos Archiepiscopatus restricta sit haec dignitas non ita constat. Illud certum est, in Aurca Bulla eas esse confirmatas. Archiepiscopus itaque Moguntinus, qui primus Electorum est, est Archi-Cancellarius per Germaniam. Ei praeter ceteris hoc proprium est: quod vacante Imperio literis patentibus significare tenetur Coelectoribus suis ut à die in literis expressa intra tres menses continuos ad eligendum Imperatorem Francfurtam ad Moenum conveniant, aut Legatos suos mittant *A.B.tit.2.* In ipsa etiam electione vota inquirunt, ultimoque loco à Coelectoribus rogatus mentem suam aperit *A.B.tit.4.* Treuirensis Archicancellarius est per Galliam & Regnum Arelatense: quibus nominibus non integra Gallia, sed quicquid eius ad regnum Burgundicum pertinuit, quod seculo

XI. Ger.

XI. Germaniæ iungi cœpit, intelligitur. Ei in electione primum competit suffragium, *A.B. tit. 4.* Archiepiscopus Coloniensis Archicancellarius audit per Italiam, hoc est per regnum Longobardorum, & reliquias veteris Imperii Romani. Ei votum secundum tribuitur, *A.B. tit. 4.* Præterea primum Regni scil. Germanorum imponitur diadema *d.c. 4.*

Inter seculares Electores primus est Rex Bohemiæ, cū sit Princeps coronatus & vnctus, *A.B. tit. 4. lib. 7.* cui licet votum in electione deneger. Speculum Saxonicum & Abbas Stadenſis, Aurea tamen Bulla ei expressis verbis tertium votum tribuit. *tit. 4.* Vnde liquet à more seculi decimi tertii discessum esse. Est præterea Pincerna Imperialis, & tenetur Imperatori primū porrigere poculum in celebratione curiæ imperialis, non tamen sub coronâ regali, nisi id liberâ voluntate facere velit. *A.B. tit. 4. & tit. 27.*

Secundum locum obtinet Palatinus Rhēni, qui hac præ cæteris fruitur prærogatiuâ, quod vacante Imperio in partibus Rhēni & Sueviæ prouisor sit Imperii, cum potestate iudicia exercendi, ad beneficia Ecclesiastica præsentandi, recolligendi redditus & prouentus, & inuestiendi de feudis, iuramenta fidelitatis vice & nomine sacri Imperii recipiendi, quæ tamen per Cæsarem Romanum postea electum, suo tempore omnia innouari, & de nouo sibi iuramenta ipsa præstari debebunt, feudis Principum duntaxat exceptis, & aliis quæ *fahrlsch* vulgò appellantur, quorum investitura & collatio soli Imperatori vel Regi Romanorum specialiter reseruata est. Ipsi tamen Palatino omne genus alienationis seu obligationis interdictum est. Votum in electione habet quintum, & in celebratione curiæ imperialis Archidapiferi fungitur officio, *A.B. tit. 27.* Illud quoque ipsi soli competit, quod Imperator super causis, quibus imperitus fuerit, coram eo, sed in ipsa imperiali curia debeat respondere, *A.B. tit. 5.* Præterea in solenni processione gestat pomum imperiale, *A.B. tit. 2.*

Tertius inter seculares Electores Dux Saxonie est, cui vacante Imperio, idē ius quod Palatino in partibus Rhēni & Sueviæ competere diximus, in locis vbi Saxonica iura seruantur, concessū est, *A.E. dist. 5.* Votū in electione habet quintū. In curiâ imperiali Archimareschal-

li fungitur officio *A.B.tit.5.* præfertque Imperatori gladium eurginatum: *A.B.tit.26.*

Comes Palatinus Rheni & Dux Saxonie, uti diximus, vacante Imperio, negotia Imperii per Germaniam administrant. Vbi iterum nobis obloquuntur Pontificie dignitatis adsertores. Nam, ut alia omnia, ita vacante Imperio, quod totum ad Pontificem pertinere dicunt, ipsum quoque Vicariatus officio fungi volunt. Verum hæc satis ex illis quæ supra diximus refelli possunt. Nos expressam habemus legem: eaque aliquoties in usum traducta est: quare equidem nihil illos moramur. Nec verò vel in ea quæ sunt verè veteris Imperii Romani ad Germanos delapsa, vel in reliqua Italia ad regnū Longobardie pertinentia, in quæ maximè Vicariatus iura sibi arrogat Papa, unquam legas à Germaniæ aut Italiæ Ordinibus eiusmodi ius Papis esse concessum. Non potuit autem Papa nisi ex concessione accipere, utpote cum Longobardicum certè regnum Papæ nulla ex parte fuerit subiectum. Ex aduerso per Italiam VVenceslaus Vicarium constituit perpetuum Ducem Mediolanensem, si credimus Cardinali Tuscho: si aliis, Dux Sabaudie ex Casarum constitutione hoc iure gaudet.

Vltimus Electorum est Marchio Brandenburgensis. Ei votum competit sextum *A.B.tit.4.* Fungitur in curiâ munere Archicamerarii, Imperatori quæ aquam porrigit: *A.B.tit.27.* & in processione sceptrum præfert: *tit.2.22. & 26.*

Commune omnibus his Electoribus secularibus esse, quod quilibet eorum peculiare aliquod in curia imperiali obtineat officium, diximus. Ea officia quando hæreditaria esse cæperint iis familiis, penes quas nunc sunt, non adeò manifestum est. Tempore Francorum talia officia fuisse demonstrat Lehman. Chron. Spirens. lib. 2. aliquot capitulis. Sequentibus quoque temporibus ad eiusmodi officia Imperatores Principibus Germaniæ vsos esse ex VVitichindo patet in coronatione Ottonis Magni: lib. 2. de reb. gest. Saxon. at Otton. Ait enim. Diuinâ deinde laude dictâ, sacrificioque solenniter celebrato, descendebat Rex ad palatium, & accedens ad mensam marmoream regio apparatu ornatam, resedit cum pontificibus & omni populo: duces verò ministrabant. Lothariorum Dux Giselbertus, ad cuius potestatem locus ille pertinebat, omnia procurabat: Euerhardus mensa præerat: Herimannus Franco pincernis: Arnulfus equestri ordini, & eligendis locandis-

candisque castris præerat. Fuit autem Euerhardus Sueuiæ, Arnulphus Bauariæ Dux. Nulla verò sit mentio earum familiarum quæ hodie his præfunt officiis. Necesse itaque est post ea demum tempora ad has esse deuoluta. Affermat Freherus *cap. 15. de orig. Palatin.* Henricum II. Episcopo Bambergensi dedisse hoc priuilegium, vt ab eo acciperentur hæc officia: quod si verum est, fortassis tum quoque temporis ad has familias delata fuit hæc dignitas. Quicquid sit, non est dubitandum, quàm huiusmodi aulica officia sint præ aliis splendida, ex quo in certas familias illa collata sunt, etiam illas familias præ aliis cõpisse dignitate eminere, adeoque has præcipuè curiæ imperialis curam sibi arrogasse. Vnde non potuerunt non vacante Cæsareâ dignitate cùm reipubl. tum inprimis nouæ electio- nis vim ad se potissimum trahere. Habet porro officialium illo- rum quilibet substitutum suum. Archipincerna, Vicepincernam de Limpurg, Archidapifer Magistrum coquina de Nordenberg: Archicamerarius, Vicecamerarium de Falkenstein: quibus etiam ea quibus ministrarunt in curiâ Electores, instrumenta argentea, vnâ cum equis quibus infederunt, cedunt A.B. tit. 28. Et cùm Princeps aliquis præter Electores, aut non munitus singulari priuilegio recipit feudum ab Imperatore, de sexaginta tribus, quas tenetur soluere, marchis, quilibet officialium illorum substitutus accipit decem marchas, A.B. tit. 29.

Postremò dignitas Electoralis regulariter morte naturali finitur. Aliis de causis quomodo Elector excidere Electoratu possit expressû in A.B. non est. Est autem verisimile iisdem ex causis electoratu quem priuari, ex quibus principatu priuatur. Quippe dignitates & terras electorales indiuisibili cohærere nodo suprà demonstrauimus. Exemplum habemus in Iohanne Friderico Saxonie Electore, qui violatæ pacis & perduellionis à Carolo V. condemnatus, ditione & dignitate excidit. Idem accidit nostrâ memoriâ Friderico Palatino, qui itidem ob violatam pacem &c. omni ditione & dignitate Electorali priuatus est. Et hæc sunt quæ hac vice de Electori- bus eorumq; origine ex historiis & Aurea Bulla excerpere visû fuit.

Antequam hinc abeamus, obseruandum ducimus, moribus veteris Germaniæ valdè videri commodam fuisse illam ex hæreditaria successione & liberâ electione mistam constituendorum Regum.

rationem. Prorsus enim libera electio non conuenisset populo feroci & bellicoso, sed turbas plurimas dedisset. Merè autè hereditariâ successionem facillè ad ignauos aut malos deuolui imperium potuisset, quod illa ætate in rudi populo & feroci summè fuisset noxiū. Etiam hoc nōmine ergo Gregorio VII. & aliis Papis est quòd merito diras precetur Germania, qui populum & Principes à tam salutari instituto, cuiusque ab antiquissimis temporibus in Germanicis gentibus vsus fuerat, ad illam eligendi non libertatem, sed licentiam vocarunt. Certè inter causas destructi regni Germanici hæc licentia vna est potissimarum: quod multis ostendi posset si foret huius instituti. Ex parte correctum hoc malum est eligendi potestate ad Septemuiros paucos contracta: minores enim dissensiones ex eo habuit electio. Regia tamen potestatis dissolutioni & casui, quod alterum est electionis malum, cautum non fuit. Bonè sc. ille apud Barclaium Argenid. l.2. *Ipsi Aquilii diuerso è genere lecti quam sæpè maiestatis suæ vires his proditas curis fregerunt: Inter hos ille, cuius sanctiones aureas dicunt, ut filio regnum pararet, quo pretio suffragatores emit? Quo deinde sceptri incommodo, cum soluendo non esset, publica iis vestigalia concessit: qua primùm pignoris nomine occupata, mox isti imbecillitate vel errore regnantium in hereditarium verterunt.* Certè optime contigit Germaniæ, quod ducentis iam annis amplius placuerit Electoribus ex parte illam cognaticam successionem veterem rursum obseruare: quod nisi fuisset factum ne vmbra quidem reip. iam superesset, ut & ita penè tota sit collapsa, aut in partes nunc abeat.

Acroamatis Quarti Finis.

DE GER-



DE
GERMANICI IMPERII
REPVBLICA
ACROAMA QVINTVM

in quo agitur

DE
CONSTITVTIONE
EPISCOPORVM
GERMANIAE.



E Germaniæ Episcoporum constitutione, quem-
admodum ab initio usque habuerit sese, utque sit
in hunc statum deuentum, præterea, num. qui nunc
obtinet mos, Reip. sit atque Ecclesiæ utilis, nec ne,
& si non est utilis, quænam ratio potius sit obser-
uanda, agere consilium est. Verum id antequam
aggrediamur, fortassis fuerit pretium operæ, non-

nulla de Christianæ religionis in Germaniâ initiis præmittere.

Incertum autem omnino est, quando primam Germanicæ gentes
Christianâ fide imbui cœperint. Iam Apostolorum ætate perlatum
ad eas Euangelium, sunt quæ fidem facere videntur. Eὐαγγέλιον τὴν γῆν
inquit de Apostolis D. Paulus, ἐξῆλθεν ὁ φθὺγγος αὐτῶν, καὶ εἰς τὰ πέρατα
τῆς οἰκουμένης τὰ ῥήματα αὐτῶν. Et verò in Æthiopiam & Indiam, quas
inter extremas ferme Africæ & Asiæ provincias quis numerauerit,

Q

peruenisse Apostolos, cum veteres memorant, tum quod Maliapora hodieum visitur S. Thomæ sepulchrum, fidem fecerit. Quum igitur Apostoli tam longinquas, & procul à finibus Romanis diffitas Gentes adierint, Germanicas etiam, saltem Romanis subditas, nec ab Italia ita longè remotas, ab iis præteritas, haud videtur verisimile. Theodoretus sanè libro nono de curationibus Græcarum affectuum, inter Gætes ab Apostolis cõuersas, Germanos quoq; & Britanos numerat. Is verò, qui sub Dorothei Tyri Episcopi nomine, synopsin de vitis Apostolorum commentus est, Apostolum quoque nominat, qui Germaniam adierit: Thomam enim ait Germanis, Hircanis, Bactris & Magis prædicasse. Cæterum nihil horum probando instituto satis est. Nam sacris quoque Scriptoribus *ἀνέκδοτοις* ex vulgari loquendi consuetudine hausta satis frequentes sunt, vt proinde *πῶς* hic non nisi eximiam terræ portionem fortè significet. Et verò in extrema etiam Americæ penetrasse apostolos probari non potest, debebant autem etiam huc peruenisse, nisi *ἀνέκδοτοις* admittenda sit. Porro cum ex Actis Apostolicis constet, eos à S. Spiritu nonnumquam iis locis, vbi degebant, prohibitos esse prædicare Euangelium, quidni fieri potuit, vt in minus remotas terras non ierint? Certè omnis illa Euangelii prædicatio, singulari Dei consilio, & ex singulari gratia, fuit instituta, gratiæ autem mensuram scire non est nostrum. Theodoretus præterea non est idoneus testis rerum quæ tot antè seculis sunt gesta, certè non est cui vni tutò fidem adhibeas. Adhæc liber ille qui Dorothei nomine circumfertur, ex fabulis & mendaciis totus est confusus, tum etiam sine dubio Caramannis legendum fuerit, non Germanis. Nullum Apostolorum quoque Germanis Euangelium prædicasse quis dixerit eo argumento, quòd in Occidente sola Romana Ecclesia cathedra audiat Apostolica. Non est autem firma hæc etiam collectio. Audit enim ita sola Roma, quòd nusquam alibi in Occidente Apostolorum aliquis *ἐπιστολὴ* Ecclesiæ gesserit, quod à S. Petro Romæ factum vetus & dudum recepta per orbem traditio est, cuius fundamentum fortè est in ipsa S. Petri Epistola Babylone i. e. Romæ scriptâ, vbi sese *πρωτοπρεσβυτερος* vocat, quod ex more loquendi tum vñtato Coepiscopus. Cæterum Apostolorumne aliquis docuerit Germanos, nec ne, in dubio relinquendum est; quum nihil superat, quod id vel affirmare vel refellere in promptu sit.

Maiori verisimilitudine dixeris viros saltem Apostolicos in nonnullas Germaniæ prouincias penetrasse. Et verò si rerum Germa-

nicarum Scriptoribus, & vulgatę famę fides aliqua est, non pauci eorum in Germaniam peruenerint. Eucharium utique, Valerium & Maternum, Petri quondam discipulos, Treuironum, Vbiorum, & Tungrorum primos doctores & Episcopos facit Marianus Scotus. Eadem ferę de iis tradit Albertus Stadenfis. Laureaci quoque, quod est in Austriā oppidū ad Anasum fluvium, Marcus, cuius Paulus in Epistola ad Philemonem & Timotheum meminit, & Augustę Vindelicorum Lucius, & ipse Pauli *ὁ πρῶτος* [quem Lucium quendam Britannię regem nobis fingit Sigismundus religiosus in *Chronico Augustano*] Vindelicię & Norici gentibus Christi fidem tradidisse Auentino dicuntur. Mediomatricię Clementem patrum Clementis Episcopi Romani, Leuci Mansuetum primos suę salutis auspices dicunt. Vindomillę Sequanorum vrbs Beatum quendam Petri discipulum, ex Britannia reducem, Episcopum fuisse tradit Franciscus Guillimannus. Sunt qui Crescentem quem Paulus in Galatiam scribit abiisse, Moguntinę Ecclesię primum autorem profitentur. Quod videri possit verisimile, quoniam ille Eusebio memoratur à Paulo in Galliam missus, Gallię autem olim accensita sit Germania trans-Rhenana. Sed quis tutò his narrationibus fidem habeat? Namque Eusebii illud testimonium profectò nihil probat. Cui verò ignota sunt inscita otiosorum monachorum figmenta? in quibus tamen colligendis præ ceteris studiosus fuisse videtur autor magni Chronici Belgici Canonicus regularis S. Augustini, sui seculi morem secutus. Certę vtut illa nobis manifestę falsitatis facile arguere non licet, fidem tamen iis omninò adhibere temerarium fuerit. Vti enim rerum ciuiliū, quę his temporibus in Germania acciderunt, tenuis admodum in Romanorum tantum scriptis superest memoria: ita Ecclesiasticarum rerum longę est tenuior, vel nulla potius. Si quę verò superest, à fabulis haud multum abesse videtur. Fortę licuerit asseuerare, illa quę de his tradunt Germanię Scriptores, & catalogos Episcoporum, quos texunt, parę esse autoritatis, cuius est illa series antiquissimorum regum Germanię à Tuiscone vsque, non interrupto ordine contexta, vel quę de origine gentium Germanicarum inscitę vt plurimum & ineptę tradunt antiqui, vt Paulus Diaconus de Langobardis, & ille totus ex mendaciis compositus Hunibaldus de Francis: cuius figmentorum Philippus Cluuerius doctissimum virum Trithemium autorem immeritò facit, cum eadem penę fabularum

portenta apud complures antiquorum, Sigebertum Gemblacensem, Epitomatorem Gregorii Turonensis, aliosque magno consensu, etsi non eo ordine, nec tanto verborum apparatu, inueniantur.

Hæc igitur incerta sunt omnia, quibusque turò fidem non habeas. Indubitati tamen testes sunt Irenæus & Tertullianus Vterque autem Germanicarum Ecclesiarum meminit. Ille quoque simplicem & orthodoxam Germanicarum gentium fidem commendat. Vt proinde nullum sit dubium, iam tum sæculo secundo catholicis Ecclesiis Germaniam, saltem illam quæ iuris fuit Romani, paruisse. Quod ea verò attrinet, quæ de Gereone eiusque sociis, actis Afræ virginis, & cæteris martyribus, quos Rictiouarus Galliarum præfectus immani crudelitate Augustæ Treuironum mactauit, in martyrum actis habentur, non libet ea huc adferre. Qui illa scire volet, martyrologia, Helinandum, commentaria Velleri, & Baronium consulat. Etenim compertum est, illam partem Historiæ Ecclesiasticæ, si quæ alia, maximè fabulosam esse, ut satius fuerit illo labore supersedere. Maiorem longè fidem merentur acta quædam conciliorum, quæ hodie adhuc supersunt. Ex iis autem constat, fuisse in Germania sæculo quarto haud incelebres Ecclesias Coloniæ Agrippinæ & Augustæ Treuironum. Vtriusque enim ciuitatis Episcopos interfuisse concilio primo Arelatensi à Constantino M. anno cccxiv. coacto, manifestum est ex subscriptione Episcoporum concilii Arelatensis secundi, quæ huc referri debet. Vterque Agricus Treuirensis & Maternus Coloniensis ad Siluestrum Papam de iis quæ in synodo sunt acta per scriptis, quam Epistolam ex Petri Pithoei bibliothecâ depromptam recitat Baronius. Præter hos Nemeses, Vangiones, Argentineses, siue Tribocos, Mediomatrices, Ambianos, Rauracos, & Tungros, Episcopos habuisse, acta Concilii Præuincialis Coloniensis, à quo Euphrates, vel ut aliquibus dicitur, Offracta, Episcopus Coloniensis ob hæresin Arrianam anno cccxlv. Episcopatu pulsus est, docent. Neque enim, vsque adeò interpolata illa esse, ut nullam omnino mereantur fidem, argumenta Baronii euincunt. Sed quid multis opus? Fuisse hoc quidem tempore in Germaniâ, neque paucas neque obscuras Ecclesias, ex huius ætatis Scriptoribus apertè liquet. Vel Hilarii Pictauiensis Episcopi ad Coepiscopos Germaniæ primæ & secundæ Epistola huius rei fidem fecerit; ut nihil nunc de synodo Augustæ Treuironum contra Priscillianistas imperante Maximo Tyranno habitâ,

bitâ, nihil de Episcopis Germaniæ, qui Sardicensi concilio interfuerunt, nihil denique de Treuirensibus, Tungrensibus, Colonienſibus & Moguntinis Episcopis, quorum apud Athanaſium, Hieronymum, aliosque haud infrequens mentio, nunc dicam. Hæc enim omnia ſi conſeras, fuiſſe tum in Germaniâ florentes numero, pietate, & orthodoxâ fide Eccleſias docent.

Ceterum hæſit fortassis cultus hic omnis religionis Chriſtianæ in ſolâ Germaniâ primâ & ſecundâ, Romani imperii prouinciis, Belgicâ item vtrâque, Vindeliciâ quoque & Norico, quæ etſi hodie Germaniæ accenſeantur, eâ tamen ætate Germaniæ nomine ab Illyricis gentibus habitatæ non veniebant. Vt Rhenus tum quidem temporis velut Romani imperii in Germaniâ limes, ſic & Chriſtianæ religionis fortè fuerit. Trans-Rhenanam Germaniam, quæ & magna dicta, expertem adhuc verè fidei fuiſſe, verò ſimilius eſt. Neque enim quicquam moror, quod de Agiſto & Mariano eius Diacono ex Henrico Heruordienſi, V Verno Roleuinkio, & Alberto Crantzio tradit doctiſſ. Meibomius in Hiſtoria vrbiſ Bardeuici. Commentum id indubiè eſt, vt illud omne quod de ſumma illius vrbiſ antiquitate fingitur, cum vix ante Henricum Aucupem vlla conſtet fuiſſe in Saxonia oppida mœnibus cinctâ. In magnâ igitur Germaniâ, vel illâ ætate, vel ante eam Chriſtiana ſacta fuiſſe recepta, nullis fide dignis testimoniis probare eſt. Nec tamen quosdam ex vicinis Rheno gentibus ad Chriſtianam fidem inſtitutos verò eſt abſimile. Integros verò populos ad eam adductos non videtur, cum gentes omnes Germanicas, quæ Romani imperii prouincias inſederunt Tranſrhenanâ Germaniâ relictâ, idolorum cultui addictas fuiſſe conſtet. Egreſſa autem finibus ſuis eſt innumerabilis vis Germanicarum gentium ſeculo quarto & quinto, & totum occidentem Romanum inundauit. Primi verò ex iis Gothi, cum Oſtrogothi, tum VVeſtrogothi, Chriſtiana ſacta ſuſceperunt: ſed cum in doctores Arrianos incidiſſent, ipſi quoque eâ labe infecti, imperium Occidentis cum fide orthodoxâ multum afflixerunt. Eadem fuit Vandalorum fortuna. Proximi ab his Burgundiones Chriſto nomen dederunt, inde Heſuli, Sueui Hiſpanici, Franci Galliæ incolæ, Langobardi: & Saxones illi qui in Angliam tranſierunt, quum iam ipſi conſuetudine cum gentibus cultis fierent cultiores, Chriſtianum ceperunt profiteri nomen.

Sed de his gentibus, cum extra Germaniam vixerint, plura addere operæ pretium fortè non fuerit. In ipsâ verò Germaniâ ad eò non fuit propagata religio, ut etiam propemodum illâ mole barbararum Gentium fuerit oppressa. Quam ab iis cladem Germaniæ & Galliæ Ecclesiæ iam illo tempore sint passæ, vel Hieronymus nos docuerit. Fuit verò ea levis præ illâ, quam sub Attila acceperunt. Profligatâ tum Christianâ fide cis Rhenum quoque tam altas idolatria egit radices, ut de eâ suo adhuc tempore conqueratur in Epistolis Bonifacius. Trans Rhenum, quicquid Gentium erat, idolis adhuc omne seruiebat. Sed & hæc denique à viris piis edoctæ Christiana sacra susceperunt. Noricum & Vindeliciam Germanicę iam gentes infederant. Hos igitur Seuerinus verâ fide imbuir. Boii Rupertum habent Francorum antè Apostolum: Heluctii Gallum: Sueni Columbanum: Franci orientales Kilianum. Thuringi quoque iam nomen plerique Christo dederant. Nondum omnis tamen profligatus fuit Paganismus. Multum adhuc eius seculo octauo reliquum erat, cui tamen tollendo egregiam nauauit operam Bonifacius Moguntinus Archiepiscopus Anglus. Vti enim Scoti antè in barbaris Gentibus erudiendis assidui fuerant, ita hac ætate Angli eandem instituerunt viam. Latè tum patebat Frisiorum nomen in omni Oceani Germanici littore. Ad eos à Paganâ religione ad Christianam conuertendos missi complures ab Egberto Eboracensi Archiepiscopo. Inter eos VVillibrordus Traiecti sedem fixit, Suidbertus primus Verdensis Ecclesiæ Episcopus fuisse dicitur, & Saxonum Frisiorumque Apostolus appellatur. Alii alibi prædicarunt. Exstat Suidberti vita descripta à Marcellino, qui vnâ cum ipso ex Britania venerat, dicata Gregorio Traiectensi Episcopo, ex qua liquet, Suidbertum VVestphalos Bructuarios & Saxonas adiisse. Quia si Marcellino fides, Brunsvicum etiam venerit. Ita enim ait, *Suidbertus venit in grandem vicum dictum Brunsvik, ibique conuertit multos, & dein satrapæ in Brunsvik meminit.* Verum hoc quidem fortassis est à mala manu additum: constat enim Brunsvici nomen esse à Brunone Saxonum duce primo conditore satis diu post Carolum. Sed compluribus annis ante Carolum quosdam Saxonum Christo nomen dedisse noluerim tamen diffiteri.

Quicquid autem illi demum præstiterint, maxima tamen propagata & restaurata per Germaniam Christianæ religionis gloria penes

penes Carolum Imp. & Bonifacium manet. Hic sanè quicquid erat inter Rhenum & Visurgim populorum, Frisiosque, Christianam fidem docuit, si qui verò eorum (erant autem non pauci) Christiana sacra receperant, hos confirmavit, & disciplinam legesque Ecclesiasticas sanxit. Carolus verò ultra Visurgim populos, horumque principes Saxonas armis simul perdomitos ad salutarem fidem adduxit. Apprimè huc faciunt, quæ Adamus Bremensis libro primo Historiæ Ecclesiasticæ tradit, & iisdem verbis repetit Albertus Stadenſis in anno 755. *Primus omnium, inquit, qui Australes Germaniæ partes idolorum cultui deditas ad cognitionem doctrinæ ac Christianæ religionis adduxit, Vinifridus erat, natione Anglus, verus Christi Philosophus, cui postea cognomen tum ex virtute erat Bonifacius. Et quamvis alii Scriptorum vel Gallum in Alemanniâ, vel Hemerannum in Baiariâ, siue Kilianum in Franconiâ, seu certè VVillebrordum in Frisiâ priores verbum Dei afferant prædicasse, hic tamen omnes alios, uti Paulus Apostolus, studio & labore prædicationis anteverit. Ipse enim, ut in gestis suis legitur, Apostolica sedis auctoritate fultus, legationem ad gentes suscepit, Teutonumque apud populos, (apud quos nunc & summum Imperii Romani & diuinum cultus reuerentia viget ac florere) Ecclesiæ doctrinâ virtutibusque illustravit, quorum etiam præuincias ac Episcopatus distribuens, seorsim Francos cis Rhenum, Hassones ac Thuringos, qui Saxonum confines sunt, primitiuo quodam laboris sui fructu Christo & Ecclesiæ copulauit. Thuringis & Hessis, haud malè & illos addas, quos Gregorius III. Papa in Epistola ad vniuersos optimates & populum prouinciarum Germaniæ commemorat, Bortharos, Nistrefos, VVedrefos, Suduodos, & Graffeldos. His enim idem Bonifacius præfuit, utur, qui populi his nominibus veniant, nemo temerè intelligat.*

Et si verò Bonifacii & Caroli Imp. operâ & studio magna ad Christianam religionem Germanicarum gentium accessio facta est, magna tamen adhuc Germaniæ pars idolis seruebat, ut proinde paulò iactantiùs loqui videatur Baronius, quando *Temo nono, in anno 731. ait; Germanos Ecclesiæ Romanæ, à quâ Bonifacius prædicare Euangelium missus sit, quicquid nouat, res obstrepant, leges, disciplinam, vitam cultiorem, & veram de Deo notitiam debere, iam enim antequam Romam adiiſſet Bonifacius, Frisiam illi Genti prædicaturus adierat, teste VVilibaldo c. iv. tum etiam neque primum præconem egit, tot iam gentibus conuersis, neque rem omnem*

consecit, magnâ Germaniæ parte densis adhuc tenebris circumsep-
ta. Hanc Venedicæ seu Slauiæ Venedorum gentes ex Sarmatiâ
olim transgressæ infederant, & sub diuersis nominibus V Viltzo-
rum, Soraborum, Obotritarum, Kissinorum, Heuilorum, Circipa-
norum, aliisque compluribus [quæ satis accuratè persequitur Ada-
mus Bremensis libro secundo] quicquid ferè ad Albim, Viadrum &
Vistulam prouinciarum erat, tenebant. Ab his auita sacra tantâ con-
tentione & pertinaciâ sunt defensa; vt Genti ipsi excidio illa fermè
fuerit. Belligeratum cum iis per quatuor secula, antè quàm debel-
lari possent, & in receptâ religione Christiana acquiescerent. Fi-
nem bello imposuit, fortissimus Saxonum Princeps Henricus Leo,
Rege Pribislao sapius victo, & Obotritarum gente penè deletâ.
Historiam omnem Venedicarum gentium, quæque initia & qui pro-
gressus apud eas religionis Christianæ fuerint, accuratè persequun-
tur Arnoldus Lubecensis, & Helmoldus Butzouienfis Canonicus.
Mihi autem in re satis compertâ diutius iam immorari, & accuratè,
à quibus & quo tempore singulæ Gentes conuersæ, perscribere vetat
propositum. De initiis ergo Christianæ religionis in prouinciis Ger-
maniæ hæc pro instituti ratione sufficiant.

Cùm verò constitutio Episcoporum Ecclesiarum Germaniæ à
primis initiis Christianæ religionis in Germania repetenda mihi sit,
*an fuerint ab eo usque tempore, quo primum Gentes quadam Christianam
fidem edoctæ, Episcopi in Germaniâ inquirendum nunc fuerint.* Neque e-
nim vlla Episcopi cuiuspiam Germaniæ apud veteres ante quartum
quidem seculum mentio sit. Cùm verò iidem Ecclesiarum Ger-
manicarum meminerint, Episcopos iis præfuisse, dubium nobis esse
non potest. Vbi obseruandum primâ Ecclesiæ ætate *communi Pres-
byterorum consilio Ecclesias gubernatas esse, qui promiscuè omnes Epi-
scopi & Presbyteri audierunt.* Bene si nē probat S. Hieronymus
Com. in Epist. ad Titum 1.5. *illam aequaliter inter plures Ecclesia cu-
ram diuisam, testimoniis variis ex Epistolis Pauli, Petri, & Apostolo-
rum Actibus petitis.* Etiam tum verò presbyterorum illa singula col-
legia vnum aliquem suorum tanquam caput agnouerunt, ad exem-
plum nimirum synagogarum Iudaicarum, quarum quælibet itidem
suum habuit *ἀρχιερέα, & ἑποῦλον.* Neque hoc negat S. Hieronymus ab
initio obtinuisse, sed illud esse nouum pronunciat, quod unus ille
ita sit cæteris superpositus, vt ad illum *Omnis Ecclesia* cura pertine-
ret,

ret, aut quod *ad unum omnis sollicitudo sit delata*. Et sanè seriùs id cœpit, ut alibi tamen magis, alibi minùs serò, prout schismata magis minùsque vrserunt. Caterùm quod diximus, semper in singulis Ecclesiis vnum aliquem presbyterorum primo fuisse loco, qui *κατ' ἑξῆς* deinde Episcopus est dictus, id, si veterum consulamus monumenta, aded videretur esse manifestum, ut vix quicquam dubium esse debeat. Ut enim taceamus testimonia Ignatii & Polycarpi, quinam primi præcipuarum vrbiũ in Imperio Romano ipsa Apostolorum ætate Episcopi fuerint, hodie adhuc ex scriptoribus Ecclesiasticis constat. Veteris Romæ Antistitum complures sunt ipsa primâ Ecclesiæ ætate qui catalogum texant. Noua Roma suos quoque Episcopos ab Apostolorum aliquo continua serie arcessit. Antiochenæ, Alexandrinæ, Hierosolymitanæ, Smyrnenfis, Ephesinæ, aliarumque vrbiũ primos Episcopos Apostolis partim coæuos, partim eorum ætati proximos, recenset Eusebius, aliique. *A S. Timotheo usque nunc XXVII. Episcopi facti, omnes in Epheso ordinati sunt*, inquit Chalcedonenſis synodus. Non potuissent autem eiusmodi catalogi conscribi, nisi semper vnus aliquis præ aliis presbyteris eminuisset. Ab hac autem Hierarchiæ Ecclesiasticæ ratione, per vniuersam Ecclesiam receptâ, aliam fuisse gubernationem Ecclesiarum Germanicarum verisimile non est.

Fuisse igitur in Germaniâ, primâ illâ ætate, Ecclesias quasdam, & quomodo illæ paulatim auctæ, & quales fuerint; dein eas ab Episcopis, ut in toto Christiano orbe, sic & in Germaniâ, ab initio vltque administratas ex his liquet. Proximum iam est, ut, quomodo Episcopi in Germaniâ constituti, à quibus electi, an à populo & clero simul, an à principe solo, aut ab his omnibus simul, an denique à clero solo videamus. Sermo verò nobis est de constitutione Episcoporum in vrbiũ vel prouinciis, in quibus iam clerus aliquis est & plebs, quæ summo numini seruiat. Nam si ad Gentem veri numinis adhuc expertem Episcopus quispiam mittatur, res longè aliter se habet. Nec plebis tum, neque Principis etiam consensu opus est, cum id omne sapè inuitis iis initio quidem instituatur. Neque etiam interest, à quo is mittatur, an ab Episcopo Romano, [quem missis doctoribus Episcopis nonnullis populis Germaniæ conuertendis operam dedisse non diffitemur,] aut alio aliquo Episcopo, an verò à Principe aliquo. Cura enim illa propagandæ Christianæ fidei per barbaras & idolo-

R

rum cultui deditas gentes, soli Romano Pontifici, ut quibusdam Hieromonarchicis placet, propria non est, sed cum aliis Episcopis, in cum omnibus Christianis, cuiuscunque fuerint ordinis, & nunc adhuc communis est, & olim quoque communis fuit.

Qua igitur in Ecclesiis iam constitutis Episcoporum instituendum ratio obtinuerit, dicendum est. Videtur autem illam in primitiua Ecclesia non vbiuis fuisse eandem. Discere enim S. Hieronymus *Epist. ad Euagrium*: Alexandria à Marco Euangelista usque ad Heraclam & Dionysium Episcopos presbyteri semper unum ex se electum in excelsiore gradu collocatum Episcopum nominabant. Ambrosius, siue quis alius antiquus autor *Comm. in Epist. ad Ephes. cap. 4.* scribit, obtinuisse primum, ut recedente vno presbyterorum sequens ei in locum Episcopi succederet. Sed (addit) quia ceperunt sequentes presbyteri indigni inueniri ad primatus tenendos, immutata est ratio, & prospiciente concilio, ut non ordo, sed meritum crearet Episcopum, multorum sacerdotum iudicio constitutum. Verum illa successio per ordinem non videtur obtinuisse, Alexandriae certe semper eligi solitos Episcopos modò dicentem Hieronymum audiuius. Quid quod illius successio- nis vestigia fortè nusquam liceat reperire? Sanè S. Clemens Romanus Ep. ad Corinthios electionem Episcoporum videtur ad Apostolica instituta referre. *Apostoli nostri*, inquit, *per Iesum Christum Dominum nostrum cognouerunt*, contentionem de nomine Episcopatus oborturam, atque ob hanc causam perfecta praesentia prae- dicti, consti- tuerunt praedictis, ac descriptis. deinceps ministrorum officiorumque vices reliquerunt, ut in defunctorum locum alii viri probati succedere, & illo- rum munera exsequi possent. Constitutos itaque ab illis, vel deinceps ab aliis viris celebribus cum consensu vniuersae Ecclesiae ait. Non diffiteor tamen Clementi non de Episcopis propriè dictis, sed de omnibus presbyteris sermonem esse, qui tunc constituti sunt à clero cum consensu vniuersae Ecclesiae. Quicquid sit, electio quae fieret à clero pariter & populo, usque adeò toti Ecclesiae placuit postmodum, ut diuinæ & Apostolicæ eam traditioni (etsi perperam,) ad- scribat sanctissimus martyr Cyprianus. Nota sunt eius verba, nec opus est hic recitari. Merentur verò hic legi quæ de recepta hac consuetudine habet Dionysius Petavius libro primo de Hierarchia Ecclesiastica, quem tomo tertio dogmatum Theologicorum inseruit. *Episcopi*, inquit, *cleri ac populi suffragiis eligi solebant, Traditio-*

nem

nem diuinam & Apostolicam obseruationem vocat Cyprianus Epist. LXIIX. Et post: sunt non pauca exempla moris eiusdem in primis Ecclesia temporibus, qui in ius deinceps legemque transit. Nam ut ab Episcopis, aut una etiam à clero eligerentur Episcopi, recepta per omnes Ecclesias canonum decreta sanxerunt. Ut autem in iis renunciandis laicorum insuper suffragia locum haberent, in occidente potissimum lex & consuetudo tenuit. Allatis deinde nonnullis Pontificum & conciliorum de hac ipsa re canonibus & decretis, sic ait: Sed innumera sunt huiusmodi decreta de eligendis à populo Episcopis occidentalium Ecclesiarum. Hæc, inquam, Petauii merentur hic recitari, tantum ut appareat vis veritatis, quam Bellarminus aliique obscurare, imò tollere è medio, annisi sunt, quasi istiusmodi popularis electio tantum ex conuiuentia Papæ Romani ad breue tempus fuerit tolerata.

Rectè verò, quod Orientis prouincias non excludit Petauius, sed in Occidente potissimum receptam eam consuetudinem & decretis firmatam tradit. In toto enim orbe Christiano si paucas quasdam Ecclesias, & in his Alexandrinam, ubi aliter paulò obtinuisse videtur, excipias, fuit ea consuetudo. Complura quæ huc faciant ex antiquorum Patrum monumentis, Conciliorum decretis, Pontificum Romanorum Epistolis, & variis demum rebus in Ecclesia gestis collegit eruditissimus Spalatensium antistes Marcus Antonius de Dominis, quibus plura alia addi poterant. Luculentum etiam admodum electi à populo & clero Episcopi in vico Egypti Palæstina habet Epistolâ LXVII. Synesius Cyrenes Episcopus. Tam disertè enim & accuratè de totâ hac re ad Theophilum Alexandrinum perscribit, ut Petauius existimet, nusquam posse inueniri expressius vestigium moris antiqui in creandis Episcopis, & popularibus ad id comitiis celebrandis. Iure igitur mirari licet, quid Cardinali Bellarmino in mentem venerit, ut, quibus potest argumentis, populo sua iura ereptum eat, & illam, quam asseruimus consuetudinem, nec diuturnam fuisse, nec in Ecclesiâ vniuersâ receptam, contendat, cum omnis antiqua historia ipsi sit aduersa. Quod enim decreta quæpiam attinet, Nicenæ primæ, Laodicensæ, & Constantinopolitanæ quartæ synodorum, quibus aliter constitutum esse videtur, vel ipse Petauius docet, dubitari posse an ex illis canonibus, si quis diligenter eorum verba perpendat, satis probari possit, populo ius illud ereptum. Et verò canonibus neutiquam id factum esse, vel inde

constat, quod multis post seculis semper plebis ratio fuerit habita in constitutione Episcoporum. Secus quam obinuisset, si lege omnino fuisset vetitum vniuersali.

Quin igitur ad populum & clerum ab initio usque Ecclesia ius pertinerit aliquid Episcopum eligendi, nullum est dubium. Id verò omne, quod sibi in Episcoporum electionibus populus & clerus usurparunt, ex conuentione Pontificum Romanorum, ad quos constitutio omnis Episcoporum iure diuino pertineat, factum esse, inaudita profecto & omni antiquitati ignota est Cardinalis Bellarmini assertio, ludicris illis superstructa fundamentis, quibus tota Pontificia maiestas innititur. Reges quidem & Principes deinceps electiones Episcoporum ad se quoque pertinere arbitrati sunt, Pontifices verò tale quid aggredi meliori sanè Ecclesiae aetate nunquam sunt conati, utique aliter acturi, si id ad se iure diuino pertinere scissent. Non ab illo autem more etiam in Gallia esse discessum, non tantum aliunde est cognitum, sed etiam cum ex Martini Turonensis electione apud Seuerum Sulpitium in vita eius, tum etiam ex iis, quae Caestinus ad omnes Galliae, & Leo M. ad Viennensis prouinciae Episcopos rescribunt, aperte liquet. Si autem vniuersaliter hoc ita obtinuit primis illis seculis, & seorsim per Galliam est par obseruatum, indubiè eligendi haec ratio valuit etiam in Germania primam & secundam, in Maximam item Sequanorum prouinciā, nec non Belgicā primā, quae quatuor prouinciā ex septendecim dioceseos Gallicanae integræ post ad Germanicum regnum coeperunt pertinere. Par ratio quoque fuit electionis Episcoporum per Pannoniam, Vindeliciam, Noricum & Rhaetiam quae itidem hodie potissimā ex parte Germanici sunt iuris.

Quinam itaque tum elegerint Episcopos satis constat. Non difficile autem dictum etiam est, ex quibus fuerint electi & quomodo. Etenim iam tum diximus alicubi initio factam successionem ordine aetatis in presbyterio, Alexandriae item presbyteros ex sup. collegio optimum elegerint. Vnde liquet multis in locis non alios in Episcopalem ordinem esse relatos, quam qui iam tum iis in locis presbyterii munere erant functi. Alibi verò etiam aliunde acciri solitos constat ex Ecclesiasticis monumentis. Et verò etiam neophytos creari solitos Episcopos liquet ex *canone 11 Niceni magni Concilii*, quo vetitum ne quid deinceps tale fiat. Est autem ne hoc quidem semper accuratè obser-

obseruatum, quod vel solius Ambrosii & Synesii nos docent historia. *Modus* porro constituendi itidem non vnus olim fuit. Etenim iam tum auditum est, passim olim obseruatam successionem ex ordine catalogi presbyterialis: Alexandria contra à S. Marco vsque electionem habuisse locum, placuisse porro hanc toti terrarum orbi Christiano. Annon simul etiam fors alicubi fuerit adhibita, quomodo factum in electione Apostoli Matthiae, & familiare aliàs fuit Iudaico populo, ex antiquissimâ consuetudine diuinitus approbatâ. merito dubites. Sanè S. Cyprianus Ep. XL. & LV. agnoscit in constitutione Episcoporum seorsum diuinum iudicium, seorsum populi suffragium, seorsum Episcoporum consensum. Quod diuinum iudicium fortassis fors fuit. In eum sanè sensum de forte non semel loquitur sacra scriptura.

Præter hæc verò ab initio vsq; Ecclesiæ Episcopale munus fuit omnibus, ritu aliquo externo, quasi obsignatû per manus impositionem; quæ post dici cæpit Ordinatio. In huc sanè modum ipse S. Paulus imposuit Timotheo manus, 2. *Timoth. 1. 6.* More nimirum ab Hebræis deriuato, qui manus imponebât iis pro quibus Deû precabatur. Verùm illam quoq; ordinationem non videntur olim itidem peregrisse. Etenim quod solis Episcopis id commissum ferius videtur id cæpisse, & ne id quidem vbiuis. Sanè S. Hieronymus, Epistolâ ad Euagrium inquires, *quid facit excepti à ordinatione Episcopus, quod presbyter non facit?* videtur innuere quasi Ordinatio soli cõpetat Episcopo propriè dicto. Ceterum simpliciter quidem omnis Ordinatio etiam presbyterorum, ne quidem Hieronymi æuo vnus Episcopi fuit. In Africâ enim & Aegypto etiam presbyteri manus imposuerunt, teste ipsomet Hugone Grotio p. 139. *Discussionis Apologæ Rineriani.* Nec affirmat Hieronymus, ipso statim Apostolorum æuo id inter Episcopum & reliquos presbyteros fuisse discriminis. Imò non fuisse merito colligas ex eo, quod Apostoli alioquin discrimine quodam facto Episcopum illum & presbyteros officii sui ad nonuissêt, si muneribus fuissêt distincti. Sed & S. Hieronymus illam Episcopi eminentiam super reliquâ clerum post Apostolorum æuum demum cæpisse significat: dum simpliciter itidem sic loquitur. *Alexandria à Marco Euangelista vsque ad Heraclem & Dionysium Episcopos presbyteri semper vnum ex se electum in excelsum gradu collocatum Episcopum nominabant. Quomodo si exercitus Imperatorem faciat, aut diaconi eligant de se, quem industrium nouerint, &*

Archidiaconum vocent. Consensus itaque aliorum Episcoporum, eorumque χειροτονία ibi sanè videtur non fuisse vitata. Certè Timotheo, cum est constitutus Episcopus Ephesinus, non à solo Paulo, sed etiam à reliquis presbyteris impositas manus colligere est ex c. 4. *Epist. 1. ad Timoth.* μετὰ ἀπὸ θέντος τῶν χειρῶν τῶ πρεσβυτέρων. Sanè ab Apostolis ipsis esse institutum, vt Episcopus à duobus aut tribus Episcopis ordinetur, aut vt presbyter ab vno Episcopo ordinetur, & diaconus, & reliqui clerici, quæ hodie inter canones Apostolorum primo loco leguntur, procul est à vero. Multò magis talis est, hoc institutum æterni esse diuini iuris, vt quod scus sit, diuino sit ordini aduersum, aut quod is qui contradicit anathema mereatur. Quin meritò dixeris, eos, qui id docent non minùs schismatici aut hæresi velificari, atque olim Aërius, qui æqualitatem presbyterorum & Episcoporum ab eodem iure accersit. A Pontificiis id doceri mirum sanè est, quia apud illos Episcopi ipsi non nisi rarissimè presbyteros ordinant, si modò vnquam, omni hoc munere vicariis commissio.

Ceterum seculo tertio etiam vicinorum Episcoporum consensum, in Africâ quidem & Româ, accessisse ad Episcoporum ordinationes, ex multis locis operum Cypriani manifestum est. Post illius æuum videntur demum instituti metropolitani: Neque enim hos Africa agnouit Cypriano viuo, ideoque nulla apud hunc autorem Metropolitanorum fit mentio, sed ex aduerso grauis illius vox passim exstat, quemlibet Episcopum rationem sui actus Domino redditurum, nec ab alio iudicari posse, vt nec ipse alium iudicat. Quæ directè oppugnant iura Metropolitanorum. Ex quo verò Metropolitanis cœperunt, his præcipuè τὸ κύριον τῶν γινόμενων fuit creditum, vt habet *canon IV. Nicenus*. Certè non licuit ex eo tempore χαλεκὲς γινόμεν τῷ μητροπολίτῃ Episcopum ordinare, ut habet eiusdem magni concilii *canon VII.* & Antiocheni non multò iunioris *canon XIX.* Neque verò in concilio Niceno aliqua hac in re facta est mutatio, quod vulgò creditur: Sed in singulis prouinciis summa regiminis Ecclesiastici solis Metropolitanis permisa est. Tantum per illud magnum concilium Romano & Alexandrino Episcopo prærogatiua quædam antiquo more introducta fuit confirmata; nempe vt Alexandrinus vnus per Ægyptum Libyam & Pentapoliā, adeoque per tres magnas prouincias diæceseos Ægypti metropolitana iura exerceat,

ceat, & Romanus eadem retineat per suburbicarias Ecclesias, ut Rufinus interpretatur mentem canonis, h. e. per tres itidem prouincias diœceseos Italiae, Campaniam, Tusciam & Picenum suburbicarium: Nisi isthoc prouinciarum suburbicarium nomine sint intelligendæ omnes illæ quibus olim præfedit Vicarius urbis Romæ, quales recenset Notitia Imperii Occidentalis cap. XLIX. decem: 1. Campaniam, 2. Tusciam & Umbriam, 3. Picenum suburbicarium, 4. Siciliam, 5. Apuliam & Calabriam. 6. Brutium & Lucaniam. 7. Samnium. 8. Sardiā. 9. Corsicā. 10. Valeriam.

Concilio Oecumenico secundo per Imperii Orientalis quinque diœceses, in quas illud non aded pridem diuiserat Constantinus M. instituti sunt supra metropolitanos etiam Patriarchæ, velut loquitur *canon Concilii secundus*, *et quis dicit non dicitur*. & quidē in singulis [Thracica & Egypti diœcesibus exceptis] duo vel tres, ut docet *Socrates lib. V. cap. 8.* Quæ iterum post mutata sunt, ita ut in concilio Chalcedonenſi *canon XXIIIX.* Constantinopolitano [cui vna Thracica; ut Alexandrino vna integra Egypti diœcesis hæctenus suberat] data sint diœceses tres, Thracica adiunctis Asianâ & Ponticâ: Antiocheno etiam ad se per vim rapiente diœcesin (exceptâ parte aliquâ Hierosolymitano primū in Concilio V. tributâ,) Orientis, quam in concilio iam Niceno illi commissam iniquè respondit Alexandro Antiocheno Innocentius primus Romanus. Ita factum, ut non tantum *χρηστία* Metropolitanorum ad Patriarchas illos tres Orientalis Imperii deueniret, sed nec Episcopi à metropolitanis amplius potuerint ordinari citra Patriarcharum consensum, adeoque tota ferè regiminis Ecclesiastici prisca forma fuerit abolita. Occidentalis Imperii diœcesibus sex siue singulis siue vniuersis nullum concilium Oecumenicum dedit Patriarcham aliquem, perperam enim huc trahitur *canon VII. Nicenus.* At Papa Romanus cathedram Petri & vniuersalis Ecclesiæ singularem diuinitus sibi commissam curam prætexens variis artibus in omnes Imperii Occidentalis Ecclesias plusquam Patriarchalem potestatem sibi comparauit. Quod accuratè hic docere extra est institutum. Etiam sic tamen in omnibus prouinciis omnium Diœceseon Imperij illius manserunt metropolitani: adeoque cum omnis Gallia tum fuerit diuisa in prouincias septemdecim, totidem quoque metropoles habuit olim, & totidem metropolitanos Episcopos. Vnde manifestum etiam sit,

jam tum olim Moguntiacentem Germaniæ primæ, Agrippinensem Germaniæ secundæ, Treurensem Belgicæ, Vefontionentem Maximæ Sequanorum, fuisse Metropolitanos, sicut vrbes illæ quatuor illarum prouinciarum fuere iam olim Metropoles. Num verò non tota diæcesis Gallicana ipsa aliquando constituerit sibi Patriarcham, meritò dubites; quum constet in seculi sexti historiis frequenter occurrere Patriarchas Lugdunenses, quo nomine metropolitanos tantum prouinciæ Lugdunensis primæ appellatos esse, haud temerè cui persuadeat Baronius.

Verum illa de ordine Episcopali, vt & ex quibus, & quomodo olim sint electi Episcopi primi, nihil faciunt ad nostrum hunc locum, vtpote, cum propositum nobis sit tantum docere, à quibusnam omni tempore episcopi Germaniæ sint constituti. Vt igitur in viam redeamus non dubitandum est prioribus tribus seculis tantum per clerum & populum, vt alios, ita & Germaniæ Episcopos esse electos. Obseruandum autem ex quo Imperatores Romani Christo nomen dederunt, nonnunquam factum esse, vt ipsi Episcopos Ecclesiis darent, non improbante illud qui tum viuebant Episcoporum collegio. Sic Liberius Papa à Constantio Episcopatum Romanum accepit. Sic in ipso Oecumenico Concilio II. Constantinopolitano, vacante eiusdem vrbis Episcopatu Theodosius iunior præcepit sacerdotibus in charta scribere nomina eorum quos dignos crederent, qui ordinarentur, sibi autem vnus electionem seruauit, nominibus post omnium perlectis elegit Nectarium senatorii ordinis virum. Similiter post obitum Sisinnii Valentinianus & Theodosius iunior, statuerunt neminem ex Ecclesiâ istâ Constantinopolitana ad pontificium, propter eos qui rebus nris studebant, cum pars Philippû pars Proclû eligi cuperet: placuit igitur ipsis aduenam Antiochiâ aduocari. Theodosius idem iunior Maximo Episcopo defuncto, iussit eos qui aderant Episcopos, vt Proclum in Cathedra collocarent. Mediolani etiam post mortem Auxentii Imperatorem rogarunt Episcopi ipsi, vt ipse eligeret. Populo itaque Ambrosium postulante Valentinianus Imp. iussit ipsum ordinari. Fortassis igitur etiam in Germaniâ nonnunquam istiusmodi quid factum, vtpote cum Imperatores teste Gelasio Pontifice Episc. XI. plurimum fuerint Augustæ Treuironum commorati. Quoniam tamen nihil huius memoriæ est traditum, non est nostrum id temerè affirmare.

Obser-

Obseruandum porro à seculo quarto vsque inualuisse paulatim per omnem Christianum orbem, vt qui Reipublicæ summâ cum auctoritate præerant, non paterentur temerè quem ad Episcopalem dignitatem promoueri, nisi accedente suo consensu. Quod procul dubio factum quoniam Episcoporum in populo summa auctoritas, adeoque *ἡ δὴ πρῶτος* in ipsorum esset manibus, simulque illi multis opibus tantum non vbiuis circumfluere. Et verò interest quàm maximè Reip. ne qui tales constituantur, nisi de quorum probitate Reip. satis est cautum. Hinc Odoacri Regis tempore Basilius Patritius lege vetuit, ne Papa eligeretur, nisi consentiente Principe, idque ex eo Romæ accuratè per diu est obseruatum. Quapropter cum Pelagius electus esset non impetratâ Imperatoris approbatione, missus Constantinopolin est Gregorius tunc Archidiaconus, vt id excusaret, quod, obsessâ per Longobardos vrbe, Imperator Constantinopolin non potuerit adiri. Neque verò iure hoc cesserunt in confirmandis Papis Romanis Constantinopoli commorantes Cæsares ante Constantinum IV. Quâ de re pluribus agit Baronius *tom. VIII. Annalium, Anno DXC.*

In vtroque autem Germanicarum gentium Reges exemplum illud Romanorum Imperatorum sunt secuti. Ex quo enim illi Christianam sunt fidem amplexi modò hic modò alibi pro suo arbitrio Episcopos Ecclesiis dare, aut à clero & populo antiquo ritu electos confirmare, sui iuris existimauerunt. Certè Francorum Reges, cum ad eos Galliarum & Germaniæ imperium peruenisset, vsi hoc iure statim sunt, vsque aded, vt ab eorum nutu Episcopatus pependissent. Clodouæus ipse Dinisium in Turonensem Episcopum elegit, vt est apud Gregorium Turonensem, qui & alibi Omasium post Dinisium mandato Clodomeri Episcopum Turonensem dictum, & Nicetium regis Childeberti & pleno populi suffragio in Episcopum electum, demum etiam Quintianum Aruernorum Episcopum Theodorico rege consentiente constitutum tradit. Nonnulla quæ huc faciant exempla ex Turonensi affert Lehmannus in *chronico Spirensi*, omnia verò in vnum collegisse fasciculum dicitur Thomas Bilsonus Wintonensis in Angliâ Episcopus, libro quem scripsit *de perpetuâ Ecclesiæ gubernatione*. Sunt verò præter Turonensem alii quoque scriptores, qui idem confirmant. Exstat apud Surium vita Sulpitii Bituricensis Episcopi, qui Austregisilo successit, ex quâ cognosci potest,

quàm necessariùs Regis in constitutione Episcoporum fuerit cō-
tensus. E populo alii alium, ut solet fieri, nominarant, pars etiam
quedam infanioris vulgi principibus nonnullis consenserat in cu-
iusdam Simoniacam electionem, Regisque consensum magnā vi
auri oblatā ad id impetrari posse spes fuerat, Rex tamē Gunthram-
nus re rectius perpenſa, repudiato Simoniaco, Sulpitium voluit esse
Episcopum, ita, Gregorio Turonensi teste, eos, qui Simoniacis arti-
bus Episcopatus ambiebāt affatus: *Non est principatus nostri consuetu-
do sacerdotium venundare sub pretio, sed nec vestrum, cum premitis compa-
rare, ne & nos turpis lucri infamia notemur, & vos mago Simoni compa-
mini.*

Inualuit verò magis magisque illa consuetudo, ut ii essent Episco-
pi, quorum electionem Francorum Reges, quibus tum Germania
quoque Cisthenana, & pars Transithenana parebat, suo suffragio
confirmassent. Historiæ enim horum temporum testantur, à Regum
arbitrio Episcoporum constitutionem magnam partem dependisse.
Theophilus Rainaudus Iesuita in *indiculo sanctorum Lugdunensium* de
Ennemundo tradit eum voluntate Regis Clodeuici II. in Episcopum
Lugdunensem esse electum. Idem ex Angrano de Lamberti Lugdu-
nensis Episcopi, qui sedit anno *delxx.* electione ita loquitur: *Defuncto*
s. Genesio, prefule urbis Lugdunensis, illico pius Rex Theodoricus, & inclitus
Princeps Pipinus, cum proceribus palatii salubre agentes consilium, diuinā
utriusque prouidente inspiratione, in prefata urbe cum unanimi eiusdem regionis
populi voto, eiusdem urbis eum constituerunt antistitem. Quantū con-
iicere licet, id quoque sibi interdum videntur usurpasse Francorum
Reges, ut ipsi nondum præuia electione cleri & populi Episcopos
nominarent, quos tamen dein libere clerus & populus reciperet.
Sed id fortè rariùs factum. Consensu tamen regio omnino opus
erat. Modoaldus Treuirensis Episcopus constitutus est, *volente Rege,*
Pipino duce, clero, populo, ut in vita eius Stephanus Leodiensis Abbas
tradit. Is, qui Pauli Episcopi Virdunensis vitam descripsit, ut ea ex-
stat apud Surium die viii. Februarii, autor est, Regem misisse ad Pau-
lum, eumque iuu tasse, ut in aulam veniret, *electum eum esse à Palatii*
clero & populo, ut Virdunensis Episcopus esset, se quoque illorum votis
& sententia assentiri. Idem de Ansberto Rathomagenſi Episcopo
narrat in eius vita capite xv. Angradus monachus, eum eligentibus
ciuibz

ciuibus metropoleos Rhotomagensis, cum unanimi voto sanctorum sacerdotum Regis & Principum electum esse Rhotomagensem Episcopum. Anicus Aruernorum Episcopus, cum Bonitum sibi successorem dari vellet, Regis consensum flagitat. Aurelianenses vero ciues, cum Eucherium Episcopum elegerint, proxima illis cura erat, de Regis suffragio impetrando. Mittunt igitur ad Carolum Martellum Francorum Principem Legatos, qui eius pedibus aduoluti suppliciter petierunt, ut Episcopum illis concederet Eucherium. Verba hæc sunt eius, qui historiâ vitæ Eucherii reliquit apud Surium die xx. Ianuarii. Digna denique sunt, quæ hic legantur verba Valthrami Naumburgensis ex libro, quem scripsit de inuestiturâ Episcoporum. Longè antè decreuerunt Adriani papa, eiusque successorum, Reges, qui erant vincti, & Miores domus inuestituras Episcoporum fecerunt, scilicet Dagobertus, Sigibertus, Theodoricus, Hildricus, Pipinus filius Begge Maior domus, Theodbertus. Ab his inthronisati sunt Remaclas, Amandus, Audomarus, Antipertus, Eligius, Lampertus, aliq; sanctissimi principes, cum reges isti in moribus suis satis fuerint notabiles. Hæc verò tam apertè, quanta fuerit Regum Francorum in constituendis Episcopis autoritas, docent, ut nemo iis refragari possit. Nec tacet Baronius, quæ fuerit circa hæc tempora in Episcoporum electionibus Principum ratio habita: Sane à regibus est præsumtum, inquit, Tomo. vii. Annalium ad annum 559. ius præficiendi Ecclesiis pastoribus destitutis Episcopos hoc seculo tum in Occidente, tum in Oriente. Præsumtum ius vocat verbo asperiori: quod, si tamen illud intra limites cohibeatur, optimo iure Regibus competere dein probabimus.

Fortassis tamen quidam Ecclesiastici proceres in Galliis initio non satis æquo animo tulerunt illam, quam sibi reges vsurpabant, potestatem. Patres concilii Aruernensis, inter quos etiam fuere Nicerius Treuerorum, Domitianus Tungrorum, Desideratus Viridunensium, Superius Auenticorum in Heluetiâ, Episcopi, huc videntur respexisse, cum canone secundo sanciant, qui Episcopatum desideret, electione clericorum, vel ciuium, & consensu metropolitani provincie debere ordinari, non verò patrociniâ potentium adhibere. Acrius Patres in concilio Parisiensi anno d. lxx. habito, in pravam aliquam consuetudinem, quâ vel inuitis ciuibus beneficio Regis Episcopatus quidam obtinere se posse sperabant, inuehiuntur canone viii. qui dignus est ut adscribatur; Quia in aliquibus rebus, in-

quiunt, consuetudo prisca negligitur, ac decreta canonum violantur, placent, ut iuxta antiquam consuetudinem canonum decreta seruentur. Nullus ciuibus ordinetur Episcopus, nisi quem populi & clericorum electio plenissima quaesierit voluntate. Non Principis imperio, neque per quamlibet conditionem, contra metropolis voluntatem, Episcoporum comprouincialium ingeratur. Quod si per ordinationem regiam honoris istius culmen peruadere aliquis nimia temeritate praesumerit, à comprouincialibus loci ipsius Episcopis recipi nullatenus mereatur, quem indebitè assumptum agnoscunt. Si quis de comprouincialibus recipere eum contra interdicta praesumerit, sit à fratribus omnibus segregatus, & ab ipsorum omnium charitate remotus. Ita statuunt Episcopi in consilio Parisiensi coacti. Id verò solum velle hos Episcopos liquet, non esse concedendum, ut reges soli pro arbitrio, autoritate tantum regià, vel inuitis ciuibus constituant Episcopos. Id enim creditum semper est, neminem inuitis ciuibus, quibus ipse praesse debeat, posse esse Episcopum. Si qui igitur hoc statutum Ecclesiasticum peruertere ausi sunt, iure meritoque eos Concilium Parisiense perstrinxit. Consuetudinem verò illam, quæ tum in Galliis obtinebat, ut confirmationem factæ electionis vel Episcopi ipsi electi vel ciues peterent à Rege, nullo verbo improbant. Quin paulò antè Episcopi Galliani in Synodò Aurelianensi quintà, Childeberto regnante, anno seculi quinti 111. decreuerant, neminem debere Episcopatus per præmia, aut ope potentium personarum inclinatis ciuium animis, aucupari, sed voluntate Regis iuxta electionem cleri ac plebis. Habemus igitur iam Regum Francorum iura exemplis confirmata, & synodi decretis stabilita, quæ iura, uti in Gallia exercuisse eos constat, sic quoque in Germania, quantacunque eius pars iis parebat, idem egisse, extra omne dubium esse debet.

Ex Galliis autem petenda fuere exempla, quia ob defectum Scriptorum, quomodo tum se res in Germania habuerit, non satis constat. Non est verò quod quis dubitet, aliter tum in Germanià obtinuisse. Nihil enim est, quod suadet, minorem sibi Francorum Reges in Germanos usurpasse potestatem, quam in ipsos Francos, præsertim cum multas in Germanià Ecclesias desolatas & destructas Franci restaurarint, quâ in re primas Dagobertum eiusque filium Sigebertum tenuisse ferunt. Neque etiam locorum interualla impedire poterant, quominus Ecclesiarum in Germania curam agerent.

rent. Austrasie enim regnum, cuius Germania pars maxima erat, suos sæpe ex Francorum regni familiâ proprios habuit reges. Childebertus quoque & Dagobertus in ipsâ Germaniâ sedem fixerunt, ille quidem Stratisburgi, quod est Argentoratum, hic verò Kircheimi non procul ab Argentorato. Quin Athanasius & Basinus Spirenses Episcopi, à Dagoberto & Carolo Martello constituti, memorantur Lehmanno, ut iam eos præteream, quos à Francorum regibus Constantiæ, Argentorati, Vormatiæ & Moguntiæ Episcopos constitutos Bruschius tradit. Minus enim accuratè ea, quæ ad Episcoporum electiones faciunt, persequitur, quod intuenti manifestum est.

In Bauariâ verò, quæ tum proprios habebat reges, interdum à Rege, interdum à populo Episcopos delectos, leges Baouariorum, Codici legum antiquarum Friderici Lindenbrogii insertæ, indicant: Ita enim legitur cap. xi. lit. i. *Si quis Episcopum, quem constituit Rex, vel populus sibi elegit Pontificem, occiderit, soluat eum regi, vel plebi, aut parentibus, secundum hoc edictum.* Hæc utique aperta sunt. Bonifacius ipse à principibus Pipino & Carolomanno Moguntinus iussus est esse Archiepiscopus. Is, qui eius vitam descripsit, apud Surium die quinto Iunii manifestè ait: *Gerulione deposito S. Bonifacius à Carolomanno & Pipino fratre eius Moguntinæ sedi præfici- tur.* Dein cum infirmitate corporis prægrauatus synodalia conciliorum conuenticula, verba sunt Vilibaldi in vita eius (cap. x.) per omnia adire non posset, consultu atque consilio gloriosi regis Pipini Lullum sibi successorem constituit. Zacharias Pontifex ipse Epistola cxlii. Bonifacio scribit: *quod tibi successorem constituere petisti, ut te viuentem in tuo loco eligatur Episcopus, hoc nullâ ratione concedi patimur, quia contra omnem Ecclesiasticam regulam, vel instituta patrum esse monstratur.* Quid verò sibi volunt illa verba, quod petieris tibi successorem, hæc ad Pipinum, à quo peteret, non sunt referenda. Superest verò adhuc Epistola Bonifacii ad Fulradum presbyterum apud Baronium tom. ix. Annalium ad annum 855. quæ est in codice Epistolarum Bonifacii cxii. quâ rogat Fulradum, ut Pipinum adeat, eumque suo nomine roget, ut, si clementiæ ipsius placeat, Moguntiæ Lullum, in ministerium populorum & Ecclesiarum, componere & constituere faciat, predicatorum & doctorem presbyterorum & populorum. Cum impetrasset Bonifacius, gratias egit Pipino per Epistolam, quæ est inter epistolo-

Bonifacii civ. Hæc enim huc omnino referenda est, ut liquet, si quis VVilibaldi verba antè allata cum hæc Epistolâ conferat. Sed & aliàs Bonifacius hanc regum potestatem agnovit. Cùm enim Bauariam omnem in quatuor diœceses divideret, & singulis præficeret Episcopum, *Odilone Duce consentiente* id factum tradit VVilbaldus *capite ix.*

Consensu igitur Principum tum fuisse opus non est dubitandum. Pontificis etiam Romani approbatione non fuisse tum opus, non est quod dubitemus, quum nullum eius indicium leuissimum in omnibus istius ævi monumentis liceat obseruare. Tantum in nouis Episcopatibus constituendis, videntur eo tempore Pontifices Romani auctoritatem suam cœpisse miscere. Bonifacius enim contendit per literas à Zacharia pontifice, ut quas in VVirtzburg, Buraburg & Erpfesfurt Episcopales sedes constituerat, Apostolicæ sedis auctoritate confirmaret, cuius quoque petitioni assensum haud difficulter præbuit Zacharias, & rata habuit, quæ sanxerat Bonifacius. Sed cùm Bonifacius noui & hætenus insolito more Romæ sedis legatus fuerit, illique addictissimus, ab eius factis argumentum sueri tum & recepti moris haud satis rectè ducas, & ius aliquod Pontificis Romani arcessas. In Moguntinæ sanè Metropoleos noua constitutione, quodd sibi principes Carolomannus & Pipinus consensum Romani Pontificis impetrandum censuerunt, ut est in vitâ Bonifacii, res aliter se habet. Quia enim in Occidente passim invaluerat consuetudo, ut sine pallio à pontifice Romano concessio metropolitanus nullus esset, neque enim sine pallio alios Episcopos ipsi ordinare licebat, quod tamen potissimum Metropolitanis officium, consensus Pontificis non poterat non esse necessarius. Quin ille consensus non tam fuit cum potestate & iurisdictione aliquâ coniunctus, quàm grata & amica approbatio. Indicant hoc verba ipsius Zachariæ Epistolâ cxxxviii. ad Bonifacium scriptâ: *De eo, quod suggestisti, quod elegerunt vnam ciuitatem omnes Francorum proceres, pertinentem usque ad paganorum fines, & in partes Germanicarum gentium, ubi antea prædicasti, quatenus ibi sedem metropolitanam perpetuo habere debeas, & inde cæteros Episcopos instrueres ad viam rectitudinis, & post tui successores perpetuo iure possideant, hoc quod decreuerunt, nos lato suscipimus animo, sed quodd ex Dei nunc factum est. En, quàm nihil aliud agit*

agit Zacharias, quàm quod decretum Francorum laudet & prober. Quicquid autem sit de nouiter instituendis Episcopatibus, in Electionibus certè Episcoporum Principum quidem à Clodoveo usque maxima, Pontificum autem usque ad Gregorium septimum, nulla, vel si casus aliquis incidisset, non adeò magna habita est ratio, præterquam quod Metropolitani pallia à Romano Pontifice recipere iam cepissent.

Vt verò ad Principum, de quo sermo est, consensum redeamus: Baronius, quò Pontificiam maiestatem asserat, [quæ ingens detrimentum patitur, si regibus & summis principibus regio iure ius illud quod sibi in electionibus Episcoporum usurparant, comperit] conatur nobis persuadere ius illud regium promanasse à concessione Pontificia. Afferit in eam rem verba Lupi Ferrariensis in Galliâ Abbatis [qui diu Fuldæ sub Rabani disciplina vixit, teste Christophoro Brouetio in antiquitatibus Fuldensibus,] ex Epistola eius LXXXI. ad Amulum Lugdunensem Archiepiscopum. Baronius verò de eâ re ita loquitur Tom. 9. Annalium, ad annum 752. Illud non ignorandum, concessam fuisse à Zacharia Romano Pontifice Pipino Regi Francorum nominationem, quam vocant, seu postulationem Episcoporum pro Ecclesiis vacantibus in regno suo, ut intelligas, cum legis à regibus Ecclesiis esse datas Episcopos, totum id factum n. n. iure proprio, (quod nullum penitus in Ecclesiasticis rebus reges habent) sed concessione Apostolica sedis. Vnde erubescant mentientis Politici nouatores, cum Ecclesias subiciunt regibus. Vnde verò cæteri Reges Francorum, si id demum est Pipino concessum? Silent enim de eo documenta veterum, nec Baronius tale quid producit. Vnde reliqui reges, qui idem usurparunt? Neque omnino Lupi verba id indicant, quod vult Baronius. Magnam tum temporis fateor fuisse Pontificum Romanorum, & huius quoque Zachariæ præcone cum primis Bonifacio, auctoritatem, ut non mirum cuiquam videri debeat, si Pipinus ius regium, antiquâ consuetudine firmatum, religione ductus, à Pontifice Romano (cuius tum sedis magna apud omnes erat opinio,) approbati voluit. Imò, quantum apparet ex Lupi verbis, consuluit Pipinus Zachariam, annon rectè id ius, cum id status regni exposcat, usurpet: Pontifex re perpèsâ assensum præbuit, non ut iurisdictione tali præditus, quâ id largiri possit, sed ut is, qui de re quapiâ cōsultus, vel approbat vel dissentit. Fortè etiam eo animo id fecisse Pipinus dici potest, ut

rem gratam faceret Zachariæ, cui multis nominibus obstrictus erat, vel ut obsequentio rem & paratior em haberet populum in recipiendis ab eo constitutis Episcopis, si is idem Pontifici quoque Romano probari nosset. Quæcunque verò demum causa fuit, credidisse tamen Pipinum, in manu Pontificis situm esse tale aliquod ius largiri, atque eo animo Zachariæ assensum flagitasse, nec Lupi verba indicant, neque etiam aliunde constat. Cum adhuc Maior domus esset, & Princeps Francorum, aliam ipsi mentem fuisse apparet. Ita enim Childericus & Pipinus in comitiis Sueffionensibus anni DCCXLIV. loquuntur: *Idcirco constituimus per consilium sacerdotum & optimatum nostrorum & ordinavimus per civitates legitimos Episcopos, & constituimus super eos Archiepiscopos Abel & Ardebertum.* Recitat hoc decretum Goldastus *tom. tertio constitutionum Imperialium.* Carolomannus quoque Pipini frater in synodo, (cuius acta in librum quintum Capitularis transtulit Benedictus Leuita,) ita regio more loquitur. *Ego, inquit ipse Carolomannus, Dux & princeps Francorum, synodum congregavi. Et per consilium sacerdotum & optimatum meorum ordinavimus per civitates Episcopos, & constituimus super eos Archiepiscopum Bonifacium missum sancti Petri.* Nulla hic consensus à Pontifice aliquando impetrandi luscipio est. Suâ autoritate & Episcopos & Metropolitanos constitutos uterque & Pipinus & Carolomannus aiunt.

Hoc loco autem mirari licet, cur Baronius concessionem Pipino à Zacharia factam tam multis urgeat, in celebre verò illud & πολυ-
 ὀρμητον Hadriani I. privilegium, uti communiter vocant, quo is Carolo adhuc Patrio electionem Romani Pontificis & Episcoporum investituras concedit, plenus irarum insurgat. Concedit enim, ipso met Baronio teste, Zacharias Pipino, nominationem Episcoporum, hæc verò si rem ipsam videas, non multum ab investitura differt, quæ, vel consensus est in personam à clero & plebe electam, atque ita aliquid nominatione minus, vel est clero & plebe inconsulta facta à rege cuiuspiam nominatio, quem, si Metropolitanus dignum illo munere iudicet, Episcopum ordinat & consecrat. Ipsa à clero & plebe facta electio, nihil aliud est, quàm simplex certæ personæ nominatio. Cum igitur idem fermè sit, nominationem Episcoporum, quod investituras Episcoporum, concedere, causa nulla erat cur Baronius tantâ quidem vehementiâ in Sigebertum Gemblacensem declamaret. Sed indubiè bilem Baronio movit,

movit, quod Romani Pontificis constituendi potestas Carolo conceditur. Aduertum id enim Pontificiae maiestati, quam sibi extolendam sumerat. Quicquid tamen obnitatur, constat huic Adriani decreto sua autoritas. Vindicant à falsi crimine Sigebertum cum Marcus Antonius de Dominis *lib. VI. de Rep. Ecclesiast. cap. 7.* tum verò prolixissimè ~~monstraret~~ Goldastus in *Rationali ad constitutiones Imperiales*, atque etiam scriptum de Germanorum Imperio Romano à nobis nuper editum *capit. VI.* Vix quisquam certè ante Baronium ausus est illos canones apud Gratianum falsi postulare. Belarminus ipse ut legitimos adducit *Lib. II. de Rom. Pont. c. 29. & lib. I. de Cler. c. IX. & lib. I. de Translat. Imperii c. XIII.* Monitus tamen deinde, retractat in recognitione suorum operum, & libro de Scriptoribus Ecclesiasticis, quod pro legitimis habuisset, & ait vel falsos esse vel certè dubiæ fidei. Caput Barenianæ accusationis est: nec Anastasium bibliothecarium penè ~~obscuro~~ & rerum Romanarum callentissimum, nec quenquam alium ante Sigebertum meminisse huius decreti. Vtrumque verò falsum est. Expressa eius mentio existat in oratione Gregorii VI. apud V Vilhelmum Malmesburiensem, *lib. II. de gestis reg. Anglor. cap. XIII.* obscurior in Eutropii Langobardi libro, quem de statu Romanorum sub Græcis & Francis reliquit. Quod & Paulo Diacono & V Valthramo affertur, id infirmius est. Anastasium verò hanc narrationem non præterisse ex Onuphrio Panuinio discimus: Is enim apertè desumptum hoc à Gratiano ex Anastasii *historiâ Ecclesiasticâ* tradit, neque etiam aliter credi inscriptio capituli apud Gratianum patitur. Inuictum verò argumentum est, quod Platina, qui indubiè optimo & incorrupto Anastasii codice usus est, hanc constitutionem Hadriani in Anastasii *historiâ* legit. Verba eius sunt in Paschali primo: *Idem Bibliothecarius scribit, Ladonicum liberam eligendorum Episcoporum potestatem Paschali dedisse, cum antea eâ quoque in re Imperatores consulerentur, quam potestatem ab Hadriano Pontifice Carolo concessam idem autor refert.* Platina igitur ætate Anastasium quoque hanc Hadriani constitutionem narrare satis constabat.

Quin ipsa experientia Sigeberto suffragatur. Summa enim ex eo tempore fuit in eligendis Romanis Pontificibus Imperatorum autoritas, quod & Marcus Antonius de Dominis, & suprâ memoratum de Germanorum imperio Romano scriptum, multis adstruunt.

T

París autoritatis est altera illa Leonis VIII. quæm Otto Imperator pulso Iohanne XII. homine monstroso creauerat, constitutio, quæ idem Leo Ottoni, quod antè Hadrianus Carolo concedit. Recitat eam, vt & alteram Hadriani, Gratianus *Dist. LXIII.* leuitatis idè à Baronio & Bellarmino notatus. Fictitiam verò hanc quoque contendit Baronius *Tomo X. Annalium, anno 954.* sed irritò conatu. Neque enim causa vlla, cur huius decreti fidem quisquam eleuet, si Hadrianicum illud firmo stat talo. Id verò paulò antè assertum, & Sigebertus ab imposturæ crimine, quod ipsi impegerat Baronius, vindicatus est. Tria verò, quod vtramque cùm Hadriani, tum Leonis VIII. constitutionem attinet, disquisitione aliqua indigent. Dicendum enim *primò* an Adrianus Carolo & Leo Ottoni potestatem dederint liberè inuestiendi Episcopos omnium Prouinciarum regno Francorum & dein Germanorum subiectarum, an verò folius Patrimonii Diui Petri, an Italiæ totius, aut in his omnibus locis simul. *Deinde*, ad quasunque demum prouincias illud decretum pertineat, an vtraque constitutio concessio & priuilegium dici possit. Et *tertiò* denique dicendum fuerit, an Carolus Magnus eiusque successores inuestituras Episcoporum usurpauerint, an verò iis renunciauerint, quod ait Baronius.

Vix quisquam verò est, cùm veterum tum recentiorum, qui non vtramque hanc constitutionem de confirmatione iuris antiqui, quo Francorum Reges in constituendis Episcopis vsù diu fuerant, vel concessione potestatis inuestiendi Episcopos per omnes omnino prouincias Francorum & Germanorum regibus parentes, interpretetur. Sigebertus Gemblacensis de Henrico V. disertè ait: *Rex vti volens auctoritate & consuetudine, & auctoribus priuilegiis Imperatorum, qui à Carolo Magno, de regibus Francorum imperauerant Romanis, iamque per trecentos & eo amplius annos imperauerant sub LXIII. Apostolicis, dabat licet Episcopatus & Abbacias per annulum & virgam.* VValthramus quoque non in aliâ est sententiâ. Vbi enim de Carolo M. ipsi sermo est, ait Pontificem Romnum *de inuestiendis Episcopis per reges antiquam consuetudinem confirmasse.* Idem sensisse videntur, quotquot harum constitutionum meminerunt, quos magno numero testes adducit in Rationali Goldastus. Idem sentiunt Matthæus Parisiensis & Nauclerus, vterque enim Sigeberti Gemblacensis verba transcripsit. Quin Imperatores ipsi pro iure inue-

inuestiendi Episcopos ad hæc priuilegia prouocarunt. Absurdi verò sunt, nec refutatione aliqua digni, Canonistæ, qui ineptiunt, esse hæc constitutione concessum Carolo inuestire Episcopos & in Francia & in Hispaniâ, quia vnus est Imperator, atque ita ad vulgares illas nugas de Imperatore mundi domino delabuntur. Nec multò meliùs sentiunt, qui Hispanis quoque inuestituras Episcoporum in personâ Caroli à Pontifice tributas putant, quos refellit Didacus Couarruias Tom. 1. Part. 11. *Relect. c. possessor mal. fid. §. 10.* & ex eo Hëningus Arniseus lib. 11. *de iure maiestatis cap. VI.* Eorum sententiâ, qui vtramque constitutionem iuris antiqui confirmationem dicunt, minùs est improbabilis. Stat enim pro eâ omnium penè veterum recentiorumque autoritas. Neque verò idè ab eâ recedendum, quòd Pontifex concedere Carolo Galliæ & Germaniæ Episcoporum inuestituras non potuerit, cum iam antè Carolus more maiorum iure regio Episcopos inuestiret. Fortè enim cessat illa ratio, si dicas cum Marco Antonio de Dominis, esse illas constitutiones, *proprii principum iuris naturalis, recognitiones, admissiones & probationes, cum remotione obstaculi iniusti, per prohibitiones perperam & indebitè positi, & declarationes posse iam principes suo iure uti, & se quantum in ipsis sit, nolle illud impedire, vel cum Duareno, lib. 3. de sacris Ecclesiæ minist. cap. 11.* esse illas hominum vtrò bonam fidem agnoscantium confessiones.

Sed saluâ aliorum autoritate, nouum hoc inuestituræ ius ab Adriano & Leone VIII. Carolo & Ottoni delatū, omnino ad solos Episcopos prouinciarum Italiæ, in quas ius Pontifici Romano erat, non ad reliquos Germaniæ Galliæque, & ipsius Italiæ Episcopos, pertinuisse potius est statuendum. Goldastus quidem *in suo rationali* ad Italiam totam hanc constitutionem extendit, minùs tamen rectè. Argumenta vtique, quæ affert, rem non conficiunt. Immo, quibus ille rationibus ductus negat decretum Hadriani de Galliæ, Germaniæ, Aquitaniæ, aliarumque prouinciarum Episcopis, accipiendum, eadem pro magnâ Italiæ parte militant. Verba Goldasti sunt: *Populus Romanus aut Pontifex dare non potuit, quod non habuit: Et post: Carolus non à Populo Romano nec à Pontifice ius illud in patriis regnis accepit, sed ab antecessoribus legitimâ successionem hereditauit, non etiam in regnis à se deuictis, putâ Aquitaniâ, Vasconiâ, Hispaniâ, quæ victis legibus, in iure donatis administravit, patriisque regnis adiunxit.* In Langobardorum verò regnum, quod magnam Italiæ partem occupabat,

ius nullum Pontifici Romano. Ipsi potiùs Langobardorū Reges captā Rauennā & Exarchatu sublato, quæ Exarchis fuerat in Romā Romanūque Episcopum potestas, ad se transiisse existimarunt. Carolus autem regnum Langobardicum armis obtinuit, & in victi Desiderii iura successit. Cum igitur Langobardorum quoque reges, more tum principibus summis vſitato, Episcopos constituerint, id ius Carolum ab Adriano obtinere opus non erat. Cæterum obtinebant tum Pontifices Romani partim iniustā vſurpatione, partim verò regum & Pipini maximè dono, non solum Urbem Romanam & ducatum Romanum, sed & alias, nec incelebres nec paucas numero, Italiæ prouincias & ciuitates. In has autem Carolus, Patritius primùm à populo & Pontifice Romano, deinde Imperator dictus, summum est adeptus imperium, quod reliquum erat Italiæ regni nomine tenuit, vt ait Sigonius libro IV. de regno Italiæ. Cum ergo Adrianus Papa Carolum Patritium, & Leo VIII. Ottonem Augustum & Imperatorem agnoscerent, quibus summam maiestatem in urbem Romanam & illas prouincias, quas Principum dono Romana Ecclesia possidebat, cum Patritii & Imperatoris nomine conferebatur, arbitrati sunt æquum esse, vt more per totum occidentem recepto, sic Caroli quoque & Ottonis suffragio electiones Pontificis Romani, & Episcoporum per singulas prouincias Pontifici subditas confirmarentur.

Carolus verò, inquit Marsilius Patavinus in tractatu de translatione imperii cap. 8. prima concessione, potestatem videlicet Romanum Pontificem ordinandi, non fuit vſus. — De secundā verò concessione, videlicet Episcoporum installatione se aliquoties intromisit, vt ex ipsius gestis in pluribus locis apparet. Si ad manus essent Hadriani Pontificis litteræ, quas ad Carolum aliosque dedit, indubiè certiora afferri poterāt. Habuit eas Matthias Flaccius Illyricus, cum octauam centuriam Historiæ Ecclesiasticæ compilaret, Baronius verò serio dolet eas deperditas, cum Bibliotheca Vaticana illas antè possedisset. Recitat tamen argumenta illarum, quæ reliqua sunt. Ex his argumentum Epistolæ trigessimæ nonæ tale est: Carolum mendacis arguit & obiurgat, Quod Rauennam ad electionē noui Pontificis legatos suos direxerit. Paulò pluribus verbis recitat idem argumentum Flaccius, cum ait: Adrianus in Epistolā ad Carolum negat, legatos eius electioni Rauennarum Episcopi unquam interfuisse, & asserit, Rauennates semper ab Apostolica sede Archiepi-

*ehi episcopos petere. Quocunque verò modo hæc res se habeat, constat hinc, Carolum in constituendo Episcopo Rauennatum, qui Pontifici parebant, sui quoque rationem haberi voluisse. Reliquum tamè aliquid Adriano in constituendis Episcopis fuisse videretur. Ita enim in Epistolâ, cuius particula in tractatu Flaccii de Episcoporum electione exstat, ad Carolum scribit: Quia nunquam nos in ullâ electione nobis subiectâ ingessimus, nec ingerere debemus, sic neque vestram excellentiam peramus in talia recumbere, sed qualis à clero & plebe, cunctoque populo electus canonicè fuerit, si nihil sit, quod sacro obfistat ordini, solitâ traditione ordinamus. Hæc si de iure metropolitico intelligenda non sunt, omnino ostendunt, Pontificem quoque Episcoporum quorundam electiones confirmasse. Si Platina fides, Ludouicum Pium concessioni Adriani de inuestiturâ Episcoporum renunciaſſe dicendum est. Verba eius paulò antè allata his iterum adscribo: Idem Bibliothecarius scribit Ludouicum liberam eligendorum Episcoporum potestatem Paschali dedisse, cum antea ea quoque in re Imperatores consulerentur. Non exstant hæc in Anastasii historiâ de vitis Pontificum, sed à Platina ex historiâ Ecclesiasticâ Anastasii descripta sūt. Facile verò hinc colligere est si vera sunt quæ Platina narrat, de ipsismet Papis vel verò de Episcopis illarum saltem prouinciarum, quæ Pontifici parebant, ea accipienda esse, quorum Episcoporum inuestituram Carolo ab Hadriano concessam diximus. Is enim imprudens fuerit, qui Ludouicum pium, optimum sanè Imperatorem, tam prodigum suæ maiestatis fuisse dicere ausit, ut omnium in Germaniâ, & Galliâ & Italiâ Episcoporum eligendorum potestatem Paschali permitteret. Sed tota illa Platina narratio haud satis certâ fide nititur, si verba ipsius de constituendis inconsulto etiam Imperatore Episcopis accipienda sunt, ut videtur. Leo enim quartus, qui septem à Ludouici obitu annis cathedram Romanam adeptus est, in Reatinâ ciuitate Episcopum ordinare ausus non est, antè quàm Imperatorem consuluisse, Reate tamen Romanæ subiecta erat metropoli. Conseruauit nobis verba Leonis Gratianus Dist. 63. c. *Reatina*, quod hic quoq; legi mereatur. Ita verò Leo quartus ad Lorthariû & Ludouicû Augustos scribit: *Reatina Ecclesia, quæ per tot tēporū spatia pastoralibus destituta curis cōstitit, dignū est ut brachio amplitudinis vestre subleuetur, ac gubernationis regimine proregatur. Vnde salutationis alloquio premisso, vestrâ māsuetudinē deprecamur, quatenus Colono humili diacono eandē Ecclesiam ad regendū**

concedere dignemini, ut vestra licentia accepta, ibidem eum Deo adiuvante consecrare valeamus Episcopum, sin autem in praedicta Ecclesia nolueritis, ut praeficiatur Episcopus, Tusculanam Ecclesiam, qua viduata existit, illi vestra serenitas dignetur concedere, ut consecratus a nostro praesulatu Deo omnipotenti vestroque imperio grates peragere valeat. Quid peritius his pro iure principum afferri poterat? Licentiam enim Colonom consecrandi ab Imperatoribus petit Pontifex, rogat ne improben electionem factam. Hinc adeo factum, ut Glossator notet, consensum principis requirendum electione celebrata, nisi aliud suadeat scandalum, vel praescripta consuetudo: Hoc est, quod Leo IV. Augustus promiserat, servaturum se illibata iura imperialia. Faciunt huc etiam sequentia duo capitula apud Gratianum, quae nostram sententiam apertissime confirmant. Leo enim Ritae Comitissae scribit, dixisse Imperatorem, debere Colonom Episcopum Reatinum consecrari. Stephanus vero Papa in simili negotio Reatinae Ecclesiae praesentem consuetudinem dicit, ut Imperiali primum percepta licentia, & Imperatori directam Episcopus consecratur. Haec utique tam aperte pro Principum iure faciunt, ut ea etiam doctissimus Carnotensium Episcopus Iuo, Epistola LX. ad Archiepiscopum Lugdunensem Romanae sedis legatum pro investituris afferat. Autor incertus, qui apud Christophorum Brouverum in eius sideribus translationem Epiphanius Ticinensis Episcopi Hildensheimium ab Ottonino Episcopo factam descripsit, ita de Ottone M. ait: Otto Ecclesias per Italiam & Tusciam priorum principum saevitia ac insipientia neglectas & desolatas canonicè reformavit, inque antiquum statum restituit. Si autem in Ecclesias per Italiam & Tusciam suam auctoritate usus est Imp. in Ecclesias Pontifici Romano alias subiectas idem cum ius exercuisse verum, vel certe verisimile est.

Eadem vero utriusque constitutionis Hadriani & Leonis ratio est. Vtraque consensu populi Romani & in synodo facta est, quod tale quid a solo Pontifice decerni non posset. Leo ipse dicit, se ad exemplum Hadriani hanc constitutionem promulgare. Quantum igitur Carolus Hadriano, tantum quoque Leo Ottoni & plus etiam concessit. Ex Leonis autem decreto rectius adhuc colligi posse videtur, quid illis verbis velit, cum inquit, concedere se facultatem sedis Apostolicae Pontificem ordinandi, ac per hoc Archiepiscopos, Episcopos, ut ipsi ab eo investituram accipiant & consecrationem, unde debent. Suspendit nimirum

mirum Leo investituras Episcoporum à potestate eligendi Pontificem, quæ cum solis Imperatoribus fuerit concessa, quo iure ausi fuerunt Germaniæ reges, prius quàm Imperatoriâ gauderent maiestate, inuestire Episcopos? Quo iure cæteri in orbe Christiano reges, quorum in electione Pontifici nulla habebatur ratio? Reliquum igitur est, de solis Prouinciis Romano Pontifici subiectis hæc accipienda, in quas imperium summum, adeoque etiam Episcoporum inuestitura, cum nomine Imperatoris conferebatur, in quibus tamen eos excipit Leo, quos *Imperator Pontificibus & Archiepiscopis concesserat*. Neque verò obstat quod Gregorius vii. & potestatem quam sibi in Romano pontifice eligendo debere asserabant Imperatores, & Episcoporum inuestituras eodem tempore oppugnavit. Nunquam enim is eo argumento usus, coniunctam esse inuestituram Episcoporum cum potestate eligendi Pontificem, quâ negatâ fas quoque non sit Imperatori inuestire Episcopos, sed iura omnia Ecclesiastica, antiquosque canones violari & perueri clamabat, si cuiquam principi personas Deo sacratas constituere licitum esset. Quo argumento non electionem solum Romani Pontificis Imperatori, sed omnes omnino inuestituras omnibus totius Occidentis regibus extorquere conatus est.

His expeditis, in præptum iam est quid de eo iudicari debeat, an rectè ius inuestituræ demum ab Adriano & Leone vii. Carolo Patritio, & Ottoni Augusto, concessum dici possit. Si enim liberè populus Romanus, (cuius membrum præcipuum Urbis Romæ Episcopus,) Carolum & Ottonem M. sibi principes, Patritios & Imperatores adsciuir, si liberè Imperium omne in eos transtulit, atque ita in potestatem eorum concessit, rectè vtrique constitutio privilegii & concessionis nomine dicitur. Adepti enim sunt Carolus atque Otto id, quod antea non habebant, quod in populi Romani potestate situm erat, antè quàm in Principem transferretur. Rectè inquam ius illud inuestituræ concessum Carolo & Ottoni dicitur, non quidem, ut superior inferiori, aut omnino æqualis prorsus æquali, quicquam concedit, sed uti liber populus, qui quenquam in regem vel principem sibi adsciscit, ei summum imperium deferre, & iura regia concedere dicitur. Vti verò in regnis maximè electiis solent per capitulationes, ut vocant, certis limitibus regia potestas circumscribi, ita quoque populus Romanus poterat sibi liberam sui

Pontificis electionem & constitutionem tetinere. Sed & eam potestatem in Principem transferre populo Romano visum est. Marcellus Patavinus disertè in Defensore pacis Parte II. cap. 24. *Sedis Apostolica Pontificem instituire, pertinet ad Romani principis & populi potestatem. a quo populo non excluditur, sed includitur clerus, cum sit pars illius. Quid quid potestatem seu auctoritatem si transferre voluerunt in Principem, aut simpliciter, aut cum determinatione legali, eam princeps Romanus licitè sumit, nec ab ipso per decretal. nisiue legem cuiusquam Romani Pontificis, absque decreto populi potuit licitè reuocari.* Creditum nimirum eà ætate est, ei, penes quem est *τὸ πᾶν* in Republicâ, fas esse constituere Episcopos: igitur eadem ratio mouit fortassis populum Romanum, vt Carolo & Ottoni ius eligendi pontificem, ac ordinandi Apostolicam sedem, vt ait Hadrianus, permitteret. Luculentum eius rei exemplum recenset in sua metropoli Albertus Crantzius: *Eo tempore, (inquit, quo scilicet Haroldus ab Ottone victus regnum ab Ottone suscepit) Dania cismarina, quæ Iutia est, in tres diuisa Episcopatus, Hamburgensi archiepiscopatu opera metropolitani subiicitur. Seruantur in Ecclesiâ Bremensi literæ regie, quæ signant, testanturque Regem Ottonem in sua ditione regnum tenuisse Danicum, ad eò vt etiam illi Episcopos pro arbitrio donauerit, quod illa ætas regibus permisit.* Recitat eadem Albertus Stadenfis in Chronico, ex quo descripsit Crantzius. Quid autem his clarius dici poterat? Otto Imperator, vt regnum Danicum sibi ostendat subiectum, & penes se supremam esse maiestatem, Episcopatus regni Daniæ confert. Quid autem vetat, quominus cum Crantzio exclamare liceat, Romanos Pontifices in sua ditione imperium Romano-Germanicum ad eò tenuisse, vt etiam illi Episcopos pro arbitrio donauerint. Olim res longè aliter se habebat. Ad eò enim hoc sibi proprium Reges Germaniæ existimarunt, vt aliis etiam constituendorum in suâ prouinciâ Episcoporum potestatem concesserint. Henricum Germaniæ regem id concessisse Arnulfo Bauariæ duci ex Alberto Stadenfi discimus. *Henricus rex, inquit, Arnulfo Bauariæ duci concessit, vt pontifices Bauariæ suæ potestati in dignitatum concessionibus subiacerent.* Sed hæc res satis liquida est, quicquid etiam hieromonarchi obstrepant.

Constat iam igitur esse ius inuestituræ Imperatoribus Romano-Germanicis, non solum in Vrbe Româ, & prouinciis Romano-præfati subditis, ex concessione Pontificum & Populi Romani, sed etiam in Ita-

in Italia reliquâ & Germaniâ, non quidem ex Pontificum concessione, sed iure regio, cui id ita intimè coniunctum, ut omnes omnino, qui regiâ potestate populis præerant, illâ ætate ius inuestituræ usurparent. Quomodo in Saxonis Ecclesiis Carolus pro arbitrio constituerat Episcopos ex Crantzii metropoli discere est. Furiolanæ in Italiâ vrbis, quam Forum Iulense vocant, Episcopo decedenti, dignum successorem substituisse Carolum tradit Notkerus Balbulus de gestis Caroli M. l. 17. c. 27. Ludouicum Pium orâr Patres synodi Aquigranensis, *ut deinceps in bonis pastoribus, rectoribusque in Ecclesiis Dei constituendis magnum studium atque solertissimam adhibeat curam.* Disertius adhuc Crätzius de Ludouico Pio ait: *Imperator tum inprimis ad studuendos Episcopos erat implorandus, & libro II. cap. 21. iterum de Ludouici Pii ætate ait: Eâ rempestare erat magna regum super Ecclesiis dispositio, nam vacantibus dabant ipsi Pontifices, quos à Papa confirmari poscebant.* Cùm igitur Imperatori maximè suam deberent dignitatem Episcopi, grauitèr Theganus Treuirensis Chorepiscopus in vitâ Ludouici Pii ingratum illum Ebbonem Rhemensem Archiepiscopum, eiusque complices, qui optimum Imperatorem ab imperio deiectionem ibant, increpat: *O qualem remunerationem reddidisti, ei? Vestiuisti te purpurâ & pallio, & tu induisti eum cilicio: ille pertraxit ad culmen Pontificale immeritum: Tu eum falso iudicio voluisti expellere à solio Patrum suorum.* Ita patuit, in omnibus suis regnis magnâ autoritate in constituendis Episcopis Francorum Reges vfos esse. Vox ipsa inuestituræ antiqua est, ut frustra sit Baronius cum vocem illam Adriani æuò ignotam fuisse ait: *Legant & scrutentur auctores omnes, inquit, qui Caroli temporibus aliqui scripserunt, si alicubi penes eorum aliquem inuenerint nomen inuestitura, vel vsum eius per annuli collationem, ut tradunt, & baculi.* Exstat verò ea, quod ignorauit Baronius, in codice legum Vvisigothicarum, Langobardicarum, & Capitulari M. & Ludouici Pii. Vfos quoque hæc voce monachos S. Galli in antiquis chartis, sub Carolo M. & aliis præter propter Imperatoribus scriptis, quæ *tomò secundo rerum Alamannicarum* insertæ, monet Goldastus. Usurpata ea vox est & in feudorum concessione, & in quacunque alia bonorum alienatione & translatione etiam ad Ecclesias. Liqueat id ex libro secundo legum Longobardicarum titulo xix. lege vii. *Lindenbrogio Vestitura est feudi confirmatio, testibus adhibitis facta, & vestire est confirmare,* Translata igitur hæc vox ad ratihabitionem electorum

Episcoporum quos Rex vel Imperator vestiatur, i.e. factam electionem suffragio vel consensu confirmet.

Est autem vestitura illa facta olim tradito baculo & annulo in manus Episcopi, quo defuncto, baculum & annulum remitti in aulam à primoribus ciuitatis moris fuit. Quid autem iure illo inuestiturae in constitutione Episcoporum potissimum Imperatori aut Regibus licuerit, non perinde forassis certum est. Abusos enim illos non raro hanc potestate, nec monumenta antiqua dubitare nos sinunt, nec prauis moribus, qui frequenter in aulis, [quæ est rerum humanarum calamitas] obtinent. Illud tribuisse ius inuestiturae certum est, ne quinquam fas esset, etsi à clero & populo vnanimi voto electum, prius ordinari & consecrari, quàm de consensu Imperatoris constaret, hunc debere esse Episcopum. Consensus verò index erat baculus & annulus Episcopo traditus. Quem ritum antiquum vtique non esse culpabilem, vt propterea totum Christianum orbem ab illo pacis publicæ turbatore Hildebrando concuti necesse fuerit, ita planum est, vt neminem aliter sensurum, quem studium partium aliquorum non rapuerit, existimem. An verò idem ille ritus à Caroli Magni ætate, an ab vltioribus adhuc annis obtinuerit, res non omnino certa est. Negat Baronius Caroli ætate vsitatum fuisse. Etsi verò nihil refert, siue verbo, siue præcepto, siue baculo, siue aliâ re, quam in manu tenuerit, inuestitiat aut inthronizet Rex & Imp. Episcopum, [sunt hæc verba V Valtrami ex libro de inuestitura Episcoporum] verisimile tamen est, & Caroli & Ludouici Pii ætate hanc quoque obtinuisse consuetudinem, cum Ludouicum Iuniorem Regem Germaniæ Pii hanc in Episcopis inuestiendis ritum vsurpasset constet. Testem do Albertum Stadensem in anno MCCCLXV. Remberus, Bremensis Archiepiscopus pallium pontificale suscepit à Papa Nicolao, ferulam pastorem à Cesare Lothouico. Crantzius cum de eodem Rembergo ageret, in Metropoli lib. II. cap. 2. ferulam pastorem, interpretatur inuestituram feudalem; & lib. II. cap. 16. fuisse id tum signum in feudationis. Idem Albertus Stadenensis in anno CCMLXXXIX. Adalgarius ferulam pastorem suscepit ab Arnolfo Rege, Pallium pontificale à Stephano Papa. Et in anno CMIX. Hogenus pallium suscepit à Sergio Papa, ferulam à rege Lothouico. Ritus igitur ille ferulæ pastoralis inuestiendi Episcopos, antiquus fuit, & forsitan ipsa etiam Caroli ætate vsitatus. Id omnino incertum est, an ius inuestiturae aliud, quid etiam Imperatoribus

ribus tribuerit, præter consensum ad constitutionem Episcopi necessarium. Quin enim potuerint electum à clero & populo Episcopum reiicere, alio constituto, quin inconsultâ interdum plebe & clero Episcopos dixerint, dubium non est, cum eius rei complura in promptu sint exempla & testimonia. At quid rectè fieri ab iis potuerit, quid communiter factum sit, non satis liquet.

Quantum verò ex illius temporis rebus gestis colligitur, ad eam ferè modum ætate Caroli magni, & Ludouici Pii eiusque successorum, Episcoporum Germaniæ electio communiter quidem & ordinariè se habuisse videtur. De functo Episcopo, clero, populo illius Urbis, vel si Metropolis esset, clero, populo, & prouinciæ Episcopis permessa fuit libera Episcopi electio, vel nominatio. Nominatus consecrari à metropolitano non antè poterat, quàm Regis vel Imperatoris accessisset consensus. Quo impetrato (haud difficiles verò in eo fuisse pios illos Imperatores, verisimile est,) Vbi inuestitus esset Episcopus electus, & iuramentum præstitisset (id enim quoque necessarium erat,) nihil quicquam ampliùs præter consecrationem à Metropolitano, vel Episcopis vicinis faciendam, desiderabatur. Ita verò se rem habuisse, ut à clero & plebe plurimùm nominaretur Episcopus, ex antiquis eius ætatis monumentis constat. Et si enim sint qui plebis non putant magnam rationem habitam, tamen oppidò falluntur. Probatum id satis dedit Matthias Flacius Illyricus non solum in *catalogo testium veritatis, & Centuriis Ecclesiasticis*, sed etiam singulari scripto, quo ostendere voluit electionem Episcoporum non ad Ecclesiasticos solum, sed & ad laicos pertinere, eosque hoc iure electionis inde vsque à Christi tempore per annos mccc. liberè vsos. Alios nunc commemorare, & eorum scrinia compilare non libet. Rectè verò id adstruxit Flacius, allatis compluribus testimoniis & exemplis, etsi ea non satis distinctè & ferè sine ordine proponat, ductoque à consuetudine diuturnâ Ecclesiæ peregregio argumento: quod cum Bellarminus dextrè refellere non posset, maluit criminari Flacium, quàm nihil dicere. Denique dubitare nos vetant Caroli & Ludouici Pii notissimæ illæ constitutiones, quæ liberam clero & populo permittunt electionem. Leguntur illæ in decreto Gratiani Dist. lxxi. & in Capitulari Lib. i. Tit. 84. & Lib. vii. Tit. 74. *Sit facultas clericis renitendi, si se viderint prauari.* Quin non solum clero & populo optimos illos Imperatores

liberam permisisse nominationem Episcopi, sed etiam *monachis ex se ipsis sibi eligendi Abbates licentiam dedisse ex lib. i. Capit. r. 86. discimus*. Adrianus quoque primus in Epistolâ ad Carolum Magnum, quàm sit cleri & plebis in constitutione Episcopi consensus necessarius rectè agnoscit. *Apostolicâ, inquit, praevidimus auctoritate, ut canones in decretis eorum consistant, & quando à nobis ordinantur, (Episcopi,) olitanâ consuetudine proclametur: Plebs & clerus Ecclesia illius simul cōsistens, elegerunt sibi Episcopum*. Olitana consuetudo Adriano est consuetudo antiqua, inolita, & olitani canones, antiqui canones: Ita olitana tempora dixit Anastasius in *Paschali primo*, & olitanâ consuetudine in Francorum regno reges ex genere prodire dicit Carolus Calvus in libello proclamatorio aduersus VVenilonem apud Baron. *Tom. v. anno 859. voce scilicet quasi ab olim derivatâ*. Neque enim (vt perperam Flacius opinatur, concilii cuiuspiam nomen est. Ad electionem verò Episcopi non clerus & plebs sola illius ciuitatis concurreret, sed ex totâ quoque prouincia conueniebant. Disertè Hincmarus in Epistolâ ad Hadebertum Siluanectensem Episcopum, quem electioni Beluacensis Episcopi volebat interesse, scribit: *Electio non tantum à ciuitatis clericis erit agenda, verum de omnibus monasteriis ipsius Parochia, & de rusticarum Parochiarum presbyteris occurrant vicarii, commorantium secum concordia vota ferentes, sed & laici nobiles ac ciues adesse debebunt. Quoniam ab omnibus debet eligi, cui debet ab omnibus obediri*. Si studia omnium & vota, secundum formam electionis à Metropolitano transmissam in quendam conuenissent, *decretum canonicum fieri, ac sigillatim omnium manibus roborari oportebat*, vt idem Hincmarus in Epistolâ ad Hedelphum Laudunensem Episcopum, & alterâ ad clerum & plebem Beluacensis Ecclesiæ loquitur. Recitat tale decretum cleri, ordinis, & plebis ciuitatis metropolitanae ad prouinciæ illius Episcopos Flacius in *catalogo testium veritatis*, & aliud cleri ac plebis Redonensis in *Armorica Ecclesiâ ad vniuersalis Ecclesiæ sacrosanctos patres, præcipueque illius diocesis præfules* habet Baronius *Tom. X. anno DCCCLXVI*. Missò dein hoc cleri & plebis canonico decreto ad Metropolitanum, si dignus illo munere electus, ab eo ordinabatur: prius tamen seriò & diligenter de iis, quæ ad Episcopi officium pertinent, est admonitus, præmissaque fidei aliquâ professione, & præstato Metropolitano iuramento sic ab eodem consecratus. Talem fidei profes-

professionem recitat anno dccclxvi. Baronius, factam ab electo Episcopo Redonensi. Aliam professionem fidei cum formulâ iuramenti Hincmaro Metropolitano ab Adalberto Morinensis Ecclesię episcopo electo præstiti inseruit suo Catalogo Flacius. Demum ordinatus, cum testimonio ordinationis & instructione aliquâ, quomodo se deinceps in hoc Ecclesiastico officio gereret, dimittebatur, uti id ex Hincmari *Epistola ad clerum, Ordinem & Plebem Ecclesię Tornacensis* aperte constat.

Et si verò ex his manifestè liquet, concessam clero & populo liberam electionem, nequaquam tamen cum Baronio eò quis progrediat, ut excludere penitus regiam auctoritatem ab Episcoporum electionibus auit. Qui enim id asserere voluerit, in dubium eum vocare necesse est omnia antiquorum monumenta, quę consensu regis vel Imperatoris in Episcopo constituendo opus fuisse liquidò docent. Enimverò dum liberam electionem permiserant optimi Reges & Imperatores, nequaquam ius omne abdicasse putandi sunt. Absolutas donationes, violentas obtrusiones, & si quā aliā ratione libertas Ecclesiastica grauitè læditur, prohibent Carolus M Ludouicus Pius, eiusque filius Carolus Caluus Rex Gallię & demum Imperator in concilio Sueffionensi cap. xii. cuius concilii capitula recitat Baronius *Tom. x. ann. 853*. De expulso verò in personam iam electam consensu non postulando, altum vbique silentium. Nihil sanè est, quod in hanc rem quisquam Hildebrandinorum producere possit, quorum id est perpetuum studium, ut Pontifici omnia tribuant, Principibus nihil non derogent, eorumque iura, quacunque demum ratione id libet, imminuunt eant. Florus tamen scriptor antiquus, cuius fragmentum aliquod in *appendice ad romum xii.* affert Baronius, tradit non esse necessariū Regis & principum in electione Episcoporum consensum. Sed haud longè petendum est, quod respondeatur. Florus ipse tueri se potest. Non enim ait, superuacaneam esse regis auctoritatem, ubi id consuetudine receptum sit, non clamat auferendum id ius regibus: Simpliciter consensum Principum in electione Episcoporum necessarium esse, ut, absque eo si sit, nullus possit esse Episcopus, & ordinatio quoq; irrita sit, negat, quo nihil verius dici poterat.

Dixi verò hanc fuisse communem & ordinariam rationem electionis Episcoporum, ut electio nominati à clero & plebe à rege confirmaretur. Ita apud Albertū Stadensem in anno 865. *Rembertus* à

à clero & populo electus, iussu Caesaris ducitur Moguntiam, ibique consecratur. Iohannes Octauus, Pontifex Romanus succenset Arperto Episcopo Ebrodunensi, quod ordinare noluerit eum, quem Venciensi Episcopo mortuo, clerus & populus ciuitatis elegerat, & Carolus Imperator suo firmarat consensu. Clerus & plebs Redonensis impense in decreto canonico gratias Deo agit, quod rex Carolus tam promptè factæ postulationi consensisset. Sed quid opus est tot testimoniis maiorem rei iam manifestæ lucem fœnerari vellet? Id tantum necessariò monendum, post Carolum & Ludouicum Pium non videri perseuerasse eandem vbique consuetudinem. Permissa quidem canonica electio clero & populo, antè tamen quàm eligere quenquam clerus populusque ausus esset, ipsamet illa permissio à Rege erat impetranda. Exstat hæc de re Epistola. Hincmari ad Carolum Regem, lectu digna, quam præter alios recitat Baronius *Tom. ix. ann. 814.* Facit quoque huc apprimè, quod Luitpertus Episcopus ad clerum & populum Colonicensem apud Reginonem lib. ii. ait: *Si electionem nobis à Rege concessam despicitis, in arbitrio & potestate Regis est, quem nobis velit dare Episcopum.* Quod verò de Visitatore ait Hincmarus in Epistolâ ad Regem Carolum, res ita habet. Defuncto Episcopo mitti solitus ab Imp. vel Rege, qui clerum & populum admoneret, vt remoto priuato studio vno eodemque consensu, talem sibi expeterent sacerdotem, qui tanto ministerio dignus esset, ne à venerandis canonicis respui possset. Idem ille formam electionis, qualiter & qualem eligere deberent, publicè proposuit, ne quisquam ignorantia excusatione vti possset. Atque is canonicus Visitator dictus. Verba hæc sunt maximè Hincmari ex Epistolâ ad Hadebertum Siluanectensem Episcopum, quem monet, vt in Ecclesiâ Beluacensi suo orbatâ Episcopo, Visitatoris officium suscipiat. Respiciunt huc quoque Episcopi, qui anno dccc. lv. Lothario imperante synodum in Vrbe Valentiniâ celebrarunt, cum canone vii. sanciunt: *Si quando alicuius ciuitatis Episcopus, vocatione Domini decesserit, à gloriosissimo Principe supplicâdo postuletur, vt canonicam electionem clero & populo ipsius ciuitatis permittere dignetur.*

Ita apparet, si quando permissa est canonica electio, eam ipsam permissionem à Rege impetrari opportuisse. Interdum verò longius adhuc Reges processerunt, vt ipsi nec cleri nec plebis suffragio antè requisito, constituerent Episcopos, quod tamen non communiter, sed

sed extraordinariè factum dixerim. Patres utique concilii Valentini, si ququam alii, hi certè de totà hac re & sentiunt & loquuntur. Si à seruitio, inquit, pii Principis nostri aliquis clericorum venerit, ut alicui ciuitati prapostetur Episcopus, timore casto sollicitè examinetur. Si non fuerit repertus idoneus, & Rex noluerit acquiescere, tunc Metropolitani adest clementiam Imperialem, & ipse cum Episcopis, quibus valuerit modus adest, ut Ecclesiam Dei gloriosus Imperator digno honoret ministro. Digna utiq; hæc vox & maiestate regià & humilitate Episcopali, testis quoque quàm omnia à voluntate Imperatoris in electione Episcoporum tum dependerint. Luculentum verò huius rei exemplum suppeditat nobis Carolus Caluus, Ludouici Pii filius, qui in magnò concilio Tullensi, habito anno dcccclix [cuius acta existant apud Baronium Tomo X. anno 859.] ad versus VVenilonem Senonensem Archiepiscopum, qui ab eo ad Ludouicum fratrem Germaniæ regem defeecerat, libellum proclamatorium synodo tradidit, in quo ita Carolus loquitur. Cùm Metropolis Senonum vacaret, eam iuxta consuetudinem prædecessorum meorum Regum VVeniloni, tum clerico meo in capellâ mihi seruienti, quia more liberi clerici se mihi commendauerat, & fidelitatem sacramento promiserat, consensu sacrorum Episcoporum ipsius metropolis ad gubernandum commisi, & apud Episcopos, quantum in me quidem fuit, ut eum ibidem Archiepiscopum ordinarent obtinui. In eodem Caroli libello legitur, Episcopatû Baiocensem, cùm vacaret, Tortoldo, intercedente Wenilone, à Ludouico Rege donatû. Sed hoc fortassis rariùs factum, nec sine omni cleri & plebis consensu, si non expresse, saltem tacito, cùm rectè in eum clerus & populus consensisse dici possit, quem ipsi nemine reclamante & contradicente constitui patiuntur. An verò is consensus metu & reuerentiâ regis fictus & simulatus saepe fuerit, nec asserere ego aui, neque negare. Illud dicere non dubitauerim, potuisse accidere, ut aburerentur suâ potestate Reges, vel inuitis Episcopos obtrudendo, vel minus idoneos eligendo, ut fortassis Nicolao primo causa aliqua fuerit obiurgandi Lotharium, quòd, si quis ad Episcopatum prouehendus sit, non nisi fauentem sibi eligi patiatur, ut est apud Gratianum *Dist. LXIII.* Nihilominus tamen obtinuit illa consuetudo, ut Imperator interdum, non permissâ canonicâ electione, ex aulâ Episcopos mitteret, in quibus tamen recipiendis nullam fuisse reliquam clero & plebi libertatem asserere

noluerim, cum ex antiquis Pontificalibus & Agendis aliud constet. Non ausos vero sapius, ne Principis incurrerent offensam, liberè quid sentirent & vellent exponere, nemo facile dubitauerit: ille tamen tacitus consensus pro expresso haberi potest, praesertim cum dein sapius acciderit, ut clerus & populus missio in aulam legato ab Imperatore mitti sibi Episcopum postularer.

Hinc aded etiam factum, ut interdum Episcopi dum adhuc viverent, Imperatoris consensum implorarent de certo quopiam successore constituendo, quod tamen sine praeuio cleri & populi suffragio factum vix verisimile est. Ita vero nihil tum fuerit quidquam quod in eo negotio reprehendas, cum huiusmodi Episcoporum constitutiones [etsi videantur alicubi improbari] facile tamen Valerii, Augustini, Eradii, Episcoporum Hipponensium, & Seueri, Mileuitani Episcopi exemplo defendantur. Albertus Stadenfis ad annum DCCCLXXXVII. ait de Remberto, Bremensi Episcopo: *Hec apud gloriosissimos principes Lotharicum & filios eius hoc obtinuit, ut insignis vir Adalgarius illi in electione successor confirmaretur.* Vdalricus quoque Augustanus Episcopus, nepoti suo Adalberoni spem futuræ in Episcopatu successionis impetrauerat, ut autor vite Vdalrici tradit, ob quod studium in nepotem vidisse per somnium Vdalricum purgatoris se pœnis addici idem narrat. *Adalbero vero Episcopatum, quem ipsi d. naturum imp. spoponderat, (his verbis utitur, qui vitam eius descripsit,) adeptus est.* Immo, si quando accidisset, eum quem clerus & populus eligit, non acceptum esse Regi, in arbitrio ipsius erat, hoc reiecto, alium Episcopum dicere. Carolum Gallie Regem, Hilduino, quem clerus & populus Tungrensis Episcopum elegerat, & Metropolitanus iam ordinat, reiecto, Richarium constituisse Episcopum tradit ex Frodoardo Baronijs. Luculentum vero huius rei exemplum habemus apud Adamum Bremensem lib. i. *Historia Ecclesiastica*, & Albertum Stadensem in anno DCCCXV. ex quibus transcripsit Albertus Crantzius libro tertio *Metrop. capite quinto.* Cum Reginuuardus, inquit, in fata concessisset, & Ledoradus Bremensis Chori prepositus, à clero & populo surrogaretur, mittitur solenni more ad regem Conradum, pontificalem ferulam, hoc est, regalia temporalis domini iura ab illo accepturus. Neque enim potuit rex aliud quam temporale committere. In familia autem sua Ledoradus electus duxit unum cappellanum suum. Et cum in conspectum Regis prodiret

ele-

Electus, non longè aberat Vni dominum suum infecurus. Rex electionis ordinem perspicuens, cum illà tempestate arbitrium constituendorum Pontificum maxime sibi reges vendicarent, ferulam quam manutenuit, præterito Ledrado, à tergo adstanti tradidit Vni capellano, eum Ecclesiæ pontificem designans. Et paulò post: Potissimam eius ad hominem causam hanc accepimus, quod rex e transferit populi & clerici electionem sine suo nutu factam, & ided electum præterit & alium suffecit. Existimant igitur Imperatores & reges Germaniæ, non esse iniquum electiones rescindi, si eæ sine suo suffragio factæ, vel si electum non satis illo munere dignum nollent. Inde Otto Magnus Imperator edicit, vt salua semper maneat in hisce negotiis Imperatoris autoritas. Fratres, inquit apud Goldastum Tomo III. Constit. imperialium, quibus à nostrâ, aut antecessorum nostrorum liberalitate concessum est, habeant licentiam eligendi pastorem inter se, qualècunque voluerint, ita tamen si talis inter eos inueniatur, qui vitæ & moribus probatus habeatur, saluâ in omnibus dispositione nostrâ Imperiali. Ex his sic satis constare potest, quæ fuerit illâ ætate, imperantibus Caroli posteris, in Germaniâ eligendorum Episcoporum ratio, quid communiter obtinuerit, quid interdum præter receptam consuetudinem factum sit, quid denique clero & populo, quid Imperatori in præfulum electione licuerit. An deinceps quoque, vsque ad Henricum IV. Regem Germaniæ & tertium Imperatorem Romanum, perinde se res habuerit, & si aliter tum obseruatum, cui parti plus accesserit, an clero & populo, an verò Imperatori, dicendum nunc est.

Penes clerum verò, populum, & penes Imperatorem aio fuisse omnem eligendorum Episcoporum potestatem. Exclusus omninò, vt prioribus seculis, ita hâc quoque ætate Pontifex Romanus. Imperatoris, vt summa erat dignitas, ita maxima quoque autoritas. Ipsi quidem integrum erat in prouinciis, quas Pontifices principum dono possidebant, Episcopos constituere, vt ex ipsius Gregorii VII. Epistolis patet, Pontifici verò, si quando vellet quenquam esse Episcopum, orandus primùm erat Imperator, & eius consensus impetrandus: Leo IX. Papa, Leucorum antea Episcopus, cum suum Primicerium Odonem successorè in Leucorum sede elegisset, scripsit hâc de re ad Imperatorem, & ad eum sibi subragandum proprium direxit ad Imperialem maiestatem legatum, vt VVibertus Archidiaconus in vitâ huius Leonis IX. cap. VIII. autor est. Neque verò obstat, quod Nico-

laus i. apud Gratianum Distinct. lxxiii. Lothario Imp. scribit: *Apostolica autoritate sub diuini iudicii obreptione iniungimus tibi, ut in Treuerensi Vrbe & in Agrippina Colonia nullum eligi patiaris, antequam relatum super hoc nostro Apostolatu sit.* Nihil inquam hoc obstat Diris enim deuouerat Nicolaus Guntharium & Theutgaudum, illum Colonensem, hunc Treuerensem, Archiepiscopos, propter approbatos cum V Valdrada pellice Imperatoris amores. Nolu itaque fortassis idcirco quenuquam in horum locum subrogari, quod ipse nondum satis constituisset, quid de iis fieret. Dein, cum hic Nicolaus, si quisquam alius, fuerit euehenda Romanæ sedis studiosissimus [quod vel ex illâ, quæ ipsi cum Hincmaro Rhemensi intercessit controuersia, constat,] non magnopere curandum est, quid ille scribar. Verè nihilominus Curia Pariensis in defensione pro libertate Ecclesiæ Gallicanæ aduersus Romanam aulam ait: *Ex quo primò orta est in orbe Ecclesia, usque ad tempora Sancti Ludouici, nusquam reperies Pontifices Romanos in Ecclesiis & beneficiis, quæ electiua dicuntur, ullum ius sibi vindicasse, aut eligere volentes ullatenus impedisse, quominus libertate electionis fruerentur.* Fuerit igitur omnis eligendi Episcopos potestas penes clerum, populum, & Imperatorem. At quomodo illa inter eos diuisa dicendum nunc est. Neque enim eommuniter tota fuit penes clerum & populum, vel tota penes Imperatorem sed partim penes illos, partim penes hunc, ita tamen, ut sine consensu Imperatoris Episcopum eligi nunquam liceret, sine suffragio autem clerici & plebis non raro Imperator Episcopos constitueret, atque ita totam illam potestatem interdum usurparet. Idque crebrius est factum, quam illo temporis interuallo, quo Carolina familia imperiū obtinuit. Inprimis verò hæc suâ potestate Conradum II. Henricum III. & Henricum IV. vsos, imò quandoque etiam abusus, constat.

Actum verò agâ, si multis probare nitar, quod hæc ætate pro arbitrio maxime Imperatorum Episcopi sint constituti. Eius autem vel illud indicium est, quod ipsi Pontifices Romani, quotquot illam sedem à Leone VIII. usque ad Gregorium VII. tenuerunt, vel ab ipsis Imperatoribus (non expertis cleri & populi Romani suffragiis) constituti sunt, vel tamen à clero & populo electi, consensu Imperatorum dein confirmati. Pluribus hoc ostendit harum rerum peritissimus Onuphrius Panuini in *vita Gregorii VII.* Cum igitur Imperatores tantâ autoritate Romanæ Ecclesiæ Pontifices dederint, in promptu est iudi-

iudicare, quomodo in Germaniâ cum Episcoporum electionibus comparatum fuerit. Tulerunt hæc tempora sub Henricis, [ait Crantzius in Metrop. lib. IV. cap. 31.] ut Episcopi & Abbates à Regibus inuestirentur, quod volentibus & cupientibus summis Pontificibus actum idem lib. III. Metrop. c. XXXIII. tradit. Reuerentia verò erga Imperatorem, quæ animos omnium infederat, fecit, ne vel Pontifices, vel Episcopi ipsi quicquam contra hanc Imperatorum potestatem moliri auderent. Docet id Gobelinus Personâ in Cosmodromio Æt. VI. C. LI. Rhetarius, inquit, Paderbonensis Episcopus, anno Pontificatus sui tertio, impetravit Ecclesiâ Paderbonensi à sede Apostolicâ privilegium, quod filii ipsius Ecclesiæ possint inter se eligere Episcopum, sicut & antè ei erat concessum, quo tamen post mortem eius visi non sunt, ob reuerentiam Imperatoris. Vix tamen crediderim, Imperatores eo tempore huiusmodi privilegia rata fuisse habituros, cum ipsi existimarent, ab Imperatoriâ maiestate hæc privilegia esse impetranda & largienda, quod compluribus adstrui poterat testimoniis, si id necessum esset. Cum igitur in Principum arbitrio omnis ferè Episcoporum constitutio sita fuerit, mirum utiq; non est, si quis eorum modum excessit, si quid Simoniacæ labis irrepsit, & indignis quandoque tam ardua officia commissa. Exprobrat Duarenus Ecclesiasticis, cum penes eos adhuc esset Episcoporum electio, quod, nullâ veterum canonum habitâ ratione, indignissimos quosq; promouerint. Non igitur mirandum, si in aulâ interdum secus quid factum quàm oportebat. Peccasse eâ in re partem suam Conradum II. fatetur ipsemet Henricus III. Imperator apud Glabrum Rudolphum. Et pater meus, inquit, de cuius animâ valde pertimesco, damnabilem auaritiâ in vitâ nimis exercuit. Addit Rudolphus Glaber, omnia ministeria Ecclesiastica ita eo tempore habita venalia, quasi in foro secularia mercimonia. Henricus tamen, qui & Niger dictus, omnem quidem Simoniam, quam parens exercuerat, procul à se esse voluit, (ita enim in synodo locutus: Sicut mihi Dominus coronam Imperii solâ miseratione suâ gratis dedit, ita & ego, quod ad religionem eius pertinet, gratis impendam,) quod tamen ius in Pontificis Romani & Episcoporum electionibus maiores per aliquot iam secula propugnauerant, magno animo sibi vindicauit. Et quidem, quomodo Apostolicâ sedem ordinavit, ut Hadriani verbis utar, breuiter memorat Lâbertus Schafnaburgensis. Anno MXLVII. inquit, Henricus Imperator tribus depositis Papis Suisgerum substituit. Anno insequenti & MXLIX.

altos dedit Romanis Papas, prioribus mortuis. Anno MLIII. mortuo Leone IX. Papam creauit Einſtadenſem Episcopum. Episcoporum uero constitutionem adeo sibi propriam esse uoluit, ut, cum Mutinensibus apud Goldastum Tom. III. *Const. Imper.* quicquid petierant, concessisset, Episcopi tamen mutationem, aut alio modo, nisi per Imperatoris manum, subrogationem, ut ipse loquitur, fieri noller.

Hæc Henricus Niger, Henrici quarti parens. Henricum uero Claudum Imperatorem, qui & Pius & Sanctus dicitur, iisque floruit uirtutibus, & tantâ eminuit sanctitate, ut demum cum Kunegunde uxore in diuorum numerum relatus fuerit, uti id multis tradit Baronius, illum, inquam, tam pium & sanctum principem maiorum tamen instituisse uestigiiſ discimus. Exstat apud Christophorum Brouerum in Sideribus Germaniæ Vita Meinuerici, Paterbornensis Episcopi, digna utique lectu, quod autor is accuratè describat artes Meinuerici, quibus ad ditandam Ecclesiam suam bona complura Henrico extorsit, tantâ interdum pertinaciâ, ut Imperator aliquando in hæc proruperit uerba, *Tu odium Dei omniumque sanctorum eius habes, qui me bonis concessis cum detrimento regni spoliare non cessas.* Electio autem Meinuerici ita peracta: Mortuo Episcopo Paterbornensi, inquit scriptor ille anonymus, mittit ad Henricum II. uiduata Ecclesia, qui cum Episcopis & Principibus qui aderant, elegit Meinuericum: qui cum aduenisset, sumt à Chirotheca ait ad eum rex, *Accipe:* Interrogans autem Meinuericus quid acciperet, respondit Imperator, Episcopatum Paterbornensis Ecclesia. Breuiter Gobelinus Persona Commodromii *Æt. VI. cap. LII.* Meinuericus à Rege Henrico Episcopatum per Chirotheca traditionem suscepit. Quomodo uero liberius Episcopum constituere quisquam potuit? Videtur propemodum Imp. ceu munus aliquod Episcopatum Meinuerico donasse. Quin Simoniaci propemodum criminis reum postulare Imp. uidetur Albertus Stadenſis in anno MXIII. Vindicat eum tamen Albertus Crantziiſ in Merrop. lib. IV. c. I. Aperta uero Imperatoris ipsius uerba, cum apud Goldastum Tom. III. *Const. Imperialium* ait: *Confirmamus eorum locorum fratribus, quam iure regio habent, licentiam eligendi inter se pastorem dignum & idoneum, saluo tamen Regis siue Imperatoris consensu.* Hanc licentiam, cum clerus Magdeburgensis non impetrasset ab Imper. & nihilominus è suo numero quenquam elegisset, mouit eum officio Imp. Rem narro uerbis Crantziiſ: *Giselero Magdeburgensi Archiepiscopo.*

chiepiscopo mortuo, fratres iure, ut putabant, Ecclesia, elegerant ex suis quendam Voldradum repugnantem, & ut poterat reclamantem. Imperator sui esse iuris putans Ecclesiis providere, absoluit inuitum & reposuit cancellarium suum Dagonem, quem alii Tagmonem vocant. Si igitur tantum nefas est, Episcopos ab Imperatoribus constitui, si tam indignum facinus Episcopos suis Principibus sacramentum dicere, si id, inquam, tam indignum scelus est, ut idem totum Christianum orbem cœcuti, Imperatores & Reges diris deuoueri, regno pelli, absolui à iuramento subditos, tantum denique humani sanguinis fundi necessum fuerit, cur eò audacia processit Eugenius Papa, ut Henricum Imperatorem, quem Episcopos cōstituisse, elegisse, & inuestiisse manifestissimum erat, in duorum tamē numerum referre, & illa *ambrosio* *sei* maculare ausus fuerit? Aut enim temerario ausu Hildebrandus, Paschalis, Callistus, Innocentius, & Alexander tantos cietunt motus, aut imperitē admodum in canonizatione Henrici II. optimi alius laudatissimi Imperatoris versatus est Eugenius Papa. Par enim culpa in Henrico II. quā in Henrico IV. & V. Vtrum verò dixeris, magni criminis pontificem reum agis. Quia ipsum Pontificem Leonem IV. itidem duorum numero adscriptum, vidimus orantem Imperatorem, ut in Ecclesiā Reatinā Colonum, quem ipse elegerat, Episcopum esse permitteret.

Interea tamen, dum ita satis liberē Imperatores Episcopos constituunt, nihil populo & clero in Episcoporum electionibus reliquum non fuit. Reniti poterant, si se vidissent prægrauari, uti id Ludouicus Pius sanxerat. Quin sæpe permissa canonica electio. Popponi primo Episcopo Herbipolenti hæc insignia concessa priuilegia ab Ottone M. tradit Bruschiust, ut in posterum Herbipolensium Canonorum senatui libera esset potestas decedente aliquo antistite alium e sui capituli canonicis eligendi. Parem gratiam monasteriis Filecensi & Gemblacensi ab Imperatoribus factam tradunt Fertrada sanctimonialis in vitā Adelheidis prima Abbatisse Filecensis, & Sigebertus in vita Guiberti monasterii Gemblacensis fundatoris apud Surium V. Febr. & XXIII. Maii. In Hereberti Colonienfis Archiepiscopi electione, qui Ottone III. imperante præfuit, distracta fuere studia cleri & populi, quod Vvezelinum aliquem clerus elegisset, non probante populo. Verba hæc sunt Ruperti Tuitiensis, qui vitam huius Hereberti nobis re-

liquit. Adalbertum II. Pragensem Episcopum, à Boleslao & populo electum, ab Ottone II. confirmatum, & à VViligilo Archiepiscopo Moguntino inunctum, autor vitæ huius Adalberti apud Surium die xxiii. Aprilis tradit. Bruno quoque Leucorum Episcopus, qui Romanæ dein Ecclesiæ præfuit, à clero & populo electus est: Eligitur, inquit VVibertus Archidiaconus in eius vitâ, à clero & populo Episcopus Leucorum, scribente clero & populo ad Imperatorem Conradum, ut Brunonem sibi Episcopum permittat. Is Bruno, cum deinde ab Henrico III. Imperatore Leonis ix. nomine assumpto, constitutus esset Romanæ urbis Episcopus, non malè omnino de totâ hac re & sensu & locutus est. Appono verba VViberti, qui eius vitam descripsit, ex lib. ii. cap. 2. Interea apud VVangionum urbem, ante præsentiam gloriosi Henrici, II. Romanorum Augusti, sic Pontificum reliquorumque procerum non modicus conuentus. Inter quos etiam hic Christo dignus præsul conuocatur. Et repente, illo tale nihil suspicante, ad onus Apostolici honoris suscipiendum eligitur à cunctis. Cum recusaret, ad obedientia cõpletionem monetur. Cum autem non posset effugere Imperiale præceptum & commune desiderium, præsentibus legatis Romanorum suscipit onus, si audiret totius cleri ac populi Romani consensum. Et paulò post: Cum Romam venisset, significat populo & clero Romano factam de se electionem, & dicit electionem cleri & populi Romani canonicali auctoritate aliorum dispositionem præire. Quod Leo ix. de Clero & populo Romano dicit, idem de clero & populo omnium aliarum ciuitatum dicere licet. Quæ mens quoque fuit Leonis ix. Primo enim protinus Pontificatus sui anno in synodo Rhemensi sanxit, Ne quis sine electione cleri & populi ad regimen Ecclesiasticum proueheretur, ut Baronius autor est Tom. XL. anno MXLIX. Intra hos verò terminos, si se continuissent Romanorum Pontificum studia, indubiè neque tam aduersos habuissent Imperatores, & suorum iurium tenaces, neque tanto sanguine Italia, Germania & totus ferme Occidens redundasset.

Sed altius prouectus est Hildebrandus, ac ius omne inuestituræ Principum manibus exquere conatus est, conditis decretis, quibus omnis constituendi & eligendi Episcopos potestas Regibus, Principibus, & Imp. Henrico vi. abrogabatur. Non illum per tot iam secula recepta & usurpata consuetudo, non priorum Pontificum concessionibus & exempla, deterrere potuerunt, quin nefas esse diceret, quicquid in hoc negotio sibi Principes sumunt. Opera igitur pre-

pretium fuerit paucis *αὐτῶν παρὰ δὲ* persequi, quod Francorum primum Reges, & dein Imperatores, rectè id ius usurpauerint, ut constet, quàm iniquum & insolentem Gregorius VII. se præstiterit.

Duplici autem potissimum nomine omnem illam Principum potestatem faciliè defendas, tum, quòd summi sint principes, penes quos sit suprema potestas administrandi Rem. tum quòd patroni Ecclesiarum. Principis hæc prima debet esse cura, ut Resp. sit tranquilla & beata. Hunc finem ut assequatur, immane quantum in Rebusp. & regnis Christianis in Episcoporum constitutione situm est. Ut populus rectè suum officium faciat, ut sit virtutum & religionis amans, multum interest, quales sint Episcopi. Ne talibus igitur regenda committatur Ecclesia, quorum exemplo subditi fiant deteriores, principis cura est. Id verò quomodo præstabit, nisi in Episcoporum electione principis quoque aliqua ratio habeatur. Dein cum Resp. salva esse non possit, quæ intestinis motibus & seditionibus agitur, ad eas verò vel excitandas vel reprimendas plurimum in Episcopis situm sit, opera Principi danda, ut tales constituentur, qui sint pacis & concordie amantes, indigenæ, in regno educati, legibus reip. affueri, & tales omnino qui præsentem statum conferuatum velint. Si qui aliter se habeant, eos ad dignitates nullas esse euehentos iam olim prudenter monuit Aristoteles. Episcopos verò tantæ esse in rep. autoritatis, ut si velint, quidvis possint, quis ignorat? Et Germania hoc nostra testari potest, & pleraque alia regna. Plena sunt his veterum monumenta. Quas turbas in Angliâ dederint extranei Episcopi, per prouisiones Papales Episcopatus adepti, Anglicani Scriptores loquuntur. Huc accedit, quod à solo clero & populo electus his omnia fert accepta, Regi, cuius consensum accedere opus non erat, nihil horum. Nec igitur amor in Regem, nec obseruantia tanta, quanta est, si beneficium ab ipso Rege datum agnoscat, quod tamen fieri reip. plurimum interest. Amor enim & obseruantia in Regem si absint, magna pater ad tumultus ciendos & res novas moliendas aditus, præsertim si non desint occasio & vires, quorum vtrumque non desiderabatur, cum Reges Francorum & Imperatores à se Episcopos constitui vellent.

His satis probatur, non malè agere Principes si constituendorum Episcoporum curam ad se pertinere putent. Duarenius utique &

Ecclesiæ & Reip. sic præclare consuli statuit. *Illud unum*, [inquit libro primo de sacris Ecclesiæ beneficiis ac ministeriis cap. vi.] *verè ingenuèque dico, nihil Reip. Ecclesiæque Gallicæ mihi videri vtilius, quàm auctoritate Regis Pastores præfici Ecclesiis, si à Pontifice Romano obtinere possint Episcopi, ut ordinatio, inquisitio, ac confirmatio secundum veteres canones, libera ipsis relinquatur, modo ipsi officii sui meminisse velint.* Quod in votis habet Duarenus, id ante Gregorium vii. in Germaniâ obtinebat. Princeps nominabat Episcopos. Metropolitano, si indigni essent illo officio, reiicere eos integrum erat. Sed parum adhuc pro asserendo Francorum & Germanorum Principum in Episcoporum electionibus iure dixi. Bona temporalia à Regibus & Imperatoribus collata, nullum admittit dubium, quin summâ equitate nitantur illæ Principum inuestituræ. Possidebant Episcopi non prædia solum & villas, sed oppida quoque, splendidas vrbes, arces, munimenta, integros Comitatus, Principatus & Ducatus. Solus Ottoprimum Imp. penè omnibus Ecclesiis cathedralibus in Italiâ, Galliâ, Germaniâ, Burgundiâ & Lotharingiâ multas ciuitates, castra, oppida, villas, & multa alia dominia temporalia, iura & iurisdictiones donauit. Archiepiscopos quoque & Episcopos Ducatibus, Baronis, & Comitibus communiuit, quibus nobiles & potentes vasallos subiecit, ut semper essent parati ad resistendum paganis, ut Theodoricus de Niem in Ottone primo autor est. Quis igitur tam fuerit impudens, qui negare audeat, interesse plurimum Reip. quibus committantur integræ prouinciæ regendæ, & à quo illi constituentur? Nolo nunc id commemorare, quòd, cum penes Francos quoque adhuc imperium esset, Episcopi ad comitia & conuentus publicos admissi, in commune de rebus Remp. concernentibus consultarint, & sæpe ex nobilissimis potentissimisque familiis orti, perque totam vitam in palatio educati, ad gubernandam Ecclesiam transierint. Conuenisse verò, Francis imperantibus ad comitia Episcopos, (quid enim deinceps actum sit, notius est, quàm ut nunc id repeti opus sit,) vel ex Gunthramni constitutione apud Goldastum Tomo i. *Const. Imp.* liquet. Sigebertus Gemblacensis in vitâ Regis Sigeberti cap. iv. ait: *Dagobertus Rex, anno regni sui xi. Metas adiit, ibique procerum & Pontificum conuentum adesse iussit, eorumque consilio & consensu filium suum Sigebertum in regnum Austrasiorum sublimauit.* Angradus in vitâ Ansberti Episcopi Rhotomagensis cap. xv. ait, eum ordipatum esse Rhotomagi ab Archie-

ab Archiepiscopo Lugdunensi, & aliis sanctis presulibus, qui ad generale placitum ibi cum principibus conuenerant. Nobilissimas verò & prepotentes familias ad Ecclesiasticam hanc dignitatem adspirasse, vel illustris ille Arnolphus Metensis Episcopus, è cuius familiâ Carolus Magnus ortum trahit, exemplo nobis fuerit, ut nihil nunc dicam de illâ querelâ procerum apud Theganum in vitâ Ludouici Pii, plebeios ad Episcopatus promoueri indignantium. Cum igitur tot bona possiderent Episcopi, cum ad comitia, in bella irent, Regesque suo consensu & suffragio eligerent, rectè utiq; & iure Francorû Reges Episcopos nullos sine suo consensu constitui voluerunt. Hæc verò omnia longè magis pro nobis militant, vbi imperium ad Germanos deuenit. Tum enim Episcopi bonis temporalibus ita aucti, ut iustissimas Principes habuerint causas, ob quas ius inuestiendi Episcopos usurparent.

Neque tamen solo illo nomine Reges Francorum & Imperatores Episcopos constituere poterant, sed eò etiam quòd Patroni essent Ecclesiarum. Multa hæc de re afferre huius loci non est. Vel communi illo versiculo:

Patronum faciunt, dos, edificatio, fundus,
 ut libet. Tres igitur iuris patronatus causæ, vel, ut alii volunt, quatuor, Fundatio, Dotatio, Ditatio, & Reedificatio. Quæ omnes, quibus rectius quàm summis in Rep. Principibus conueniunt? Quid ergo mali, si Principes sibi illam sumunt potestatem, ut Episcopos eligant? Olim res longè aliter se habebat. Rara ante Constantinum Magnum Ecclesiis bona, immobiliæ certè rara, quod videtur probabilius. Episcopi & clerus omnis ex largis fidelium oblationibus vivebant. Cum igitur omnes Episcopum sustentarent, iustum quoq; erat ab omnibus eligi. Francorû verò ætate, cum pleraq; à Rege obtinuissent Episcopi ab eo etiam illos constitui, haud iniquum erat. Clodouæus Rex tantum terre Rhemensi dedit Ecclesiæ, quâ tum Remigius, dū Clodouæus somno meridiano indulget, circuire possit. Amplum utique donum quod, si non causa aliqua iuris patronatus est, quæ tum dotatio futura? Cæteri quoque Francorum Reges liberales admodum in ditandis Ecclesiis fuere, ut Childebertus grauiter de damno, quod inde regno enatum, conqueratur. Stephani Leodiensis Abbatis in historiâ vitæ Modoaldi Treuerensis Episcopi, digna omnino sunt, quæ adseribantur. Ita verò ait: *Quantum religionis, potentia, & honoris Reges Francorum à Pipino vsque ad Carolum*

contulerunt Gallia Ecclesiis, restantur libri sanctorum, decreta Patrum continentes, quos ipsi in synodis sua corroborauerunt autoritate. Testantur & Ecclesia, quas cum diuersis regis ornamentis, tum etiam praeiis & regalibus suis, castris scilicet, & comitatibus, telomis, monetis & bannis cum iure ciuitatum concessis, magnifice extulerunt. Inde est, quod nusquam gentium aequalis potentia pontifices inueniri queant, vel quod parum à regio comitatu & opulentiâ differant: Vel igitur patronatus illius iure rectè sibi Principes constitutionem Episcoporum debere asserere possunt. Leopoldus à Badenburg Episcopus Bambergensis de Zelo. vet. princip. German. c. 8. disertè ait: Henrici V. predecessores & Reges non tam virtute dicti priuilegii, quam ex hoc quod erant ut plurimum Patroni seu doratores Ecclesiarum cathedralium, & maiorum monasteriorum Germania, inuestituras Episcopatum & Abbatiarum in in ipsis Germania partibus, usque ad tempora eiusdem Henrici facere consueuerunt. Prouocauit iam olim quoque ad hoc ius Patronatus Edwardus Angliæ rex in constitutione quam recitat Goldastus Tomo III. Const. Imper. Neque verò cuiquam reiciculum hoc argumentum videri debet, cum id eruditissimi, acutissimi que totius Hispaniæ Iuris interpretes Ferdinandus Vasquez, & Didacus Couarruias Segobienensis Episcopus, ille quidem *Controu. Illustr. Part. I. Lib. I. cap. xxii. hic verò Tom. I. Part. II. Relect. c. Possess. mal. fid. s. x. tantum faciant, ut vel hoc solo nomine ius Hispaniarum Regi asserant, quo fretus omnes totius regni Episcopos constituere possit. Episcopi Segobienensis verba sunt: Ex hoc inferitur, Catholicos Hispaniarum reges, etiam si nullum priuilegium à Pontificibus Romanis habuerint ad praesentationem Episcoporum, qui Ecclesiis cathedralibus praesint, posse iure optimo, ut Ecclesiarum patronos, ius illud ex praescriptione obtinere, licet Ecclesia quarum Patroni sunt, collegiales vel cathedrales existant. Hoc enim corollarium deducitur ab his, quae proximè probata fuere, siquidem Hispaniarum Reges Patronatus ius obtinent in Ecclesiis cathedralibus, cum eas erexerint, construxerint, & amplis patrimoniis dotauerint. Quod satis constat ex veterum Historicorum monumentis. Unde & iure communi Reges sunt Patroni maiorum Ecclesiarum sui principatus. Et post: Regis interest nosse, qui sint, qui Ecclesias intra eius prouinciâ sunt administraturi. Hæc Didacus Couarruias, qui latius illa deducit, & plures, qui eandem sententiam habeant, laudat.*

Quis iam non videt, quantâ æquitate Principum inuestitura nitan-

tantur

stantur, quamue iniquè Gregorius vii. eas Henrico iv. extorquere conatus sit? Fuit Hildebrandus homo non vulgaris ingenii, & antiquitatis canonumque antiquorum, vt illa quidem ferebant tempora, haud imperitus. In toto verò Occidente mera regnabat barbaries. Proclive igitur Hildebrando erat, antiquorum canonum auctoritate ad Regum iura abolenda abuti, & clericis palpum obtinere. Egregium eius rei Archidiaconus adhuc præbuit exemplum. Missus fuerat Anno Archiepiscopus Coloniensis, vt causam Alexandri ii. & Cadaloi Antipapæ cognosceret, & Regis in eligendo Romano Pontifice iura tueretur. Cum Romam venisset ita Alexandrum affatus est, vt tradit Nicolaus Aragonius Cardinalis in Gestis Romanorum Pontificum apud Baronium Tomo xi. anno MLXIV. *Quâ ratione frater Alexander absque mandato & assensu Domini mei Regis recepisti Papatum? à longis namq; temporibus à Regibus hoc absque dubio est obtentum. Et incipiens à Patribus Romanorum & Imperatoribus, nominavit eos, per quorum mandatum & assensum plurimi Romanorum Pontifices in sedem Apostolicam habuerunt ingressum. Hildebrandus cum Episcopis cardinalibus eidem Coloniensi sic responderunt, Firmissime tene & nullatenus dubites, quod in electione Romanorum Pontificum iuxta sanctorum Pontificum, iuxta sanctorum Patrum canonicas sanctiones, Regibus penitus nihil est concessum siue permissum, & deductis in medium pluribus sanctorum Patrum decretis, & præcipue illo Nicolai capitulo, in quo centum & tredecim Episcopi subscripserunt, post multas & varias altercationes, ita irrevocabiliter & sufficienter eidem Coloniensi satisfecerunt, quod ex tunc rationabiliter non habuit resistendi occasionem. Si vera hæc sunt, fucum Hildebrandus Annonificat, canonibus allatis, qui Regum iura minimè destruant. Hoc autem iacto fundamento non poterat non cæteris quoque Regibus & Principibus omnis in Episcopis eligendis adimi potestas. Quod enim ius Imperatoris in Pontifice Romano eligendo, hoc omnium ferme cæterorum Regum & Principum in ditionum suarum Episcopis eligendis. Hildebrando igitur auspice, consensu Imp. non antè imperato, electus Alexander, iram tamen Henrici eodem consultore vsus facile elusit. Fortè tum bellum in Saxoniâ atrox erat Henrico cum Saxonum gente: Hæc sapius victa, sapius bellum redintegrat, nec inter tot aduersa animum despõdet. Cum armis non posset quicquam aduersus inuictum Imp. aliâ cum viâ aggreditur: Vadunt*

legati ad Alexandrum II. Imperatorem Simoniam reum postulant Henricus, impulsore Hildebrando, ab Alexandro Romam reus citatur. Moritur interea Alexander, succedit Hildebrandus: & licet sine preiudicio Imperatoris consensu à clero & populo Romano electus esset, ita tamen missis literis ad excusandam sine Regis consensu factam electionem, Henrici gratiam aucupatus est, ut eius consensus satis promptè accederet, quod pluribus Lambertus Schafnaburgensis persequitur.

Primis verò quatuor Pontificatus sui annis, si annalibus Baronii fides est, nihil quidquam Gregorius de inuestituris Episcoporum, Regibus ac Principibus auferendis sanxit. Acerbè quidem in Simoniacos cum Reges tum Episcopos inuectus, ad causam quoque dicendam Romam citauit, sed intra hos terminos omnis eius conatus tum quidem stetit, & utinam perstitisset. At verò anno quinto in neruum erupit ambitio Hildebrandina, publico decreto omnibus laicalibus inuestituris proscriptis. Multos antea Gallia & Germaniae Episcopos diris deuouerat Gregorius, multos officio mouerat, Henricum ipsum Regem, proutinus ut excommunicatus fuerat, quod priora secula non viderant, ipse desertum penè ab omnibus, mox intra Canusiana moenia triduanum supplicem, demum etiam ad pedes prostratum viderat. Id animum addidisse ambitioso homini existimo, ut ex tam prospera fortuna, tam promptis ad omnia obsequia Episcoporum animis euentum auguratus, aggredieretur. *stanti animo*, (libet hic gloriantis Baronii verbis uti) *multoque planè ac sacerdotali robore controuersiam, cuius causam sciret omnes se passurum Christianos principes aduersarios.* Datur igitur Hugoni Dienti Episcopo legato Gregorii VII. in Gallias in mandatis, ut de inuestituris laicalibus abolendis in concilio Lingonensi decretum promulget. Gregorius ipse anno insequenti ita sancit: *Quoniam inuestituras Ecclesiarum contra statuta sanctorum Patrum, à laicis personis in multis partibus cognouimus fieri, & ex eo plurimas perturbationes in Ecclesia oriri, ex quibus Christiana religio conculcatur, decernimus, ut nullus clericorum inuestituram Episcopatus, vel Abbatia, vel Ecclesia, de manu Imperatoris, vel Regis, vel alicuius laice personae, viri vel feminae suscipiat. Quod si presumpserit, cognoscat inuestituram illam Apostolicam auctoritatem irritam esse, & se usque ad condignam satisfactionem excommunicationi subiacere. Idem decretum verbis paulò asperioribus: in aliâ Synodo duobus post annis iterum repetit, & hanc electionis formam deinceps tenen-*

nendam & obseruandam praescribit: Quoties defuncto pastore alienus Ecclesia, alius ei est canonice subrogandus, instantia Visitationis Episcopi, qui ei ab apostolica vel metropolitana sede directus est, Clerus & populus remoti a omni seculari ambitione timore atque gratia, Apostolica sedis, vel Metropolitani sui consensu, pastorem sibi secundum Deum eligat. Electionis vero potestas omnis in deliberatione sedis Apostolica, siue Metropolitani sui consistat. Hæc sunt Hildebrandi decreta, de principum inuestituris lata. Hinc classicum turbarum, hinc incendii initium, quo totus ferme Occidens conflagrauit. Hæc illa decreta, quibus, ipso Onuphrio teste in *uita Gregorii VII.* non tantum Imp. Henricus IV. sed & omnes Reges Latini & Occidentales petiti, deinde Episcopi, & vniuersus clemens Gallicus, Germaniæ & Italiæ, Maiestas quoque & dignitas imperii Romani euerfa, quodque longè plus erat, ea fundamenter iacta quibus illius potestas omnino labefactabatur. Videas igitur fursum deorsum omnia fieri, ima summis cælum, terræ misceri. Quicquid est flagitiosorum hominum impune grassari permittitur. Pontifex in Pontificem, Imperator in Imperatorem, Episcopi in Episcopos, filii in parentem, subditi denique in suum legitimum principem insurgunt, solutique, quæ animos infederat, religione, in eum profano Papæ indultu grassantur, quem Deus, fors natiendi, imò illi ipsi ordines, Principem & Regem constituerant.

Nulla ne verò aliâ ratione Simoniacum crimen ex Christiano orbe profligari, & libertas Ecclesiis restitui nisi per tot populorum strages potuit Henricum non semper recto tramite incessisse facile crediderim. Cur non monetur, ut in viam redeat, ut inuestituras, piæ, rectæ atque ordine conferat, abususque earum tollat? Si monitus non statim obtemperauit [quod ait Baronius] num id eo Pontificem progredi fas erat, ut commoto toto Occidente non solum inuestiturarum iure Principes omnes & Imperatores exueret, sed etiam ditis Henricum deuoueret, indignum regno, vitâ denique ipsâ pronuntiaret. Henricus tamen non semper in culpa fuit. Lubrica enim fuit quidem ipsius adolescentia, cum consultoribus videretur Adalberto Bremensi Archiepiscopo & V. Verno comite, hominibus, ut tradunt Scriptores, flagitiosis. Ab his, inquit Lamber-tus Schafnaburgensis, quicquid Ecclesiasticarum, quicquid secularium dignitatum est, emebatur. Quam prudenter autem alias Imp. in beneficiis Ecclesiasticis conferendis se gesserit, vel id exemplo esse pos-

test, quod idem Lâbertus, [cui tantum tribuunt Baronius & Bellarminus] de electione Fuldensis Abbatis, integrè & incorrupta fide, increpatis, qui illam Abbatiam vel gratiâ vel muneribus obtinere se possent sperant, ab Henrico factâ memorat. Ne verò quis electum Abbatem monachis obtrusum putet, ita ait: Primus ipse Imperator hunc Abbatem eligit, deinde ceteros tam monachos, quàm milites, ut in electionem eius consentiant, obnixè efflagitat. Nec alium utique in Episcopis constituendis se præbuit. Id docent voces ipsæ Imperatoris, bonæ conscientie indices, cum imperio & ornamentis imperialibus exueretur. Rem gestam Helmoldi verbis narro: Moguntinus, Colonienfis, Vormatiensis, à Principibus missi venerunt ad Regem in Curia regiâ Hildesheim, dicentes: Fac nobis reddi coronam, annulum, & purpuram, ceteraque ad inuestituram Imperialem pertinentia, filio tuo deferenda. Imperator quærit causam. At illi. Quid queris ea, quæ optime nosti? Scis de schismate longo, scis, qualiter Episcopatus, Abbatis, & cetera omnia feceris venalia, & quomodo non sit electionis in rectoribus quibusque constituendis, sed sola pecunia habita ratio. Pro iis & similibus sanxit auctoritas Apostolica, & fuit Principum unanimitas, te & regno & communionem fidelium priuandum. Quibus Imperator: Vestra potestas est hac mihi imponere & crimen impingere? Dic tu Moguntine, adiutus per nomen æterni Dei, quid exegimus vel recepimus à te, cum te Moguntia præfecimus? Tu quoque Colonienfis similiter? Illi autem fatentibus, nihil pecunie aut requisitum, aut acceptum huius rei gratiâ, Rex ait, Gloria Deo. Similiter & de Vormatiensi. Et iterum Rex: dignam ergo pro beneficiis nostris nobis rependitis gratiam. En quomodo Imperator illos Episcopos cum Simoniacis arguentes ipse redarguit. Nihil igitur moror conuicia Stephani Halberstadenfis Episcopi, qui non sine contentione, ut ait Crantzius, Episcopatum adeptus erat, quæ ille plena manu in epistola ad Valthramum conegit quam dignam iudicauerunt Baronius & Bellarminus, ut ille quidem Tom. xi. *Annal. ad annal. 1090. totam*, hic verò *Lib. de Translat. Imper. capit. n. partem* eius recitaret. Ceteros Scriptores, quod attinet, cum illi quoque multum Pontificis gratiâ tribuunt, tum non tam Simoniam, quàm alia vitia, & ipsum ius regium liberè constituendi Episcopos in Henrico insectantur. Quin si Bennoni, in vitâ & rebus gestis Hildebrandi, credimus, Henricus Imperator quos nosset Simoniacos Episcopos, officio mouit. Hildebrandus verò, ait Benno, expulsus à Rege

Rege Simoniacos relocabat, & quos Regi infestos reddiderat, eos sibi familiari amicitia reconciliabat, & multis & magnis iuramentis sibi victos & obnoxios efficiens, prae aliis exaltabat.

En artes Hildebrandi. Hoc agebatur, ut Imperii maiestatem imminueret, & Romanam sedem eueheret. Huc faciunt monstrosi illi dictatus. Dum Simoniam euertere se simulat, Imperii maiestatem destruere parabat. Neque verò compendiosius rem tantam agredi poterat. Ecclesiastica enim bona maxima Imperii pars, quorum collationem si extorsisset Imperatori, non diffidebat obtinere se posse monarchiam, quam meditabatur. Quantum Imperatoris decedebat auctoritati, tantum accedebat Pontifici, cui euehendo hæc tragedia agebatur. Nullo igitur Principum aiebat opus esse consensu in beneficiorum Ecclesiasticorum collatione; si quis secus quidnam ausus esset, hunc pronunciabat Simoniacum, ut, si illius iudicio standum, Simoniacos fuisse necesse sit, non solum alios complures Pontifices, sed & ipsum Alexandrum II. cuius lateri Gregorius semper adhaesit. Is enim Anshelmum in Germaniam misit, ut ei Lucensem Episcopatum, cuius collatio penes Henricum IV. erat, impetraret. Quod verò ipsum inuestiendi per virgam & annulum ritum attinet, parum is utique ad rem facit. Neque dubitauerim haud fuisse difficiles futuros Imperatores in omittendo hoc inuestiendi ritum, si de eo duntaxat abrogando contentio aliqua fuisset, iure ipso constituendi & eligendi Episcopos Imperatoribus relicto. VValtheramus acerrimus alius Henrici defensor aperte: Nihil refert siue verbo, siue precepto, siue baculo, siue aliâ re, quam in manu tenuerit, inuestiat aut inthronizet Rem & Imperator Episcopum. Et post: Sed congruum magis est per baculum. In eandem sententiam Romanæ sedis addictissimus Iuo Epistolâ ad Lugdunensem Archiepiscopum: Urbanus Papa reges tantum à corporali inuestiturâ excludit, [quantum intelleximus] non ab electione, in quantum sunt caput populi, vel concessione. Quamvis octaua synodus solum prohibeat eos interesse electioni, non concessioni. Quæ concessio, siue fiat manu, siue nutu, siue lingua quid refert? Hæc Iuo, æquus sæpe in hac controuersia, quando partium studium eum non transuersum agit, iudex. Quod verò Iuo de solâ corporali inuestiturâ ab Urbano prohibita ait, haud videtur verisimile. Cum enim in laicalibus inuestituris prohibendis iisdem utatur, quibus Gregorius VII. verbis, mitiori eum fuisse animo non sit verisimile. Quin ipso Hildebrando videtur fuisse aspe-

rior, condito decreto, ne quis Ecclesiasticorum Principi suo sacramentum diceret, cuiusmodi quid à Gregorio vii. statutum non constat.

Ita patuit, causam nullam fuisse Hildebrando, cur tantas in Imperio turbas daret. Primus verò is fuit, qui tanà contentione inuestituras obrogatum iuit. Nam quod Marcellus Patavinus in *Defensore Pacis Part. II. c. 24.* à Simplicio, qui circa quintum seculum sedis Romanæ præfuit, tradit decretum esse, *Nullum clericum inuestituram à Laico debere suscipere, vel (ut Platina verbis utar) nullum clericum possessionem beneficii à laico debere recognoscere*, id à vero videtur esse alienius. Gregorii verò decreta repetierunt & confirmarunt Victor III. in concilio Beneuentano, Urbanus II. in synodo Melitana can. 8. & generali Claromontana can. 15. & 16. Paschalis II. in synodo Pictaviensi, præsentibus legatis sedis Romanæ, & demum Trecensi, cui Paschalis ipse præfuit. Inter tot tamen certamina, quicquid decerneret Pontifex, perstitit Henricus senior in suâ sententiâ. Quin Rodolphus Sueviæ Dux, & Hermannus, electi contra Henricum IV. à nonnullis Principibus fauente Pontifice, Germaniæ Reges, illo quoque regio iure vti sunt, ut patet ex Crantzii *Metrop. lib. 5. c. 16. & 23.* Paschalis verò secundus, cum filium Henrici IV. Henricum V. haud occultè in Patrem concitasset, illo demum regno & vitâ exuto, sperabat obtinere se posse, quod aliis esset negatum. Sed grauiorem sensit Henricum V. quàm quisquam aliorum Imperatorum fuit. Res nulli non penè veterum Historicorum est memorata. Henricus enim quintus cum facile perspiceret, non posse saluum esse Imperium, si Pontifex obtineret, quicquid ille decreuisset, aut cedere Episcopos & Abbates regalibus volebat, aut liberam sibi constituendorum potestatem priuilegiis Apostolicis Carolo Imperatori concessam, perimitti. Id se velle Imperator Paschali, cum is in consilio Trecensi esset, renunciaret per legatos. Pontifex verò, cum inuestituras quas paulò antè ipse in synodo perpetuo decreto abrogarat, concedere Imperatori neque vellet, nec fortè etiam ut tuetur existimationem suam, posset, ita cum Henrico V. Sutriæ demum paciscitur, ut Vitergensis Abbas, ex Dauide Scoto, qui Henrici Romanam expeditionem iussu eius descripserat, ad annum MCXI. tradit: *Inter legatos, inquit, Apostolicos & missos regio conuenit, proutum esse Papam ad consecrationem & omnem Regis honorem & voluntatem si tamen*

men ipse sibi met annueret libertatem Ecclesiarum, laicam ab illis prohibens inuestituram, recipiendo nihilominus ab Ecclesiis Ducatus, Marchias, Comitatus, advocatias, monetas, telonia, ceterorumque regalium qua possident summam. Præbuit Rex assensum, sed eo pacto, quatenus hac transmutatio firma & authentice ratione consilio quoque vel concordia totius Ecclesie, ac regni principum assensu stabiliretur. Quod etiam vix aut nullo modo fieri posse credebatur. Hæc Vrspergensis. Plenius pacta illa conuenta recitat Goldastus in Constitutionibus Imperialibus, & Rationali, vt & Baronius Tom. XII. Anno MCX. & MCXI. Numerat Petrus Diaconus inter Regalia hæc quoque: *Veſtigalia, Mercata, Centurionum iura*. Vtque curtes sint Imperii cum pertinentiis suis, militia imperii castra. Lecta verò hac conuentione coram principibus Imperii & Episcopis omnibus, [ubi innotuisset, Ecclesiasticos dimissis regalibus, decimis & oblationibus debere contentos esse] vix dici potest, quantâ indignatione clerus omnis in Paschalem insurrexerit, qui, cum nihilominus inuestituras cedere noller, ab Imperatoris exercitu cum plurimis Cardinalibus captiuus, cuius trimestris captiuitatis molestia victus, tandem Henrico v. potestatem constituendorum concedit, & pacta iuramentis firmat. Conuentiones illas pacis & decretum de Ecclesiasticorum inuestituris recitat Goldastus in *Rationali*, & Baron. Anno MCXI. Neque hic illa adscribi opus est.

Æqui autem hæc Henrici v. transactio, quam nemo facile reprehenderit. Quid enim ageret Imperator? Maiestatem Imperii tuendam susceperat, quam neglecto antiquo iure inuestitura, non posse non labefactari, in aperto erat. Instant tamen & urgent tot sancitis decretis Pontifices. Non poterat igitur aliter Imperii dignitati consulere, quàm, vt restitui Imperio regalia, aut permitti inuestituras postularet. Quicquid enim de illis sit, bonorum tamen ratione iustæ sunt & legitima. Quod autem opinati quidam sunt laicos principes velle hæc suâ inuestiturâ ordinationis sacramentum conferre, & hoc errore ducti hæreticas esse laicorum inuestituras clamarunt, nescio equidem, inscitiamne hominum potius mirer an summam imprudentiam. Videtur in eo errore fuisse Coſfridus Vindocinensis Abbas, & Cardinalis, cuius verba nunc quidem adscribere non libet. Pridem enim eius sententiam excusat vir eximius M. Antonius de Dominis. Apertè verò ita statuunt

Patres Conciliorum Lateranensis & Viënnensis anno MXXII. habiturū illi quidē, cū aiunt: Id quod in privilegio continebatur, quod electus canonicè à clero & populo à nemine cōsecratur, nisi prius à Rege inuestiatur, id est contra Sp.S. & Canonicam instituti. nem. Hi verò, cū sanciant: Inuestituram Episcopatum & Abbatiarum, & omnium Ecclesiasticarum rerum de manu Laica S.R.E. auctoritatem sequentes, hæresim esse iudicamus. Hæc concilia: quæ si ipsas inuestituras simpliciter spectatas hæreticas putant oppidò falluntur, sin cum opinione conferendi ordinis sacramentū cōiunctas, producatur tum Henricianorū, ita appellat, dicta, producantur exempla, quæ id probent. Ius ipse, qui hac ætate vivebat, illam sententiam Epistolā ad Iohannem Archiepiscopum Lugdunensem, quam recitat Baronius Tom. XII. ann. MCLI. refellit, Et Epist. LX. aperte. Reges nihil spirituale, (loquitur autem de inuestituris,) se dare intendunt, sed tantum aut votis petentium annuere, aut villas Ecclesiasticas, & alia bona exteriora, quæ de munificentia regum obtinent Ecclesia, ipsis electis concedere. Causam huius erroris non aliam existimo, quā, quod vulgata esset hæc loquendi formula, Imperatorem præsumere potestatem in spiritualibus, cū is tamen nominaret solum Episcopos. Ita Crantzius adhuc ait: Ea potissima dissidii causa fuit inter regnum & sacerdotium, quod in spiritualibus præsumeret potestatem Imperator, quæ pro temporum necessitate permixta est Patri suo, sed eam nunc Papa suo iure vindicabat. Auxit erroneam opinionem, quod non semper libera ante consecrationem Episcopi vitæ morumque examinatio permissa videatur. Id enim colligitur ex iis, quæ de Ottonis Constantiensis Episcopi constitutione memorat Lambertus Schafnaburgensis. Si quæ aliās in illis ferilibus Germaniæ motibus acciderunt, quæ ferenda minimè erant, cū alium interdum Imperator Episcopum, alium Pontifex constitueret, vel clerus & populus à Pontifice instructus, & is Episcopatum obtineret, qui armis potior esset, æqui iudicis arbitrio relinquere, utrius hæc culpa censeretur, an Imperatoris, an, qui turbas illas mouerat, Pontificis.

His diuturnis motibus Henricum V. pactis quibusdam cum Paschale initis finem imponere voluisse, paulò antè dictum. Ea verò pacta Paschalis altero statim anno in concilio Lateranensi, datæ fidei, quam summo corpore & sanguine Domini sanxerat, immemor, resci-

rescidit, & Imperatorem anathemate percussit, cuius exemplum secutus Callistus II. & priorum Pontificum decreta in concilio Rhemenſi anno MCXX. & excommunicationem repetiit, cum monitus à Pontifice Imperator, ut renunciaret inueſtituris, reſpondiſſet: *Nihil in his ſe prætermiſſurum, quod ſui iuris eſſet, ſuorumque ſibi conſulit antiqua conſuetudo progenitorum.* Tandem Imperator victus, non tam Pontificum, quàm principum plerorumque imperii pertinaciâ, cedit anno MCXXII. in comitiis VVormatiensibus iure conſtituendi Episcopos, quod per tot annos magno imperii diſpendio non ſolum parens ipſius, ſed & ipſe propugnarat. Ego Henricus, inquit Imperator, dimitto omnem inueſtituram per annulum & baculum, & concedo in Eccleſiis, quæ in regno vel imperio meo ſunt, canonicam fieri electionem & liberam conſecrationem. Ut autem conſtet, quid reliquum Imperatori fuerit, appono verba Calixti Pontificis: *Concedo, inquit, Electiones Episcoporum & Abbatum Teutonicæ regni, qui ad regnum pertinent, in præſentiâ tuâ, Imperatoris, fieri abſque Simoniâ & aliquâ violentiâ, ut ſi qua inter partes diſcordia, emerſerit, Metropolitanæ & provincialium conſilio vel iudicio, ſaniori parti aſſenſum & auxilium præbeas. Electus autem regalia per ſceptrum à te recipiat.* Addit Otho Friſingenſis, id quoque cautum eſſe, ne electi tam Ciſalpini quàm Tranſalpini prius ordinentur Episcopi, quàm regalia de manu per ſceptrum ſuſcipiant. Hic tot diſſidiorum infelix exitus. Neque enim adcedere poſſum Marco Antonio de Dominis, qui in eâ eſt ſententiâ, quod parum Calixtus II. his pactis cum Henrico V. iniis obtinuerit. Aliud docent res illius tēporis geſtæ. Non auſi ſunt ex eo tēpore Imperatores, quos velent Episcopos conſtituere. Electio omnis erat penes ſolum clerum & populum: Nullo præterea opus Imperatoris conſenſu. Receſſit ex aulâ omnis illa beneficia Eccleſiaſtica exſpectantium turba. Vti Imperatores magnam ſuæ poteſtatis fecerunt iacturâ, tot comitatibus & ducatibus imperii, vel purè hæreditariis factis, vel in feudum hæreditarium datis, ita non minor hæc iactura fuit, iure conſtituendorum Episcoporum abdicato. Omnes utique vno ore tradunt, magnam hoc ipſo Imperatorem & auctoritatis ſuæ, & roboris Imperii feciſſe iacturam. Imò Onuphrius Panuiniuſ & Paulus Amiſtuſ dimidium poteſtatis Cæſareæ amiſſum fuiſſe docent. Lothariuſ igitur Saxo Imperator Henrici V. proximuſ in imperio ſucceſſor, cum tantam iacturam æquo animo ferre non poſſet, etſi religioſuſ eſſet

Princeps, & Romanæ sedis, si quisquam alius, obseruantissimus [quo nomine eum plurimum commendat Baronius,] Episcoporum tamen inuestituras sibi restitui ab Innocentio Papa Leodii importunè institit, vt tradit ex Bernhardo Bonæ vallis Baronius Anno MCXXXI. Paulò aliter Otto Frisingensis lib. II. c. XIX. *Exposuit* Lotharius modestè, in quantum regnum amore Ecclesiarum attenuatum, inuestituram eorum, quanto sibi dispendio remisit. Neque satis constat, quid futurum, si optimo maximoque Imperatori diuturnior vita contigisset, cuius virtute & industriâ, vt Otto Frisingensis scribit, nisi morte præuentus fuisset, corona Imperii ad pristinam dignitatem reduci potuisset. Qualem se præstiterit in negotio Cassinensis Abbatis cum iura Imperii infringere moliretur Innocentius, tradunt ex Petri Diaconi chronico Cassinensi Baronius Anno MCXXXII. Christophorus Lehmannus in Chronico Spirensi, & Goldastus tomo III. *Constit. Imperial.* In hæc vtique, cum reluctarentur Innocentius & Cardinales, qui præsentibus cum eo erant, prorupit verba: *Si me meâ spe frustratū esse vultis, protestor hodie Schismam inter me & Pontificem futurum, & promitto ex obsequentiissimo infestissimum fore inimicum.*

Ab eo autem tempore Electio Episcoporum penes clerum & populum fuit. Ita enim inter Henricum V. & Calixtum Papam conuenient. Canonici tamen, vel Capitulares Ecclesiæ cathedralis, (qui inter clericos auctoritatis maxima, iam à tempore Ottonis II. rege Trithemio, abiectâ regulari vitâ splendide vivebant) electionem sibi potissimum vindicare coeperunt, haud dubiè conueniente Pontifice, quod is de re suâ magis esse existimaret, in hominum impotentium & sibi obnoxiorum manu omnem eligendi sitam esse potestatem. Quis fructus ad Rempublicam & Ecclesiam redierit, adeo Imperatoribus, quod tot seculis obtinuerant, iure, paucis docet Crantzius in *Metrop.* lib. 4. cap. 12. *Magdeburgensis Ecclesiæ*, inquit, ad initium regni Lotharii tumultuabatur super Episcopis. Tres enim de eius Pontificatibus contenderunt. Ad eò intumuerunt canonici iam liberam electionem nacti. Sperabat sibi quisque, & amicis, & infinitâ ambitione contenderant pro Episcopatu. Hæc Crantzius. Apertū quoque ex eo tempore Pontificibus ostium iura Ecclesiarum inuadendi. Imperatorum verò non adeò magna fuit potestas, nisi quid suâ auctoritate apud populum & clerum, poterant autem eâ tum quidem temporis adhuc haud parum, perficerent. Neque enim Imperatoris seu petitioni, seu commenda-

tioni

nioni refragari semper licebat. Gobelinus Persona in Cosmodromio Aët. vi. c. 60. nobis suppeditat huius rei exemplum. Friderico, inquit, Archiepiscopo Colonensi in Lombardiâ defuncto, Imperator promouit Reinoldum Cancellarium suum ad Episcopatum Colonensem, quoniam scripsit Ecclesiâ pro eo, & sic ad preces eius electus est. Operam tamen maturè dederunt Pontifices, ne Imperatorum in hac re autoritas nimium iterum inualesceret. Quod igitur Otto Halberstadenfis Episcopus pro Ecclesiâ Lothario esset blanditus, [sunt hæc verba Crantzii,] à summo Pontifice Honorio deponitur, sed in concilio Leodiensi, interueniente Lothario, ab Innocentio restituitur. Addit Crantzius. Feruebat tum noua constitutio super Ecclesiis de manu Laicâ non recipiendis, factâ compositione in Calixtum & Henricum Imperatorem, & quoniam res noua fuit, sanctienda erat inflictione pœnæ, ut horrerent contemtores, & in viam redirent.

Reliquum autem adhuc erat Imperatoribus, ex conuentione cum Calixto iunctâ, ut dissentione ortâ, is Episcopus esset, cui Imperator accessisset. Otto Frisingensis disertè: Tradit curia, & ab Ecclesiâ eo tempore, quo sub Henrico V. de inuestiturâ Episcoporum decisa fuit inter regnum & sacerdotium controuersia, sibi concessum autumat, obuenitibus Episcopis, si forte in eligendis partes sinit, Principis arbitrii esse Episcopum, quem voluerit, ex primatum suum consilio ponere, nec electum aliquem ante consecrandum, quam ab ipsius manu regalia per sceptrum suscipiat. Lotharius utique, scissâ propter electionem Episcopi Magdeburgensis Ecclesiâ, Episcopum ei dedit Norbertum, ut Crantzius in Metrop. lib. IV. capit. 12. & Trichemius in chronico Hirsingensi Anno MCXXVII. tradunt. Eidem viâ institit Conradus III. cum Traiectensis Ecclesiâ in partes distracta esset, ut Otto Frisingensis testis est. Luculentum verò admodum huius suæ autoritatis exemplum initio statim imperii præbuit Fridericus I. Cum enim in Ecclesiâ Magdeburgensi, verba sunt Ottonis Frisingensis, alii eiusdem Ecclesiâ præpositum Gerardum, alii Decanum eligerent, diuisis hinc inde personis, Regem adhuc in Saxoniâ morantem adire disponunt: quos dum multis modis ad unitatem & vinculum pacis princeps reducere satageret, ac proficere non valeret, alteri parti i. e. decano cum suis persuasit, ut Guicmannum Ziegenhem Episcopum, primum adhuc iuuenem, sed nobilem, eligerent, eique accersito regalia eiusdem Ecclesiæ concessit. Eugenius Papa hanc electionem ægè admodum tulit, non tam, quod translationes Episcoporum di-

uina legis oraculo veritas esse diceret, vt constet ex eius literis, quas suae historiae idem Frisingensis inseruit. Nilominus tamen obtinuit Fridericus quod volebat. Missis enim ad Anastasium cum Guicmanno nunciis, non solum facti sui ratihabitionem, sed etiam patulum obtinere eum fecit, non sine quorundam scandalo, qui, ne unquam id fieret, immobiliter fixum Romanos tenere, a proprio ipsorum ore audierant. Eadem autoritate dein saepius diffidia Ecclesiarum, scissis in contraria studiis, sopiuit. Exempla suppeditant Otto Frisingensis lib. II. cap. 31. & 32. Albertus Stadenlis Anno MCXII. Trichemius in Chronico Hirsugiensis, Anno MCLVII. & MCLXII. & Baronius anno MCXXCV. ex Arnolfo Lubecensi: Cum enim duo in Ecclesia Treuerensi essent electi, Volmarus & Rudolphus, Imperator audiens quod factum fuerat, [sunt haec verba Arnolphi,] propter dissensionem electionis inuestituram dedit Rudolpho. Volmarus prouocat ad Pontificem, nec is ei defuit, sed irrito conatu, quum Imp. quicquid demum moliretur Pontifex, in sententia persisteret. Quin cum dissidentibus in electione Romani Pontificis Cardinalibus a quibusdam Octavianus, Victor dictus, ab aliis Rolandus, qui & Alexander III. electi essent, sui quoque officii esse ratus Imperator consulere Ecclesiae, illum Romanum Pontificem in synodo Ticinensi, huius electionem nullam pronunciauit, vt pluribus singula memorat Radeuicus libro secundo.

In iis alijs, quae Electionem Episcoporum Germaniae attinent, non videtur Imperatori cum Romanis Pontificibus fuisse controuersia. Nam quod Hadrianus IV. apud Naucierum & Baronium ita per litteras Fridericum primum affatur: Quid dicam de fidelitate B. Petro & nobis a te promissa & iurata, quomodo eam obserues, cum ab iis qui dii sunt, & filii exelsi omnes, Episcopis videlicet homagium requiris, fidelitatem exigis, & manus eorum sacras, manibus tuis innectis, haec de solis Italiae Episcopis accipienda. Liquet id ex postulatis Imperatori a Pontifice propositis, quorum tertium est: Episcopos Italiae solum sacramentum fidelitatis sine hominio facere debere Domino Imperatori. De solis igitur Episcopis Italiae, cuius dominium affectabant Pontifices, locutus Hadrianus. Urbanus quidem iam olim in Claromontano concilio sanxerat: Ne Episcopus vel sacerdos Regi vel alicui laico in maculus ligiam fidelitatem faceret: sed insolens decretum nemo hactenus admisserat. Adrianus autem ne finis ullus litium esset, iterum his

his iniquis postularis ferocem principem, & cui iam aliquoties antibilem mouerat, aggreditur. Id autem postulare audet, quod & naturali obligationi, & perpetuæ omnium seculorum consuetudini penitus erat aduersum. Neque enim solum in Germaniâ & Galliâ perpetuâ consuetudine receptum, ut Episcopi suis regibus sacramentum dicerent, sed in ipsâ etiam Italiâ. Baronius ipse iuramentum, quo Episcopi & Comites Italiæ Carolo Caluo Imperatori se obstrinxerunt inseruit Tomo XI. Anno DCCCCXXVI. Prudenter igitur respondit Fridericus Imperator: *Episcoporum Italia ego quidem non affecto hominum, si tamen & eos de nostris regalibus nihil delectar habere. Qui si gratanter audierint à Romano Prasule: Quid tibi & Regi; Consequenter quoque eos ab Imperatore non pigeat audire: Quid tibi & possessioni?*

Quomodo verò in vniuersum se hâc ætate habuerit Germaniæ Episcoporum constitutio, non aliunde quis melius cognosceret, quam ex ipsius Imperatoris verbis, & quidem sopito iam, quod ipsi fuerat cum Alexandro III. certamine. Urbanus enim III. cui iterum cum Imperatore propter decimas, aduocatiam Ecclesiarum, & alia quædam, graues intercesserunt inimiciæ, cum iniquum esse diceret, defuncto Episcopo quopiam, bona eius mobilia & prouentus illius anni ab Imperatoribus auferri, consuluit hac de re Fridericus Philippum Colonensem Episcopum, & ita locutus, ut tradit Arnoldus Lebecensis in Chronicis Sclauorum lib. III. cap. 17. *In veritate compertum habemus, inquit Imperator, quod prædecessores nostri antiqui Imperatores hoc iuris habuerunt, ut defunctis, inuestituram pontificalem sine alicuius præiudicio probatis personis liberrime locauerint. Sed quia hoc ipsorum voluntate mutatum inuenimus, ratum habemus. Hanc verò minimam scintillam ignis nostri, quam inuenimus, nequaquam mutari permittimus. Sufficiat vobis iustitia vestra, quam inuenistis, quod permittitur vobis electio Episcoporum, quam vos canonice fieri dicitis. Scitis tamen, quia, dum pro voluntate Imperatoris ista dispensarentur, plures iusti sunt inuenti sacerdotes, quam hoc tempore, dum per electionem inthronizantur. Ipsi enim secundum vitam meritum sacerdotes inuestiebant, nunc autem per electionem, non secundum Deum, sed secundum fauorem eliguntur. Hæc Fridericus strenuus iurium Imperii defensor. Verè autem Otto Frisingensis ait, Principis auctoritatem non solum in secularibus, sed & in Ecclesiasticis negotiis plurimum in ex-*

uisse, ubi, quæ ipsi fuerat cum Eugenio Papa de Guicmanno Migdeburgensi electo Archiepiscopo controuersia, ex voto cecidisset. Dabant enim operam clerus & populus, ut eum eligerent, quem Principi gratum esse scirent. Hinc fortè est, quod Crantzius ait, Imperatorem Godscalco de Mimigardeuordeni Ecclesiâ prouidisse. Et c. 12. Valuit tunc maximè controuersia inter sacerdotium & regnum, quod Episcopatibus prouideret Fridericus, ius patrum reuocaret. Pontifex proximis pactis, & diuino iuri pariter & humano inhaerebat, esse indignum, principem laicum disponere de rebus Ecclesiasticis. Sed hæc, si ex allatis paulò antè Friderici verbis iudicium ferendum est; non videntur omnino certa, nisi quid in schismate fortassis secus factum sit, quo feruente, confirmauerit quoque Imperator, si Goldasto fides; consuetudines Regias Angliæ regni, in conuentu Clarendoniensi descriptas, quas recitant Goldastus Tomo vii. *Const. Imper. & Baronius Anno MCLXIV.* Harum consuetudinum xii. est: Cum vacauerit Archiepiscopatus, vel Episcopatus, vel Abbatia, vel Prioratus de d. minio Regis, debet esse in manu eius, & inde percipiat omnes redditus & exitus sicut dominicos. Et cum ventum fuerit ad consulendum Ecclesiæ, debet Dominus Rex mandare potiores personas Ecclesiæ, & in capellâ debet fieri electio assensu Regis & consilio personarum regni, quas ad hoc faciendum vocauerit. Et ibidem faciet electus homagium, & fidelitatem Regi, sicut ligio domino suo de virâ & membris, & honore suo terreno, saluo ordine suo, priusquam sit consecratus. Sed hæc fortassis minùs certa. Id admiratione dignum, Henricum Leonem Saxonum ducem, quo vix quisquam Ducum fuit potètiôr, ius inuestituræ in sui territorii Episcopatibus usurpare ausum, quod non licebat Imperatori in Imperio. Id verò apertè ex Alberto Stadeni, Helmoldo Butzouienfi, & Alberto Crantzio, liquet. Vocatis, inquit Albertus Stadeni Anno MCLXII Episcopis, Geroldo Aldenburghense, Euermodo Racisburghense, Bernone Magnopolitano (has enim Ecclesias Henricus Leo vel fundarat, vel certè dotarat,) locutus est eis ut ab ipso reciperent suas dignitates, & fecerunt, teste Alberto Stadeni. Henricus Leo facillè tum impetravit ab Episcopis, ait Crantzius, quos constituit, ut ab eo paterentur inuestiri, quippe, qui nihil omnino, nisi de illius manibus habebant. VVicelinus quoque Aldenburghensis Episcopus, diu reluctatus, tandem, fecit inuitus, quod sciebat non licere, ait idem Crantzius. Quo VVicelino mortuo, cum Geroldum substituisset Henricus Leo, nec eum Bre-

menfis

menſis Archiepiſcopus conſecrare vellet, quia *quasi per ducem & duciſſam electus erat*, inquit Abbas Stadenſis; Romam cum ſecum duxit, & perfecit, vt ab Adriano iv. etſi is quoque id præmonitus à Bre- menſi reuerat, conſecraretur. Quin tanta fuit teſte Helmoldo, in electione illorum Episcoporum Henrici Leonis autoritas, vt, Gerolde mortuo; Eccleſia aliquandiu vacauerit, quod ducis, qui in Italia militabat, expectaretur ſententia. Ita pater, quomodo hoc tempore electio Episcoporum ſe habuerit, & iura Regia, quæ reliqua erant, generoſi illi cum Imperatorum Dux propugnauerint.

Deinceps in peius omnia ruerè cœperunt: acciſa eſt Imperatorum autoritas: ademptum populo ius ſuffragii, libertas Eccleſiarum à Pontificibus oppreſſa. Sic iura omnia pro arbitrio Papæ ſeruiunt. Quot decretis priores Pontifices ſanxerunt, vt Episcopus à Clero & populo eligatur! Gregorius tamen ix., quod ipſi id non ampliùs videretur conſultum, reſcidiſſet decreta, & corruptelam vocare audebat. Vt Eccleſiarum libertatem aſſerent, ab Imperatoribus, vt aiebant, oppreſſam, totus Occidens commouendus erat, multæque hominum maſſandæ myriades. Nunc ipſi in iura Eccleſiarum inuolant, libertatem omnem Eccleſiis eripiunt, aded, vt vix quiſquam ſit, qui nō in illam curiæ Romanæ uſurpationem inuehat. Occaſionem præbuerunt, ſerâlia Germaniæ Principum diſſidia, diſtractis in Imperatorum electionem ſtudiis plerumque enata. Diſſertè id tradit Viſpergenſis Abbas, ubi de contentione Philippi & Ottonis iv. agit. Sub ipſo Friderico etiam cum quo tamen Imperatoria maiestas tantum non concidit, Eccleſiarum iura inuadere veriti non ſunt Pontifices. Neque enim ſolam, ſi qua diſſenſio orta eſſet, in curiâ Romanâ cauſam agi voluerunt, ſed etiam inconſultis iis, penes quos eligendi erat poteſtas, obtrudere Eccleſiis Episcopos auſi ſunt. Conſecratio quidem & Confirmatio penes metropolitânos adhuc erat, ſed & eam ereptum dein iuere. Crantziiuſ Proviſionum & reſeruatiõnum Papalium acerrimus hoſtis, earum initium in hæc ſerè tempora refert. Raceburgenſis Eccleſia, inquit, vacabat & ſe ingerebat non electus à ſtatibus, Lamberrus quidam Hamburgenſis & Bremenſis canonicus, qui Eccleſiam alienigenâ à ſummo Pontifice ad ſe nihil pertinentem impetrauit. Vide in quantum licentia cum proceſſit, poſt Imperatorum deſtitutionem Romana Eccleſia, vt ſe inciperet intramittere de Eccleſiis vacantibus. Solebant Imperatores de Romanâ &

liquando disponere Ecclesiâ, peruentum est eò, ut de solis Germania Ecclesiis & Abbatibus disponent, idque extortum est manibus eorum tempore Henrici V. Imperatoris. Tum Ecclesiis prouenit libera electio. In eam quoque Papa manus iniicit per hæc tempora, & creuit illa facultas in immensum, ut satis sit per Germaniam res tolerabilis, sed in Francia & Angliâ immoderata. Fridericus. verò ipse Imperator non satis sibi videtur ab his Pontificum molitionibus cauissè, latâ initio Imperii, ad imitationem tamen Ottonis IV. illâ Aureâ bullâ de libertate Ecclesiasticâ, quâ non solum iure suo, quodd antiquâ consuetudine in bona decedentium prælatorum, & vacantium Ecclesiarum, (quod tamen vel solo Annatarum nomine facillè defendas) Imperatores habebant, cessit, sed etiam appellationes ad sedem Apostolicam liberè fieri, & electiones prælatorum canonicè institui permisit, quatenus is viduata præferatur Ecclesiâ, quem totum capitulum vel maior & sanior ipsius pars duxerit eligendum. Canonica electio dicitur, quæ fit à Capitulo, cum priorum Pontificum ætate non alia esset canonica electio, quàm quæ fieret à clero & plebe, cuius decretum inde canonicum dictum. Alia itaque hac ætate canonica electio cœpit, quàm quæ fuit olim, quod pater, si quis eam quæ hac ætate in vñ fuit, cum illâ, quæ paucis quidem, sed accuratè, describitur in concilio Sueffionensi apud S. Medardum habito, cum de Hincmari Rhemensis Archiepiscopi canonicâ electione & ordinatione lis esset, conferat.

Quod autem Speculi Saxonici autor satis adhuc magnificè de potestate Imperatorum in constituendis Episcopis loquitur, id omnino ad hanc ætatem non esse referendum videtur. Vixit enim circa confinia sæculi XII. & XIII. ipso fortassis Friderico imperante. Verba eius sunt lib. II. Art. 59. Cum electus fuerit Episcopus, Abbas, Abbatissa, qui studio fruuntur bellico, tales primò tenentur à Rege feudum recipere, & postea ab Ecclesiâ curam spiritualem. Vbi Episcopus, Abbas, aut Abbatissa in sex septimanarum tempore non eligitur, electioque Regi pertinet vel Imperatori, electio ut sic devolvitur ad Imperatorem, & ille conferre poterit idoneo pro sua voluntate. Et Art. LX. Imperator confert cum sceptro spiritualibus, & cum vexillis secularibus, feuda omnia illustris dignitatis. Prius quod ait, an quisquam Imperatorum post Henricum V. obtrinerit, valde dubito, nisi id fortè Fridericus IV. indicauit, quod ipsum tamen non videtur verisimile. Crediderim potius, si conie-

ctari

Etari licet, in Saxonum gratiam ab Henrico iv. huiusmodi constitutionem latam, quum illi haud æquo animo ferrent, tam liberè ab Imperatore Episcopos constitui. Quicquid verò sit, à Friderici ii. obitu, etsi iam antè haud parua erat Pontificum in Episcoporum electionibus autoritas, vt patuit, dein tamen magna fuisse incrementa certum est. Hic fractus fuit contentionum, & tricennalis interregni. Electus demum Rudolphus Pontificum conatibus non videtur satis obstitisse. Inualere tum magis magisque infaustæ illæ prouisiones, ereptæ Ecclesiis libertate, & neglecta canonica propriè ita dicta electione, cum Episcopum capitulares Ecclesiæ cathedralis (cæterorum enim clericorum & populi iam non magna ratio haberi cæperat,) eligerent. Episcoporum quoque confirmatio Romæ interdum peti cæpit, quæ, uti & consecratio, cum ad Metropolitanos semper pertinuisset, ita hæc quoque ætate iis reliqua vt plurimum erat, à quâ demum consuetudine tam procul paulatim tandem est recessum, vt hodie etiam Episcoporum confirmatio Romæ petenda sit.

Omnibus autem fermè odio fuit illa Pontificum vsurpatio, quod & Reip. & Ecclesiæ eam noscent apprimè esse noxiam. Si Anglicanos Scriptores consulamus, plena eorum monumenta grauissimis querelis. Idem de Gallis dixeris. Nec seciùs Germani magno suo malo, quis sit prouisionum & reseruationum Papalium fructus, experti, oppressam Ecclesiæ libertatem deplorarunt. Quæ fuerit Philippo Pulchro Francorum Regi cum Bonifacio viii. quodd rex sibi collationem Ecclesiarum & præbendarum assereret, controuersia, notum est. Qui ei successit Clemens v. Bremensi Ecclesiæ, de Episcopo, ita enim loquebantur, prouidit, misso Bremam Iohanne quodam, Lundeni quondam in Daniâ Archiepiscopo, qui Parisiis tum fortè habitabat. Quàm iniquum verò obtrudere Ecclesiæ hominem ignotum, exterum, cuique nulla quidem illius Ecclesiæ notitia! Neque tamen aliter Iohannes xxii. egit. Ita enim Henricus Rebdorff. in Annalibus: Iohannes xxii. prius vocatus Iacobus de Cathurio de Vvasconia, multas gratias de Ecclesiasticis beneficiis fecit, & ita pingues clausulas formis gratiarum suarum apposuit generaliter, quales antea ab aliquo Papa non emanauerunt, & dispositioni suæ tot prælaturas reseruaui, quod antè ipsum ita communiter consuetum non erat. Idem in anno mcccxxxiii. In Alemanniâ, inquit, magnum schisma est in clero & populo ex prouisionibus sedis Apostolicæ ad Episcopatus, solennes prælaturas

Et alia beneficia, quae idem Ludouicus in odium sedis Apostolica fortiter impediuit, multos etiam prouisos a sede deiecit. Eadem ferme de Iohanne xxii. idem refert Gobelinus Persona Cosmodromii Aet. vi. cap. 71. & de Benedicto xii. idem ait: Hic Benedictus inter ceteras declarationes, quas fecit, declarauit, quod gratia specialis beneficio vacatur extendit se ad beneficia ubique firma, ad collationem illius spectantia, sub cuius collatione cadit gratia concessa. Quin adde hæc corruptela inualuerat, ut Bremensi Archiepiscopo defuncto, nemo esset in Ecclesia Bremensi, qui ad Pontificatum aspiraret, scientibus cunctis, quod frustra niterentur, cum Apostolica prouisione sedes implenda putaretur. Iam enim inoleuerat, ait idem Crantzius lib. ix. cap. 23. ut Apostolica prouisione darentur Episcopi, posthabito capitulum legitima electione. Cum igitur tam frequentes essent illæ gratiæ expectatiuæ, sæpius accidit, ut alium eligerent Episcopum capitulares Ecclesiæ cathedralis, alium Romæ vel Auenione mitteret Pontifex, multis munitum bullis, quibus refragari piaculum habebatur. Complura sunt in promptu, quæ id docent exempla, nec hic adscribere omnia vacat.

Nihilominus tamen accidit interdum, ut uterque Episcopus, tum, quem capitulum elegerat, tum etiam, quem constituerat Pontifex, nollet se iure suo abdicare. Hæc igitur res ingentes dedit turbas, diuisis studiis, adde ut in bellum quandoque illæ contentiones eruperint, cum maximo Ecclesiarum detrimento. Taceo, quod Ecclesias hominibus sæpe exteris, ignotis, nec illo quidem officio dignis, gubernandas commiserunt Pontifices. Quia sibi vult, ait alicubi Gerson, quod modo potius omnes Episcopi, Praelati & parochiales sacerdotes per Papam constituantur, quam eligantur persona nra & aptiores de Patria, & nunc præficiantur Ecclesiis homines exteranei, in moribus, & linguis, & consuetudinibus. Adde, sæpe homines flagitiosi, vitæque dissolutioris. Hominem carnalem iuuenemque vocat Trithemius in Chronico Hirsaugiensi, quem Urbanus V. neglectâ a Capitulo Colonienfi iam factâ legitimâ electione, eo inuito constituit Episcopum. Episcopi ipsi quibus providebatur, quo animo ad regendâ Ecclesiam accesserint, vel illud argumento esse potest, quod sedulo antè soliti fuerint rem suam agere in curiâ Romanâ, irritò laboraturi conatu, nî muneribus Pontificis Cardinaliumque antè essent aucupati gratiam. Dignum memoratu est; quod ait Crantzius, Nicolaum quandam Prouisione Apostolicâ Lubecensem Episcopum creatum, ubi comperisset Lubecam ad temporale do-

minium

minium illius Ecclesie non pertinere, grauius sibi ipse indignatum, quod non ante perquisiisset rerum qualitatem, ut non tanti laboris & sumptuum impendia fecisset. Eadem cum Pontificum tum ipsorum Episcoporum ambitione & auaritia factum, ut pluralitas beneficiorum, quam vocant, sub Commendarum nomine, vel quocunque alio, hac etate plurimum inualuerit, & translationes Episcoporum ex tenuioribus in opulentiores Ecclesias sapissime factae, indultu Pontificum, à quibus nihil non redimi poterat. Verè igitur Cranzius exclamat: Laxa Petre retia, angusta interim sunt, laxa, ut fiant capaciora. Ecce magna pars Italia tibi tributaria est. Per uniuersam Germaniam & Hispanias de Ecclesiis & maioribus beneficiis disponis: In Francia idem facturum, nisi nova adinuento pragmatica sanctionis obstitisset. Et post: Amplificauerunt per tempora summi Pontifices, magnificè ditionem Ecclesie, non per euenturam Constantini donationem, qua nunquam facta est, sed per munificentiam aliorum Principum, siue de Gorhis siue de Longobardis, siue per magnum Carolum. Amplificauerunt in ecclesiasticis rebus: per reservationes, confirmationes, & prouisiones fimbrias suas. Laxauerunt retia & omnia in suam traxere potestatem: Mirabitur, quisquis annales antiquorum temporum legerit, temporum mutationes, tum in ceteris, tum maxime in Ecclesiastica potestate. Sed hanc Camarinam mouere, & quae mala hinc in Remp. & Ecclesiam redundarint perscribere, operæ pretium fortè non fuerit. Id addo: haud aufuros fuisse Pontifices tam immensam sibi sumere potestatem, nisi bullas suas omnes, & iura quae condiderant in tanto honore haberi vidissent, ut nihil non sanctè recipiendam putaretur, quod Romæ aut Auenione profectum constaret. Quæ opinio, ubi peruasit hominum mentes, nihil tam fuit arduum, quod à Romanis Pontificibus obtineri non posset. Succenturiantibus Canonistis, strenuis Pontificiae maiestatis assertoribus, quos non puduit dicere, de antiquo iure, & dispositione ecclesie, potestatem conferendi Episcopatus ad Papam pertinere. Quæ etiam falsissima sunt & inepta, illo tamen tempore ad dementandas hominum mentes non parum valuerunt.

Resistere tamen Pontificibus Ludovicus Bavarus, & Carolus IV. Sed hic quidem parum videtur obtinuisse. Quin haud malè, confirmasse potius hanc iniustam Pontificum usurpationem dici possit, cum non nunquam eorum opem implorarit, si cuiquam suorum Episcopatum conferri veller, quod, inuito quandoque capitulo, solâ prouisionis Apostolicæ autoritate factum. Exempla sunt apud Cran-

trium & Trithemium in *Chronico Sphanheimensi* Anno mcccclxx & mcccclxxxiii. Magis seriò hæc causa acta à deputatis prouinciarum nationis Germanicæ in concilio Constantiensi, scripto quopiam composito, quo prouisiones, gratias expectatiuas, reservationes per regulas potissimum Cancellariae introductas, abrogari volebant. Auisamenta Constantiensia vulgò vocant, inserta catalogo *testium veritatis* Flaccii Illyrici, & *tomò primo Constitutionum imperialium Goldasti*. Sed cum ne sic quidem obtineri quicquam posset, Principes Germaniæ Moguntia coacti quatuor annis antè, quàm concilium Basileense coiret, de his ipsis grauaminibus abolendis deliberant. Auisamenta Moguntina vocant, in quibus Principes constituunt orandum Pontificem, vt in *singulare priuilegium releuamen grauaminum* concedat. Priuilegium petunt, quod Pontifices sibi præter omne ius fasque usurpauerant. Deinde grauamina ordine exponunt. Primum est: *Imprimis casset, [Pontifex] annulet & irritet omnes & singulas reservationes tam generales quàm speciales, siue particulares Ecclesiarum Metropolitanaarum, Cathedralium, Collegatarum, dignitarum & beneficiorum Ecclesiasticorum quorumcunque, quibus pro electione prouideri consuevit, siue per Extrauagantes ad Regimen & Execrabil. aut per regulas Cancellariae, seu quasunque alias constitutiones aut ordinationes introducta sint, reservationibus in corpore iuris clausis duntaxat exceptis.* Et verò ex voto Principum Germaniæ in consilio Basileensi res cecidit. Reservationes enim publico concilii decreto abrogatæ, & Eugenius iv. quòd electionibus obfisteret, reservationibus contrariis vtendo [sunt hæc verba Concilii] grauiter increpitus, & demum etiam, cum iudicium concilii nullatenus admitteret, in eodem damnatus. Sed Germania, seu id factum *Anea syluii* artibus, siue culpâ Friderici iii. Imperatoris, quod nonnulli aiunt, interque alios grauiter conqueritur Carolus Molinæus, tam optatâ occasione excutiendi iugum Pontificum, frementibus & indignantibus plerisque, vsa non est. Gallicana autem Ecclesia melius sibi consulens, editâ in Biturigibus, autoritate regis Caroli & omnium regni ordinum, Pragmaticâ sanctione, decreta Basileensis concilii magno bono recepit, probauit, & mordicus, vsque ad Leonis x. ætatem, nullis Pontificum artibus se deludi passâ, defendit. Quâ de re pluribus agunt Franciscus Duarenus de *sacris Ecclesiæ ministeriis* Lib. v. cap. ii. & Marcus Antonius de Dominis Lib. III. cap.

III. cap. 12. & lib. IX. cap. 8. & 9.

Germaniæ non eadem erat fortuna. Parati quidem Episcopi, exemplo vicina Galliarum excitati, se quoque in libertatem asserere, sed nescio quo fato factum, ut optimi conatus prospero caruerint successu. Indignabantur plerique Germaniam argento exhauriri, libertatem Ecclesiarum opprimi. Conuenit igitur demum Fridericus III. anno seculi xv. xlvii. cum Legato quoque Pontificis in certa quadam pacta, *Concordata Nationis Germanicæ* vulgò vocant, approbata deinde à Nicolao v. Pontifice, in quibus non quidem omnes Prouisiones & reservationes abolerentur, sed (vt ait Henricus Canisius notis in hæc concordata) certus modus adhibetur super prouisionibus & reservationibus Ecclesiarum, & beneficiorum ecclesiasticorum quoad Germaniam. Nondum tamen iusto Statuum desiderio hoc ipso, erat satisfactum. Persuadere Nicolao defuncto, Imperatori annexi sunt, ait Platina, ne Pontificibus amplius obtemperaret, nisi quadam ad pragmaticam tendentia ab ipsis prius impetrassent, quod dicerent Germanis longè peiorem conditionem, quàm vel Gallis vel Italis, quorum serui, Italarum inprimis, res immutarentur, merito esse dicebantur. Res iam in eo erat, ut morem gereret Fridericus, cum Æneas Syluius obstitit. Non procul absuit, pergit Platina, quin Imperator tumultuantibus obsequeretur. Quominus autem id fieret, grauisima Æneæ auctoritas intercessit. Et verò non sunt ira comparata illa pacta, quæ Imp. plus iusto fortassis, quàm è re Ecclesiæ & Reip. esset, sui commodi amantior cum Nicolao Viniit, ut obuiam omnibus corruptelis eatur. Magnum discrimen, si ea cum Pragmaticâ sanctione contendas. Reseruantur sedi Romanæ omnes cathedrales aliæque Ecclesiæ, si in curiâ vacent: si extra curiam vacent, canonica permittitur electio. Confirmatio omnis Romæ petenda est. Licet Pontifici, si canonicos ducat inhabiles, vel ex aliâ aliquâ rationabili causa de digniori & utiliori personâ prouidere: Menses cum ordinariis collatoribus ex quo partitur. Sed quid opus est plura inde excerpere, cum in complurium manibus versentur? Hæc ipsa tamen Concordata, non integra fide post seruata, tum multa exempla docent, tum vel illa grauamina, quæ anno m. d. x. Maximiliano Imperatori exhibita recitat Goldastus *tom. II. Constit. Imper.* Nec silent hac de re Grauamina centum Norimbergæ exposita, quæ à Lutheranis in odium Papæ conficta esse contra publicorum Actorum fidem asserit Bellarminus. Hinc utique factum arbitror

vt Clemens VII. Anno M.D.XXXIV. peculiari constitutione illa concordata, cum ea non satis æquo animo Germaniæ ferrent, iterum confirmarit, cui dein anno eiusdem seculi LXXVI. altera Gregorii XIII. declaratio de mensibus reservatis accessit. Vtraque extat VII. *Decretalium lib. II. Tit. XI.* vbi plura sunt, quæ huc pertinent. Vtramque a. suis institutionibus iuris canonici, cum concordatis nationis Germanicæ notis illustratis, subiunxit Henricus Canisius.

Hodie igitur omnes omnino Episcopi in Germaniâ constituntur vel Electione, vel Postulatione, vel Collatione, quæ sit à solo Pontifice, Electio quid sit, qui ritus in ea observentur, quot modis fiat, per scrutinium videlicet, vel per compromissum, vel inspirationem diuinam, ex corpore iuris canonici facile peti potest, ex quo breuiter excerptere Lancellotus & Henricus Canisius in *suis institutionibus*. Duarenus *de sacris Ecclesiæ ministeriis lib. V. cap. I. & ex notis* Ioachimus & Matthias Stephani in *suis de iurisdictione scriptis*, hic *lib. 3. part. I. cap. 9.* ille verò *lib. 6. cap. 12.* quos consulat, qui illa scire volet, mihi illis immorari integrum non est. Postulatio, quæ priori Ecclesiæ incognita, sequiori dein ævo in fraudem legis inuenta est, quid sit, iidem, quos antè nominaui, docent. Cum verò Postulatio nihil sit aliud, quàm eius qui eligi non potuit apud superiorem concors capituli petitio, superior autem solus habeatur Pontifex Romanus, nec Imperator sibi ullum tale quodpiam impedimentum remouendi potestatem tribuat, patet ab eo dispensationem ordinariè quidem petendam esse. Liqueat igitur hinc, quare hætenus Pontificii Protestantibus Episcopos, nec in Episcoporum ordinem, nec ad sessionem & suffragia in Comitibus ferenda admittere voluerint. Quia enim ex pacto cum Nicolao inito, quod vim quasi legis detinet, Episcopis Germaniæ Confirmatio Romæ petenda, & dispensatio quoque, si quis postuletur Episcopus, ab eodem Pontifice Romano impetranda est, cum Episcopi protestantes, siue electi siue postulari, vtrumque negligant, arbitrantur illi deesse iis aliquid, quo sine in Episcoporum Germaniæ numero haberi minimè possint. Nec fortassis vllum, nisi vnus Henrici Iulii Halberstadensis Episcopi, siue Confirmationis, siue Postulationis in curiâ Romanâ probata, exemplum habetur, quid verò rectè, quid secus fiat, item, an Passauiensi recessu à capessendis Episcopatibus exclusi sint Protestantes, nunc differendi non est locus. In Protestantium terris longè aliter se res

se res habet: Episcopatus nonnulli in prouincias redacti, vix nomen reliquum habent. Iura Episcopalia (ita enim Passaui primū, dein Augusta conuenit, Principū hodie sunt, quorum nomine ea exercēt Consistoria. Episcoporum nomen in desuetudinē abiit, successit Superintendentiū appellatio, quos Prepositos alio nomine appellant. Superintendētes dein alii Generales, alii Speciales. Hos Episcopos, illos Archiepiscopos vocare fortassis possis, quibus nonnunquam alius aliquis pręst, qui Generalissimus dicitur, quem Primate[m] fortē dixeris. Eorum verō instituendorum non vna eademque vbiuis est ratio, vt satis fortē sit hęc prętermittere, quā incerta scribere.

Id quod mei erat instituti, quomodo Episcoporum Germanic constitutio cū olim se habuerit, tum nunc quoq; se habeat iam constare arbitror. Dicendū nunc nonnihil est, an hęc, quę hodie obtinet, Constituendi Episcopos ratio, vtilis sit Reip. nostrę, vel si vtilis illa non est, quānam sit maximē ex vsu Reip. Vbi initio monendum est; non reperiri legem aliquam siue naturalem, siue diuinam, de Episcoporum per Ecclesiam Constitutione, sed omne hoc negotium humanę esse prudentię commissum, modō semper attendatur illud: *in Ecclesia oportere omnia fieri ordine & decenter.* Leges itaque Ecclesiasticę, siue veteres siue nouę huius argumenti, sunt positivę, eoque nostra tempora aut Germaniā non adstringunt & obligant. Et verō ita semper fuisse creditum certissimo argumento est, illa magna Ecclesiasticarum Legum hac de re varietas & multitudo. Proinde ex vsu publico etiam hodie omnia sunt æstimanda. Videtur autem omnino ex re Ecclesię & Reipublicę nostrę esse, Pontificem ab electione & confirmatione. Episcoporum Germanię excludi: Quum enim Episcopi dimidiam ferē partem Ordinum Imperii faciant, ad Comitia & conuentus omnes publicos, vbi de summa Reipublicę decernitur, eant, quis non videt indignum esse maiestate Imperii, & magno etiam cum periculo coniunctum, Episcopos Germanię suę electionis Confirmationem à Pontifice iuramento præstito redimere: Iam olim Aristoteles cū tres Reipublicę tradidisset esse partes, vnā quę de Republica consultat, alteram quę in Magistratibus cernitur, & tertiam denique quę in Iudiciis: prudētē monuit: *his bene affectis Rempublicam quoque bene affectam esse, & ex differentia harum inter se Resp. quoque differre.* Iudicet ergo quiuis, quem partium studium non transuersum egit, an illa Resp. bene affe-

sta & omnino libera dici possit, cuius princeps pars, (ita eam vocat Aristoteles) quæ consulat, ab extero quodam & absoluto Principe, qualis ubique est Pontifex dependet, eique certo modo subdita est, ut taceam quod idem ille de Imper. ipso statuere audeat, de rebus & personis Ecclesiasticis vel in curia vel per legatos iudicat, atque ita de præcipuorum civium Imperii salute & fortunis, quod utique ad maiestatem pertinet, decernit.

Episcopus autem sine Pontificis consensu, & præstito ei iuramento, (quod ipsum tamen novum autore primum Hildebrando cæpit,) in Germaniâ nullus. Si quispiam id præstare nolit, nec Episcopus Pontificiis dicitur, nec Imperii civis. Hinc igitur iterum periculum Imperio imminet. Sanxit enim Pius IV. ne quisquam ad cathedrales aut quascunque alias Ecclesias admittatur nisi prius professionem fidei edat, & Pontifici veram obedientiam spondeat ac iuret. Is vero cum Protestantibus hæreticos dicat, diris deuoveat, & ex præscripto Pauli IV. & Pii V. [quorum bullæ exstant in VII. *Decretalium lib. V. Tit. III.*] fortunis & honoribus exuendos, pronunciet, quid barbarum in Imperio futurum sit, si pontifici morem gerat Episcopi, in aperto est. Nec minus discrimen impendet, si quando Pontifex, ut factum sæpius est, vel anathematis fulmine, vel bello impetret, & finitimos principes fœdere sibi iungat. Aut Imperatoris igitur aut Pontificis castra sequenda fuerint Episcopis: cuius autem potius secuturi sint, haud certo dixerim. Id constat plerumque in Germaniâ Episcopos à Pontifice contra Imperatorem magno nostræ Germaniæ malo sterisse. Beatior igitur indubiè fuerit Resp. nostra, si excusso Pontificum iugo, in eam libertatem alferatur quam olim habuit. Si Hispaniæ, Sueciæ, Bohemiæque reges, & Duces Armoricæ olim noluerunt suarum ditionum Episcopos Metropolitano alterius regni subditos esse, in promptu est, quid Germanis sit faciendum, cum Pontifex hodie Princeps summus sit & absolutus, & viris, armis, fœderibusque instructissimus.

Neque tamen, si Pontifice excluso, cuique Metropolitano ius consecrandi, quod antiquitus habuit, restituatur, utile fortassis fuerit, liberam Episcopatum collationem soli Imperatori deferri: Res enim hæc plena periculi foret, nec ex Reip. nostræ [ut nunc quidem illa se habet] neque ex Ecclesiæ vñ, in futurum videretur? Cui enim incognitum, quâ fide multa in aulis agantur? Ac peccatum.

peccatum eâ in re olim multum variis in locis, ut & præsertim per Germaniam, conqueruntur plurimi. Et si igitur ratione Regalium, quæ Episcopi possident, ius liberè constituendorum Episcoporum rectè Imperatori asseri possit, neque si tale quid sibi ille sumat, iniquum sit futurum, quia tamen is, cui regalia conferri debent, non tantum Princeps Imperii, sed & Ecclesiæ præsul, constituitur, à solo Imperatore Episcopos constitui Reip. & Ecclesiæ haud satis vile forsitan fuerit.

Regalia autem illa quod attinet: Veteres sanè antiquæ purioris Ecclesiæ Patres Curam omnem & administrationem bonorum temporalium ab ordine Ecclesiastico voluerunt esse remotissimam. Ipsique Apostolicis Constitutionibus annuenerunt Canon VII. Episcopus aut Præbiter aut Diaconus nequaquam seculares curas assumat, sin aliter deiciatur. Item ille xxi. Diximus quod non oporteat Episcopum aut Presbyterum publicis se administrationibus immiscere, sed vacare, & commodum se exhibere usus Ecclesiasticis: Animum igitur inducit hoc non facere, aut deponitor. Nemo enim potest duobus Dominis servire, iuxta præceptum Dominicum. Et certè Apostolica hæc vox est 2. ad Timoth. 2. Nemo qui militat implicatur huius vitæ negotiis. Eadem etiam iam olim fuit sententia Paschalis II. Pontificis: dein Henrici V. Friderici I. Otthonis IV. & Friderici II. Imper. Nec videtur aliud spectasse Sigismundus Imperator in de geistlicher Reformation quæ apud Goldastum statutis Imperialibus extat: de qua sic Trithemius in Chronico Hirsaug. Sigismundi intentio fuit, summo Pontifici, Cardinalibus, Episcopis, Abbatibus, Monachis & Clericis legem necessaria huius vitæ possidendi restrictam constituere, & unicuique, pro conditione sui status, certam pecuniarum summam in annuos sumptus assignari: quicquid autem superesset Ecclesiæ redituum Fisco importaretur communi, & in usus servaretur bellicos contra Turcas Christi adversarios pugnandi. Nos verò rem eiusmodi tot seculis receptam, bullis & variis Comitibus approbatam, atque ab Imperatoribus & Imperii Proceribus confirmatam, Censuræ nostræ submitendam non ducimus.

Certè (sic tandem ad calcem prosperare liceat,) consultum fuerit, si electiones Episcoporum ad antiquissimam primæ Ecclesiæ consuetudinem, si non omnino, saltem ex parte potiore, reducantur: aut [si quidem relinquendi sunt suis opibus] ita omnia instituan-

tur, vt & Imperatori salua maneat autoritas, & Metropolitanis iura seruentur integra, & Populo demum aliquis etiam habeatur honos, ne inuitis, [quod tantopere abhorruit omnis antiqua Ecclesia] quisquam præsit Episcopus.

Acronimatis Quinti Finis.





DE
GERMANICI IMPERII
REPVBLICA
ACROAMA SEXTVM,

in quo agitur

DE IVDICIIS
IMPERII GERMANICI.

Cum tanta sit humani cordis à teneris peruersitas, tantaque malitia, vt citra contentionem cohabitare humanum genus non possit, vt ciuis ciui, vicinus vicino, sapissimè aduersetur, ac fratrum quoque gratia rara sit, imò & parentes liberos, liberi quoque parentes saepe persequantur, ac iniurià afficiant, fieri non potest quin lites & controuersiae permultae in omni societate conuictaque ciuili oboriatur, adeoque nulla possit existere ciuitas, nullaque Respublica, quae non perpetuis flagrarer facti-
onibus ac motibus, in qua non grassaretur homicidia, spolia, multa denique violentiae & truculentiae ederentur exempla, nisi eiusmodi litigijs pacatè dirimendis commodis occurratur remedijs. Eiusmodi autem in omni paulò rectius constituta Republica non tantum supremæ Maiestatis terror, Magistratusque ciuilis potestas est, sed & Iudiciorum publicorum vigor. Talium scilicet institutio virorum, qui, & publica litigia arcere, & priuatis ciuium controuersijs diiudicandis vacare, queant. Siquidem parum videatur esse, vel ipsos recti tramites cordi mentique hominum impressos, parum quoque ius legitimum, legumque ciuilium factiones in Ciuitate esse, nisi

Bb 3

sint, qui iura regant & iuri dicundo præsint. *L. 2. §. 13. ff. Orig. Iur.*

In omnibus itaque omnium gentium Rebuspublicis Iudicia fuisse constituta ex variis antiquitatis monumentis liquet: In quorum omnium antiquissimis & optimis est illud in populo Iudaico à Mo-
se, ex consilio Iethronis loceri eius, institutum: *Exod. 18. & sequ.*
Quantà verò seueritate Iudiciorum rectitudinem Cambyles Persa-
rum Monarcha imperauerit, vel illud testatur de iudice malè iudi-
cante, cuius pelle cæteris in terrorem, tribunal iudicarium obdu-
cere iussit. Quomodo quoque Iudicia in Ciuitatibus Græciæ consti-
tuta fuerint, recenset præter alios sumus ille philosophiæ princeps
Aristoteles *lib. 2. pol. cap. 10.* Romani in Iudiciis cõstituendis quàm
seduli fuerint, vel ex vno discere est Icto Pomponio in *l. 2. ff. de Orig.
Iur.* Eodem verò modo non vllam facillè reperiēs alicuius Gentis a-
curatiùs consignatam historiam, vbi iurisdicendi ratio non simul
celebretur.

Cæterum iam nostrum non est propositum, de vniuersa Iudicio-
rum natura, Iudicumq; & Magistratus in iure dicundo officio agere.
Quod vnice ad ciuilem doctrinam pertinet, siue agendum sit de be-
atæ Reipub. simpliciter, siue scorsim de aliarum, vt oligarchiarũ,
democratiarum, aristocratiarum, (singulæ enim etiam Iudiciorum
ratione differunt, vt præclare docet Aristoteles *lib. 4. pol. c. 26.*) Iu-
diciis rectè atque ex vñ publico constituendis. Sed nec animus
modò est omnium Gentium in hac re mores describere, verum de
Iudiciis duntaxat Germaniæ agere. Atque id quidem eo modo
aggrediendum ducimus, vt ex iis quæ de hoc exstant monumentis
paucis adducamus, quæ apud Germanos ab antiquissimis seculis
ad nostra vsque tempora iudicandi ratio vigerit, quasque mutatio-
nes tot seculis vnà cum ipsa sæpius mutata Republica Iudiciorum
illa ratio perpeffa sit. porro quæ eius conditio hodie sit, subiecto ad
vltimum modo, qui hodie statui Imperii nostri quàm maxime in or-
dinandis supremis eius Iudiciis possit videri commodus.

Atque antiquissimam quidem Germanicarum rerum memoriam
consulentiùs duo cumprimis licet obseruare quæ ad nostrum nego-
rium spectant. Alterum est Germanicos populos, vt vnius fuerint
originis, & linguæ propè eiusdem, imò verò unam Germaniã pro-
pè omnes habitauerint, proximã mutuo vicinitate iuncti, tamen
in vnã Rempublicam non nisi admodũ serò, & quidem demum

vix ante hos octingentos annos, felicibus Francorum armis, coaluisse. Alterum, etiam sic tamen singulis populis suas fuisse Respublicas, & quidem non multum [si formam regiminis spectes] inter sese diuersas: *περὶ αὐτῶν* scilicet nullam; omnes vero propemodum populares, non quidem omnino, magna tamen ex parte. Quod ipsum vel ex vnico Taciti *de morib. German.* libello facillimum est discere.

Hinc verò consequens statim est: *primum* eā quidem ætate non fuisse toti Germaniæ vnum aliquod commune Iudicium, utpote quæ vnā tum Rempublicam non obtinuerit: *secundò* singulis populis Iudicia sua haud defuisse, quum nulla societas absque Iudiciis vel breuissimo tempore possit consistere: *Terriò* vt totius Reipublicæ ita nec Iudiciorum magnam tum fuisse in Germaniæ populis diuersitatem, & quidem procul dubio obseruatam illam formam Iudiciorum quidem constituendorum quæ statui ex populari & aristocratico commixto maximè est idonea.

Cæsar *lib. 6. de bell. Gall.* narrat aliam belli tempore, aliam in pace fuisse Iudiciorum rationem. *Cum bellum, inquit, Ciuilas aut illarum defendit aut infert, Magistratus qui ei bello præsent, vt vitæ necisque habeant potestatem, deliguntur, in pace nullus communis est magistratus, sed Principes regionum atque pagorum inter suos lus dicunt, controuersiasque minuunt.* Sanè omnibus penè his populis in vsu, aliam foris ac belli, aliam domi ac pacis tempore, Iudiciorum formam constituere. Et verò exigit hoc ipsum diuersus ille viuendi modus. Vnde procul dubio vsitatum idem apud veteres Germanos. Porro in hoc quod Cæsar ait, *in pace nullum fuisse communem magistratum,* consentiunt & alii Scriptores qui res Germanicas memoriæ prodiderunt, modò accipias verba illa de vno homine qui toti Reipublicæ præfuerit, qualis est Rex aliquis propriè sic dictus. Namque alibi totum concilium Gentis meritiò dixeris communem fuisse magistratum, alibi etiam Reges præfuere, verum vt Tacitus loquitur, *non infinità aut liberà potestate, quod verè regium est.*

Illud verò quod scribit Cæsar bellico illi magistratui *vitæ & necis concessam potestatem,* prorsus est aduersum Taciti monitionibus: *Duces, ait ille (hi verò sunt magistratus belli Cæsaris) exemplo potius quàm Imperio, si prompti, si conspicui, si ante aciem agant, administratione præsent. Ceterum neque animaduertere, neque vincere, neque*

neque verberare quidem nisi sacerdotibus permissum: non quasi in pœnâ, nec Ducis iussu, sed velut Deo imperante, quem adesse bellantibus credunt. Videntur autem eum Tacito facere potius quam cum Cæsare etiam quæ ab aliis Scriptoribus memorantur. Vnde liquet aut Cæsarem minus comperta tum nostra habuisse, aut verò paulò post eius ætatem imminutam fuisse Ducum potestatem libertatis popularis incremento.

Dixeris verò ex Tacito, controuersias militares finitas demum post prælium in cœcilio populi. Cum enim dixisset: *Licer apud cœciliū accusare quoque & capitis discrimen intendere*: addit, *Distinctio pœnarum ex delictis: Proditores & transfugas arboribus suspendunt, ignavos & imbelles & corpore infames, cano ac palude, iniecta insuper crate, immergunt: sed & leuioribus delictis pro modo pœnarum, equorum pecorumque numero conuicti multantur, pars multa Regi vel Ciuitati, pars ipsi qui vindicatur vel propinquis eius exoluitur.* Proditio sanè, transfugium, ignauia, delicta sunt bello maximè propria, & videntur hæc punita potissimum in Cœcilio. Quanquā n. & alibi cūprimis minoris ordinis hominum delicta huiusmodi disceptata ac iudicata fuisse minimè negauerim: tamen si quid Primores deliquerunt, id tum potissimum in conciliis Iudicio definitum fuisse, vel est ex eo colligere, quòd idem mos floruerit Francici regni tempestate, vt ex iis quæ infra adducemus erit manifestum.

Henricus Meibomius V. C. *Irmensula Saxonica* c. 4. in hæc verba loquitur de sacerdotibus Irmensulæ Eresbergenfis: *Iidem quoties præliandum erat, statuam sui Dæstri columnæ detractam in aciem ferre, & à pugna captiuos, quique ex suis segniter rem gessissent victos verberatosque pœnis afficere solebant.* Cuius rei meminit *vetus cantilena, in qua regis cuiusdam filius propter infelix quoddam prælium sacerdoti se mactandum tradi miserabilibus conqueritur modis.* Adiungit verò quidem verticulos aliquot Meibomius, sed inde haud est colligere iudicio sacerdotum illum qui in victimam erat mactandus damnatum esse. Dubito etiam, num possit veris historiis ostendi vllò in populo Germanico eam animaduertendi potestatem sacerdotali Ordini olim fuisse aliquando concessā, non accedente populi consensu. Neque enim id Tacitus dicit, etsi affirmet in bello sacerdotibus permissū fuisse non verberare tantum & vincire, sed etiam animaduertere. *Cæsar sanè lib. 6. magnam narrat Druidum fuisse apud Gallos auctoritatem*

ritatem, verum & apud eos *sacrificiis interdicare poenam gravissimam* inquit fuisse: & Germanos neque Druides habuisse qui rebus divinis praesent, neque studuisse sacrificiis, in modum scilicet Gallorum. Ecquis ergo crediderit supplicio quem afficiendi vim apud Germaniae tum sacerdotes fuisse? Fatendum tamen coercendi aliquam vim iis in bello, ut in ipso quoque concilio, quod clare Tacitus refert.

Quocumque vero modo habuerint sese etate illa belli tempore Iudicia, quid in pace obtinuerit facilius est cognitu. Caesar indicat *regionibus & pagis principes praefuisse, eosque inter suos dixisse lus, & minuisse controuersias*. Sunt autem regionum & pagorum principes fortè iidem, utpote quum pagus significet regionem. Sanè Tacitus qui res Germanicas propius conspectas habet, agnoscit quidem & ipse *Principes*, non alios tamen quam qui iura per pagos vicoque reddunt, ut proinde tum alii quidè fuerint pagorum, alii vicorum Principes & Iudices, praeter hos autem nulli. Omnes verò illos ex nobilium fuisse ordine liquet vel ex eo, quod hisce Principibus datos ex plebe comites idem Tacitus testetur, item *insignem nobilitatem* principis dignationem etiam adolescentulis assignasse: alibi tamen ab eodem *Principes plebi* opponantur.

Ex eodem porrò Tacito etiam hoc discimus, Iudices istos ad dignitatem illam peruenisse per electionem, & quidem concilii: in quo cum & nobilitas & plebs habuerit locum, adeoque cum penes illud concilium summa tum fuerit Reipublicae autoritas, manifestum sit, non factione quadam plebis aut populi singulorum pagorum, nec caeca sorte, sed totius Reipublicae autoritate Principes illos Iudices electos esse. Disertè Tacitus: *Eliguntur in iisdem Conciliis & Principes qui iura per pagos vicosque reddunt*. Etiam ita tamen nonnullum factum esse, ut ad defunctorum liberos dignitas parentum redierit, non est quod dubitemus, praesertim quum, Tacito teste, magna patrum merita iam tum etiam adolescentulis principis dignationem assignauerint. Est autem talis Iudicum constitutio inter aristocratica instituta. Namque ipsa electio per meliores instituta aristocraticum quid sapit: ac multò magis si electio fiat non ex omnibus promiscue, sed ex paucis itidem optimatibus.

Quamvis verò penes hosce electos ex primaria nobilitate fuerint tum praecipue citra dubium partes Iudiciorum: etiam ex plebe tamè nonnullos iis datos Assessores itidem ex Tacito discimus. *Centeni, ait,*

Ge

singulis principibus ex plebe comites consilium simul & auctoritas adsunt. Quilibet itaque pagus centenos ex plebe habuit (nisi fortè legendū sit certi) qui in iudiciis, aliisque pagi illius negotiis publicis principi fuere in consilium pariter & auctoritatem. Fuerintque autem ab ipso principe, an verò à plebe, in id tum selecti, cum nemo eius temporis notauerit, dictū fortè *adlyator* est. Tantum non abest à verisimilitudine partitam eā in re fuisse operam vtriusque, quoniam Francorum quoque ætate simile quid fuit obseruatum.

Illud nequaquam videtur in dubitationem vocandum, quod plebei illi comites, non tantum non seruilis, sed ne quidem libertini fuerint sanguinis, qualibet in ciuitate libera Germaniæ. Clare enim Tacitus: *Liberti non multum supra seruos sunt, raro aliquod monumentum in domo, nunquam in ciuitate, exceptis duntaxat iis Gentibus quæ regnantur. Apud ceteros impares libertini libertatis argumentum sunt.* Et verò etiam posteris seculis nusquam non fuit obseruatum, ut in plebeiū illum Assessorum ordinem non nisi primores plebis sint adsciti: quidni igitur ita solitum florente plebis libertate? Notandum verò etiam hoc institutum adsciscendi ex plebe Iudiciorū Assessores, ad leges esse veræ *deis optatus*: verè inquam, non eius quæ cum sit oligarchia ex solis nobilibus constans, speciem mentitur & nomen solet accipere aristocratia. Enimvero magna semper etiam plebis antiquis temporibus auctoritas, vtut prima fuerit dignitas E-delingorum, cuiusmodi hodie quoque sunt qui veteri Ducum Comitumque profapia sunt geniti.

Porro hi Iudices an simpliciter omnes controuersias potuerint decidere, an non, numue ab illis pronocatum interdum fuerit, neque Cæsar neque Tacitus, neque alius æui illius quisquam memorauit. Verisimile tamen est, tantum quæ inter singulos Pagorum incolæ intercesserunt lites finiri ab illis potuisse, quæ autem ortæ fuerunt, aut inter ipsos principes diuersorum Pagorum, aut inter principem & populum vnius Pagi, ad comitia totius populi tum pertinuisse. Paret hoc ex parte ex ipso Cæsare & Tacito. Ille enim scribit: *Principes regionum atque vicorum inter suos ius dixisse.* Tacitus verò principes iura per pagos vicosque reddidisse. Quib⁹ verbis haud obscure definitur, lites non alias ad principem delatas quam priuatorum quorumlibet ciuū. Res ipsa verò idem etiam illis tacentibus edocet. Neque enim principibus absolutum fuisse ius in suis

ut nulla intercedere potuerit inter principem & plebem lis, quæ Iudicio fuerit componenda: neque cui principum in alterum fuit Ius, nec tamen semper inter illos controuersia potuerunt caueri. Necessario itaque etiam tum maius fuit Iudicium, ubi illa maioris momenti lites sunt decise. Et sane vero simile est, factum illud in comitiis populi. Hic enim conuocatus potissimum habuit totius Reipublicæ auctoritatem. Enimvero hoc ipsum etiamnum ætate Francici Imperii obtinuisse mox demonstrabitur: quantum magis igitur valuerit hac tempestate, quàm maiori libertate populus omnis truebatur? Audiuimus verò iam tum paulò antè dicentem Tacitum: *Licet apud Conciliū accusare quoque & capitis discrimen intendere. Quod de maioris momenti negotiis accipiendum esse diximus. Num per appellationem à Iudicio Principis assessorumque potuerint causæ ad comitia itidem deuolui, aut num aliquis locus tum fuerit appellationi, quoniam haud perinde liquet, nec fas est inanibus coniecturis indulgere, in medio relinquimus.*

Hoc non difficili ratiocinatione licet colligere, fieri vix potuisse, imò nō potuisse, ut omnibus Iudiciis princeps ipse interfuerit: cum quoddam integræ regionis, aut integri pagi, vnus tantum fuerit Princeps, huiusmodi autem tractus sat amplis limitibus constiterit, tum quoddam in eā hominum multitudine non potuerint non in dies variæ nasci controuersia præsentibus Iudiciis minuenda. Vero simile igitur fit, iam tū singulorū Pagorū Principes vicariis hīc aut alibi vlos: quomodo sequentibus seculis semper mos tulit præponere Iudiciis *Sculterum* quem appellant, qui Principis vice curet Iudicia. Procul dubio verò etiam tum pedanei quidam fuere Iudices, quales nunc in agris supersunt passim per Germaniam.

An lucri quicquam Principes reliquique Iudices ex Iudiciis tum ceperint, præter multæ partem, nullibi memoratur. De multæ videtur constare ex Tacito: *Sed & leuioribus delictis: pro modo penarum, equorum pecorumque numero conuicti multantur: pars multæ regi vel ciuitati [ubi nempe nullus Rex fuit, in plerisque tum Germaniæ populis] pars ipsi qui vindicatur vel propinquis eius exsoluitur.* Non præfractè tamen negauerim, Tacitum maximè loqui hīc de Iudiciis publicis comitiarum, non autem singulorum pagorum: utpote quum dicat multam cessisse non Principi, sed Regi, aut toti ciuitati, hoc est toti Reipublicæ, quod de omni multæ haud temerè,

pronunciaueris. Ceterum etiam in singulis Pagis fortassis partem multæ aliquam Rex aut Respublica accepit in nonnullis delictis: quod sanè in Francorum regno solère infrà patebit. Heribannum vocare mos vetus fuit. Cui verò fiet vero simile, nihil multæ etiam Principi & reliquis Iudicibus in laborum solatium datum esse?

Porro simplici ratione processum in Iudiciis tum esse, verat nos dubitare simplices tum mores populi, neque legum multitudine, neque malitiæ aduocatorum; neque lucri cupidine lites protelant. Argumento est quòd ipsæ etiam grauissimæ inimicitie citò tum fuerint compositz: quanto magis ergo controuersie alie. Testatur id disertè Tacitus: *Nec implacabiles durant inimicitie, luitur enim etiam homicidium certo armentorum ac pecorum numero, recipitque satisfactioem vniuersa domus. Qui more suo prudentissimè addit: veritè in publicum, quia periculosiores sunt inimicitie iuxta libertatem. Et sanè libertati nihil æquè noxium litium diuturnitate, maxime si inter primores sint & factiosos. Inde enim intestina commotio, & publici boni neglectus, in tumultus, imò bella ciuilia, tandem erupens malum. Ea de causâ procul dubio factum, ut cum Romano more Quintilius Varus cœpisset in Cheruscis Iudicia instituere, statim illi coniurarint, ac cæso Varo, tribusque Legionibus obtritis, præcipuè in cautarum patronos saeuerint. Rem ita narrat L. Ann. Florus l. 4. cap. ix. Nihil illa cade per paludes, perque syluas cruentius, nihil insultatione Barbarorum inolerantius, præcipuè tamen in cautarum patronos. Aliis oculos, aliis manus amputabant, vnius os sutum, recisâ prius linguâ, quam in manu tenens Barbarus, tandem, inquit, vipera sibi-lare desiste.*

Iidem præterea mores Populi haud obscuro sunt indicio lites tum peruisse raras. Tota enim Gens non astuta non callida fuit: adhuc affectauit aperire secreta pectoris, cōsultationibus omnibus etiã maioris momenti plerumque inter conuiuia institutis, tanquam nullo magis tempore ad simplices cogitationes pateat animus. Iam fide nulli tum mortalium ante Germanos, quod in publico theatro Romæ merito clamauerunt Frisiorum Legati. Matrimonia olim seuerà: imò nulla morum pars magis laudata: paucissima in tam numerosa Gente adulteria. Hæredes successoresque sui cuique liberi, & nullum testamentum. Aurum & argentum apud paucos aliquo in pretio: pecorū numero gauisi sunt: cæque & solæ gratissimæ opes

fuerunt. Proximis Romanorum commercia aliqua instituentibus, interiores populi simplicius & antiquius permutatione mercium sunt vsi. Alii securi aduersus homines, securi aduersus fata, rem difficilissimam assecuti sunt, vt illis nec voto quidem opus fuerit. *In vniuersum plus in Germania boni mores valere quàm alibi bona leges.* Quæ omnia penè ipsissima sunt Cornelii Taciti verba. Iis autem moribus atque institutis ad mores translatis, raras admodum lites & compolitu faciles habere locum, nemo paulò prudentior ignorat.

Atque hæc quidem fuit ratio Iudiciorum Germaniæ veteris antea quàm in Francorum Imperium tota trāsuit. Etsi enim nonnullis Gentibus Reges fuerint: tamen nomen id potius fuit, quàm verè regia potestas. Hinc Tacitus eùm Frisiorum, minorum nempe & maiorum (vt tunc diuisum fuisse populum ex libro de moribus German. constat) duos Reges memorasset lib. 13. *Annal.* statim addit: *in quantum Germani regnantur.* Disertè Idem: *Nec Regibus libera & infinita potestas:* Idem de concilio: *mox Rex vel princeps prout atas cuique, prout nobilitas, prout decus bellorum, prout facundia est, audiuntur, auctoritate suadendi magis quàm iubendi potestate.* Item: *Trans Lygios Gothones regnantur, paulò iam addictius quàm cetera Germanorum Gentes, nondum tamen supra libertatem.* Etiam in regnis itaque non alia fuit, quàm alibi, forma Iudiciorum, & in his quoque Principes & eorum ex plebe assessores, per pagos & vicus lus dixerunt, nisi quod fortassis in constituendis illis Principibus, vel vnius Regis, vel huius vnà cum concilio maior aliqua authoritas fuerit. Fortè etiam licuerit tum Regibus in sententiâ à Principibus latarum æquitatem aduertere: quæ sanè omnia Francorum Imperio obtinuerunt.

Haud negauerim tamen in quibusdam populis ab illa antiqua ratione recessum esse: vt solet longo temporis tractu mutari Respublica. Nec tamen id certò licet affirmare, quum monumenta nulla suppetant vnde discas. Meibomius tamen lib. de *Irmenfula* c. 4. narrat pagorum Saxonisorum præfides, aut Grauios, vt & Iudices pedaneos per agros à Collegio sacerdotum Eresbergensi vltimis Reipub. illius liberæ temporibus ante Caroli Magni ætatem fuisse constitutos. Verùm nescio an hac in re famæ nullis eius tempestatis scriptis subnixæ fidem tutò liceat commodare. Et verò ex iis quæ VVitikindus Corbeienfis & Francici Annales memorant, liquet. Sax-

oniæ tres populos Ostphalos, Vvestphalos, & Angriuarios, tum temporis antiquissimo Germanico more per concilium Reipublicam suam administrasse, belli tempore vno aliquo in ducẽ electo, qui pace restitutã pari iterum fuerit cum reliquis loco. Certẽ in scriptis illius æui de Saxonum Republ. nihil legas quod à maiorũ institutis vel leuiter abeat.

Verũ de his plũs satis. QVOMODO autem Francorum magno illo in regno, quod præter Italiam, Galliam, eximiam Hispaniæ partem, totam quoque Germaniam comprehendit, Iudicia sese habuerint, maius est pretium operæ enarrare: maxime quoniam Caroli demum Magni auspiciis, in vnum corpus coalitã Germaniã, initia eius vastæ Reipublicæ cuius lacinia etiamnum supersunt, ceperunt. Et verò tantũ docebimus quæ facies fuerit Iudiciorum ipsa illa Carolinã ætate, Merovingorum regum tempora non attingentes. Vt autem breuibus rem omnem comprehendamus, videntur illa ætate Iudiciis præfuisse, partim concilium Ordinum omnium, partim Rex ipse, partim à Regibus constituti varii Duces & Grauiones (vt mos tulit Romanorum sequioris æui titulos usurpare) Comites cum Scabinis Assessoribus, partim Episcopi, partim denique Legati, vel vt tum loquebantur, Missi Regii. De negotiis porrò maximis, ipsorum Regum, vt & Principũ, aut primariæ nobilitatis, fas fuit soli Consilio iudicare, non Regi sine concilio: De sacris, aut sacrarum vel rerum vel personarum causis minoribus, Iudicium fuit penes Episcopos, Legatos Regios, & Regem ipsum: De aliis Duces, Comites, Legati Regii extra aulam, in aula Rex ipse & Comes Palatinus iudicauerunt. Porrò Regum ipsorum & Ducum constituendorũ potestas præcipua ex parte Concilii fuit: Episcopos, Comites, Legatos creare ad regiam pertinuit dignitatem, vt Scabinorum electio ad Missos & Plebem. Quæ cuncta accuratè scire omnino oportet eum, cui de Iudiciis Germanicis illius æui scribere animus est.

Possunt autem hæc omnia cùm plurimis historiis tum aliis monumentis haud difficulter ostendi. Et quidem regiæ familiæ vel inter sese, vel cum aliis, causas in Concilio tantũ fuisse definitas luculenter patet ex iis quæ notauit Franciscus Hottomannus *Francia cap. 11. & 15.* Historiæ Caroli Magni & Ludouici pii exempla multa suppeditant. Post huius obitum controuersia orta inter Filios

lios in Cōsilio non semel illa agitata est. De Carolo Caluo cum Legatis Lotharii fratris agente ita Nithardus: In conuentum in quod cōmuni consensu statuerant venire se velle, mandauit, vt si communem virilitatem, vti promiserat, statuere vellent, sibi placere: sin aliter, de regno quod Deus paterque suus suorum consensu illi dederat, consilio suorum fidelium in omnibus, secundum Dei voluntatem, parēre sese cōstituisse. Ipsos Reges Concilii iudicio vsque aded fuisse, etiam tum subiectos, vt Reipublicæ perperam administratæ causā, regiā potuerint dignitate exui, testimonio est exemplum Ludouici pii, & Caroli Crassi, quorum ille anno 838. hic anno 887. Concilii autoritate regno pulsi sunt. Quale quid ex Merovingis passi erant Childerici tres, vnus Theodoricus, alter Chilpericus, vt alios taceam.

Porro primorū populi [quales tum fuere Duces, Episcopi & Comitum præcipui] causam aliquā magnam extra Concilium in Iudicium vocatā nullo eius æui exemplo licet demonstrare. Ex aduerso cum Brunechildis regina multorum capitalium criminum rea esset, negotio ad Concilium delato, Regem ita loquutum refert Aimoniū lib. 4. c. 1. Vos dulcissimi Commilitones & præminentes Franciæ primores, decernite cui subiaceat supplicio, tanti obnoxia sceleris: Ea autem tum, inquit A. in præsentia Regis, iudicantibus Francis, indomitis equis religata, discinditur. Tassilonis quoque Boiaræ Ducis causa in conuentu populi fuit diiudicata anno 788. Noxa conuictus, aiunt annales Francici, vno omnium assensu, vt lesa maiestatis reus, capitali sententia damnatus est. Sed clementia regis, licet morti addictum, liberari curauit. Regino l. 2. Cum omnes capitalem sententiam proclamarent, Rex misericordia motus, ed quod consanguineus eius esset, obtinuit ab ipsis Dei & suis fidelibus [i. e. regni ordinibus] ne moreretur. Anno 818. coniurationis aduersus Cæsarem Ludouicum Pium initæ auctores primariæ nobilitatis, cūque iis Bernhardum regem, iudicio Francorum capitali sententia condemnatos: Episcopos v. eiuldem coniurationis cōplices synodali decreto depositos fuisse, scribunt Annales Francici. Theganus in vita Ludouici Cæsaris de negotio: Bernhardum hætenus Regem eiusque fautores, cum in suprā dicto scelere deberent puniri, suppressa tristiori sententia luminibus orbari (Cæsar) consensit; licet multis obnitentibus, & animaduerti in eos tota seueritate legali cupientibus. Episcopis reliquis depositos monasteriis mancipauit. Ad eundem modum anno 829. in rebelles pronunciata fuit sententia in Concilio, vt an-

no 28. de Concilii sententia Dux Foroiulienſis ignauia conuiſtus Ducatu pulſus. Non alibi damnati ſunt Erneſtus aliſque Comites perduellionis rei anno 861. ætate Ludouici ſecundi Germanici Regis: aut Erchangerus & Bartoldus Comites fractæ pacis publicæ rei anno 916. Conrado ultimo Francici ſanguinis rege. De quo Echardus: Concilio dehinc habito primo colloquium publicum. Moguntia, poſtea generale edixit concilium: ubi tribus illis lege abiuratis & proſcriptis, prædiſque eorum in ſiſcum redactis, maiſtatis reis, capita damnata ſunt.

Ex quibus testimoniis utique manifestum est, causas Principum faltem illas, quæ republ. attinent & commune ciuitatis bonum, haud alibi quàm in Concilio decifas fuiſſe. Neque enim verum est quod ſcribit Thritheſius lib. de orig. Francor. anno 742: In ſingulis prouinciis aut Duces aut Comites republ. ſub poteſtate Francorum adminiſtrabant, Regum nutu amobiles. De aliis tamen omnibus minõs momenti Principum controuerſis, haud temerè dixerim tantum illas in concilio publico decifas fuiſſe. Videntur enim illæ regis eiufque Miſſorum iudicio tum commiſſæ. Pertinet huc Caroli Magni lex l. 3. c. 77. apud Anſegisum: Vt Epifcopi, Abbates, Comites & potentiores quique, ſi cauſam inter ſe habuerint, ac ſe pacificare noluerint, ad noſtram iubeantur uenire præſentiam: neque illorum contentio alicubi diiudicetur, ne propter hoc pauperum & minus potentium iuſtitia remaneant. Neque ullus Comes palatii noſtri potentiorum cauſas ſine noſtra uſſione finire præſumat, ſed tantum ad pauperum & minus potentum iuſtitias faciendas ſibi ſciat eſſe vacandum. Scilicet obtinebat tum illa vniuerſalis regula quæ conficit capitulum 243. l. 5. Maior à minore non poteſt iudicari. Itaque Principum lites ſeu contentiones ad Iudicium regium pertinebant. Quibus tamen decidendis Reges Concilii ſæpe autoritate uſos liquet ex Hincmari epif. ad reg. Ludovic. de regni Francici ſtatu. Aliqua ex parte verò Comites, Epifcopos, Abbates, iudicio Miſſorum regiorum fuiſſe etiam obſtriſtos docet c. 66. lib. 4. Vbiunque Miſſi, aut Epifcopum, aut Abbatem, aut alium quemlibet quocunque honore præditum inuenerint, qui iuſtitiam facere uel noluit, uel prohibuit, de ipſius rebus uinant, quàm diu in eo loco iuſtitias facere debent. Item l. 4. c. 183. Si Comes in ſuo miniſterio iuſtitias non fecerit, Miſſi noſtri de ſua caſa uel ſuis xeniis ſeruiat, uſque dum iuſtitia ibi facta fuerint. Et ſi uſſus noſter iuſtitias non fecerit, tunc & Comes & Miſſus

Missus noster ad ipsius causam redeant, & de suo curent quousque iustitias faciant.

Alia prorsus ratio fuit litium & controuersiarum minorum, et inter minoris sortis homines exortarum. Vt enim de profanis primum dicamus, in singulis quidem Pagis ordinarii harum litium Iudices fuere, qui Grauiones, aut ex more Romano Comites sunt dicti, una cum assessoribus. Nimirum more ab antiquissimis usque temporibus seruato, in Pagos quos Gouas dicebant etiam tum diuidebatur Germania, & unicuique Pago aliquis ex primaria nobilitate Grauiio praeficiebatur litibus finiendis. Officium Comitis aut Grauionis optime referunt literae Caroli Magni, quas ex archiuis Tremoniae urbis recitat in vindictis Billinganis Henricus Meibomius. Quapropter in illa parte Saxonia Trutmannum virum illustrem ibidem Comitem ordinamus, ut si resideat in curte ad campos, in mallo publico, ad uniuersorum causas audiendas, vel recta iudicia terminanda, isque aduocatum omnium presbyterorum in tota Saxonia fideliter agat, superque vicarios & Scabinos, quos sub se habet, diligenter inquirat & animaduertat, ita ut officia sua sedulo peragant. Formulam aliam Comitatum aut Ducatum committendorum habet Marculphus n. 32. Insigniter hanc rem illustrat admonitio Ludouici Caesaris ad Comites pro utilitate sanctae Dei Ecclesiae, quam cap. 6. l. 2. habet Ansegisus, ut alia nunc testimonia non laudemus. Constitutos autem hosce Comites fuisse à solis Regibus, cum ipsae illae quas attuli formulae probant, tum ex historiarum Fraticae monumentis passim Sole elucet clarius. Hinc inter leges in quas superatos à sese Saxones accepit Carolus, legas à rege praepositos iri Iudices, h. e. Grauiones, qui nempe antehac Concilii populi autoritate constituebantur. Poetaster Saxo vitæ Carolinae ad Arnolphum Caesarem scriptor:

Tum sub Iudicibus, quos rex imponeret ipsis,

Legatisque suis, permissi legibus vri

Saxones patriis, & libertatis humore.

Assessores Comitum quosnam elegerint, & quales debuerint esse eligendi, constat item ex capitulis Ansegisi, ubi lib. 3. cap. 33. ita legitur: *Missi nostri Scabinos (hi verò sunt illi Assessores) per singula loca eligant, & eorum nomina quando reuerse fuerint, secum deferant.* & cap. 56. *ut Iudices, aduocati, Scabinos quales meliores inuenire possunt & Deum timentes, constituant ad sua mysteria exercenda. Cum Comi-*

De

re & populo eligantur mansueti & boni. Capit. Addit. iv. cap. 73. *Missi nostri ubique malos scabinos inueniunt, eiiciant, & totius populi consensu in locum eorum bonos eligant, & cum electi fuerint, iurare faciant, ut scienter iniuste iudicare non debeant.* Ibidem cap. 74. *Ut in omni Comitatu hi, qui meliores & veraciores inueniri possunt, eligantur à missis nostris ad inquisitiones faciendas & rei veritatem dicendum, & adiutores Comitum sint ad iustitias faciendas.* Ex quibus omnibus patet, hos esse illos Scabinos, quos Tacitus olim narrauerat Principibus qui per Pagos lus dicebant ex plebe comites fuisse datos, adeoque fuisse homines ingenuos & ex plebe optimos. Huc sanè spectat & illud c. 47. l. 3. de homine ad mortem damnato cui pōst vita sit donata, ne ille inter scabinos ad legem iudicandam teneatur. Numerum horum definire non licet: septem tamen fuisse dixeris ex capit. 40. lib. 3. *Ut nullus ad placitum banniat, nisi qui causam suam querit, aut si aliter ei querere debet: exceptis scabinis septem qui ad omnia placita esse debent.* Quomodo illi vnà cum Comite sententias dixerint liquet ex charta vet. Alemannica apud Goldastum t. 2. n. 99. Interrogauit ipse Comes illos scabins, quia illi de hac causâ iudicare voluissent. A libi legas: *Ante illustrem virum Hildogarium Comitem seu iudicem, quos scabineos vocant, venerunt &c.* Tunc ipsi Scabini unanimiter iudicarunt. Hinc Glossarium vetus: *Scabini, auditores Comitum.*

Porro cum Gouæ seu Pagi plerumque satis latè paterent, neque aded cuius Grauioni (præterim cum illi & alia reipubl. negotia incumberent; sæpè etiam vel valetudine vel negotiis rei familiaris detineretur) licuerit Iudiciis interesse, hinc iam tum Comites vicarios instituisse qui Iudiciis Comitum vice præessent, nullum est dubium. Hi iam tum videntur dicti Sculthefsi aut Sculdesfi, *Schulten/ Schulzen*. Frequens sanè mentio harum vocum est in antiquis legibus Germanicis. In diplomate Ottonis Imperatoris apud Baronium tom. 9. p. 5. disertè officium horum exprimitur: *Nullus Marchio, Comes, aut vicecomes Sculdesfus, vel quislibet ex iudicaria potestate.* Paulus V Varnefridus *Histor. Longobardor.* l. 6. c. 24. ait: *Rektor loci quem Scultheis vocant.* Secutis sanè temporibus præturæ eiusmodi vicariam Comitum potestatem designarunt per omnem Germaniam, quod imprimis ex Speculo iuris Saxonici manifestum est.

Fuit autem penes hoc Iudicium tam criminalium quàm civilium actionum diiudicatio. Ut liquet ex præcepto remissionis siue concessionis

tionis quod fecit Ludouicus Imper. Hispanis. Ipsi pro maioribus causis, sicut sunt homicidia, raptus, incendia, deprauationes, membrorum amputationes, furta, latrocinia, alienarum rerum inuasiones, & undecunque à vicino suo criminaliter fuerint accusati & ad placitum venire iussi, ad Comitibus sui mallum omnimodis venire non recusent. Item ex cap. 48. l. 3. Si alicui post iudicium Scabinorum fuerit orta controuersia. Item c. 50. Ut Comes qui latronem in forbannum miserit [i.e. proscripserit] vicinis suis & aliis Comitibus notum fecerit illum latronem à sese esse forbannitum, ut illi eum non recipiant. Vbi notandum mallum tunc dici solum locum iudicii publici, qui cum antiquo more sub dio esset, rectum illi addi voluit Carolus Magnus l. 3. capitulo 57. neque enim passus est Carolus in atrijs Ecclesiarum iudicia exerceri: quod malo more alicubi caperat inolescere, ut constat ex cap. 60. l. 3. Additio-
num.

Operæ fortè fuerit pretium nonnulla heic capitula recitare ex Capitulari Anlegisi, vnde ratio iudiciorum illorum, de quibus iam agimus, illustratur. Capitulum l. 3. c. 53. Nullus missus noster neque Comes neque Scabinus, cuiuslibet iustitiam dilatare presumat si statim adimpleri esse potuerit secundum certitudinem: neque premia pro hoc à quolibet homine per aliquod ingenium malum presumat accipere. Cap. 3. tit. 2. Iudex partem suam accipiat de causa quam iudicat, de septem solidis tremissem, de nouem solidis vnum. De omni compositione semper nouem partes accipiat dum rectum iudicat. Cap. 3. tit. 4. Iudex si accepta pecuniâ male iudicauerit damnum datum cogitur in duplum soluere & 40. solidos in fisco. Capitulum l. v. cap. 251. Iniustum iudicium & definitio iniusta regio metu vel iussu à iudicibus ordinata, non valeat. L. 4. c. 39. Primitus ad placita eorum, orphanorum, viduarum, nec non pauperum cause deliberentur, nec propter aliquam dilationem eorum iustitia à iudicibus dilatur. Comes illos adiuuet dando eis talem hominem, qui rationem eorum teneat & pro eis loquatur. Sunt autem patroni illi causarum dicti tum aduocati, causidici, & clamatores. De quibus itidem multa sunt capitula. Ut l. 2. cap. 114. Si aduocatus in causa suscepta iniquâ cupiditate fuerit repertus, à conuentu honestorum & à iudiciorum communione separetur. Item: si quis hominem in iudicio iniuste contra alium altercantem adiuuare per malum ingenium presumpserit, atque inde coram iudicibus vel Comitibus incusatus fuerit, & negare non potest, quindecim solidis culpabilis iudicetur. L. 3. c. 7. Declamatoribus vel causidici-

eis, qui nec iudicio scabinorum acquiescere, nec blasphemare volunt, antiquæ consuetudo obseruetur, id est, ut in custodia recludantur donec unum de duobus faciant. Et si ad palatium pro hac re clamauerint & literas detulerint, non quidem eis credatur, nec tamen in carcere ponantur, sed cum custodia & cum ipsis literis pariter ad palatium nostrum remittantur, ut ibi discutiantur sicut dignum est. In quibus postremis verbis quid sit blasphemare præclare docet clariss. Lindenbrogius in doctissimo glossario.

Præter hæc iudicia fuerunt tunc temporis & iudicia sacra. Primum enim in vitam & mores Christianorum ciuium usque adeo licuit aduertere sacerdotibus, ut fontes potuerint cum aliis canonicis pænis tum etiam excommunicatione plectere. Habuit autem tunc excommunicationis effectum longè maximum. Hinc capitulum. 42. l. 5. Ut sciatis qualis sit modus istius excommunicationis: in Ecclesiam non debet intrare, nec cum ullo Christiano cibum vel potum sumere, nec eius munera quisquam accipere debet, nec ei osculum porrigere, nec ei oratione se iungere, nec salutare, antequam ab Episcopo suo sit reconciliatus. Capitulum. 130. l. 6. Si quis à communione sacerdotali fuerit auctoritate suspensus, hunc non solum à clericorum, sed etiam à totius populi colloquio atque conuiuio placuit excludi, donec respiciens ad sanitatem redire festinet. In hanc duram pænam verò incurrit non tantum ipse excommunicatus, sed qui contra legem cum illo quid habebat commune. Difertè id decernitur capitulo 42. l. 5. antè laudato. Si quis noluit sententiæ illi Excommunicatoriæ parere, de illo idem capitulum: Quod si aliquis ista omnia contempserit, & Episcopus hoc minime emendare potuerit, Regis iudicio exilio condemnetur. Pari verò modo qui refragabatur penitentiam à sacerdotibus indictam sustinere, eorum bona à Comite aut Missio regio Episcopis tradebantur donec respicerent: ut habet cap. 330. l. 7. vel verò in carcerem à Comite protrudebantur. Quod si porro Comes (verba sunt Capituli) vel qui minister hoc adimplere distulerit, canonicè ab Episcopo vel à suo ministro excommunicetur, & usque dum hac pleniter adimpleat semper communione Catholicorum careat, usque dum ipsi Episcopo humanitas erga eum aliquid agere placuerit. Si verò ipse Comes, aut de prædictis causis, aut de ipsa excommunicatione, inobediens aut negligens apparuerit, huiusmodi Comitatus pariter & communione careat, usque dum ambo in nostram præsentiam veniant, ut nos illum Episcopali auctoritate, atque Imperiali motu, ita corrigamus, ut ceteri timorem habeant, ut deinceps talia committere nullatenus audeant.

Ab eiusmodi porro sententia Excommunicatoria non fuit promoci-
tio admissa alia quam ad Metropolitanum Episcopum. Hinc capi-
tulum 42. l. 5. Quod si aliquis reclamauerit quod iniuste sit excommuni-
catus, licentiam habet ad metropolitanum Episcopum venire, ut ibidem se-
cundum canonicam institutionem iudicetur, & interim suam excommuni-
cationem custodiat. Tam late verò patebat hoc iudicium sacrum ut
nihil non criminum illuc sensim traheretur, quod ex multis capi-
tularium locis percipere est. Seorsim de perfidis capitulum 141. l. 6.
ita decernit: Ne iudices quicquam de perfidorum excessibus extra sacer-
dotum cohibentiam iudicare presumant. Quæ omnia potestatem sa-
cerdotalem supra modum & morem Germanicarum gentium au-
xerunt. Etsi enim iam alibi ideim effectus Excommunicationis du-
dum obtinuisset, ceu liquet ex epist. 58. Synesii quæ excommunicatur
Andronicus Pentapolitanus præfex, tamen non passim hætenus is
rigor inualuerat, certè apud Germanicas gentes tale quid erat inso-
litum.

Secundò concessa quoque est Episcopis omnis in clericos & mo-
nachos iurisdictio. Capit. 39. l. 5. Ut omnes presbyteri, diaconi & subdia-
coni sub potestate Episcopi maneant. Cap. 25. eiusdem libri: Monachos decet
per unamquamque civitatem aut regionem subiectos esse Episcopo suo, & quie-
tem diligere, & intentos esse tantummodo ieiuniis & orationi, in locis qui-
bus renunciauerint seculo permanentes. Clariùs huc facit capitulum
ccxxxvii. l. v. Sanctum est ut nullus Episcopum aut sacerdotem vel cleri-
cum apud iudices publicos accusare presumat, sed apud Episcopos. Item
capitulum cvii. l. vii. Clericus cuiuslibet gradus sine Pontificis sui permis-
su nullum ad seculare iudicium presumat adtrahere, nec laico quemlibet
clericum in seculari iudicio liceat accusare: cum etiam priuatorum Chri-
stianorum causas Apostolus ad Ecclesias deferri atque ibidem terminari
præcipiat. Item capitulum ccc. l. xix. Ut clerici qui iudices seculares appe-
runt, excommunicentur. Item alibi. Nemo audeat clericum aut san-
ctimoniam seminam ad civile iudicium accusare, sed ad Episcopum, &
ipse ex lege vel canonibus consentaneam & iustam sententiam proferat. Si
quis hanc constitutionem violauerit, in magistratu positus X. libris au-
ri panis multabitur: Si executor est in catenis Ecclesiarum recludatur,
penas luiturus, & officium perdat. Item: volumus primò, ut neque Ab-
bares, neque presbyteri & diaconi & subdiaconi, neque quislibet de clero, de
personis suis ad publica vel secularia iudicia trahant, sed à suis Episcopis

ad iudicari iustitias faciant. Si autem de possessionibus suis seu Ecclesiasticis seu propriis clamor ad iudicem venerit, mittat iudex clamantem cum misso suo ad Episcopum, ut faciat eum per Aduocatum accipere. Facit huc illud Flodoardi ex epistolis Hincmari: Quia de presbytero & Ecclesia ad Episcopum & Synodum definitio pertineat, non ad mallum vel ciuiliū iudicū dispositionem.

Vt autem Episcopus fuit Iudex constitutus omnium eiusmodi negotiorum, ita ipsius Episcopi causa in synodo vel apud Metropolitanum agitata fuit. Eam in rem tum alia sunt capitula tum præcipue cccxxiv. l. vii. Nullus Episcopus extra suam prouinciam ad Iudicium deuocetur, sed vocato eo canonicè in loco omnibus congruo tempore synodali ab omnibus comprouincialibus Episcopis audiatur, qui concordem super eum canonicamque proferre debent sententiam: quia si hoc minoribus tam clericis quam laicis concessum est, quanto magis de Episcopis seruare conuenit? Nam si ipse Metropolitanum aut iudices suspectus habuerit, aut infestus senferit, apud Primate[m] diæceseos, aut apud Romanam sedem Pontificem iudicetur. Vbi notandum Primo aliud secundum leges tum fuisse Metropolitanum & aliud Primate[m]. Qua de re legendum capit. cccxli. & cccxl. libri septimi. Secundo id cum primis obseruandum, datam Episcopis pariter & actoribus aliis prouocandi ad Papam licentiam. Quod ipsum confirmat capitulum cccxxv. eiusdem libri: Placuit ut si Episcopus accusatus appellauerit ad Romanum pontificem, id statueretur quod ipse censuerit. Et cccxli. Quod si aduersus prouinciam Metropolitanum Episcopus vel clericus habuerit querelam, perat Primate[m] diæceseos, & apud ipsum iudicetur, aut apud Sedem Apostolicam. Item cap. cccxlix: Si forte (quod non optamus) aliquem Episcoporum contra proprium Metropolitanum, vel contra alios quosque contingat aliquid habere causa, decreuimus ut ab hoc ad sedis Apostolica Iudiciū is qui petere festinat, licentiam habeat, quod scitis canonum antiquorum patrum institutiōe permissum. Nec non capit. cccxxiii. Vt iudicatus Episcopus ad Apostolicam sedem, si voluerit, appeller. Ex concilio Sardicensi. V. Quod si appellauerit, in cathedra ipsius alter non ordinetur. Obseruandum autem iterum est, talem prouocationem ad Papam extra diæcesin reorum, antiquis canonibus minimè esse consentaneam. Vetusissimi enim canones, etiam Nicæni ipsi, volunt, ut causæ quæque in suis prouinciis & diæcesibus finiantur: nec Sardicensis canon permittit appellationem in futurum ad omnes Episcopos

copos Romanos, sed ad solum Iulium Papam, qui tum vivebat. Ut
 taceam, canones illius concilii Sardicenis primis & melioribus
 temporibus parum vel nihil habuisse auctoritatis in multis etiam
 Occidentalis Ecclesiae diocesibus, ceu liquet ex certamine Paparum
 cum Episcopis Africanis. Ipsa Gallia videtur ante tempora hanc
 Carolina iis caruisse, ut quæ antehac fuerit vñ proprio libro Cano-
 num, non verò illo Romano Dionysii Exigui, qui Caroli demum æ-
 tate in Galliam penetrauit, ut rectè observatum Iac. Leschasserio l.
de libertatib. Eccles. Gallicanae. Neque verò temerè legas, in Gallia
 obtinuisse antehac appellationes ad Romanum Papam, nisi semel
 atq; iterū, & reclamantibus quidem Episcopis. Cum post hæc Hinc-
 marus Laudunensis illuc provocasset, opposuit novæ isti rei Rhe-
 mensis Hincmarus veteres canones Gallicanos. Et sanè primus
 Dionysius videtur in Codicem canonum in univēsa Ecclesia pōst
 receptum hōsc Sardicenses transtulisse. Hinc ait in præfat. *Ec ne*
quid præterea notitia vestra videar velle subtrahere, statuta quoque Sar-
dicensis Concilii atque Africani, quæ Latine sunt edita, suis à nobis nu-
meris cernuntur esse distincta. Quod ipsum pōst & Græci non im-
 probarunt, ut liquet ex canone 2. synodi quinisextæ Trullanæ: quod
 nempe sua satis de auctoritate sibi cautum putarent, Constantinopo-
 litana sede Romanæ æquatâ, nec minùs hæc atque illa ad summum
 Ecclesiæ regimen variis conatibus adspiraret. *Ceterum hæc obiter.*
 Quantumvis verò certum sit in illo concilio demum iacta esse fun-
 damenta Papalis in omnem Ecclesiam maiestatis: imò eiusmodi ca-
 nones omnes, tanquam leges merè positivas & sæpe tantum ad
 rempublic. Romanam veterem accommodatas, merito non debuif-
 se attendi, mutatâ dudum republ. Romanâ, adeoque nihil bonæ ra-
 tionis subfuerit: hac tamen ratione Papalem auctoritatem in regi-
 men Ecclesiasticum Germaniæ traductum esse certum est.

Quamvis verò nouo exemplo cæperit, tum provocatio Episco-
 porum ad Papam à Iudicio suspecti Metropolitani, tamen si in syno-
 do causa eorum iam fuerit acta & regiâ auctoritate decisa, non li-
 cuit provocare. Sanè ausus id fuit Hincmarus Laudunensis Episco-
 pus, neque minùs auidè id arreptum ab Hadriano secundo Papa
 circa annum 871. qui non veritus est à Carolo Caluo poscere, ut
 Hincmarum illum sistere, Romano Iudicio. Verum acerrimè resti-
 terunt hūc conatibus non tantum Episcopi illius ævi, sed & ipse

Rex Carolus, ex cuius epistola ad Papam quædam heic recitare oportet fuerit pretium. Sed ualde mirati sumus, ut rex corrector iniquorum & districtor reorum, ac secundum leges Ecclesiasticas ac mundanas ultor criminum, reum legaliter pro excessibus suis damnatum, suâ fretum potentiâ Romam dirigat, maxime autem illum qui & ante dispositionem, contra custodiam publicam & contra quietem moliri in tribus synodis extitit deprehensus. Item: Vnde sicut vobis rescripsimus, & nunc iterum vobis scribere non piguit, sed exigente causâ necessarium est: quia Reges Francorum ex regio genere nati, non Episcoporum vicedomini, sed terra domini hactenus fuimus computari. Et, ut Leo ac Romana synodus scripsit: Reges & Imperatores, quos terris diuina potentia precepit præesse, susdistinguentium negotiorum Episcopis sanctis iuxta diuina constituta permiserunt, non verò Episcoporum villis extiterunt. Quæ omnia lōgè sunt verissima: namque & ubi valuit Sardicenis canō, haud lieuit à regio iudicio ad Papam appellare: vtrū simile quid insolito exemplo ausum aliquando Athanasium videri possit. Regno porrò Francorum durante non minùs iureiurando Regibus deuincti erant Episcopi atque subditorum alii. Ipsemet Laudunensis Hincmarus libro purificationis, quem synodo obtulit, ita scribit: Ego Hincmarus Ecclesiæ Laudunensis à modò & deinceps Domino seniori meo Carolo Regi fidelis & obediens secundum meum ministerium ero, sicut homo suo seniori & Episcopus piè victuro suo Regi esse debet. Ut taceam, illà ætate Papas ipsosmet iudicio Cæsareo obtemperare coactos esse.

Tertium munus Episcopalis sacri iudicii fuit decisio quarumvis litium ad id perlatarum. In eam rem facit capitulum cclxxxi. libri sexti apud Benedictum Leuitam: Volumus atque precipimus, ut omnes ditioni nostra Deo auxiliante subiecti, tam Romani quam Franci, Alemanni, Baiuarii, Saxones, Thuringii, Frefones, Galli, Burgundini, Brittones, Langobardi, Vafcones, Benouentani, Gothi, Hispani, ceterique nobis subiecti omnes, licet quocunque videantur vinculo constricti, vel consuetudinario more connexi, hanc sententiam quam ex xvi. Theodoti Imperatoris libro, capitulo videlicet xii. ad interrogata Abiaui Ducis illi & omnibus rescripsimus, & inter nostra Capitula pro lege tenendam, consulem omnium fidelium nostrorum, tam clericorum quam & laicorum, posuimus, lege cunctis perpetua tenendam, id est. Quicumque litem habens, siue possessor siue petitor fuerit, vel in initio litis, vel decursis temporum curculis, seu cum negotium peroratur, siue cum iam ceperit promi sententia,

sentia, si Iudiciū elegerit sacrosancta legis antistitis, illic sine aliqua dubitatione, etiamsi alia pars refragatur, ad Episcoporum Iudiciū cum sermone ligantium dirigatur. Multa enim quae in Iudicio capiosa praescriptionis vincula promi non patiuntur, inuestigat & promit sacrosancta religionis auctoritas. Omnes itaque causae, quae vel Praetorio iure vel civili tractantur, Episcoporum sententiis terminatae, perpetuo stabilitatis iure firmentur. Nec liceat ulterius retractari negotiū, quod Episcoporum sententia deciderit. Haec tenus capitulum Carolinum. Manifestū verò est, cum tam multa & varia fuerint Episcopali Iudicio commissa, longè hoc Iudiciū Iudicio Comitum praestitisse, cum multitudine negotiorum, tum auctoritate & dignitate. Nullo autem reipubl. bono, vel ceterè perexiguo, multa horum ita esse constituta docuit euentus, Episcopis nonnullis in tyrannos propè degenerantibus, & dum alienis incumbunt curis, sui quod erat muneris negligentibus, summo Ecclesiae Germanicae damno. Quod latius exponere non est huius loci.

Proximi post sacra illa Iudicia ordinis eadem tempestate fuere Iudicia de bonis sacris cum Episcoporum & Monasteriorum, tum singularium etiam minorum Ecclesiarum. Neque enim harum rerum Iudiciū fuit penes ipsos clericos aut monachos, sed alios singulim à Regibus in id constitutos, qui Vicedomini, Aduocati aut Bastenuegre audiebant. Quamvis enim horum curatio etiam ad multa alia pertineret, tamen nostri instituti non est, reliqua nunc tangere. Aduocatorum verò fuisse iudicare de Abbatum, Presbyterorum, Diaconorum, Subdiaconorum & reliqui minoris ordinis cleri controuersis bonis clarè liquet ex verbis capitular. ante adductis: Si autem de possessionibus suis, seu Ecclesiasticis seu propriis clamor ad Iudicem [seculare scil.] venerit, mittat iudex clamantem cum misso suo ad Episcopum, ut faciat eum iustitiam per aduocatū accipere. Capitular. l. 3. c. 11. De Vicedominis, vicariis & centenariis praui, ut tollantur & tales eligantur, quales & sciant & velint iuste causas discernere & terminare. De Episcopalis bonis eadem fuit ratio. Hinc libro v. capite 234. legitur: Hoc statuimus, ubicunque Episcopi substantiam habuerint, Aduocatū habeant in ipso Comitatu, qui absque tarditate iustitiam faciat & suscipiat. Igitur tamen si causae personales cleri omnes non nisi ad cleri Iudiciū pertinerint, bonorum tamen sacrorum

E c

prorsus alia fuit conditio, utpote, quum horum etiam omnis administratio optimo consilio Aduocatis (hominibus utique non ex clerico) fuerit commissa. Vnde Hincmarus ep. 7. c. 31. *Decretum est, ut Episcopi, vniuersique sacerdotes habeant Aduocatos: quia Episcopi vniuersique sacerdotes ad solam laudem Dei bonorumque operum actionem constituuntur. Debet ergo vnusquisque eorum, tam pro Ecclesiasticis quam etiam propriis suis actionibus, habere aduocatum non male suspectum, sed bona opinionis, ne dum humana lucra attendunt, aeterna perdant.*

Quamuis verò ea quam proximè narrauimus fuerit ratio Iudiciorum statum per omnem Germaniam de causis minoribus, illa tamen eadem negotia non ita fuere hisce Iudiciis astricta, ut nullus fuerit locus relictus prouocationi ad Regem, tanquam Iudicem supremum. Imò superfuit eiusmodi prouocatio, quantum videtur, altera ad Missos aut legatos regio, altera ad ipsum Regis Palatium. Non quasi in qualibet causa tale quid licuerit, sed in nonnullis, & quidem cum Comites, Episcopi, Abbates & alii officio suo minùs rectè fungerentur. Hinc verè Vadianus l. de collegiis & monaster. Germania vereribus: *Ad Missos prouocare aduersus Comitum vel negligentiam vel illatam iniuriam etiam plebi licebat, actione hinc data concessaque, qui se neglectum fraudatumue aut iniquius à Comite tractatum quereretur.* Et verò Missis illis inquirendi potestas in omnes mores eorum qui populi rectores erant constituti, committitur multis verbis l. 2. capitul. 28. *Seorsim ut in Episcoporum & Comitum vitam inquirant iniungitur l. 2. capit. 12.* Nec verò tantum inquisitio illa Missis fuit commissa, sed ex parte etiam animaduertendi in fontes potestas. Huc sanè faciunt illa l. 4. c. 66. *Vbicunque Missi aut Episcopum aut Abbatem, aut quolibet quocunque honore præditum inuenerint, qui iustitiam facere vel noluit vel prohibuit, de ipsius rebus viuunt, quamdiu in eo loco iustitias facere debent.* Nec non illa l. 5. c. 183. *Si Comes in suo ministerio iustitias non fecerit, Missis nostris de sua casa vel de suis rebus seruiat, usque dum iustitia ibi facta fuerint. Et si Vassus noster iustitias non fecerit, tunc & Comes & Missus noster ad ipsius casam se-deant, & de suo curent, quousque iustitias faciant.* Nec verò à Iudicio Missi regii cuiquam Comitum, Abbatum, Episcoporum licuit abesse, ut disertè cauetur l. 4. cap. 17. *Ut omnis Episcopus, Abbas & Comes, excepta infirmitate vel nostrâ infirmitate, nullam excusationem habeant, quin ad placitum Missorum nostrorum veniat, aut talem vicarium suum mittat.*

mittat, qui in omni causa pro illo reddere rationem possit. Hinc porro non licuit Missio Iudicium instituere eo loci ubi Comes reipub. causâ aberat, quod decernitur l. 4. capit. 68. ut nec moram ducere, ubi Comes bene fuit officio functus.

Libet addere in maiorem huius rei lucem. Capitulum 26. l. 2. de Missorum officio. } Primò, ut conuentum in locis duobus aut tribus congregent, ubi omnes ad eorum legationem pertinentes conuenire possint, & omnibus generaliter notum faciant, qualis sit eorum legatio. Scilicet ad hoc esse se à nobis Missos constitutos, ut si quilibet Episcopus aut Comes ministerium suum propter quodlibet impedimentum implere non possit, ad eos recurrat, & cum eorum adiutorio ministerium suum adimpleat, & si talis causa fuerit, qua per eorum admonitionem emendari non possit, per eos ad nostram notitiam deferatur, & si forte Episcopus aut Comes aliquid negligentius in suo ministerio egerit, per istorum admonitionem corrigatur: & omnis populus sciat, ad hoc eos esse constitutos, ut cuicumque per negligentiam, aut incuriam, vel impossibilitatem Comitum, iustitiam suam acquirere non potuerit, ad eos primùm querelam suam possit deferre, & per eorum auxilium iustitiam acquirere, & quando aliquis ad nos necessitatis causa reclamauerit, ad eos possimus relatorum querelas ad definiendum remittere. Ipsi verd Missi non sine certissima causa vel necessitate huc illucque discurrant, nisi forte quando tale aliquid in cuiuslibet ministerio, ad legationem suam pertinente, ortum esse cognouerint, quod eorum presentia indigeat, & sine illorum consilio vel adiutorio emendari non possit. Inde tamen debent esse solliciti, ut propter illorum negligentiam nihil in sua legatione incorrectum remaneat: sed ubi certam & veram necessitatem cognouerint, nostram iussionem adimplere non negligant. Opera etiam fuerit pretium hic legere Capitulum 83. l. 3. de tempore Iudiciorum à Missis illis instituendorum. Volumus ut propter iustitiam, qua usque modo à parte Comitum remanserint, quatuor tantum mensibus in anno Missi nostri legationes suas exercent: id est, in hyeme, Ianuario: in verno, Aprili: in aestate, Iulio: in autumno, Octobri. Ceteris verd mensibus unusquisque Comitum placitum nostri quater in uno mense, & in quatuor locis habeant placita sua cum illis Comitibus, quibus congruum fuerit, ut ad eum locum possint conuenire. Denique cum publico sumptu regii illi Missi vixerint, dignum quoque lectu est capitulum 74. l. 4. ut pateat simul, illius æui frugalitas. De dispensa Missorum nostrorum, qualiter unicuique, id est, propter coniugem ac do-

munus eius custodiendam, iuxta suam qualitatē dandum vel accipiendum sit. Videlicet Episcopo panes xi. frisinga xii. de potu modii tres, porcellus unus, pulli tres, oua xv. annona ad caballos modii quatuor. Abbati, Comiti, atque ministeriali nostro, unicuique dentur quotidie panes triginta, frisinga dua, de potu modii duo, porcellus unus, pulli tres, oua xv. annona ad caballos modii tres. Vassallo nostro panes x. & vii. frisinga una, porcellus unus, de potu modius unus, pulli duo, oua decem, annona ad caballos modii duo.

In ipsomet Regio palatio itidem fuere causæ iudicatæ, & quidem partim per ipsum Regem, partim per Comitem Palatii. De illo iudicio agit additio l. 4. Capituli. Hoc Misi nostri notum faciant Comitibus & populo, quod nos in omni hebdomade unum diem ad causas audiendas & iudicandas sedere volumus. Videntur autem ad Regem delatæ causæ potissimum per appellationem, nec eam quamlibet. Id enim aperte fuit constitutum: Populo autem dicatur, ut caueat de aliis causis ad nos reclamare, nisi de quibus aut Misi nostri aut Comites eis iustitias facere noluerint. Item: si aliquis voluerit dicere, quod iuste ei non iudicetur, tunc in praesentiam nostram veniat: aliter verò non praesumat in praesentiam nostram venire pro alterius iustitia dilatanda. Præter hæc tamen ad Regis ipsius Iudicium pertinuerunt omnes causæ minores inter Episcopos, Abbates, Comites, & potentiores quosque controuersias; ut supra iam demonstraui. De Carolo Magno Eginhardus in vita: Cum calcearetur & amicaretur non tantum Comites admittebat, verum etiam si Comes palatii litem aliquam esse diceret, quæ sine eius iussu definiri non posset, statim litigantes introduci iussit, & veluti pro tribunali sederet, lite cognita sententiam dixit.

Ad Comitem Palatii videntur delatæ duorum generum causæ: alia quæ alibi decidi non potuerunt per prouocationem partium litigantium: alia circa ipsum palatium regium, aut in aula ipsamet enatæ. Memoratu digna sunt de officio Comitis illius verba Hincmari Rhemensis Archiepiscopi; hominis ut dignitate summi, ita rerum regni Francici suo ævo peritissimi, habentur autem illa cap. 19. & 21. Epistolæ ad Ludouicum Balbum regem. Comes Palatii, de omnibus secularibus causis, vel iudiciis suscipiendis curam instanter habebat (ut nec seculares prius Dominum Regem absque eius consilio inquietare necesse haberent, quousque ille prouideret, si necessitas esset, ut causa ante regem merito venire deberet. Capit. 21. Comitis autem palatii

tiis, inter cetera pene innumerabilia, in hoc maxime sollicitudo erat, ut omnes contentiones legales, quae alibi orta, propter aequitatis iudicium Palatium aggrediebantur, iuste & rationabiliter determinaret, seu peruersa iudicata ad aequitatis tramitem reduceret, ut & coram hominibus propter legum observationem, cunctis placeret. Audiuimus verò iam tum etiam supra capiculum Caroli Magni, quo prohibetur Comes palatii potentiorum causas nisi mandato regio decidere: tantum (inquit) ad pauperum & minus potentum iustitias faciendas sibi sciat esse vacandum.

In hunc modum fuere constituta omnia Iudicia cum alibi quæ patebat regnum Francorum, tum etiam per Germaniam, quo tempore floruit maxime illa respublica sub Carolo Magno & Ludouico Pio. Omnia perinde ita obseruata fuisse etiam nepotum ætate haud dixerim. Fuit enim tandem turbulenta admodum respublica per intestinos motus, & Normannorum incursiones, & sensim dignitas regia plurimum decreuit, maxime post creatos Duces quasi hereditarios. Ceterum eo quo diximus modo legibus & consuetudinibus publicis Iudicia tum fuisse instituta certum est. Sunt qui ab eodem Carolo deducant & Iudicium illud VVestphalicum, quod *veritum* nuncupat Aeneas Syluius *l. de statu Europa. c. 29.* aliis occultum, aliis Venicum iudicium appellatur. Quanquam verò haud negem trecentis ab hinc annis ita creditum esse, tamen dubitare me iubet de famæ fide silentium omnium, non Carolini tantum æui sed multorum post seculorum, ut pote quum nemo ante Syluium illum de hoc iudicio istiusmodi quidquam memorauerit: verò simile autem non sit interea temporis tale quid dictum à nemine illorum qui minima maxima solent narrare. Ad hoc ea fuit Iudicii illius iniquitas & barbaries, ut à Carolo, rege & prudente, & pio, illud esse institutum prorsus abhorreat à fide. Nec verò insolens est auctorum æuo in Carolum auctorem referre constituta etiam nouissima. Quale verò fuerit illud Iudicii genus narrant post Aeneam Syluium, Felix Faber *Histor. Sueuorum l. 1. c. 7.* sed adductis verbis Syluii, VVernerus Roleuinkius *Saxonia antiqua p. 2. c. 6.* Ioannes Auentinus *l. 4. Annal. ad annum 794.* Crancius Saxonia *l. 2. c. 21.* Letznerus *de vita Caroli Magni cap. 15.* addens eius Iudicii usum superfuisse in prouincia VVolpensi Ducatus Brunsvicensis, adhuc ætate Erici senioris Ducis, verum hunc ex consilio Iustini Gobleri ICI omne.

Ecce

illud aboleuisse. Non est nostrum eius formam recensere, aut barbariem multis perstringere.

Considerantibus autem omnem illam Iudiciorum constitutionem, haud difficile liquet, optime illam conuenisse populi moribus & integro reipubl. statui. Neque verò in regno legitimo, & ubi reipublicæ summa non debet esse penes vnum regem, & plebs ingenuè ac liberaliter habenda est, meliorem Iudiciorum rationem possis inire. Qui enim rectius cauere Optimarium libertati, quàm si causas, illorum famam, vitam, dignitatem & maxima bona attinentes, non nisi in Optimarium concilio decendantur? Quomodo plebi melius, quàm si & illi liceat ex suo ordine Iudiciorum assessores dare, & à Iudicum iniquis sententiis appellatio ad legatos regios & regem ipsum in promptu sit? Quomodo denique cum optimatum & populi libertate acuratiùs temperaueris regiam potestatem, quàm si maximarum litium Iudicia ipsimet regi ex parte committantur, si ille possit per se & suos legatos in totius regni Iudicia ex parte aduertere: si potissimi Iudices ipsius auctoritate constituantur, nulli porro admittantur nisi de ipsius consensu? Liquet porro ex iis quæ adduximus, controuersias obortas non in longum protelatas, sed obtinuisse cum processum simplicem, facilem, & breui tempore circumscriptum. Est autem & hoc maxime in reipublicæ commodum. Quàm utilis præterea fuit litium paucitas! cum singuli ex plebe intelligere possent leges secundum quas esset sibi videndum, nec processus simplex pateretur litium diuturnitatem, & causidicorum malitiæ non pateret forum. Vnum tamen illud merito reprehendas, quod lege permissum sit causas Episcoporum ad Papam extra diocesis Germaniæ deferre. Quantumvis enim initio id ipsum non summe nocuerit, quamdiu Papa ipse vnum cum Germania regem reuerenter coleret, tamen damnosum fuit reipubl. extra regni limites Iudicem aliquem admittere, qui posset non esse subditus Germaniæ regi, qualis utique fuit Papa statim ab obitu Ludouici Pii, quo tempore & Germania fuit distincta à reipubl. Romani Imperii, & Papa hierarchiam suam caput struere, eulescente Francici regni autoritate.

Quemadmodum post tempora Francorum aliquot proximis seculis habuerunt sese Germaniæ Iudicia difficilius explicatu est, ed quòd nullæ extet, vel certè paucissimæ leges temporibus illis in reipubl. late

blatæ quæ id ipsum significant, historici quoque eius æui reipubl. omnes imperiti & negligentes paucissima memorauerint, quæ huc faciant. Etiam sic tamen reuocare pereuntem memoriam Iudiciorum fortassis fuerit operæ pretium. Initium verò faciemus de causis Regum ipsorummet, utpote qui & ipsi moribus antiquis iurisdictioni alicui ratione regiminis fuerint subiecti. Inde dicemus de Iudicio causarum maiorum pertinentium ad Principes seculares quos vocant: post de Iudiciis Episcoporum differemus, utpote qui etiam ipsi Principibus in republ. nostra accensentur: adiecturi denique de Iudiciis magis plebeiarum rerum nonnulla. Quibus perspectis demum licebit decernere quàm bene quàmue malè Iudiciorum omnium ratio sese habeat, & quomodo vitiis si quæ sint possimus mederi.

Regum igitur causæ pertinentes ad reipubl. administrationem, ut olim ita & post, agitatæ sunt frequenter in comitiis regni. Ita Heuricus IV. Cæsar malè administratæ reipubl. aliquoties in comitiis postulatus fuit, eorundemque auctoritate regia dignitate exutus. Accidit idem & Ottoni IV. & Friderico II. non enim iam disputo, sint ne in horum causis ex iure aut æquo omnia gesta: Comitiorum auctoritatem etiam tum in tanti momenti negociis obseruatam esse satis est si iam attendamus.

Duo tamen acciderunt nonnunquam multum à priscis moribus dissidentia. Alterum est quod Concilii omnium ordinum illa vis ad solos Electores transire cæperit post euectam multum nouo more Septemuirorum dignitatem à Carolo IV. Hoc iure equidem VVenceslaus Cæsar tantum ex Electorum sententia depositus fuit, & post in Septemuiralibus comitiis pene solis de causis istis regis fuit actum. Alterum quod Papa Romanus cæperit non tantum arrogare sibi, seu aliquis feudi dominus, imò verò tanquam vicedeus, orbis Christiani, iurisdictionem in Cæsares & Reges Germaniæ, sed etiam illos immorigeros communicatione sacra in tantum excludere, ut omnes ciues & Ordines iuramento fidelitatis soluerentur. Sane (ut de sacra potentia quam Papa sibi arrogat prius dicamus) etiam Carolina ætate est creditum, quod excommunicatio habeat effectum civilem aliquem, ratione socialis vitæ: verum nemo illud quidem ad Reges excommunicatos pertinere censuit. Ut nunc taceam, in reges excommunicationis fulmen vibrare planè fuisse sa-

Etum insolens. Certè cùm fama effer Papam Gregorium qui sese rebellium partibus addiderat excommunicaturum Ludouicum Pium Cæsarem, vox hæc fuit vulgaris Episcoporum Gallia & Germaniæ: *Si Papa venit excommunicaturus, discedat, quia aliter se habet antiquorum auctoritas canonum, ut est in vita Ludouici.* In Lotharium regni Lotharingici Regem adulterii causa Nicolaus itidem excommunicationem intendit, sed minæ effectu caruerunt. Carolus Caluum occupantem regnum Lotharii ex Ordinum tamen sententia, per Episcopos regni illius voluit excommunicari Papa Hadrianus II. ipsimet fulmen illud fortè non ausus iaculare: nec tamè de alio effectu ciuili quidquam memorat quàm ut sese abstineant à conuictu & societate familiari Regis. Frustra enim est Bellarminus l. contra Barelaium c. 4. quando hunc collocat inter eos qui Gregorio VII. paria fecerunt, Subditis sacramento solutis, quanquam prælusisse haud negauerim. Quid verò responsum sit ab Ordinibus cùm aliis rum Episcopis, patet ex epistola Hincmari Rhemensis Archiepiscopi, adeoque inter Episcopos illos tum primi, ad Papam. Nunquam [feribit dictum vulgo] huiusmodi præceptionem ab illa sede ulli decessorum meorum missam fuisse, etiam si inter reges non tantum sacramentis confederatos, sed inter patrem ac filios, ac inter fratres, prælia ac seditiones eorum temporibus fuisse noscantur. Item. Nec etiam ad hereticorum vel schismaticorum siue tyrannicorum Imperatorum ac Regum, quales fuerunt Constantinus Arianus ac Apostata Iulianus & Maximus tyrannus, præsentia & salutatione siue colloctione, sedis Apostolica Principes vel alii magna auctoritatis atque sanctitatis Episcopi, cùm locus & ratio & causa exegit, se subtraxisse leguntur. Item: Et dicunt secularem scripturam dicere, quia omne regnum seculi huius bellis queritur, victoriis propagatur, & non Apostolici vel Episcoporum excommunicationibus obtinetur. Item. Petite dominum Apostolicum, ut quia Rex & Episcopus simul esse non potest, & sui antecessores Ecclesiasticum ordinem, quod suum est, & non rempublicam, quod Regum est, disposuerunt, non præcipiat nobis habere Regem, qui nō in sic longinquis partibus adiuuare non possit contra subitaneos & frequentes Paganorum impetus, & nō Francos non subeat seruire, cui nolumus seruire, quia istud iugum sui antecessores nostris antecessoribus non imposuerunt, & nos illud portare non possumus, qui scriptum esse in sanctis libris audimus, ut pro libertate & hereditate nostra vsque ad mortem certare debeamus. Et si aliquis Episcopus aliquem

Christianum contra legem excommunicat, sibi potestatem ligandi tollit. Et, nulli vitam aeternam potest tollere, si sua peccata illi eam non tollunt. Et, non conuenit ulli Episcopo dicere, ut Christianum, qui non est incorrigibilis, non propter propria crimina, sed pro terreno regno alicui tollendo vel acquirendo, nomine Christianitatis debeat priuare, & cum diabolo collocare quem Christus sua morte & suo sanguine de potestate diaboli venit redimere, & Christianos pro fratribus suis animas suas docuit ponere. Propterea si dominus Apostolicus vult pacem quaerere, sic pacem querat ut rixam non moueat: quia nos non credimus, ut aliter ad regnum Dei peruenire non possimus, si illum quem ipse commendat terrenum Regem non habuerimus. Plura ex epistola Hincmari adducere non vacat: tota verò meretur hac de legi.

Post hæc de regibus excommunicandis in Papali aula videtur alium silentium fuisse usque ad Gregor. VII. aut Hildebrandum, hic primus omnium non dubitauit Cæsarem Henricum IV. cuius erat subditus, ciuiliū delictorum nomine, & Romam ad dicendam coram sese causam vocare, & non comparentem statim excommunicare, simulque subditos sacramento iuratae fidelitatis exsoluere, perduelles denique ad nouum regem sibi creandum omnibus modis impellere. Quorum nihil omnibus retrò seculis in Christiano orbe auditum est. Bene enim Otto Frisingensis l. 6. c. 35. *Lego & relege Romanorum regum & Imperatorum gesta, & nusquam inuenio quenquam ante hunc Henricum à Romano Pontifice excommunicatum & regno priuatum.* Bene item Onuphrius Panuinius l. 4. de var. creatione Romanorum Pontificum, quem edidit Iesuita Gretzerus, factum illud Hildebrandi appellat, rem ante ea secula inauditam: nam (inquit) fabulas, quæ de Arcadio, Anastasio & Leone Iconomacho circumferuntur, non moror. Eodem tamen modo tonarunt alii Hildebrandini successores in Henricum V. Fridericum I. Philippum II. Fridericum II. Ludovicum IV.

Quamuis autem omnibus illis Papis non perinde omnia ex voto successerint, iniquitatem illius sententiæ prudentioribus quibusque & æqui studiosis, superstitionis spario nonnihil sublato, animaduertentibus: attamen certum est nunquā defuisse quæ Papalia illa fulmina, tanquam cœlitus profecta, venerarentur, certum est etiam, non tam in dubium vocatum, numquid tale possit Papa, quàm utrum iustis de causis diram eiusmodi sententiam in

hunc aut illum tulerit. Pauci sanè cum VValthramo Naumburgensi, cum Sigeberto, cum Marfilio Patauino, Ianduno & OcKamo, ipsammet illam Papæ potestatem iniuria postulauerunt. Autor Speculi Saxonici limitat quidem illam, ut tamen non tollat. Papa (inquit) non potest, nec aliquis alius, dominum Imperatorem excommunicare postquam consecratus est & unctus, nisi solum in tribus casibus: si dubius sit in fide: si repudiet uxorem suam legitimam: si destruat Ecclesiâ. Nec alia fortassis fuit sententia multorum aliorum, etiam qui visi sunt maxime facere pro dignitate regia. Abbas Tritthemius nihil aliud quam hoc ausus est dicere in Chron. monasterii Hirsauensis ad annũ 1106. Scholastici certant & adhuc sub iudice lis est, a trum Papa possit Imperatorem deponere. Quo tamen manifestum sit non accensitum tum temporis catholicæ fidei articulis doctrinam Hildebrandinam, verum citra Hæresios infamiam aduersam sententiam solere tum defendi. A Lutheri ætate iam ultra centum annos, ab omnibus Protestantibus damnatus est Hildebrandinus, & asserta Reipublicæ libertas: neque dubito etiam in numero illorum qui Protestantium partibus non acceperunt [ut in Gallia, Italia & alibi factum] satis multos hactenus sensisse, & etiamnum iam sentire paria. Fortè tamen illorum nemo publico scripto docere id ausus fuerit. Ex aduerso quasi Regnum aliquod occuparunt inter illos Loyolæ focii, quibus nihil videtur prius quam Hildebrandinum propagare, aduersariis atheorum, hæreticorum & politicorum titulo traductis. Ut itaque Reipublica inter has opiniones etiamnum fluctuet.

Non tantum verò iure illo sacro, verum etiã quoddam Caesar sit Papæ Vassallus, & omnia quæ Imperii Romani titulo veniunt, feudum sint papale, iurisdictionem arrogant sibi Pontifices in Caesares nostros & omnem Reipublicam. Auditum autem primò omnium tale quicquam fuit Friderico I. Cesare: nisi malis ad Lotharii Saxonis tempora originem referre, quod tū primū pictum eiusmodi quid sit in Reipublicæ ignominiam subscriptis illis versiculis:

Rex venit ante fores, iurans prius Urbis honores:

Mox Homo fit Pape, sumit quo dante coronam.

Verum Fridericus quidem aliam Papæ confessionem extorsit: tamen in Decretum Gratiani distinct 63. incepit tum nescio quod iuramentum Ottonis Tibi Domino, quod Glossa appellat *iuramentum fidelitatis*, Paulò post Innocentii III. capitulum *Venerabilem* scriptum est, quo

quo dicitur: quod ius & auctoritas examinandi personam electam in Regem Romanorum, & promouendam ad Imperium, ad Papam spectat, qui eum inungit, consecrat & coronat: primum fortassis Henrico obiectum est, quod præstiterit iuramentum fidelitatis: quod cum ille masculè negaret, prodiit illa Clementina vnica de iureiurando, Reipublicæ maximè ignominiosa. Longè maiori importunitate eiusmodi quid ausus est aduersus Ludov. IV. Ioannes XXII. Pontifex: cui tamen fortiter tota Respublica restitit. Et sanè si hæc concedenda essent, necessariò consequeretur Imperium in feudis Papalibus esse numerandum, & Papam habere in Cæsarem & Rempubicam ius tantquam in suos Vassallos. Verùm enimvero alibi de eo Papali conatu latè egimus. Vtque verum fuerit Imperium Romanum propriè ita dictum feudum esse Papale, non tamen capropter Papis devinctum ita est vel Italicum regnum vel Germania, vtpote quæ sint liberæ Republicæ, ab Imperio Romano prorsus distinctæ. Adeoque hoc quidem nomine nihil habuerit iuris Papa in Germaniæ regnum de cuius Iudiciis nunc agimus. Hinc in Cæsarum nostrorum excommunicationibus Papa ipsi non hoc suum feudale ius solent virgere, sed illam quam cæli us sibi credunt collatam omnipotentiam, quam etiam antè sibi adscripserunt quàm de dominio feudali in Cæsares quidquam mutierint. Neque enim verum est quod contendit Grotius, ex hoc illam esse natam, ut ex iam antè dictis manifestum est. Quicquid autè sit, nemo Cæsarum vassallum sese agnouit Papæ, iam à Ferdinandi I. ætate nemo vel obedientiæ sacramento sese voluit Papis obstringere ad modum aliorum Regum, frustra contranitante Pontificia curia. Interim tamen negari nequit in media Germania haberi ac coli hodieque à multis Codicem Legum Papalium, non expunctis illis quæ in ignominiam Reipublicæ perscripta esse diximus.

Verùm quomodo habere sese paulatim cepit, & nunc adèd sese habeat iurisdicctio in ipsum Regem satis est dictum: consequens est de PRINCIPVM LAICORVM CAUSSIS agere.

Videtur autem in illis Iudiciis aliquid quidem mansisse per omnia secula secula, vsque ad institutam Cameram Spirensem, pristini moris, aliquid verò mutatum. Mansit scilicet illud quod eiusmodi controuersiæ nunquam fuerint permissæ vnus Regis Iudicio, sed semper earum diiudicandarum potestas fuerit simul penes Ordines:

Ff 2

Pater autē hoc triplici modo. *Primò*, quòd nullis monumentis memoretur aduersi aliquid vnquam accidisse: *secundò*, quòd in historiis nostris, quæ paulò clariùs controuersias huiusmodi narrāt, semper memoretur id obseruatum esse quod nos diximus: *Tersid*, quòd supersint in omnium seculorum scriptis testimonia quæ demonstrāt hoc ipsum non tantūm ita tum obseruatum, sed etiam inter leges publicas fuisse habitum.

Prius vnicuius apparebit excutienti scripta eius æui. *Alterum* scilicet est si nonnullis tantūm exemplis nunc demonstremus. Cū Eberhardus magnæ auctoritatis Comes pacem publicam intestinis bellis fregisset, ab Ottone Magno Cæsare non nisi in Regni Comitibus & accusatus & damnatus fuit, teste VVitichindo l. 2. Henricus III. Cæsar Conradum Bauariæ Ducem itidem in comitiis Meiseburgensibus quorundam Principum iudicio Ducali dignitate exiit, ut scribit Hermannus Contractus in Chronico ann. 1052. Huius filius Henricus IV. Ottonis Bauariæ Ducis læsæ maiestatis rei causam itidem non nisi in Comitibus regni agitauit. Lambertus Schafneburgensis scribit Ottonem iam citatum respondisse, paratum sese coram venire, & conditione quam Principes regni æquam iudicassent crimen cuius insimulatus fuerat, refellere. Eiusdem verba sunt: Rex Principes Saxonie sententiam super eo rogauit, qui eum tamquam manifesti criminis deprehensum reum maiestatis iudicauerunt. Auentinus l. 5. Annal. narrat in Glosariensibus illis Comitibus Henricum Cæsarem primò legem Salicam de coniurationibus in Regem iussisse recitari, vniuersos inde Principes iurisiurandi sui admonuisse, sententiamque de Ottone rogasse. Omnes [inquit] in sententiam Regis pedibus iuerunt: factum est Senatus consultum, Otto hostis iudicatus & proscriptus. Eodem Cæsare quum Principes Saxonie rebellassent, scribit Lambertus missos ab illis legatos ad Cæsarem: Se iuxta iurisdictionem omnium regni Principum de omni iniuria qua se rex læsum diceret, paratos ei ad votum satisfacere, omnia, salua modò vita & libertate, libenter passuros. His porrò responsum à Cæsare: Se nec eis nec cuiquam iustam satisfactionem de culpa prop. nenti veniam negaturum: de tanto autem tamque atroci negotio precipitanter sententiam ferre nec velle nec debere, donec Principes regni in vnum conuenirent, in quorum communem ignominiam læsa regia maiestatis iniuria redundaret, & quorum tam virtute bellum transigendum quàm concilio pax reparanda esset.

ea esset. Eodem tempore scripsit ad Archiepiscopum Moguntinum
 Magdeburgensis, adducere sese voluisse Principes quos Caesar cre-
 debat sibi inimicos: quatenus (inquit) vestro aliorumque Principum lu-
 dicii vel in crimine deprehensi iusto supplicio subiacerent, vel innocentes
 inuenti vobis intercedentibus gratiam eius reciperent. Item: Domino
 nostro legationem sicut humiles serui saepe facimus, supplicantes ut nos in
 crimine deprehensos Iudicio Principum palam damnaret, vel sine crimine
 repositos gratia sua securitate donaret. Addit Lambertus: in Comi-
 tiis regni consensisse in hoc omnes regni principes, de Vfurpato
 in republ. hoc nouo & multis retrò seculis inaudito facinore non a-
 liter regi vel reipubl. posse satisfieri, quàm vt se absque vlla excep-
 tione dedant. Huic verò Senatus consulto Saxones obtemperasse.
 Contigerunt autem hæc seculo Vndecimo. Duodecimo sequen-
 te seculo ab Henrico V. Caesare proscriptus est Dux Lotharingæ,
 factum autem id in frequenti Principum conuentu, Iudicio optimatum
 & concilii decreto, vt loquitur Vrspergensis. Conrado III. rege pro-
 scriptus est & Henricus Superbus, verum in frequenti senatu, & sen-
 tentia editoque Principum, vt ait Auentinus l. 6. Henrici Leonis cau-
 sam quoque non nisi in comitiis regni agitatam à Friderico I. Cæsa-
 re, nec nisi de communi Principum sententia illum esse proscrip-
 tum, locupletissimè testantur omnes eius rei historiæ. Idem Hen-
 ricus supplex, à Cæsare cur non potuerit in integrum restitui, cau-
 sam disertè hanc adducit Arnoldus Lubecensis l. 2. c. 29. Non absque
 consensu Principum imperator restituere illum poterat, quem omnium con-
 sensu ditionibus suis priuarat. Non multò ante eiusdem Henrici
 Leonis controuersiam cum vitrico Henrico Bauaro, de ducatu Ba-
 uariæ, Fridericus Cæsar decidit, non nisi in Comitiis regni & ex de-
 creto Principum, vt narrat Otto Frisingensis de gestis Friderici l. 2. c.
 10. & post hunc ab aliis omnibus traditur. Tertio decimo seculo
 ab Ottone IV. Cæsare proscriptus est Otto Vithelsbachius cum a-
 liis complicitibus, verum & hoc ad voluntatem omnium, & in Comi-
 tiis regni factum scribit Arnoldus. Huius successor Fridericus II.
 Cæsar damnauit filium, at non nisi ex sententia septuaginta Prin-
 cipum in Comitiis, teste Auentino l. 7. Annal. Eodem Cæsare in Ita-
 lia absente, Ottoneim Bauariæ Ducem maiestatis læsæ reum Prin-
 cipes Imperii statuerunt, teste eod. l. c. Vbi notandum, quæ hæcenus
 narrauimus accidisse maxime apud nos florentibus Regum rebus.

Multò minùs ergo ab eo discessum fracta Caesarum auctoritate, post longum illud & perniciosum interregnum. Negotium Ottocari Bohemiæ regis nõ vni Rudolpho Cæsari, sed simul & Principi senatui permixtum est, scribente Gerhardo de Roß 1.2. *hist. Astr.* Idem Cæsar Austriam aliasque provincias repetente Bauaro, Senatu Imperii conuocato, retulit quid fieri placeret de hisce provinciis: ex Senatus consulto & Cöcilii decreto igitur Austriam ac Stiriam filiis suis, Carnos, Liburnos, Istros, Tirolis Principi concessit, teste Auentino 1.7. Adolphus Cæsar anno 1296. Noricorū Ducis filios proscripsit, sed in concilio atque ex sententia Principum, eodem Auentino teste. Seculo decimo quarto Henricus VII. contra Bohemum promulgauit decretum itidem ex sententia Principum vt Patrum curiæ, quod est apud Goldastum parte alt. *Reichsart.* p.29. Carolus IV. controuersiam de Electorali dignitate inter Palatinum & Bauarum non nisi in consensu omnium Electorum decedit. Rescripti Cæsarii hæc verba sunt: *3st mit allen Churfürsten Geistlichen vnd Weltlichen vnd sie mit ihm mit gemeinen Raht einmütiglich zu Raht worden vnd übereinkommen.* Seculo XVto huius filius Sigismundus Imperator sententiam in Ludouicam Bauariæ Ducem, vt hostem reipublicæ dicturus, ex Senatus decreto id efficere voluit, teste Auentino 1.7. Cùm Friderici Austriaci ope Ioannes Papa à concilio Cöstantiensis sese subduxisset anno 1415. nec ad causam dicendam vocatus Dux comparuisset, publico Principum Iudicio condemnatus est, scribente Hulderico Mutio 1.27. *Chron. Germ.* Cùm controuerterent inter sese Henricus & Ludouicus Palatini, Sigismundus Cæsar ist zu gericht geseßen, vnd bey ihm etwa viel seine vnd des Reichs Geistliche vnd Weltliche Fürsten, quæ verba sunt sententiæ latae Constantiæ 1417. Idem Cæsar licet inter Ducem Bergensem & Archiepiscopum Colonensem de nouo ad Rhenum vetigali exortam decedit ass. *impris* in consilium multis Episcopis, Principibus, & aliis optimatibus. Idem Cæsar sententiam patris Caroli de Palatino Electoratu, tam Ecclesiasticorum quàm secularium Principum sacri Romani Imperii Electorum consilio & consensu accedente, aliorum etiam Principum plurimorum Ecclesiasticorum & secularium, Baronum, nobilium & Procerum suorum ac sacri Imperii fidelium, mature communicato consilio, confirmavit: vt loquitur ipsa Bulla Cæsaris apud Goldastum. Idem Cæsar contentionem Erici Lauenburgici Misnensis de Electorali Saxonie dignitate, itidem non nisi in conuentu Electorum decedit.

Anno 1440. Ludouico Bauarix Duci cum filio ligaturo respondit in hæc verba Cæsar Fridericus III. Wir wollen die Sache mit sampt vnseren vnd des Reichs Churfürsten vnd andern Fürsten für vns nehmen vnd euch zu beyderseits mit der Freundschaft oder mit dem Rechten entscheiden.

Ex hisce omnibus utique manifestò liquet, verum esse quod diximus: saltem ad Maximiliani tempora controuersias Principum in Parium Principum concilio coram Rege aut Cæsare vel agitas vel decidas vulgò esse: vt vel hoc modo non liceat dubitare lege publica id ita fuisse constitutum. Possunt tamen illius legis & alia indicia adferri in medium. Ottonis Frisingensis de Vngarorum rege l. i. de gestis Friderici l. c. 31. hæc verba sunt: *Quod si aliquis ex Comitum ordine Regem vel in modico offenderit, vel etiam de hoc quandoque non iuste infamatus fuerit, quilibet infima conditionis lixa à curia missus eum, licet satellitibus suis stipatum, solus comprehendit, in vincula ponit, ad diuersa tormentorum genera trahit. Nulla sententia à Principe, sicut apud nos moris est, per Pares suos exposcitur, sed sola voluntas Principis apud omnes pro ratione habetur.* Ergo Ottone teste Cæsar tum sententiam non tulit de Comitibus & Ducibus nisi de consensu Parium h. e. de consensu Ducum & Comitum: hi soli enim Ducibus & Comitibus sunt Pares. Et verò hoc obtinuit tum temporis in omnibus negotiis feudalibus, quæ de re omnino legenda constitutio Conradi Imperatoris l. 5. feud. Longobardi. In Friderici II. Cæsaris constitutione anno 1236. in Comitibus regni frequentissimis lata hæc verba leguntur c. 24. *Das der Hoffsrichter solle die Leute richten die ihm klagen von allen Leuten, ohne Fürsten vnd andere hohe Leute / wo es gehet an ihr Leibe / oder an ihr Rechte, oder an ihr Erbe, oder an ihr Ehre, daß wollen wir selber richten.* Eadem verba habentur in constitutione Rudolphi I. lata anno 1287. quæ legitur apud Lehman. l. v. chronici Spirensis c. 108. Alberti I. apud Goldastum p. 2. Reichsart. p. 27. Vnde liquet seculo decimo tertio etiam scripta lege regia à iudicandis causis Principum aula Cæsareæ palatinum iudicium fuisse seculum & ad ipsummet Cæsarem hæc causas delatas esse. Quamquam verò verba, legis nullam mentionem faciant Ordinum, sed solius Cæsaris, non tamen hos quis credat exclusos, utpote quum iudiciorum ordo reuocatus tum sit ad morem priscum, qui qualis fuerit, audiuius. Anno 1408. in tabulis pacti inter Ioannem & Ludouicum Bauaros, inquit Ioannes:

Daß sein Vater hey vns rechtens nicht bekommen mög vnd sein väterlich erbe oder durch andere spräche/ dann durch den Römischen König vnd vor den Fürsten da solche Sachen billig für ges hören. Eiusdem seculi anno 17. obortâ lite inter Ludouicum & Henricum Palatinos, quorum ille causam suam volebat Iudicio Ecclesiastico decidi, re cum Principibus comunicata, testatur Cæsar sigismundus sic pronunciatum. Hierauff war nach vnserer frage von den Fürsten allen einhelliglich zum Rechten gesprochen/nach dem vnd wir hier in Teutsche Landen zum rechten sessen/als ein Römischer König/vnd Herzog Ludowig vnd Herzog Heinrich vorgenâte beide Teutsche Fürsten weren/vnd zum Reich gehörende/vnd die Sache Teutsch vnd vmb des Reichs Lehne were/die in Teutsche Landen gelegen weren/ vnd wir ihnen beyderseits ein Teusch Recht mit Teutschen Fürsten besetzt hetten/ vnd beyde Theil mit Teutschen Fürgestanden / vnd ihr Sache nach Teutschen Rechtens gewonheit fürgelegt hetten/ so sprechen sie zum Rechten/ was ieglicher Theil fürlegen wolte/es were Brieffe/worte oder andere redliche Bundschaften/ daß er daß in Teutschen vnd nach Teutschen Rechtens gewonheit durch seinen Fürsprecher thun vnd fürlegen solte. Cum Ericus Lauenburgicus Fridericum Milnensem super Electorali dignitate in iudicium ad Concilium Basiliense trahere niteretur, idem Sigismundus Cæsar in hæc verba publice est protestatus coram Imperii Ordinibus anno 1434. Cum Principatus officium ac ius supra dicta à nobis ac Imperio nostro in feudum immediate descendant, ac secundum iuris communis dispositionem, nec non usum, morem, stilum & consuetudinem sacri Romani Imperii, feudalis contentio per Dominum feudi, ac Pares curia terminanda sit, liquet, hanc questionem, si qua prætendi poterit, ad nostram & illustrium Archiprincipum nostrorum sacri Romani Imperii Electorum pertinere notionem. Item: Nos eidem Erico semper vltaneos præbuius iustitia complementum ministrare legitime, quod aliter expediri nequit, nisi Parium nostræ Curia arbitrio, respectu feudi memorati. Quos utique Pares, legitime requisiti, proprii sumus, more Imperialis Maiestatis intra fines Alemannia vocare, ubi de causis & questionibus Principum Alemannia ex stilo Imperii nos conuenit iudicare. Item: Quam insuper protestationem sacra Basil. Synodo intimare curabimus, ac ipsam requirere, quatenus causam ipsam à se penitus abdicet, & ad forum nostrum remittat, more, stilo, & consuetudine Imperii nostri & Rarum Curia nostra terminandam. Hæc

ius successor Fridericus III. Henrico Bauaro opinanti se citatum ad iudicium aulicum uulgare, respondit anno 1448. So ist doch unsere Meinung nicht gewesen/ vnd noch unsere Meinung nicht, das solch Recht in unserm Kammergerichte / das wir mit den Personen / wann Fürsten vnd vmb Sachen die unser vnd des Reichs Obrsten Ehre/ Leib oder Leben nicht betreffen / besetzen/ zwischen euch sol oder solte aufgetragen werden.

Nullum itaque dubium est antiquissimum illum morem Germanicum, quique etiam sub Carolina familia obseruatus est, de Principum causis non nisi de sententia Principum eiusdem ordinis iudicandis, usque ad Maximilianum Caesarem, seruatum integrum. Quod eo minus quis mirabitur quod certius est etiam in Occidentali Francorum regno diu idem obtinuisse. Namque & ibi non tantum in primario quouis feudo certus vassallorum numerus qui Pares aut Liberi Feudales dicebantur, curiam domini sui colentes, & de feudalibus causis, iudicantes, (verba sunt Tili i. de reb. Gallis) verum etiam in ipsis Regni negotiis Pares aliqui constituti sunt. Non ferebat nobilitas [inquit Tilius] de feudis ab ignobili villo iudicari. In confesso Bithurigerum iudicia fiebant ciuibus & equitibus Septimania, assistentibus quatuor ex summo templo & binis ex aliis canoniis cum Abbatibus. Nec tamen voluit Sanserranus Comes in eo confesso iudicari, quia ciues permixti erant, dicens Baronatus causam non aliorum iudicio quam nobilium terminandam esse. Item: Hac iudiciorum ratio, ut de causis feudalibus iudicent feudales Pares, in Gallia est perantiqua. Et verò ne in Galliis quidem arbitror id mutatum, antequam Parlamentorum quæ appellantur potestas cepit nouo more se assertere. Neque enim abs re est quod scribit Hotomannus Francogall. c. xii. per illa iudicia omnem Ordinum vim atque auctoritatem à Capetanis regibus conculcassam.

Ceterum hæc obiter. Iudicia verò illa Principum etiam hoc ex primo æuo ad eundem Maximilianum usque traxerunt, quod causæ quamuis maximæ in iudiciis illis citò finem consecutæ sint, quodque simplici ratione, & ex æquo ac bono, Principum conuentus illas deciderit. Neque verò aliter fieri potuit, utpote cum Principes procul esse ab ingenio rabulario, & ipsimet præsentibus causas suas per procuratorem proponerent, & iudiciis vnà cum Caesare præsiderent. Et verò infinitis penè exemplis demonstrare est, gra-

nissimas Principum controuersias, vno, altero aut tertio conuentu iudiciali intra breue temporis spatium decisas esse. Cum volup-
tate & summo commodo quis legat in huius rei accuratam noti-
tiam, saltem Henrici VII. contra Henricum Bohemiæ regem anno
1310. & Caroli IV. in causa Ruperti Palatini anno 1353. editum de-
cretum, quorum vtrumque extat apud Goldastum p. 2. *Reichs-
zung*. p. 29. & 42. Sigismundi item sententiam alteram Constantiæ
1417, alteram Noribergæ latam 1431. aquod auctorem *Informat. in ne-
gocio Donauuerdensi*.

Et hæc quidem remanserunt vsque ad Maximilianum. In non-
nullis tamen iudicia illa à priscis moribus multum recesserunt. *Prin-
cipum* enim cum familiæ integræ aliquot Principum, tum Principum
alii nonnulli, arbitraria sibi ceperunt iudicia constituere, non attē-
tā Regum sententiā: quæ hodieq; Austregæ, aut *geroilsfürte Austre-
ge* nuncupantur. Origo rei in obscuro est. Fortassis tamē meritō illā
retuleris in longum illud interregnum seculi xiii. & vltimos Friderici
II. Cæsaris annos. Namque omni illo tempore nulla fuerunt iudicia
publica, neque potuerunt non interea controuersia inter Principes
oriri. Sed & post interregnum vsque ad Maximilianum ea fuit Cæ-
sarum imbecillitas, vt principum multi ab eorum iudiciis causas
suas suspendere noluerint. Rara quoque ex eo fuerunt regni co-
mitia, sæpe etiam satis diu Cæsarea dignitas penes quem esset incer-
tum fuit, contententibus inter sese de illa dignitate haud paucis an-
te Carolinam Bullam: vt proinde tam turbulento reipubl. statu e-
tiam coacti fuerint nonnulli Principes, alia sibi iudicia querere.
Certè hisce temporibus inductæ sunt & ciuitates multæ in similia
iudicia coniurare, vt pōst dicemus.

Adhuc magis ab ætatis Carolinæ moribus in eo recessum est,
quod plurimæ Principum controuersia & causæ sensim non tam
iudiciis illis, quàm armis & bellis fuerint agitata: iudicatum quo-
que pauci soluerint, nisi vi & armis reipubl. coacti. Cæpit autem
verumque statim ex quo Germanicæ prouinciæ fuere Ducibus com-
missæ, Comitatus quoque & Ducatus tantum non merè hæreditarii
sunt facti. Ex eo enim munimenta & arces in Germania plurimæ à
singulis Principibus, Comitibus & aliis extrui ceperunt, & domi au-
cta est singulorum potentia, vsque adeò, vt viribus suis freti æqua
iudicia amplius vix admitterent. Cum primis verò inualuit post
labo-

labefactatam per Hildebrandum regiam potestatem, multò magis verò ab ætate Friderici II. Cæsaris: cum quo Regia auctoritas tantum non tota concidit. Loquuntur sanè Historiæ Germanicæ iam à multis seculis penè nihil aliud quàm bella ciuilia Principum, summo argumento contempnæ iudiciorum auctoritatis.

Non minùs illud quoque nouum est quod, vt in Reges ac Cæsares nostros, ita & in Principes seculares, profanorum negotiorum, causâ iurisdictionem aliquam Papæ cæperint exercere. Sensum id ortum est, postquam Hildebrando auctore in immensum auctoritas Papalis excreuit. Ex eo enim in Principes illos non minùs atque in Cæsares excommunicationis fulmen ad causas prorùs alienas, vt & effectus antehac inauditos translarum est. Præterea verò & aliis occultis artibus tractæ sunt Principum causæ ad forum Papale, quarum meminit iam Fridericus II. Cæsar in epistola ad proceres & populum Galliæ, quam suis pro patre Guilielmo Vindictis contra Bellarminum interuit Ioannes Barclaius in epilogo. Recensens enim illas iniurias quibus sese & alios Principes atque Reges credebatur Cæsar iniquè affectos, mox addit. Quodque questione siue dissensione, inter dominos & vassallos, seu inter duos nobiles & vicinos inuicem contendentes, prout assolet, emergente, prædicti summi Pontifices ad petitionem vnius partis tantummodò partes suas temporaliter interponunt, volendo ipsos inuitos in se compromittere, vel aliter ad concordiam coercere: & alligando se fidelibus contra dominos, aut vni de partibus suprâ dictis, quod non prius pacem cum aliis faciant, quàm alligatos sibi ponant in pacem: recipiendo similiter promissionem de non faciendo pacem cum dominis à vassallo. Item in eo quod prædicti summi Pontifices, in præiudicium iurisdictionis, & honoris Regum, & Principum prædictorum, ad petitionem Clericorum, seu Laicorum, cognitionem causarum de rebus temporalibus, possessionibus feudalibus, seu burgensalicis, in Ecclesiastico foro tractandas recipiunt, & committunt. Hæc Cæsar. Durasse verò illas artes etiam ad Maxiliani Cæsaris ævum, adeoque per multa secula, manifestum sit ex Grauaminibus secularium Principum Carolo V. Cæsare in comitiis Noribergenlibus Adriano Papæ transmissis. Nonnunquam eiusmodi quid factum est & ipsorum Principum culpa verentium ne in Cæsareo iudicio causâ caderent, vt liquet exemplis Ludouici Palatini & Erici Lauuenburgici antè commemoratis.

Atque hæc quidem ita contigerunt. Non difficile autem est dictu etiam quare in hunc modum omnia euenerint, perpendentibus post regiam dignitatem & potentiam collabentem, ex aduerso incrementem magis magisque Principum aliorumque Ordinum vim domesticam, quam parum habita fuerit ratio publici boni per multa secula, quam uero fuerit exigua Cæsarum existimatio. Tantum nempe abfuit ut per Cæsares potuerit deliberari quæ ab antiquo Principibus competiit libertas, (cuius haud leuis pars fuit illa qua de nunc agimus Iudiciorum ratio) ut Cæsaribus nihil reluctantibus aut parum, potentiores quique Principum omnia Iudicia quasi euerterint bello & armis, sibi quiduis pro lubitu vindicantes, alii in arbitraria Iudicia consenserint, non implorata auctoritate reipublicæ. Quorum ut nihil ferendum est in republica bene constituta, ita nec in Germania contigisset unquam, si reipublicæ, ut olim, sua auctoritas & vis mansisset salua. Eodem porro vitio nutrita est Pontificum Romanorum audacia, in republ. tot modis scissa & lacera.

Quamuis autem hæc ita sese habuerint, Maximiliani tamen, Caroli V. & sequente ætate multum mutauerunt. Ut enim primum attingamus Papales conatus, non facile quidem illi desierunt, dixeris tamen hodie fortassis illos è medio sublato esse. Quæ felicitas Reipublicæ Protestantibus unice, vel certè potissimum, ferenda est accepta. Nam quod etiam antehac factum diximus, Maximilianus quidem haud temerè permisit Principum laicorum causas ad Iudicium curiæ Romanæ trahi, quænam modum liquet etiam ex rescripto ad Ordines Imperii anno 1505. cuius verba sunt: Wir geben euch zuvernehmen/ daß wir den Probst/ Dechant vnd Capitel des Thumsstifts zu Trier gebeten haben / die Rechtssfertigung/ damit sie dem Edlen vnsern vnd des Reichs neben getreuen Philips Grauen zu Sirnburg zu Rom fürgenommen/ abzustellen vnd des heiligen Reichs Cammer richten / als seinen ordentlichen Gericht begnügen zu lassen: Tamen ex querelis aut Grauinibus, ut vocant, Principum laicorum Germaniæ ex comitiis Noribergensibus curiæ Papali transmissorum anno 1522. manifestum est, quantum ausi fuerint hac in re etiam tum Pontifices. Omnino merentur legi grauamina (ceu appellantur) nonum, decimum, undecimum & duodecimum. Nec verò fuit horum finis ante quam Laici Principes Protestantes, ut in aliis, ita & in hisce negotiis

gotiis Papali dominationi colla tandem subdixerunt. Quorum cum numerus sit per Germaniam maior nec levis potentia, fortassis ex eo iam & reliqui Protestantium partibus haud adscripti, vel ab ipsa Papali curia caperunt mitius haberi atque æquius, aut verò ipsimet illi Principes libertati suæ aliorum exemplo rectius cauerunt.

Magno etiam Germaniæ bono factum secundum est (vt sublata Principum illa *respublica*, ab eo usque tempore controuersia legitimis Iudiciis passim commissæ sint. Quamuis enim inueteratum malum, publica reipublicæ impotentia, atque singulorum Ordinum domi constituto robore subnixum, non ex voto potuerit eradicari, attamen & rectius quàm antehac aliquot seculis in Iudicia, Principibus consensus, & per bonas leges bellicis illis motibus obuiam itum est. Causam, quâ impulsæ multi Principum ferociæ pristina non nihil remiserunt, fortassis haud immeritò dixeris Urbium Germanicarum vires, vt æmulas Principibus ita supparet, illa Maximiliani tempestate. Neque verò belligerantibus pro expectatione fructus cedebat, quod à nummis minùs valerent, & munimenta potissima in potestate essent oppidanorum, valde pro incremento libertatis suæ laborantium. Ad hoc non potuit non prudentiores & æquiores quoque Principum rædium capere tot bellorum ciuiliū, quibus per aliquot centum annos miserè Germania omnis hic alibi euerfa est. Flexi indubiè ad humaniora hæc instituta Principum animi haud leuiter fuerunt per Romani atque Canonici iuris peritos, qui à Maximiliani ætate consiliis reipublicæ passim per Germaniam sunt admoti: in aulis Principum antea regnantibus penè solis illiteratis ac militaris ordinis hominibus. Vt solet reipublica sese habere ad ingenium regentium.

Tertium id quoque planè nouo more capit, quod ipsimet Principes aut Cæsar ipsemet non ampliùs vacent diiudicandis controuersis suis, vt antehac, sed omnem hanc curam in Romanorum legum peritos, plebei licet generis, ministros suos soleant reicere. Cui rei mos patrius ab omni retrò æuo hætenus seruatus plurimùm aduersatur. Non potuit verò non hoc obtinere ex quo pro legibus patriis Romanæ atque Pontificiæ in Germania inualuerunt: quod ab ætate usque Maximiliani quàm maximè capit. Neque verò fieri temerè poterit, vt Principes ipsi Romanum & Canonicum ius addiscant, quæ huius doctrinæ est prolixitas, & aulicæ educationis

indulgentia. Vt taceam ingeniorum quæ nonnunquam est ruditatem, & alia studia, ad quæ cum Principes omnino debeant institui, præcipitur tempus addiscendo iuri Romano impendendum. Igitur ex quo non potuit in Principibus esse iuris peritia, ex eo coacti quodque iidem sunt Iudicia etiam maxima aliis committere. Secus quàm antehac solitum, cum leges & consuetudines patrias nemo paulò intelligentior ignoraret, & pleraque ex æquo & bono componerentur.

Huic rei consequens est *quarta* mutatio circa diuturnitatem litium. Namque multum profectò lites illæ Principum solito factæ sunt diuturniores, ex quo per alios & coram aliis quàm qui sunt sui ordinis litigare cæperunt. Quod ipsum ex parte accidit quasi necessitate quadam, partim vi nouarum legum, partim denique malitia caudicorum. Fieri etenim non potest, ut qui ministerio funguntur: possint perinde atque Principes ipsimet finire controuersias: quippe quibus circumscripta variis modis est agendi potestas, quæ in Principum litigantium ipsorummet liberrimo est arbitrata. Illud quoque ferè est ingenium aulæ, ut qui cupiditati subseruit dominantium primo loco sit, certè sit acceptior illo qui æqua consulit & moderata. Hinc adiguntur ministri tanquam vi quadam, ne gratiā excidant, ut non tam quæ sunt æqua suadeant ac velint, quàm illa quæ placent, quamuis improbis, dominorum affectibus. Atqui æquitatis & moderationis viâ interclusa necessum est iusto longius lites protrahi. Perro vnà cum legibus Romanis, simul etiam ea in foro procedendi ratio, quæ Papali curiæ laudatur, opinionem accepit in Germania eximia prudentiæ pariter & æquitatis: eoque ut ad alias ita & ad Principum controuersias ceptam illam admoeri non est mirum. Est autem illa proluxa admodum, & plurimum à prisca tot seculis recepta simplicitate diuersa. Iam verò constat quoque cum aliunde tum ex quærelis Ordinum Imperii publicis, iam tum seculo quinto decimo effusis, eo tempore quo leges Romanæ ceperunt pedem in Germaniam inferre, aris tabulariæ quoque sparsam in mores nostros sementem, vberimā fruge breui diuitem: ut ne caueri quidem potuerit, quin & in Principum lites frequenter dispergerent sese pessimæ radicis surculi. Enim verò nonnunquam à sola illa mala arte, ut vulgò alias, ita & Principum controuersias maximas penè in infinitum protractas esse, nemo

mo Germanicarum rerum peritior negauerit.

Quinta mutatio contigit circa arbitraria Iudicia, quæ à nonnullis Principum fuisse constituta supra diximus. Est autem illa non vniusmodi. Quam enim antehac non nisi apud paucos fortassis illa obtinuissent, nec tam auctoritate reipublicæ quàm ex Principum quorundam priuato instituto, quando Maximiliano Cæsare noua Iudiciorum ratio institueretur, & Principes quidem iudicarent sua interesse ut arbitraria Iudicia perirent, Cæsar verò restitutam nonnulli vellet suam, quam in summis illis causis diiudicandis obtinuerat quondam auctoritatem, placuit vt omnes Principum causæ, siquidem reus ita velit, coram arbitrariis Iudicibus à Cæsare in id confirmatis agerentur: data tamen venia appellandi à sententia ad summum Iudicium quod appellant Camerale. Itaque & leges multæ sunt conscriptæ de Iudiciis illis arbitrariis, quæ semigermanica voce vulgò *austrege* nuncupantur. Neque enim Principes primarii, & illi quos Comites aut Barones dicimus, eandem usurpant rationem *Austregarum*. Imò alia illa est atque alia, prout actor est aut summi aut medii, aut infimi ordinis aliquis. Qua de re legenda *Ordinatio Camera parte 2. tit. 2. & seqq.* ne alia nunc laudem in testimonium Comitiorum decreta.

Quamuis verò hoc modo possint videri Principes more antiquo experiri coram sui ordinis Iudicibus, reapse tamen nihil tale fit, quòd illi qui arbitrarii Iudices sunt lecti soleant delegare Iudicium suis ministris. Porro etsi initio omnes Principum causæ ad *Austregas* sint delatæ, tamen postea placuit coram hoc Iudicio non experiri circa omnes controuersias, sed pleraque negotia statim ad Cameram referre. Enumeratur illa parte secundà Ordinationis cameralis hoc ordine: Causæ fractæ pacis, causæ fiscales, causæ de constitutione religioſa, litigioſæ possessionis, pignorationum, mandatorum sine clausula, relaxationis ad effectum agendi, legis diffamari, denegatæ vel protractæ iustitiæ, appellationum denique omnes causæ hactenus coram austregis non agitari solitæ. Quo ipso liquet *Austregis* paucissima negotia relictæ esse. Notandum præterea, definitum esse legibus, vt Iudicium *Austrega* intra semestrem, aut annale tempus finiatur, quo spacio [vt nunc sunt mores] lites paulò maioris momenti non possunt, certè non solent, experiri. Itaque etiam hoc modo fit vt Iudicium illud parum

usus habeat. Accedit ulterius, magnis sumptibus Iudicium illud constare, ob munera in ministros iudicantium Principum ex more conferenda. Ut aded in vniuersum *Austregarum* Iudicium expendens, vix possit aliter iudicare, quam vel nihil vel admodum parum reipublicæ prodesse. Et verò falsum est quod nonnulli aiunt, institutum hoc Iudicium, quod etiam Principes habeant in suis negotiis multas instantias forenses, quoniam pleraque negotia etiam lege publica illi Iudicio sunt subducta.

Hinc *sexto* etiam hoc iam est nouo more introductum, ut tamen Principes in prima instantia coram *austregis* experiantur, ferè nunquam ibi componantur controuersia, sed cum aliàs, tum per appellationem ad Cameram Spirensē aut etiam ad Iudicium aulicum Cæsaris trahantur. Quod sanè multum abt à pristinis moribus. Neque enim legas temerè, controuersiam aliquam Principum ab arbitrariis Iudiciis illis trāslatam olim fuisse ad Iudiciū Cæsareum. Multò minùs legas talem aliquam controuersiam agitatam coram illo Cæsaris Iudicio quod Assessores habet, qui non tantum plebei generis, imò ne quidem Principum auctoritate constituti, quales tamen sunt Assessores Cameræ Spirensis. Obseruandum præterea est, quod legibus publicis & consensu omnium Ordinum sit quidem constitutum illud de Principum causis, vel statim in prima instantia, vel per proutocationem ad Iudicium Camerale deferendis, de iisdem autem Aulico Cæsaris tribunali committendis nunquam quicquam in Comitibus lege sit decretum. Ut ita hoc posterius niti tantum consuetudine quadam, possit videri. Et sanè multum hac de re, tanquam minùs legibus consentaneā, conquesti sunt tum alii tum omnes illi qui in fœdus Correspondentia, quod appellarunt, fuere vniti.

Noua quoque *septimo* est illa, quam leges definiunt latas sententias exequendi ratio, si partes nolint iis vltro obtemperare. Actum de ea primò omnium est in Colonienſibus comitiis anno seculi superioris duodecimo, & pòst in sequentibus multis. Visum verò est expedire, si, in decem circulos distributa Germaniā, cuilibet exequendi illa auctoritas deferatur. Huc faciunt Comitiorum Colonienſium anni 1512. paragraphus: Vnd obiemand: V Vormatienſium anno 21. § Ob aber zu frischer That. Anno 22. So zu frischer &c. Hinc in singulis circulis leges postea latæ sunt de modo executionum,

tionum, quæ num perinde omnes reipublicæ expediant haud abs re fortassis quis dubitet. Caterùm nec adferre huc licet illas, nec heic sub examen vocare, ob multitudinem & varietatem. Quamvis verò hæc ita sint definita, atramen legibus illis sese non teneri Cæsarium nonnulli sunt professi. Sic iam anno 1607. Rudolphus Cæsar rescribi fecit: Daß ihre Mai. weder an des Reichs Executions Ordnung oder Kreis verfassung / noch sonst dahin gebunden sein / daß zu Exequirung der Kay. Verheil sonst kein Mittel vor genommen werden möge / dann allein mit desienigen Kreiß Obristen zuthun / darunter die condemnirte gesessen / sonder sie hetzen zu erhaltung Rechts auch wol auff andere weis in alweg zuschliesen. Idem Cæsar proscriptionem Donauertensis Urbis non per Sueuici circuli Ordines sed per Bauaria Ducem executioni mandauit. Ex aduerso tamen hoc tanquam iniuriosum reipubl. & iniquum multi Principum proclamauerunt. An verò nunc hæc res sit composita satis dubito. Vt proinde in tam magni momenti negotio videatur reipubl. fluctuare.

Præ aliis maximi ponderis est mutatio *septima*: quod nempe Cæsares à centum iam annis ceperint de Principum feudalibus bonis maximis, imò vita & omni fortuna, decernere, non tantum non audita aliorum Principum, vt Parium curiæ, sententiâ, sed ne quidem in Iudicio aliquo per Principum delegatos constituto. Sic Carolus V. Ioannem Fridericum Saxonem & Philippum Landgrauium pro scripsit, illum captum etiam capitis damnauit. Idem anno 1545. solus decedit litem inter Landgrauium & Nassouia Comitem de ditione Cattorum, quæ sententia tamen post est rescissa. Vtique exempla similia non extant Cæsare Ferdinando I. & Maximiliano II. Rudolphus tamen, in turbis Argentoratensibus anno 1602. intentauit proscriptionis fulmen Christiano Holstia Ducis Argentoratensis Episcopatus vicedecano: in causa Iuliacensi aliis Principibus potissimum ordinis idem est minitatus: causam illam, quæ vertebatur circa Ducatus hos & multos Comitatus ad sui vnius Iudiciû attrahens. Neque verò non etiam à Principibus aliquot est hoc probatum. Et si enim *Vniri*, qui appellabantur, ad priscam consuetudinem prouocarent, agnouit tamen hoc solitarium summum Cæsaris Iudiciû Christianus II. Elector, agnouerunt qui Pragæ aderant anno 1610.

Hh

qui Pragæ aderant anno 1610. Principes Germanici magnæ auctori-
tatis, nisi quod consultum crederent, ut Cæsar, remouenda inuidiæ
ergo, etiam Principes aliquot in consilium vocaret. Neque Cæsar ad-
misit Principes Iudicii Pares nisi hac addita expressa cautela: *Das
sich sonst auff diesen solchen Fall niemand zuberuffen oder sol-
ches in consequentiâ zu ziehen habe.* Porro etiam anno 1613. in ipsis
Comitiis Ratisbonensibus reiecta fuit Hassi Castellensis aduersus Has-
sum Darmstadenem Petitio de Principibus Iudicio assessoribus
dandis in controuersia de Marburgensi ditione, litis cõtestatione
partibus iniuncta coram vno Cæsare, ut & solus Cæsar Ferdinan-
dus II. tulit sententiam ann. 1623. Kal. Aprilis. Iam ante illum in
negotio de Grubenhagensi ditione solus Matthias pronunciauerat:
& ipse Ferdinandus anno 1622. tulerat sententiam in causa hære-
dum Edouuardi Fortunati contra Georgium Fridericum Marchio-
nem Badensem, reiecta appellatione quam is à Cæsare malè infor-
mato ad eundem melius informandum, & ad Imperii Ordines, op-
posuerat. Ab eodem porro felicitis memoriæ Cæsare Ferdinando so-
lo multos Principes proscriptos & omnibus fortunis suis exutos
esse, aliis vicissim in gratiam itidem solo ipsius nutu receptis, notum
in vulgus est. Nec tamen ab Ordinibus regni querelas temerè au-
dias futas esse violatæ hoc ipso suæ libertatis. Ut proinde Iudicia
illa iam quidem sint tantum non *paria d. m. ix. d.*, quæ antè aristocrati-
cum regimen sapiebant. Quomodo hodieque sese habent Iudicia
de capite & omnibus fortunis Nobilium Ordinum in Dania ac Po-
lonia: ut quæ ad sola Comititia pertineant. Publicâ Ordinum om-
nium lege mutatum esse pristinum morem nescio an liceat affirma-
re. Nam quod *parte 2. ordinat. Cameral. tit. 7.* scribitur, Cæsari refer-
ratum Iudicium lite orta de Principatibus, id possit accipi ex usu
veteris formulæ: eodem enim modo loquuti, iam olim sunt Cæsa-
res, nec tamen vnquam exclusi à Iudiciis illis Pares curiæ h. e. Prin-
cipes ipsi, quasi nihil aliud significetur, quàm ad Iudicium aulicum
aut Camerale, constitutum ex personis infra dignitatem Principum
positis, non pertinere lites de Principatibus, sed ad Cæsarem ac cu-
riæ Pares. Quemadmodum illa verba iam interpretati sumus an-
tè. Sanè alias causas introducti noui illius moris reddere fortassis
haud fuerit in difficili.

Verum

Verum de Iudiciis Principum secularium satis. Iudicia attinentia Episcoporum ac Metropolitanorum causas personales plurimum quoque à Carolinis institutis discesserunt. Scilicet prætextu Sardicensis canonis causas tantum non eiusmodi omnes singulari artificio ad se traxerunt Romani Papæ, summa cum iniuriâ, & totius reipublicæ pariter, & singularim metropolitanorum, vrpote qui tandem ferè ab omnibus huiusmodi Iudiciis fuere seclusi, non sine Episcoporum demum aliorumque litigantium maximo incommodo, quod procul extra prouinciam, & quidem Romæ, cogerentur litigare sumptibus maximis, in foro cum calumniis summe obnoxio tum ad quævis vendibili. Neque verò non tantum nullam quamuis iniquissimam appellationem reiecerunt Papæ, sed & citra appellationem, & præter Episcoporum ipsorummet voluntatem, sui Iudicii fecerunt causas Episcopales, easque nouo exemplo Romam pertraxerunt. Cœperunt autem hæc quasi per gradus. Namque in synodis etiam auctoritate regia iam decisas causas vnâ cum patribus Romam vocauit iam Nicolaus Primus Hildebrandique hæreseos metator. Cum Romam venissent quàm iniquo sint Iudicio circumuenti Guntherus & Theodogutho Episcopi Belgici, liquet ex communi querela quam post Auentinum & Flacium etiam Baronius ex Annalibus Francisci Pithecanis refert. Nicolai successor Hincmari Laudunensis causam, euocato actore & reo, Romæ itidem voluit definire, verum Carolo Caluo regi & Belgii Episcopis etiam hoc meritò insolens tum est visum. Quoniâ scilicet hæcenus obtinuerat, more Sardicensibus etiam patribus probato, vt causa etiam per appellationem ad Papam deuoluta, nō nisi in prouincia in qua erat nata, per Episcopos & Papales vicarios decideretur. Inter Hildebrandi dictatus est: *Quod maiores causa cuiuscunque Ecclesia ad illum referri debeant.* Est autem illud sequenti tempestate strenuè obseruatum, atque ita penè omnes illæ de quibus agimus Episcoporum causæ, Metropolitanorum & prouincialium Synodorum Iudiciis subductæ sunt: in iisdem est dictatibus: *Quod Papa solus possit Episcopos deponere & reconciliare.* Quo itidem omnibus synodalibus & regii Episcoporum damnationibus detrahitur. Quod ipsum adhuc magis sit apertè in dictatu illo: *Quod absque Synodali conuentu possit Episcopos deponere & reconciliare.* Sed hac de re paulò pōst clariùs. Præterea, vt alii Clerici, ita & Episcopi atque Archiepiscopi sub-

ducti iurisdictioni reipublicæ in vnus fermè Papæ imperium concesserunt. Princeps omnem regiam potestatem à suis ceruicibus remouit Hildebrandus aut Gregorius septimus Papa, & quidem ita vt pariter reliquum clerum, contra morem antiquum, subtraheret laicorum imperio, quo sibi tamen eos subiiceret. Huic enim [verba sunt Onuphrii Panuinii] cum omnes Latina Ecclesia, tum præcipue Romana, acceptum referre debet, quod libera sit, & ab Imperatorum manu eruta. Ex eo sanè audita demum illæ voces sunt: Clericos omni iurisdictioni laicorum esse exemptos, & quidem iure diuino. Quod vsque adeò arrisit sequioris æui hominibus, vt ex eo tempore paucissimi libertatem clericorum tulerint acceptam Principum benignitati. Ita quoque apertè in canones Ecclesiasticos translatus est, vt Bellarminus, qui humano iuri primùm adscripsit illam libertatem, post mutata sententia, auctoritate canonum illorum commotus, concesserit in partes aduersas, vti videre est *l. de clericis edit. Vener. 1599.* & in iis quæ aduersus Ioannem Marfilium, Paulum Seruitam aliosque Veneros Theologos disputauit. Paucis post Hildebrandum annis in Concilio Urbanus Papa (teste Florentio V. Vignienſe in Chronico anno 1121.) eos anathemate percuciens, qui pro impetrandis Ecclesiasticis honoribus laicorum sunt homines aut vasalli, dixit: *Nimis execrabile videri, vt manus quæ in tantam eminentiam excreuerunt, vt [quod nulli angelorum concessum] Deum cuncta creantem suo signaculo creent, & eundem ipsum pro redemptione & salute totius mundi summi Dei Patris obtutui offerant, in hæc ignominiam dedantur, vt ancille fiant earum manuum, quæ die ac nocte obſcenis contactibus inquinantur, siue rapina ac iniuste sanguinum effusioni addictæ commaculantur.* Quæ verba quàm sint in Reges ac Principes iniuriosa, facile videre est, quibusue argumentis imperium Principum Papæ & Episcopi detrectauerint.

Quamuis verò ea sit Papæ mens & multorum aliorum, tamen non statim ab Hildebrando id ipsum Reipublicæ est persuasum. Narrat sanè Otto Frisingensis *l. 1. de reb. Friderici c. 62.* dissidentibus Traiectinis de Episcopi electione, Regem Conradum ex Frisingensis & Misnensis Episcoporum sententia rem omnem iudicandam suscepisse, parte autem altera prouocante à Cæsare ad Papam, illam maiestatis læsæ damnatam, iud Traiectenses hac de causa grandi pecuniâ esse multatos tradit idem *Otto l. 2. c. 4.* Eiusdem

de

de Friderico I. hæc verba sunt l. 2. c. 9. Rex in proximo Pascha Baden-
berg coronam gestans, duos Cardinales, videlicet Bernardum presbyterum,
& Gregorium diaconum, ad depositionem quorundam Episcoporum ab A-
postolica sede destinatos, secum habuit. Proximam dehinc Pentecosten
Vormatia serians, Henricum Moguntina sedis Archiepiscopum, virum pro
districtione ecclesie sue frequenter correptum, nec correctum, per eosdem
Cardinales deposuit, ac Arnaldum Cancellarium suum per quorundam ex
clero & populo, qui illuc venerant, electi, nom ei subrogavit. Idem etiam
Cardinales, permissu Principis, Burkardum Eistetensem senia gravem, de
inutilitate causantes, itidem submovère. Denique post hæc in Magde-
burgensem & quosdam aliis sententiam ferre cogitarent, à Principe inhi-
biti, & ad propria redire iussi sunt. Hæc Otto. Idem porro Frideri-
cus Cardinalem alium Roma missum Magdeburgensis negotii cau-
sâ repulit, ut legitur c. 10. quin & Vricum Halberstadensem Episco-
pum, quodd tributum sibi in Italiam exercitum ducenti non persol-
visset, Hartmannicum quoque Bremensem, qui iussus Cæsarem in Ita-
liam subsequi id neglexerat, maiestatis damnavit in conventu Pro-
cerum, prædiis eorum in fiscum Imperialem relatis, teste Ottone
cap. 12. Contentionem quoque cleri Colonienfis auditis partibus
finiuit, ut idem Otto narrat c. 31. & 32. Ex quibus sanè manifestum est,
non ex sententia Dictatorum Hildebrandinorum Cæsares statim o-
mne de Episcopis iudicium Papæ permisisse, sed quemadmodum eo-
rum institutionem, ita & depositionem, sui ex parte iuris existimas-
se. Adeoque ut Metropolitanorum Synodalia iudicia quidem non
habuerint amplius locum, non in vnius tamen Papæ iurisdictionem
Episcopi tum quidem transferunt. Verumtamen videtur non mul-
to post etiam hac parte prævaluisse auctoritatem Papalem, præsertim
posteaquam Fridericus II. Cæsar adolescens & sub tutela Honorii
Papæ inductus à tutore constitutionem, de libertate clericorum pro-
mulgavit, simulque in Germaniam Ius Decretale Pontificum ma-
lum pedem intulit. Etsi enim multa ex voto non successerint, cle-
ro per Germaniam, & Fridericus ipsemet iam ad ultionem licentiam
clero indultam rursû circumciderit, quo nomine, inter alia ana-
themate Cæsarem ferire non dubitarunt Papæ. Non tamen post
Fridericum illum secundum quisquam Episcoporum à Cæsare &
Ordinibus dignitate motus fortassis est, cum ex aduerso satis
multi id passi sint tantum vi sententiæ Papalis. Vix legas

ex eo tempore, quoniam Episcoporum secularis causa ergo ante Maximilianum in Germaniâ Iudiciis conuentum esse, tantum abest vt id factum sit sacri delicti nomine: cum tamen Carolus Magnus ipsemet Felici & Elipandi causam fecerit in praesentia sua Francofurti per synodum definiri.

Post Maximilianum Carolus V. prisca reipublicae iura feliciter cepit vindicare. Namque & de causis ipsam religionem attinentibus multa pro re nata constituit, ægre licet ferentibus Papis, imò Cæsarem grauius obiurgantibus: cuiusmodi increpatoria epistola Pauli sit in medio vertatur. Cum etiam Ioannes Episcopus Hildesheimensis contra leges pacis publicae, impetum fecisset in Brunsvicensis Duces, proscriptus est à Cæsare anno 1521. ex decreto Ordinum Imperii, & Brunsvicensibus Ducibus bona Episcopo erepta in feudum sunt concessa. Cum porro Papæ Iudicio causam hanc submisisset Episcopus, & Romæ spoliis damnati essent Duces anno 1540. per Paulum III. tamen sententiam illam Papalem minime admisit Cæsar, licet aliquoties ab ipso meto Papa rogatus, sed tandem Camerae Spirensi anno 1548. rem omnem ex sententia Ordinum remisit. Per Atrebatensem quid Episcopo Hildesheimensi, restitutionem ex auctoritate Papalis sententiae petenti, anno 1547. respondere iusserit, memoratu dignum est testem ipsum Episcopum audire: Quod sacra Caesarea Maiestas, posteaquam ex relatione ipsius, & aliorum dominorum Doct. rum consiliariorum sua Maiest. unanimi voto & sententia, cognouisset & intellexisset, quod Papalis sententia restitutoria maxime in hoc fundata esset, quod Bannum Imperiale Cameral. contra Ioannem Episcopum Hildensemensem predecessorem meum per Maiest. suam latum, inualidum esse cognouisset, vigore tamen cuius auctoritate sua Maiest. Duces Brunsvicensis praedicti bona Ecclesiae Hildensemensis inuasissent & illa occupassent, & quid non spectaret neque pertineret ad summum Pontificem Paulum & sedem Apostolicam super validitate & inualiditate banni sui Imperialis disputare, neque de illo cognoscere haberet. Et idcirco ex defectu iurisdictionis sententia restitutoria Papalis etiam Consistorialis praedicta nihil & nullius momenti esset, & Maiest. sua illam non ad unum pilum aestimaret, neque pluri vno pilo haberet ac faceret. Eadem verba saepius leguntur repetita in publico instrumento, vti vocant, Episcopi rogatu à tabellione conscripto. Idem porro Carolus Cæsar Hermannum Archiepiscopum Colonensem anno

anno 1545. nouantem nonnulla circa religionem receptam citauit ad dicendam coram sese causam, interim ne quid moueat iubens, utque id quod erat motum in pristinum restitueret: non expectata sententia Papæ, eundem loco etiam mouit, quod tamen Papæ quoque consensus accessit. Vnde manifestum est Carolum existimasse etiam in merè Ecclesiasticis suo Imperio Episcopos subiectos esse. Notum præterea est, iniectis esse manus à Ferdinando II. Cæsare cum in Cardinalem Cleselium, tum in Archiepiscopum Treuirensem: quale facinus anathemate solet ferire cūriæ Papalis bullæ canonicæ. Verum enim verò hand facile tamen dixeris, eandem esse hodie sententiam & Proceribus Germaniæ qui maiorum religionem tuentur, quod clerici nempe nostri non sint exempti amplius in personalibus causis à foro Cæsaris & reipublicæ. Namque eius partis Theologi pariter & Canonistæ ab ipso iure diuino libertatem istam atque exemptionem vulgò deriuant, idque propalam & ore & scriptis defendunt. Quæ aliud verò sentiant illi qui sunt ex horum ludis profecti? Ad hoc non dubitauit Camera Spirensis anno 1629. sententiam olim à Carolo V. in Episcopum Hildesheimensem latam [quantum videtur] eo nomine rescindere, quodd Cæsar Episcopum non potuerit proscribere, eoque pronunciauit pro sententia Papali: quo utique fit manifestum etiam ex illius maximi tribunalis mente Cæsari non competere in Episcopos iurisdictionem. Cæterum prorsus alia & planè vetera illa de reipubl. auctoritate etiam in Clerum placent, imò mordicus prægnantur ab Ordinibus Protestantium partis. Ut proinde in tanti momenti negotio videatur Respublica quasi in anticipiti hæcenus collocata.

Notum præterea est, seculo tertio decimo præcipuè inuestam esse auctoritatē Pontificiæ, vnà cum legibus nouis Papalibus, in Ecclesiam Christianam impeditam illam & perplexam procedendi in foro rationem, quæ post feruē, vbiunque & Romanum ius receptum est, in omnia etiam secularia fora sese penetravit. Non est instituti nostri iniquitatem illius ex merito describere: præsertim quum nemini non liqueat, illam omnibus actoribus maxime aduersam, reis nimium plerumque fauere, iudicia verò debeant ex quo utrique parti esse utilia, facile etiam sit obseruatu, ne quidem in reorum gratiam institutum esse illum processum, vtut ist hæc

specie soleat commendari, sed quò Iudiciis ex multitudine, & diuturnitate litium crescat auctoritas pariter & insigne lucrum, adeoque vel maximè ita omnia constituta esse, ut curia Romana omne genus litium ad se trahere, & homines auro possit emungere. Cuiusmodiunque verò illa sit procedendi ratio, iam à seculo tertio-decimo in fora & negotia Episcopalia certè insinuauit sese. Quod ipsum quanto Germaniæ malo factum sit, satis est ex vnico Conradi Vrspergensis testimonio perdiscere, qui ipso illo tempore vixit. Cum enim narraisset Ottonem IV. electum esse Regem aduersus Philippum, in hæc verba prorumpit: *Facta est hac abusio, ut fieret quasi portentum multarum abusionum, que subsequuta sunt in terris. Vix enim remansit aliquis episcopatus, siue dignitas ecclesiastica, vel etiam parrochialis Ecclesia, qua non fieret litigiosa, & Romam deduceretur ipsa causa, sed non manu vacua. Gaude mater nostra Roma, quoniam aperiantur cataraçta thesaurorum in terra, ut ad te confluant riuus & aggeres nummorum in magna copia. Letare super iniquitate filiorum hominum, quoniam in recompensationem tantorum malorum datur tibi precium, &c. Ad te trahit homines, non ipsorum deuotio, aut pura conscientia, sed scelerum multiplicium perpetratio, & litium decisi precio comparata.*

Antequam ab Episcopis abeamus, nonnihil etiam de Iudiciis Episcopaliū bonorum adiiciendum est. Illa olim non nisi ad laicorum Aduocatorum & porro Regium forum pertinuisse ex iis que antè attulimus est manifestum. Etiam proximis seculis subducta esse bona illa Iudiciis ordinariis Principum & Comitum, liquidò patet, cum aliunde tum ex tabulis priuilegiorum Regiorum Episcopis concessorum, quales ab Ottonibus, Henricis, aliisque Cæsaribus editæ etiamnum supersunt satis multæ. Attamen etiam sic omnia bona manserunt in Aduocatorum cura, vtut longè amplissima illa fuerint paucis exceptis, & quidem vsque ad Fridericum secundum, paucis inquam exceptis. Videtur enim iam tum Ottonum ætate Ducum dignitas & potentia nonnullis Episcopis, Moguntino scilicet, Colonienſi, & Wirzeburgensi concessa, adeoque plena bonorum administratio, imò secularis (vri vocant) in populum subditum iurisdictio; Reliquis autem Episcopis forte omnibus sui manserunt Aduocati. Et quidem dare illos Regi iuris fuit: more iam Carolina ætate recepto, vt liquet ex capit. 13. lib. V. & c. 303. lib.

VII. apud Ansegisum. Quamvis enim Urbanus III. ann. n. 86. teste Baronio grauitur laborauit in id, ut liceret ipsius Episcopis Aduocatos adsciscere, ius tamen Regium superauit usque ad Frideric. secundum. Atque hic quidem possit videri omnino iure illo cessasse statim Imperii initio, verbis bullæ suæ quæ habet Goldastus Statut. Imper. fol. 73. & 74. *Omnia nos spiritualia vobis & aliarum Ecclesiarum Prælati relinquimus libere disponenda, ut quæ sunt Cesaris Cesaris, quæ Dei Deo, recta distributione reddantur.* Potrè tamen verba illa alio sunt sensu accipienda. At post Fridericum illum certius est id iuris Episcopos tantum non omnes paulatim impetrasse. Facit hac Vilhelmi Cesaris priuilegium Mindenſi Episcopo concessum, quod legitur in Chronico Mindenſi à Pistorio edito: *Vilhelmus Dei gratia Romanorum Rex, semper Augustus, &c. Cum venerabilis V. Vedkindus, Ecclesiæ Mindenſis Præpositus, dilectus consanguineus & Capellanus noster &c. à Decano & Capitulo eiusdem Ecclesiæ, &c. in Episcopum & pastorem vnanimiter electus, ne bona eiusdem Ecclesiæ, quam in nostram & Imperii protectionem recipimus specialem, hostili lacerentur incurſu, & improborum insulſibus dissipentur, regalia & administrationem bonorum temporalium ipsius Ecclesiæ sibi concedimus, de benignitate regie Maiestatis, ut de cætero tanquam Princeps Imperii bona ipsius Ecclesiæ administraret, ordineret, dispenseret, prout melius ad vtilitatem Ecclesiæ videtur expedire, &c. Datum Brunſuig. VI. Idus Septembr. anno Domini 1253.* Ex eo sanè plerique Episcopi excussis suis Aduocatis ipsi cæperunt secularia quoque iudicia & Administrationem bonorum suorum exercere. Quod ipsum quantum malorum & Ecclesiæ & Reipubl. Germanicæ attulerit, non est huius loci exponere.

Pleraque porrò bona Episcoporum oneribus publicis, haud secus atque alia laicorum, fuisse usque ad Friderici II. ætatem obnoxia per totam Germaniam, & hætenus ignoratam diuinam scilicet illam clericalium diuitiarum ab oneribus reipublicæ immunitatem, probatu facillimum est. Quare ad illud sanè usque tempus nemo etiam dubitauit controuersias de Episcopalibus bonis ad laicorum Aduocatorum, vel Regium, forum pertinere. Neque enim temerè reperias exemplum aliquod contrarii conatus, nisi quod curia Romana post Hildebrandum mustitare illa cæperit. Usque adeo profectò id verum est, ut Fridericus I. Secundi auus, frustra conquirente Papa Adriano, ab ipsius Papæ bonis per Italiam pu-

ca tributa Reipublicæ non poposcerit tantum, sed etiam exhiberi sibi fecerit. Qua de re omnino legendus Radeuicus *l. de rebus gesti. Friderici 4. cap. 34.* ubi Bambergensis Episcopus scribit à Papæ Nunciis Cæsari propositum inter alia: *de dominicalibus Apostolici sedrum non esse colligendum, nisi tempore suscipienda corona.* Posteaquam verò Fridericus II. inductus est, leuare istis oneribus clericorum bona, non multò post laboratum est, cum ab Episcopis & reliquo clero, tum à Papa Romano, & quidem summà est operà laboratum, ut omnia bona foro etiam laico totius Reipublicæ eximerentur. Neque verò Fridericus quid aliud quàm hoc tantum dixerat, quod insertum est titulo *Codici Iustiniani libri 1. tertio de Episcopis & clericis l. 33.* quod ipsum nihil aliud est quàm confirmatio Imperialium & canonicarum sanctionum, quæ exemptionem à Iudicio summo Reipublicæ non admittunt. Adeoque præter mentem Imperatoris nimis prolata est interpretatio. Ne quidem videtur ille voluisse simpliciter ab omnibus oneribus exempta clericorum bona, sed tantum ab iis quæ Principes aut oppidani laici ex more illis imponebant. Ita enim sonant verba *l. 2. eiusdem tituli:* *Item nulla communitas, vel persona publica, vel priuata collectas vel exactiones, angarias vel parangarias Ecclesiis, vel aliis piis locis, aut Ecclesiasticis personis, imponere, aut inuadere Ecclesiastica bona, præsumant.* Exigente autem Reipublicæ usu non desuit ipsemet feudalibus & patrimonialibus clericorum bonis onera hæcenus sueta imponere. Eoque Gregorio IX. ipsum accusanti *De talliis & exactionibus*, quod contra formam pacis ab Ecclesiis, & monasteriis extorqueantur, respondit teste Matthæo Parisiensi: *Talliæ & collectiones clericis & personis Ecclesiasticis non pro Ecclesiasticis rebus, sed pro feudalibus imponuntur, secundum quod est in commune, & obtinet ubique per Orbem.* Qua de re aliàs latius.

Quamuis verò ad hunc modum ab antiquissimis Ecclesiæ temporibus habuerint sese bona, ut aliorum clericorum, ita & Episcopalia, tamen à Friderici ætate cœperunt illa trahi, à Papa cum primis & Episcopis, ad solius Ecclesiastici, adeoque Papalis, fori iurisdictionem. In eam sententiam sanè non vnus erat canon Pontificii iuris post Fridericum latus. Multi quoque Canonistæ eandem sententiam mordicus defendunt. Non desunt tamen, nec defuerunt vnquam doctores qui pro seculari iurisdictione saltem in feudalibus bonis Episcoporum acriter certauerunt. Nonnulli quoque impè-

Imperatorum partes suas iuerunt defensum satis gnaute. Apud Goldastum tomo II. Const. Imperial. p. 86. & 87. extat rescriptum Ludouici IV ad Magistratum & Fratres Ordinis Teutonici: *ne fideles Imperii coram alio iudicio Ecclesiastico vel seculari, quam Imperiali, ratione bonorum ab Imperatore collat. - nrespondeant.* Frederici III. Cæsaris literæ quibus anno 1475. interdixit Halberstadeni Episcopo appellatione ad Papam à sententia Cæsarea lata de pago Detfort, sunt in medio productæ in opere cui titulus: *In sachen Braunschweig contra Bildesheim remissionis Außförlliche Relation vnd Bericht pag. 359.* Eoque ferè nunc obtinet in Germania, ut solus Imperator ratione bonorum feudalium & regaliū iurisdictionem in Episcopos exerceat, si pacem publicam violauerint, eos etiam condemnent, teste Gaillio l. 1. de pace publica cap. 1. n. 13. c. 8. n. 8. prouocetur etiam à sententia Archiepiscopi vel Episcopi, non ad Pontificem, verum ad Cameram, eodem teste l. 1. observ. 30. n. 1. & 2. De illa reipublicæ iurisdictione in regalia & bona temporalia Episcoporum quædam, & in leges publicas Ordinatur. Cameral. p. 2. tit. 7. recepta sunt. Multum tamen vereor ut iurisdictioni Cæsareæ satis vel hac ratione sit cautum.

In hunc modum sese Episcoporum habet forum. MONACHI [ut de iis hic aliquid addamus] etsi omnes Carolino æuo fuerint, proximè quoad personalia sub Episcoporum cuiuscunque dioceseos iurisdictione Ecclesiastica, tamen sequentibus seculis etiam hac in re multa facta est mutatio. Etenim & antiquorum monasteriorum nonnulla auctoritate Papali Episcoporum iurisdictioni sunt subducta, solique Papæ subditi: noui mendicantium monachorum Ordines circa seculum tertiumdecimum, ut & sequente tempestate, instituti, liberi prorsus ab omni Episcopali iurisdictione, adeoque suis proximè Prouincialibus & Generalibus, demumque vni Pontifici, subiecti. Neque verò laicorum aliquam in se potestatem id genus hominum in personalibus quidem causis dudum voluit agnoscere. Quæuis enim protestantium Principes, si quos alunt, in numero eos habeant reliquorum subditorum: inter alios tamen idem minimè obseruatur: licet haud dixerim nusquam obseruari. Ut proinde ne hæc quidem iurisdictionis ratio certa sit & vniuersi modi per Germaniam, baud leni profectò reipublicæ malo, in tanta vtriusque sexus τῶν ἀσκητῶν siue otiosorum multitudine.

Bona Monachalia iurisdictionem suam non minus atque Episcopalia mutauerunt. Illa iam tum circa initia sua, Carolina regnante familiâ, subducta esse ordinariis Comitum & Principum, & commissa Aduocatis, liquidò apparet ex ipsis antiquissimis tabulis foundationum quas appellant. Cæterum sequentibus temporibus Aduocatorum Iudiciis Monasteriorum multorum bona sunt erepta, partim vi per Pontifices Romanos, partim grandi ære dato, aut simili aliquo contractu. De Priore exstat querela Principum Germaniæ inter centum grauamina n. 13. *Insuper & hoc molitur summi Pontifices monasteria aliquot eximendo, ut ab Episcoporum, eorum scilicet Ordinariis, ac Defensorum Protectorumque aliorum iurisdictione ita exempti, reddantur immunes, immediateque subiaceant sedis Apostolicae.* Quæ res non tantum prædictis ipsorum Ordinariis ac Defensoribus, sed & toti Romano Imperio cedit in iacturam, tum quando collatio pecuniaria pro Imperii necessitate viritum Imperii Statibus indicitur. Ita enim fit, ut ipsi per se ab oneribus publicis exempti immunitate suâ gaudeant, & c. De posteriori præclare disserit Loichimus Vadianus l. 2. dd. collegiis & monaster. fol. 103. & quidem de monasterio VValkenrithensi notat Eckstormius in Chronico p. 81. Ottonem IV. Cæsarem resignatam sibi à Comite Hohensteiniensi Aduocatiam in villâ Rhoda, cum omni iure monasterio contulisse, p. item 91. *Pro Aduocacia quam Comites Hohensteini ab Imperio in feudo habebant, Monasterium ipsis numerauit 36. argenti marcas.* Quamvis autem multa monasteria nacta sint. in sua iurisdictionem, multa tamen sub Aduocatis suis relicta: bona quoque non nisi paucorum ab oneribus publicis immunitatem acceperunt. Eoque hodie per Germaniam iurisdictionis ratio in monasteriorum siue personas siue bona varia est: alibi nempe multum ex veteri more, alibi multum ex recenti trahens. Quin ipsa suprema iurdictio in controuersis bonorum cænobiticorum hodieque alicubi ad Papas trahitur, utut Cæsares obnitantur.

CLERICOS alios quod attinet manserunt illi quidem usque ad Protestantium tempora sub Episcoporum & Archiepiscoporum iurisdictione, neque nisi cognita sententia Iudici seculari, gladio fortè puniendi, sunt traditi, more sanè dudum recepto: acciderunt tamen quæ ipsis penè impunitatem peccandi dedere. Quader grauius conquæsti sunt Principes Germaniæ in Grauinibus.

num.

num. 31. Quicunque, aiunt, Ecclesiasticos recipit ordines maiores seu minores, per hoc omnium penarum magistratuum secularium, utcumque magna perpetret maleficia, immunes esse contendit. Neque hoc ita ordinati temere presumunt, quod ab Ecclesiasticis summa conditionis Statibus in peccandi hac licentiâ teneantur. Causas pessimi moris cum n alias adducunt tum hæc: Ut in peccatis maleficisque perpetrandis magis adhuc foueantur, præter omnem æquitatis rationem, aliquatenus interdictum est Archiepiscopis & Episcopis, ne malefactores hos publicè criminali Iudicio reos agere possint, nisi prius degradatos: id quod tantis sumptibus, tantaque pompa celebrari oportet, ut propterea perquam rarissimè vñti illi malefactores meritâ plectantur penâ. Adhuc adstringuntur obliganturque Episcopi per sua Capitula, ut personas in sacris ordinibus, quod dicitur, constitutas, secundum Canonica etiam iura, pœnis utcumque leuibus, punire, affligereque non audeant. Quæ res tota eo spectat, ut ex disparitate hæc, inter laicos ac Ecclesiasticos, similitates, dissidia, atque odia plusquam Vatiniana oriatur. Verùm hæc omnia per Protestantes quidem multum sunt mutata. Etenim clerici illorum hodiè in causis personalibus subditi sunt foro consistoriali ab Ordinibus Protestantibus passim constituto, in aliis autem plerumque sortiuntur forum commune laicorum: Pontifici aut Episcopis nullo ampliùs in illos iure permissio.

PORRO etiam quæ in laicos sacro Ordini iam olim competere sancta iurisdicção multum mutauit pristini moris. Quum enim olim secundum præcæ Ecclesiæ canones causæ illæ spirituales laicorum in singulis prouinciis per sacerdotes & Episcopos vel Archiepiscopos deciderentur, post plurimæ earum Romam sunt tractæ. Hinc Excommunicationum & Interdictorum fulmina Papalia Germaniæ non minùs quàm aliis regnis per sunt facta familiaria. Differtim Episcopali Iudicio multas controuersias, vnde plus lucri caprari poterat, subductas suo foro Papæ referunt. Adhuc hæreticæ prauitatis Inquisitione, vti vocant, in Dominicanos monachos translata, rem maximi momenti itidem Episcoporum Iudicio Papæ subtraxerunt. Noua etiam sunt, & à præcæ more aliena de quibus conquestruntur Principes grauamin. 34: Roma ceterisque in locis per Archiepiscopos ac Episcopos aut certe coram Ecclesiasticis iudices, mul-
 ri Christianorum ob causas prophanas, ob pecunia denique ac turpis qua-
 stus amorem excommunicantur, multorumque, sed eorum in fide infir-

morum, conscientie per hoc aggrauantur, & in desperationem pertrahuntur, ac denique ob pecunia, lucrive tantulum, aut alioquin res minimi precii, ac ad interuentionem usque anima, corporis, honoris, contra diuina humanaque iura perducuntur. Quamuis enim non ob solum hæresios crimen, ut Principes videntur voluisse, Excommunicatio ne vltima sit prisca & primitiua Ecclesia, sed od morum quoque deplorata vitia, non tamen illam admittit ad lenia facta aut dubii iuris. Noua etiam sunt quæ gr. 35. veniunt in querelam: Et illud in plerisque sapiusculè euenit, quod vicinorum excommunicari decem & eo amplius, quos tamen causa nihil omnino contingit, cum ipso principali excommunicationis pena aggrauantur, & non ob aliud, quàm ut Officiales, Ecclesiastici scilicet iudices, facilius citiusque pro libidine sua miseram plebeculam depeculentur, ac pro suo libitu eorum abutantur simplicitate, ipsosque principales ad quasunque etiam iniquas acceptandas transactiones per hoc compellant, adigantque. Nam etiamsi excommunicatus ipse, una cum uxore, liberisque suis, per intolerabile hoc & iniquissimum banni onus, in exilium ire cogatur, quòd hac in re nullus sit Officialibus modus, neque finis, neque ulla facultatù ratio: tamen nullus est hominibus illis respectus, num industria, datæ ad hoc opera, & per contemptum, an necessitate ita impellente, vel casu potius, vicini cohabitatores cum excommunicato ipso participarint commercium habuerint, aut sufficiensne hac fuerit concubitus causa, quare excommunicatum merito solum vertere iussisse debuerint, horum pensi habetur nullum. Porro sunt noua etiam sunt de quibus grau. 36. agit: Præterea, quum sacerdos, aut alioqui Ecclesiastica persona casu occiditur, tum nedum occisus excommunicatur, sed & totum oppidum, aut totus pagus iniquissime interdicitur: quòd interdictum eo usque durat, tanque diu interrupta pendant publica Christianorum officia, quo usque vel occisor, vel tota incolatum eius loci communicas fecerint homicidii compensationem, homicidumque expiarint: non considerato eo, dederit ne occasionem, ut se gesserit, prius vel nequiter versatus fuerit occisus sacerdos, vel alius Ecclesiasticus ordini ascriptus: licet iura canonica ipsi in quibusdam casibus, modum negotio præscribant: prægrauanturque itaque ex delicto cuius centum alii, nihil tale commiserint: nedum contra communem equitatem, sed & contra omnia diuina & humana iura.

Præter motem etiam veterem Ecclesiasticæ disciplinæ, poenarum omnium sacrarumque satisfactionum Indulgentia capit nummis

mis venire: cum omnis pietatis summa corruptela. Ex aduerso excommunicationes ob culpas in sacrum ordinem fortè commissas vt factæ sunt frequentiores, ita & effectus earum est exasperatus, ita vt excommunicato nihil relictum sit civilis fortunæ. Et si enim in Saxonici iuris Speculum recepta sit hæc propositio: *Excommunicatio neminem debilitat in iure terre seu feudi, nisi sequatur regularis proscriptio*: tamen à Gregorio xi. id inter hæreticas est sententias relatum. Exasperata similiter multum est pæna eorum qui hæretici habiti sunt. Viuicomburio enim capit in illos animaduerti: quod omni retrò æuo in occidentali Ecclesia nunquam auditum fuerat vel visum. Vbi maior fuit illorum numerus, crux in illos [vti tum loqui mos tulit] fuit prædicata, & quasi communium gentium conspiratione in illos omnes, tanquam extrema communitos, ferro & flamma, nullo sexus, nullo ætatis discrimine, scruitum est.

Hæc omnia etiam hodie vera & recta esse iudicant quotquot sunt Pontificia pars. Certè qui inter eos sunt doctores ita sentiunt & docent. Cæterum nihil horum non improbant Protestantes, eoque omnia hæc abrogauerunt. Nec tamen vel illi omni ex parte conueniunt cum disciplina Ecclesiastica. Carolino æuo visitata: qualis enim illa fuerit petere est, cum aliunde, tum ex Rabani Mauri pœnitentium libello. In Protestantium verò Ecclesiis longè est mitior & laxior disciplina: quanquam nec apud illos omnes eadem sit vbique ratio.

Venimus ab *CAVSAS SECVLARES* inter seculares personas popularis ordinis controuersas. Patet autem ex suprà dictis, illas, Francorum durante Carolino Imperio, nunc in Episcopali audientia, nunc in seculari foro, agitatas & decidas esse. Quemadmodum enim Theodosii legem omnibus vasti sui Imperii subditis, communem esse voluerit Carolus ostendimus antè. Sequentibus verò seculis vsque adeò placuit Episcopis iudicandi hoc munus, quod olim optinio cuique graue onus videbatur, vt multis technis fimbrias suas hinc dilatare sint conati. Neque verò quod l. 3. art. 87. *Speculi in- ris Saxonici* significatur, Causas hæc omnes ad seculare forum tantum pertinere, ex Friderici I. Cæsaris constitutione, vt innuit ad illum locum Glossa, ita obtinuit. Plurimæ querelæ de iniquitate Episcoporum eorumque Officialium, quæ Laicorum causas contra

fas & æquum ad forum suum pertrahere sunt soliti, prolixè admodum recitantur in Grauiaminibus Principum num. 56. 57. 58. 59. 60. 62. 63. 64. 70. 71. 72. & 73. vt hoc loco omnia illa recitari nò possint. Ingessit verò & in harū Caussarum Iudicia sese Papalis curia quàm maximè. Inde conqueruntur Principes gr. 9. Pontifices Romanos ad petitionem personarum Ecclesiasticarū, laicos non raro in causis profanis, puta hereditarum aut pignorum, & in prima quidem instantia, coram se Romam citare, ac in lus vocare. Item gr. 10. Cū Roma quispiam etiam interposito iuramento asserit, se non sperare iustitiam apud Iudicem competentem in Germania, protinus ad tale iuramentum admittitur, ac citatio ei contra partem agentem decernitur & c. Addunt gr. 11. Est & aliud iudicium Papalium genus quos Conseruatores vulgò vocant: Eos Episcopi caterique Ecclesia principes ex Primatibus vel Abbatibus diocesis à sede Apostolica in hoc impetrare solent, vt coram his omnes ipsorum causa & lites, quas instituere cogitant, dirimantur, vocenturque per hos in lus persona seculares, nobiles & plebei, in causis omnino profanis, licet actibus iusticia per ordinarium Tribunal nunquam fuerit denegata. Quod si vocari in lus ire recusauerint, ii contra ius ac fas excommunicacione feriuntur. Item gr. 12. Sanctitas Pontificia ad Ecclesiasticarum personarum petitionem Iudices delegatos & Commissarios, tanquam Ecclesiasticos Iudices per Germaniam concedere solet, vt impetrantes dehinc liticos, cuiuscunque etiam dignitatis vel præeminentia, coram ita delegati in causis profanis Iudicio conuenire possint, In hunc modum conquesti sunt ante hos centum annos & quod excurret Principes & Ordines seculares Germaniæ: cumque emendationis nulla spes afflueret, Protestantes quidem proiecta omni & Pontificis Romani & Episcoporum in se & suos iurisdictione, etiam hisce in Rempubicam exortis vitiis finem imposuerunt. An cum aliis melius hodie agatur haud facile dixerò. Sanè certum est etiam Spirētū Iudicio hodieque istoc modo molestiam facessere, & Episcoporum Officiales, & Pontificios siue Cōseruatores, siue Nuncios & Legatos. Vt proinde ne hoc quidem satis constanter in republica Germanica nunc sit constitutum.

Dictum porrò iam suprà fuit, in fora Episcopalia tractatum illum perplexum procedendi in Iudiciis modum iam seculo tertio decimo. Cū tam multa verò cœperint esse Ecclesiastici fori, quā nō omnia ex eo cœperint litibus strepere manifestum est. Principes gr. 80. con-

80. conquesti sunt plerique inopiā laborantes, Iudicialium expensarum variorumque laborum formidine, ad iniquas transactiones compelli. Neque hoc [inquit] silentio prateriri potest, quod Ecclesiastici Iudices & Officiales miseros & simplices laicos, multoties ad illi-
citas, iniquas, sibi que penitus nociuas transactiones adigunt. Nam si quā-
do eos in Ius vocant, magna patronorum, tabularum forensium, scribarum,
ceterorumque quorum opera in Iudicio strepitu vti necessum habent,
ceterua, nullo are cōducta, sed gratuito conquista, stipari adstant, ac pau-
peribus illis profanis, egestate pressis, id hominum genus non nisi magna
conducendum est. Quod ubi fortuna rei familiaris tenuitas denegat, nisi
penitus causa etiam in summa decidere velint, transactionem seu compo-
sitionem utcumque iniquam inire coguntur. Conqueruntur verò iidem
sequenti grauamine, quod in multis Ecclesiasticorum Consistoriis,
non alii litigantium Partium patroni & aduocati admittantur, quam
qui Tribunali sunt obnoxii. Item grau. 65. & 66. Quod reformationes
suorum Iudiciorum Episcopi nec obseruent, nec executione debita tueantur.

Ceterum de sacro Causarum secularium foro satis. Non leues
verò mutationes passum quoque est FORVM ipsum SECVLARE
POPVLII controuersis illis iudicandis institutum. Etenim [vt ab
infimis Iudicibus ad summos pergamus] multis in Germania locis
Scabini vix alibi quā in Urbibus reperiuntur, eorum autoritate per
agros deleta. Alibi tamē etiam per agros antiquissimus ille Ordo
superest, vt in Hollandia & ex parte etiam per Saxoniam. Scabini
porro alibi à Comite, aut eo qui Comitatus pollet munere, ex populo
pro arbitratu eliguntur hodie: alibi constituuntur nullā Comitatus ac-
cedente autoritate: alibi denique & à Populo & à Comite simul e-
liguntur, plurimis scilicet nominibus Comiti oblati, vnde quem
velit ille in hunc ordinem adsciscere optione Comiti relicta. Quo-
rum Vltimum antiquo mori maxime affine est, & plebeiam digni-
tatem cum Comitatus auctoritate egregie reuerat. Primum *μοναρχικόν*
quid sapit, antiqua populi libertate perditā. Secundū merē *δημοκρα-
τικόν* aut *αριστοκρατικόν* est: obtinet verē alicubi eò quod populus hoc
Ius eligendi à Comitibus, siue prece, siue precio, siue vi, siue quā
alia permutatione acceperit. Est autem illud itidem diuersæ ratio-
nis: alibi enim Consules & Senatores Oppidorum Scabinos con-
stituunt, alibi penes ipsum Collegiū Scabinorum cooptandi ius est.
Qua de re vide sententias Magdeburgensis Scabinatus l. 1. c. 1. dist.

1. & 2. vt & de aliis ad Scabinos pertinentibus r. 3. *integer.*

Comitum quoque aut Grauiouū ratio multum etiam ab antiquo recessit, siue numerum videas, siue modum constituendi. Et enim olim quot Pagos aut Gouas totidem Comites vel Grauioues numeravit Germania. Post verò cœperunt multi Comitatus vni committi. Dati porro illorum quam multi Episcopis & Abbatibus nonnullis: plurimi Ducibus ac Principibus cesserunt: paucissimi remanserunt penes illos qui Comitum titulo hodieque gaudent. Enimverò non Episcopis vel Abbatibus, non Ducibus, non Principibus, iurisdictio illa in populum aut plebem cum mero mixtoque imperio competit, nisi in quantum iidem Comitum vel Grauiouum polent potestate. Et verò iam olim ætate Carolina fuit moris alicui in Ducem electo duodecim Comitum potentiam simul concedere, in auctoritatem indubiè maiorem: quod aliàs Duci, quatenus tali, non nisi bellicum imperium competeret. Hinc Annales Francici veteres vt & Aimoini Continuator l. 4. c. 6. scribunt de Pipino: *Domum reuersus Grifonem more Ducum duodecim Comitatus donauit.* Et in ejusdem Aimoini continuatione l. 5. c. 11. de Ludouico: *Baldrico Duci Forojulensi dum obiceretur & prolatum esset eius ignauia & incuria vastatam à Barbaris regionem nostram, pulsus est Ducatu, & inter quatuor Comitatus est potestas eiusdem diuisa.* Vt quidem hunc locum emendauit P. Pithæus l. 1. *Aduersar. c. 8.* cum vulgò legatur inter quatuor. Porro nonnulli Comitatus, per incuriam aulæ regię inter bella Germanica, nemini dati sunt, eoque omnis illa vis, aut à plebe est occupata, vt in Frisico olim populo, aut ab aliis, siue vlla auctoritate publica, proprii sunt juris facti.

Porro olim quidem Comitum dignitas non videtur fuisse hæreditaria, sed ex arbitrio dependens penè vnius Regis, at post paucissimis exceptis, facti fuere Comitatus hæreditarii, partim simpliciter partim feudali iure, partim & in populi patrimoniū transferunt, ceu apud Frisios olim factum est. Plurimi porro ex eo, non ampliùs à Rege, sed ab Episcopis, Abbatibus, Ducibus & Principibus proxime in feudum concessi sunt. Multum autem Reipublicæ interest quo hæc quidem modo sese habeant. Verè regium Statum arguit, si omnes illi potissimi Iudices populi à Rege ipso constituentur. Vnius etiam Regis auctoritas seruari salua rectius poterit, si multi sint Comites, quam si pauci. Ducum, Principum, Episcoporum, multos

Com-

Comitatus simul teneant. Facile enim accidit vt horum potentia Reipublica regæ noceat, & Statum nouum inducat, imò in *dymp-
na*, Rempubliam tandem coniciat.

Adhæc olim singulas Gouas singulos habuisse Comites constat. Postea verò cœperunt multi in vna eademque Goua, Comitibus non quidem nomine, autoritate tamen, gaudere. Namque & Reges vel Cæsares & Principes, & Duces, & Episcopi, & Abbates, & Comites ipsi particulas Gouarum suarum alijs atque alijs Vrbibus, aut populi nobilioribus familijs, imò & plebejs tradiderunt, partim simpliciter venditione, partim pignore, partim feudi iure, partim dono, partim varijs modis. Autor Speculi Saxonici l. 3. art. 64. illas translationes accusat iniquitatis: *si Comes vel Ad-
uocatus partem Comitatus vel aduocationis alteri contulerit, id contra ius censetur attentatum, nec desuper infeudatus bannum habebit regale.* Non male, videntur enim maximè omnium hæc accidisse post auctoritatem regiam collapsam à seculo vsque tertio decimo. Certè ante hoc tempus nulla vrbis Germaniæ tale aliquod ius habuit, quod quidem hætenus innotuerit. Vbi notandum: non omnes inferioris ordinis qui merum mixtumque imperium tenent, ipso Comitatu iure illud tenere, sed penes multos tantum esse ius Comitatus vicariale aut Scultetiarum, eoque ab illorum sententijs dari prouocationem ad Comitem, vel illum qui Comitatus valet potestate: quo ipso vtriusque iuris patet differentia.

Ex Speculi Saxonici præterea l. 1. art. 55. discere est, deficiente Comite, aut eo qui Comitatus est loco, ordinarios Iudices electos esse Gograuios dictos. Verba speculi sunt: *Omne ius seculare ab arbitrio imitatum est. Ideoque nullus Iudex esse poterit, nisi qui ad hoc eligitur, vel infeudatur. Eueniat autem euidens furtum violentiæ, cum qua perpetrans fuerit comprehensus, ad hoc licitè Gograuius eligatur, qui ad minus ab incolis trium villarum seu pradiorum istius indicatus eligatur, & hoc si Iudex ordinarius non habeatur.* De tali Gograuius pergit loqui articulus 56. *In Gograuius natus de iure non erit feudum, neque successio, quia de libero rusticorum consistit arbitrio Gograuium eligere ad præsens factum, vel ad tempus præsignatum. Conferat autem dominus alicui hoc officium, dominus ei & suis filiis tenere collationem, & ad iura feudi obligatur, nisi libera rusticorum electione elidatur.* Fuit autem horum Gograuiorum potestas penè momentanea & die vnico natu-

rali circumscripta. Vnde articul. 57. Si fur vel raptor infra diem naturalem non condemnetur, ulterius eum Gograuius non iudicabit, sed ad infeudari iudicis spectat iurisdictionem. Ista de Gograuiis qui ad violentiam in continenti iudicandam eliguntur, sunt promulgata. Cæpit autem & aliud Gograuiorum genus in vfu esse, iudicandis nimirum non tantum subitis violentis criminibus, sed aliis etiam. Quare addit articulus 58. Qui verò in tempus eligitur spaciosum, ille Gograuius à Marchione vel à Comite infeudatur: & sic coram eo deliberatum rusticorum arbitrium procedit, & licite in crastinas violentias iudicabit. Quando Comes iudicium sui Gograuii ingressus fuerit, per hoc iudicium Gograuii euacuatur.

Constat porro quæ suprà attulimus, Carolinis temporibus à Comitum sententiis prouocationem fuisse licitam ad Missum Regium, huic etiam auctoritatem fuisse animaduertendi in ipsum Comitem. At Auctor Speculi Saxonici l. 1. art. 59. ita loquitur: Non poterit ullus Comes, qui sub regali banno cognoscit, legitimum habere sine suo Sculteto iudicium, qui ante omnia se ipsum debet præbere iudicandum, & ideo ab ipso primam, si congruum iudicandi tempus fuerit, sententiam postulabit, & postmodum eundem interroget, si ei tumultus & indisciplinata in iudicio liceat prohibere, quæ dum ab illo fuerint pronunciata, unusquisque de eo quod eum mouet, mediante ferendario, suam interponat actionem: Et idem volunt verba l. 3. art. 52. sine præfecto iudex (i.e. sine sculteto Comes) legitimum habere iudicium non potest, coram quo si accusetur, se iuri debeat exhibere. Quia præfectus iudicis iudex est suorum delictorum, sicut Palant-zgranius Imperatoris iudex existit, & Burggranius Marchionis. Verum obtinuerint ne hæc aliquando necne, merito dubites: neque enim auctori illi tunc credideris, usque adeo multa inepta & falsa asserenti. Vt autem aliquando fuerit in vfu, hodie tamen nihil horum obseruatur.

Cæterum monumenta veteris Reipublicæ accuratè expendentibus, facile apparet Missorum illorum regionum qui in Comitum aliorumque negotia auctoritate regia quorannis inquisuerunt, vix leuem memoriam superfuisse Ottonum ætate, nullam sequente omni tempestate. Vt proinde iam ab illo usque tempore hac in rem magnam iacturam fecerit auctoritas regia. Neque enim non cuius liquet quantum ad regiam vim seruandam momenti attulerit Missorum illa annual legatio. Videtur autem omne illud Missorum

ius

ius absorptum fuisse saltem in plerisque locis summâ illa Ducali potestate, quæ tum adhuc obtinuit. Observandum enim, ultimis Carolinæ familiæ temporibus quatuor per Germaniam in quatuor præcipuis populis fuisse Ducatus, Saxoniar, Bauariæ, Sueviæ & Lotharingæ: cum amplissima, imò tantum non regia, in integros illos populos potestate. Videtur sanè omnes Comites illarum provinciarum suis Ducibus tum fuisse subiectos. Quàm ampla certè quondam fuerit Bauarici Ducis potentia, manifestum est ex iis quæ Auctor libelli von den Alten Reichs Vögteyen notavit p. 6. 7. & 8. item lit. E. F. G. Quin itaque hi Missorum regionum vim tenuerint in Comites non est dubitandum.

Saxoniorum Cæsarium & sequentium ævo eadem auctoritas videtur Ducibus quadantenus iterum subducta (prout & in multis aliis circumcisa est illorum antiquissimorum Ducatum potentia) & saltem ex parte translata in Palatinos Comites, feudi legibus constitutos. Neque enim ante hæc tempora usquam legas memoratos eiusmodi Palatinos Comites: & verò ab Ottone Magno, relegato in Sueviam Euerhardo Duce, quòd ferocius sibi restitisset, Palatinos Bauariæ Comites esse constitutos, notum est ex Boioaticis. De tali autem Palatino Comite ita scribit Auentinus l. 4. is vicem Cæsari præsidendo Senatui Principali fungebatur, fidem Imperatoris implorantibus aderat, iusque reddebat, sicutum Augusti, prædia Salica, redditus regiones procurabat, Cæsareum censum exigebat. Nihil citra eius auctoritatem Duci aut decernere aut statuere licebat. Si senatus consultum Regale [i. e. Ducis] displicebat, intercedebat, Cæsaremque referebat. Habuit & Saxonia Palatinos suos Comites de quibus egregia quædam in vnum conegessit Reineccius in appendice VVirichindi. De Sueviæ Palatinis res est obscurior. Qui memorantur tamen Palatini Tubingenses & Habsburgenses huc referendi omninò sunt. Franconia Palatinus videtur esse is qui aliàs Palatinus Rheni hodieque nuncupatur: utraque enim Rheni ripa ad Franciam pertinet Orientalem. Burgundiæ quoque Palatinos memorat VVolfgangus Latinus in Austria.

Conatus est de hisce Palatinis Comitibus nonnihil dicere etiam auctor Speculi Saxonici l. 3. art. 53. Quelibet provincia Teutonice terræ suum habebat Palatinum, graviorum, Saxonia, Bauaria, Franconia & Suevia, quæ antequam à Romanis superabantur, regna fuerunt, à qui-

*bus ipsa in Ducatus nomina fuerunt permutata. Attamen Illustres in
 vasallos, & vexillorum fenda obtinuerunt, qua ipsis per Imperium iam
 sunt subtrahita. Quæ verba videntur significare quasi Palantzgrauio-
 natus illi iam antè Romanorum in German. imperium fuerint in
 in vsu, vel certè quod à Romanis fuerint instituti. Et verò glossa
 Germanica posteriore sèu verba accipit, vnde addit. Dieser Na-
 me Pfalzgraff ist zusammen gesetzet vom Welschen vnd Deut-
 schen/ denn im Welschen bedeutet ein pfalant einen bezwungen-
 nen Herrn / oder ein bezwungen Reich/ vnd ein Graff bedeutet
 ein Richter/nach dem alten Sächsischen. Sunt autem omnia hæc
 commenta anilia. Falsissimum enim est Saxoniam vnquam esse do-
 mitam à Romanis aut regiam habuisse rempublicam, Falsissimum
 item, Baiouarios nostros à Romanis superatos, vtpote qui puls-
 is Romanis Vindeliciam & Noricum occuparint. Par ratio est Fran-
 corum & Alemannorum. Iam antè quoque monitum est, horum
 Comitum Palatinorum per prouincias constitutorum nullam re-
 periri memoriam ante tempora Saxoniorum Caesarum. Om-
 nium ineptissimum est glossema illud: verbum *Palant* denotare
 Italis prouinciam subiugatam. Ex more verò ineptit ille Glossa-
 tor in enumerandis quoque Germaniæ Palatinis. Primum
 Ducem Saxonie esse Palatinum Saxonie: Secundum Baua-
 riez Ducem esse Comitem Palatinum Rheni: tertium Palatinum
 Marchionem Brandenburgensem: Francie Palatinum esse Archie-
 piscopum Treuirensis, Palatinum Gronouiensis Archiepi-
 scopum Coloniensem. Ritu sanè hæc digniora sunt quàm confu-
 ratione. Etenim Saxonie Dux quod Palatinà illa gaudeat dignita-
 te, per accidens contigit, vt pòst liquebit: & Palatinus Rheni à Pa-
 latinatu Bauariez prorsus fuit semper distinctus, etsi hodie dignitas
 illa sit penes familiam Ducum Bauariez. Brandenburgensem Mar-
 chionem obtinere aliquem Comitatum Palatinum nusquam legitur
 in editis quidem monumentis. Nusquam item hoc legitur de Ar-
 chiepiscopatu Moguntino. Quid Archiepiscopo etiàm Treuirensi
 cum Suevia rei est? Nec temerè quid reperias de Archiepiscopi
 Colonienfis Palatinatu Gronouienti, cum Grona sit iuris Brunsvi-
 centis. Fabulæ igitur sunt: quibus omnes Saxonici & Sueuici iuris
 libri sunt refertissimi. Plus veri habet quod legitur art. 62. l. 3. spe-
 cul. *Quinque ciuitates, quæ Palantia dicuntur, in Saxonia inueniuntur,*
*in qui-**

in quibus rex legitimis debeat curiis praesidere. Prima dicitur *Grona*, *VVerlitz* secunda, qua modò in *Goslariam* translata est. *VValthausen* tertia, *Alsfede* quarta, quinta *Mersburg* nuncupatur. At verò hæc oppida non pertinent ad negocium Comitum Palatinorum: sed fuere olim palatia regia, qualia multa passim habuit Germania. Quæ verò his nominibus denotentur exposuit *Meibomius Irmenfula* c. 13.

Cæterum Comitatus illi Palatini dudum in Ducum potestatem transierunt. Etenim iam tum Duces Saxonie *Alcaniensis* familie in feudum acceperunt Saxonie Palatinatum. In tabulis etiam quibus *Sigismundus* Cæsar *Friderico* Marchioni *Misnie* Ducatum Saxonie contulit apud *Petr. Albinum* tit. 16. *Meißnisch Land Chronick* der *Pfalz zu Sachsen*, item des *Pfalz Hauses vnd Strads Alsfede*. *Bavaria* quoque Palatinus Comitatus expiravit, à Ducibus *Bavaria* nescio quo vicedominata in eius locum substituto, teste auctore *von den Reichs Vogtegen*. Interierunt etiam Palatini Comitatus *Suevia*, si qui fuerunt. Vnus superest Comitatus Palatinus *Rheni*, verum omni illo iure antiquo dudum priuatus. Et verò ne Ducibus quidem ratione Palatini Comitatus hodie quidquam iuris est extra proprias terras. quod equidem factum reor per potentiam novorum post exortorum Ducatum, Episcopatum, *Vrbium* aliorumque, simulque per amplissima singulis Ordinibus collata Cæsarum privilegia. In vniuersum certe omnia lustrantibus facile apparet, nihil fortassis hodie superesse quod illi *Missorum* regionum antiquissimo & Reipublicæ tum utilissimo officio respondeat.

Si tamen verum fuerit quod aiunt à *Conrado Imperatore* anno 1147. institutum esse *Rotuvilense* dicasterium, amplissimo terrarum tractu illi subdito, quò liceat & appellare à Sententiis alibi pronuntiatis, & nonnullas causas in prima etiam (vbi loquuntur,) instantia deferre: fateudum omnino sit *Missorum* regionum illam auctoritatem quadamtenus à Cæsare isto huc translata. Neque enim maior huic Iudicio potestas est, utpote quum liceat etiam ab hoc appellare ulterius ad Cæsarem vel eius Iudicium summum, plane ut olim data fuit prouocatio à *Missis* ac Regem. Sed quantum illi historiarum de institutione prima Iudicii *Rotuvilensis* sit tribuendam iudicent alii. Neque verò est ignotum quam multa eiusmodi soleant in Cæsares auctores falsò referre. Sed & Iudicium *Magde-*

burgense non minus latè olim patuit, nec minore fuit auctoritate: & tamen arbitrario duntaxat populorum consilio absque vlla Cæsaris auctoritate fuit institutum, vtut & ipsi auctorem iactent Ottomem Cæsarem. Vt autem olim experit illud Rotuilenſe Iudicium nulla publica auctoritate, hodie tamen omninò ius dicit auctoritate Cæsarea. Eoque merentur legi Ordinationes & Reformationes eius apud Goldastum *rom. i. Reichs Sagungen. 6. & seqq. p. 206. & rom. 2. p. 266.* cum primis verò quæ integro libro huius argumenti habet Paulus Matthias VVehnerus.

Non dubitandum verò est Missorum illorum veterum regionum, simulque & ordinatii Ducis defectum, effecisse tandem à seculo xiii. in terris illis quæ olim Sueviæ Ducum imperio paruerunt, vti Vrbes complures compromiserint in Iudicia quædam, quemadmodum à Principibus quoque factum esse antè docuimus. Neque enim fuit ad manum qui controuersias Senatus populique Urbium aut primorum in Urbibus decideret, quodd' nihil etiam in Cæsaribus tum præsidii esset. Quapropter ne in bellū lites exardescerent, opus fuit nouis Iudiciis compromissoriis. Ita Noriberga Iudices agnoscit VVindesheimum & VVeissenburgum oppida: Reutlinga Vlmam, Eslingam, Gemundam Sueuicam: Schuunfurtum suum Ad-uocatū regium, sed qui adiungere sibi debet aliquot scabinos Norimbergenses & Rotenburgenſes: Duncelspiela Ammannū, Urbis & Scabinos petitos Nordlinga, Rotenburgo ad Tuberam, Halla Suenica, & VVerta Suenica: Halla Suenica regium suum Scultetum, itidem tamen adiunctis Scabinis ex tribus proximis Urbibus, quæ omnia narrant cum alii tum Petrus Friderus *l. 1. process. Camer. sub finem.* Secutæ verò hoc exemplum sunt & aliæ Vrbes liberæ. Namque & Argentina Iudices primæ instantiæ agnoscit Bissleam, VVormatiam & Vlmam. Rarisbona Augustam Vindelicorum, Noribergam & Vlmam.

Cum ad eandem penè libertatem peruenissent Saxonicarum Urbium nonnullæ seculo xiv. ipsæ quoque similem ob causam in Iudicia quædam compromiserunt. Eo factum vt Venedici soli præstantissimæ quæque Vrbes Lubecam hodieque prouocent à sententiis suorum magistratuum. Accessisse tamen & illud crediderim, quod illæ Vrbes leges & statuta Lubecæ, tanquam à matrice sua acceperint: vt proinde in dubio hinc ius petere æquum sit creditum. Et verò

verò hac potissimum ratione inductæ olim Polonicæ, Bohemicæ, Marchiæ Misnensis & Lusacensis, Vrbes complures, prouocarunt ad Magdeburgi & Hallarum Saxonicarum amplissima quondam in id instituta tribunalia. Quod ipsum ergo mutatis in plerisque locis legibus antiquis, accedente Regum exterorū interdicto, hodie penè omne defuit.

Sed de Iudiciis quæ in locum Iudiciorum à Missis olim exercitorum successerunt, satis est dictum. Facile autem apparet id quod antè diximus hac in re multum detrimenti auctoritatem regiam accepisse. De ipso AVLICO IUDICIO REGIO vel Cæsareo quædam addenda. Speculum iuris Sueuici part. 1. c. 13. ita loquitur: In welche Stadt der Bönich kompt die in dem Reich lieget / das ist vnd diemiel er darin lieget / die Metz / der Zoll vnd das Gericht ist sein / er sol auch alles das richten das in der Stadt vnd in dem Lande zu richten ist / ohne das begehret ist zu richten, das sollen die Richter richten / voraus die das beginnen haben zu richten. Quorum verborum non ea tamen mens est quasi Rex teneatur omnes controuersias illas iudicare, sed quod possit decidere. Quapropter cautius loquitur Speculum iuris Saxonici l. 3. art. 60. In quacunque ciuitate Imperii Rex deuenierit, ibi Telonia ei vacabunt & Moneta. Et in omni territorio quose transfert, sibi Iudicia vacant, ut possit cognoscere de omni causa in Iudicio non incepta nec determinata. Et in aduentu Principis omnes decenter (ad faciendā cum eis iustitiā) sunt regi præstandi, quando citius post regis postulationes id duci poterit ad effectū, & in ipsius præsentia vincendi sunt, aut (ut iuris est) dimittendi, postquam rex eos aut ipsius nuncios ad iustitiam in audientia decenteris, aut in castro vel fundo ubi decenteris sunt, postulauerit. Præmissi si denegerint, & hoc per nuncios poterit comprobari, statim qui eos tenent & detinuerint, & castra in quibus detinentur, prescriptioni Imperii includentur. Faciunt eodem verba illa l. 1. art. 58. Quando Comes Iudicium sui Gogranii ingressus fuerit, per hoc Iudicium Gogranii euacuatur. Et sic Comes Iudicium eliditur, si Rex eius ingressus fuerit Comitatum, obirex & Comes ambo sunt actioni præsentiales. Sic etiam omnes Iudices in regis præsentia, si actio ipsum non attigerit, suspenduntur. Hæc duo illa specula. Quæ si locuta sunt ex more sui æui, manifestum est priscam Ius regum ætate Francorum vsitatum hac quidem in re adhuc superfluisse circa initium seculi quarti decimi. Quod tamen vel asserere

vel negare equidem haud ausi n. Ab illo autem vsque tempore ius hoc magna ex parte omnino euauit.

Id certum videtur prouocationes ad Regem fuisse omni etiam illo tempore licitas, & quidem in rebus leuissimis. Ceterum post illa priuilegiis de non appellando multis hoc modis restrictum est. Etenim iam ante Cameralis iudicii originem reperire est, aliis indultam immunitatem non appellandi de certa aliqua pecuniarum summa aliis simpliciter, vel non nisi quando praesens adfuerit Rex. Sic Lehmannus *l. 5. Chron. Spirens. c. 116. & c. 125.* recitat priuilegium Spirensibus datum à Rudolpho I. & Adolpho Nassouio de non vocandis Spirensibus in iudicium Caesarem extra urbem suam, nisi quando sit denegata iustitia. Carolus IV. *aurea sue bulla tit. 8.* regi Bohemiae illimitatam iudicandi facultatem attribuit, aut potius confirmat: *l. 11.* aliquantò restrictiorem auctoritatem (liberam enim reliquit prouocationem si iustitia denegetur) etiam reliquis sex Electoribus concedit. Id tamen neque à Palatino & Brandenburgico obseruatum esse vulgò narrant. Quicquid verò sit, per Rudolphum Caesarem II. Serenissimo Electori Brandenburgico iterum hoc est confirmatum, eoque nunc vicissim in usum rediit. Valent verò eadē auctoritate & Archiduces Austriae. Inter alias enim eminentissimas immunitates etiā numerant: *Daß von ihnen an einen Römischen Kaysar oder König/ noch an des Reichs Cammergerichte/ oder andere Gerichte nicht appelliret, suppliciret noch redimiret werden kan. Item daß sie mit keiner Sachen schuldig sein, für dem Reich zu Rechte zusehen, sie wollen dann gerne.* Praeter hos verò penè nulli non Ordinum data sunt sua quaedam, magis tamen minusque restricta, de non appellando, priuilegia. quorum multa recenset Friderus *l. 1. de process. in appendice*, multa ex eo tempore à variis impetrata sunt, quamuis verò olim permissa promiscuè omnibus fuerit prouocatio ad iudicium regium, rarò tamen ante quidem seculum quartum decimum fuisse illuc causas adductas, facillimum cognitu est ex aulici illius iudicii ipsa constitutione. Etenim ea de re ita cautum est Friderico II. Caesare anno 1236 cap. 24. *Wir setzen auch das des Reichs Hoffe habe einen Hoffrichter / der ein freyer Mann sey/ der auch in dem Ampte zum wenigsten ein Jahr sol bleiben/ der sol alle Tage zu Gericht sitzen/ ohn den Sonntag vnd die heiligen Tage/ vnd sol die Leute richten die ihm klagen.*

von allen Leuten / ohne Fürsten vnd andere hoheleute, wann es
gehet an ihren Leibe oder an ihr Recht / oder an ihr Erbe / oder
an ihre Ehre / daß wollen wir selber richten. Eadem verba repetun-
tur in Edicto Rudolphi i. apud Lehmannum l. v. c. viii. vt & in E-
dicto Alberti i. apud Goldastum parte ii. Reichsatz. p. 27. vbi cap. 13.
art. 9. additur: Der Richter sol auch haben einen sonderlichen
Schreiber der da beschreiben sol alle die in die acht kommen, vnd
die Sache drumb sie drein kommen seyn. Ad illud actuarium per-
tinent & sequentes articuli ad cap. xl. Hinc verò liquet Iudicium
aulicun Imperatoris toto illo seculo decimo tertio vnum tantum
habuisse Iudicem & vnum Actuarium vel Scribam. Non aliam fuisse
illius Iudicii rationem seculo etiam decimo quarto, abundè li-
quet ex illius tui monumentis.

Ceterum decimo quinto seculo appellationes illæ ceperunt esse
longè frequentissimæ. Causa autem huius rei nulla fuit alia, quàm
quòd eo tempore præter antiquum morem litibus tota pene Ger-
mania cœpit abundare. Cuius mali causam multos Ordinum in
doctores Iuris Romani tum retulisse, eoquæ illos ab omnibus Iudi-
ciis & consiliis voluisse abigere, ipsum quoque Ius Romanum Ger-
maniâ omni statuisse eiicere, manifestum est ex iis tabulis Reforma-
tionis quas habet Goldastus p. 1. Reichsatz p. 166. Et verò negari æ-
quit penè illo ipso tempore quo in foro Germaniæ cœpit aliquis
Romani iuris vsus; simul magnam litium sementem in fora nostra
sparsam esse. Hocque ipsum satis fuit accuratè Ordinibus tum ob-
seruatum. At non quod illi putabant, sed partim in causa simul
tum introducta procedendi in foro ratio, Pontificiæ curiæ proba-
ta, longa illa ac morosa, partim pessimorum rabularum malitiæ
peruersique ingenii partibus apertus ille amplissimus campus ca-
lumniarum ac sycophantiarum. Scilicet antehac procedendi illa
ratio iam tum dudum vnâ cum pontificio iure pedem intulerat in
Germaniam: verum obtinuerat tantum in foro Ecclesiastico, alibi
non nisi parum ex eodem fonte iam manauerat, quantum hodieque
videre est ex Speculis iuris Saxonici & Sueuici. Attamen vtplici-
mum simplex obseruatus fuit processus in foris secularibus. Satis
fuerit de Spirensibus Iudiciis audire testimonium Lehmanni l. 4.
Chron. cap. 21. Was den Proceß in Rechtsachen anlanget / wie wol
man vor Gericht vnd Recht in Rechtsachen gar langsam den

Brauch der Protocolen angefangen / so ist aus denselben / fast vor 100. Jahren beschrieben / zuvermercken / daß von alters ein furger Proces in allen Bürgerlichen irungen gehalten / vnd schwere Sachen in zweyen oder dreyen Gericht Tagen auff lengst erledigt worden: &c.

quum præter alia mutata itaque fuerit procedendi ratio in multis Germaniæ foris, non potuit non seges litium succrescere, atque adeo appellationum ad Iudicium Cæsareum maior solito copia nasci. Et verò ea appellationum insolita multitudo permouit Cæsarem Ordinesque de stato quodam & nouo hæctenus Germaniæ haud vsitato summo tribunali constituendo. Neq; enim simpliciter verum est quod vulgò fertur, originem ortam ex eo, quòd Iudicium regium vnà cum Cæsare ambulatorium esset. Ab antiquissimis enim temporibus illud semper fuerat vagum, nec tamè hæctenus vllà necessitas exegerat locum aliquem illius Iudicii statum. At verò accedente illa litium copia, sanè necessarium fuit constans tribunal instituire. Multùm hac de re deliberatum primò fuit Maximiliano Cæsare ann. 1495. Spira verò Nemerù demù in hunc perpetuum vsù consecrata in Comitii Augustanis anno 1530. Constat amplissimus ille Concessus hodie *Iudice Camera Comitii* aut Baronalis dignitatis, & *quadraginta vno Assessoribus*, iisque partim Romanis partim Augustanis fidei dogmatibus addictis. Constituuntur autem hi partim ab Imperatore, partim ab Electoribus, partim deniq; à reliquis Ordinibus, prout hi in *Circulos* diuisi sunt. Proceditur, in causis iudicandis non summarie vt olim, sed tractu longiori illo. Quamuis verò nò liceat appellare à sententiis huius tribunalis, nec causas huc delatas aliò auocare, tamen si culpe doliue arguatur Camera, petita inter iustum tempus Reuisione aut Syndicatu, ad *Camera Visitatorum Iudicium* recurritur, suspensa interim executione sententiæ in Camera tribunali pronunciata. Quo patet simpliciter summam iudicandi auctoritatem, non penes Ordinarios tribunalis illius Iudices, sed eius *Visitatores* esse constitutam. Cæterum *Reuisiones* eiusmodi dudum nullæ haberi potuerunt ob contentiones inter Ordines Catholicos & Evangelicos exortas, illis nempe in *Visitatorum* numerum non admittentibus eos quibus ex lege publica ius hoc datum fuit. Quàm lentè porrò causæ in foro isthoc decidentur docent quærelæ publicæ Ordini. Inter Grauamina Evangelicorù Osnabrugæ nò adeo pridem hæc disertis sunt verbis propolita. *Daß es mit der*

Administration der Justiz zu Speyer der massen langsam vnd ver-
 zugleich zugehet/das die Gerichtliche Proceß bey eines Menschen
 offtermals Kindes vnd Kindes Kinder, ganze Leben zeitē Kaū
 zu ihrem endlichen Beschluß/zū geschweige Vrtheil vnd Executio,
 mehr gelangen können/vnd als der *finis iustitie, ut ius suū cuique tri-*
buatur, so gar dabey nicht erreicht wird/das viel mehr *contrario planē*
effectu andern bedrängen *sub prætectu iuris* daß ihrige calumnie
 aufgehalten wird: Ja sie auffsetzen müssen. De *multitudine causa-*
rum ibidem adhuc hærentium memoratu digna sunt eorundem E-
 uangelicorum Ordinum verba in *Graminibus*. Die Schuld solcher
immortalis litium diuturnitatis nicht so wol denen *litigantibus*, eun-
 dem *advocatis seu procuratoribus*, noch *Dominis Indicibus & Assessoribus*,
 viel weniger *prudentissimis legibus & sanctionibus*, vel *procedendi for-*
ma modoque per se, als vornemlich *immentæ causarum multitudini*
 zu zuschreiben: Welche bereits auff viel tausend zum Theil ge-
 schlossene/zum Theil noch obschwebende Handel der massen erwa-
 chsen/ daß gleich wie bereit mit der selbigen allcinigen erörterun-
 gen/die Herrn Assessores auch in völliger anzahl langer dann
 ein ganzes seculum zu schaffen haben würden/das im Fall noch
 immer zu noch neue Sachen dazu kommen solten/sich selbige gar
 in infinitum auffhäuffen/vnd keine andere Mittel oder Hoffnung
 mehr zu der meisten oder zumahl iüngerer Handel expedition
 vnd erledigung übrig verbleiben / vnd also in effectu derselben
 Campana sine pistillo sein/ vnd mehr den bösen vnd schuldigen zu
 Mißbrauch / als denen bedrängten vnd vnschuldigen zu gute,
 kommen würde. Hæc illi. *quæ omnia quantum absunt ab illo anti-*
quo Iudiciorum statu nemini non est manifestum.

Præter hoc verò summum Iudicium alterum quoque natum fuit, si-
 ue mansit superstes, in aula Cæsaris, quod vulgò der Reichs Hoffrat
 nuncupatur. Cuius leges & ordinem primum, Ferdinandus Cæsar an-
 no 1549. promulgavit, auxit Cæsar Maximilianus II. anno 1596. planē
 novavit anno 1614. Matthias Imperator. Solius verò hæcenus Cæsaris
 fuit illi Iudicio Senatores dare. quavis verò ante hoc fatale Germa-
 niæ bellū à Correspondētibz Ordinibus huius Iudicii auctoritas a-
 critter fuerit oppugnata, tamē etiā tū à plurimis Ordinibus fuit admis-
 sa, nūc verò à nemine fortassis in dubiū ampliùs vocatur. Certè & in
 Transl. Pragenſi cōfirmatū hoc Iudiciū est, & nuper neq; Osnasbrugis
 neq; Monasterii ea de re disputatū. Tantū id male habet Euāgelicos
 quod in Iudicii hui⁹ Senatu hodie soli Pōtificii cooptetur, qui cūm

odio summo prosequantur omnes Euangelicos, iniquis sententiis hos prægrauant. Verè itaque & hoc Iudicium summo est per Germaniam loco, nullaque fortassis parte minus Spirensi Camera: quin maiorem potius huic attribueris auctoritatem quàm Spirensi illi, quod illius decreta reuisioni subiaceant, huius omnia sint *clivum suum*.

HÆC ferè est summa Iudiciorum Germaniæ, ab antiquissimis retrò temporibus ad nostrum vsque æuam deducta. Breuibus restat ut exponamus qua ratione fortassis nonnihil in melius vitia quædam, quæ nunc superesse passim monuimus, possint emendari. Ante omnia ergo ponendum quasi extra controuersiam, ad id, vt Respublica aliqua plenè fruatur maiestatis iura necessariò requiri, vt sola habeat in potestate sua omnia Iudicia sine quibus administrari non potest. Neque enim respublica quæ aliorum Iudiciis tenetur, siue quoad omnia, siue in multis negotiis, verè libera est & sui iuris. Quod si ergo Germanica Respublica verè libera aliqua est Respublica, profectò eius membra aliorum Iudiciis nequaquam debent esse obnoxia. Ponendum *secundò* etiam hoc est: cuiuslibet Reipublicæ liberæ competere plenum in suos ciues Iudicium: eoque à Iudicio Reipublicæ neminem ciuem posse esse immunem; qui autem est immunis, illum ampliùs in ciuium numero non esse. *Tertiò* ponendum: multum referre ad statum Reipublicæ, penes quem sit potestas dandi Iudices negotiis potissimorum Ordinum: itaque prout debet esse Respublica etiam Germanica, monarchica an aristocratica, an mixta, ita etiam hoc ius oportere vt sese aliter atque aliter habeat.

Hinc manifestum est ignominiosum esse Reipubl. nostræ id quod sibi arrogant Papæ Romani imperium in Cæsares & Reges Germaniæ: eoque manibus pedibusque, quod aiunt, procul à ceruicibus Reipublicæ meritò hoc propellendum esse. Ex re igitur fuerit non tantum illis Hildebrandinis conatibus, si quando fortassis recruduerint, omnem Reipublicæ potentiam opponere, verum ne doctrinam quidem illam momento vllò perferre ac pati. Ad exemplum sc. Gallicanæ Reipublicæ, quæ hæreticos illius damnum cum vetere Germanica experta, libros illius argumenti manu carnificis è medio tollit. Neque verò est quod blandiamur nobis exemplo Hispaniæ, cuius Rex securè doctrinam illam tolerat. Multum enim veramque inter Rempublicam interest. Fortè verò & Hispania ali-
quando

quando securitatis suæ luer pœnas. Sixtus sanè V. animosus Papa nihil ipsius Philippi II. potentiam veritus parum abfuit quia & in illum sacrum fulmen vibraret. Et verò quid expectare nos iubeat curia Romana vel ex eo liquet, quod non adeò pridem ipsum Hildebrandum diuorum ordinibus inseruerit. Certè vt excommunicandi vim Papæ relinquamus: neutiquam tolerandum est quod idem soluere subditos possit fidelitatis sacramento, aut aliis muneribus ciuilibus quidquam impediendi parere. Multò minùs toleranda est propudiosa illa doctrina de singulari dominio Papæ in Cæsares tanquam Vassallos suos. Sanè vt ex re sua iudicauit Hispanus Batonii aduersus Siculam Monarchiam disputationem omnibus suis terris arcere, ita consultum fuerit ex ipso etiam Pontificii iuris corpore canones & constitutiones Papales Germaniæ ignominiosas auctoritate publica tollere.

Similiter non permittenda ampliùs Papæ est iurisdictio in Episcopos aut clerum reliquum, multò minùs in alios & bona publica Imperii. Etiam hoc enim pugnat cum *αὐτοκρατορία* reipublicæ Germanicæ, vt taceam quàm sit noxiù causas ex Germania Romam trahere. Et verò satis commodè omnia poterunt reuocari ad instituta veterum canonum de quibus iam tum suprà aliquid inuimus. Cumque Episcopi nostri & Abbatum multi simul Principes agant, profectò cognitio de eorum vita, moribus, & in vniuersum de ciuilibus ac criminalibus eorum causis ad Rem publicam omninò pertinet. Alioquin enim respublica non habeat iurisdictionem in suos ciues. Quo nihil est absurdius. Ipse Bellarminus *contra Guil. Barclaium* p. 538. concedit ius fuisse Carolo V. proscribendi Hermanum Archiepiscopum Coloniensem, quòd esset Princeps Germaniæ. Ne merè Ecclesiastica quidem causæ extra omne reipublicæ Iudicium debent esse: vt sanè exemplo præiuerunt hac in re suo nò tantùm Cæsares Romani prisce, quia Constantino Magno floruerunt, sed ipse etiam Carolus Magnus & Ludouicus, ceu ex historiis notissimum est. Certè quod Galliæ in clerum licet, id vtique licebit etiam reipublicæ Germanicæ. Numerat autem illa delicta quædam grauiora *præuilegiata* dicta, (cùm tamen rectius deberent dici *communia* vt etiam censet Millerotus) quorum cognitio & iudicium magistratus est secularis. In vniuersum nihil est Reipublicæ magis aduersum, quàm si aon tantùm viuant in ci-

uitate, sed etiam bonis publicis, imò maximis, gaudeant qui Reipublicæ legibus & iudiciis non tenentur.

Porro si quidem Respublica Germanica non debet esse *περιουσιακή*, sed in partem maiestatis veniunt Ordines regni, manifestum est causas Ordinum, quæ quidem vitam & dignitatem vel bona potissima attinent, decidendas esse non in alio iudicio quàm quod ipsi quoque Ordines instituerunt. Itaque, aut antiquus & ab omnibus retrò seculis vsitatus mos Principum causas Regis & Pariū iudicio committendi fuerit obseruandus, aut verò tribunal aliquod in hunc vsu, communi Reipublicæ auctoritate, fuerit instituendū. Comuni inquam: Neque enim temerè permittendum, tantæ vt causæ vel citra Regis vel citra Ordinum mentem & sententiam iudicentur: vt pote quum ad Reipublicæ summam pertineant, summa autem isthæc penes illos coniunctim sit, nisi fallimur. Fortasse verò apprimè etiam in rem fuerit, si omnes illæ controuersiæ quàm certissimè finiantur, atque aded in eorum iudiciis processus obtineat quàm simplicissimus & qualis ante hos ducetos annos semper in vsu fuit. Animorum enim distractionem pariunt lites, nihil autem in omni Repub. perniciosius, quàm si Principes & Optimates inter sese studiis collidantur, quæ vox est omnium sapientum & magno [proh dolor!] Germaniæ malo comprobata. Et verò solito maius periculum est à controuersis Ordinum si Respublica sit liberior. Aureum sanè assertum est Taciti: *periculosiores sunt inimicitia iuxta libertatem*. Ad hæc cum executio sententiarum istiusmodi prudenti consilio Circulis singulis sit commissa fortassis haud abs re fuerit, si pecunia & apparatus bellicus singulis Circulis fuerit ad manus, cum ad alium Reipublicæ vsu, tum ad cogendos illos qui viribus suis freti latis iuste sententiis obtemperare detrectant. An verò non loca munitiora refractariorum, aut alia eorundem bona per vim occupata, publico vsui totius Circuli seruire præstet, quàm diruere aut alii alicui concedere, iudicent prudentiores.

Haud obscurum porro est, longè fore vtilissimum Ecclesiæ, si Episcopi & Abbates solis sacris vacantes secularem iurisdictionem Cæsari & iudicibus secularibus permittant. Quemadmodum in Gallia anno 1320. Philippo Pulchro regi eam concessit clerus Gallieanus. Sed hoc optari fortassis potest quidem, non sperari tamè: vt
est ho-

die mundanæ potentie Clerus, exemplo sui **Papæ Romani**, vehementer additus.

Illud verò omnino par est & iustum, ut Iudicia omnia ita sint instituta, ne cuiquam partium sint gravia. Eoque cum[cheu] religionis dissidium in odium mutuum plurimos traxerit, quò magis equaliter omnibus ius dicatur, omnino iis locis ubi utriusq; religionis sociis litigandum venit. Assessores Iudiciis dandi sunt utriusq; itidem religionis. Multò maxime ergo id oportet ut obtineat in summis Germaniæ tribunalibus. Certè id nisi fiat, tamen si Iudices optimè etiam functi fuerint officio suo, nunquam tamen decrit malè suspicandi causa, quæ est perpetuum discordie fomentum.

Omnino denique danda est etiam atque etiam opera, ut litium hæc multitudo & diuturnitas, quæ haud multò minùs perdit Germaniam atque vis militaris, emendetur. Quod ipsum fortassis poterit fieri, si in temerè litigantes omnes, & seorsim in litium iniquos patronos, gravissimis pœnis animadvertatur: si Iudicibus nihil ex partium sportulis aut muneribus sit expectandum, sed cogantur illi suis ex publico stipendiis esse contenti: si processus iudicarius ad priscam simplicitatem, quæ tot sæculis floruit Germania, quæque in omnium veterum rerum publicarum optimarum foris, in suis Hebræorum ab ipso Deo fuit probata, si non omni ex parte, saltem potiore reducat: si postremo quæcunque in controuersiam trahi solent singulis in locis legibus plebi etiam perspicuis quoad fieri potest definiantur. Certè quamdiu omnia hæc in Germania sunt observata litibus nusquam laboratum fuit. Num in remedium liceat laudare privilegia quæ vocant de non appellando, meritò fortè dubitaueris: namque eo ipso & plebis libertati & summæ reipublicæ auctoritati, perinde fortassis detrahitur. Attamen nisi quæ modò diximus, observentur, iuvare illa privilegia ad litium finem fatendum est. Quod si profectò haud placuerit remediis quæ laudauimus uti, omnino vel appellationes ad fora regni summa præcidere magis magisque ex re fuerit, vel verò in singulis Circulis summa tribunalia publica Reipublicæ auctoritate sunt constituenda. Neque verò hisce moribus duo quæ nunc sunt Tribunalia publica litibus finiendis sufficiunt, sed nū merus illorum augendus est, Gallici regni exemplo.

Mm

Leges animæ dimidium Ciuitatibus præstare apud omnes in confesso est: ac sic, exposita per ea quæ de Germanici Imperii Ciuibus, Urbibus, Ducibus & Comitibus, Electoribus, Episcopis & Iudiciis tradidimus, Germania nostra Republica: De eius moribus, institutis & legibus hic agere esset tempestiuum, nisi fuscæ facis & luculenter de iis nuper in Helmstadi edito nostro de Origine iuris Germanici Commentario. Quapropter huic supersedere labori consuliis, hoc tantum addito verissimo Elogio, quo Tacitus, Scriptor summus, nostrorum Auerum mores olim commendare dignatus est.

Plus apud eos valens boni Mores, quàm alibi bonæ Leges.

Acroamatis sexti & ultimi finis.

DE IMPE-



DE
IMPERATORE
ROMANO GERMANICO

DISCURSVS HISTORICO-POLITICVS.



V'm aliis multis Magistratibus geritur Imperium Germanicum, tum vnus summus illi præest, quem Cæsareum aut Regium appellare est moris. Possunt autem de illo multa dici ac varia: nos verò non nisi pauca nunc attingemus.

Atque initid quidem videbimus, quo iure, quauè iniuria, illi competat nomen Cæsareum, & titulus Romanorum Imperatoris. Constat quippe, illis nominibus appellatos olim qui Imperio Romano regiâ autoritate præfuerunt. Cæterum an idem nomen iis, qui Germaniæ sociisque regnis præsunt, regibus conueniat, id verò haud perinde liquidum est.

Verùm hanc quæstionem agitare fortassis haud licebit, nisi & illud agitur, superstitne hodieque Respublica aliqua Romana: aut si non superfit, iura ne eius Imperii vnâ cum Republica expiraue- rint, an verò maneant: & si manent, penes quem ergo verè resi- deant.

Et quidem superesse hodieque Romanum Imperium, eiusque nobilissimam portionem esse Germaniam & Italiæ pleraque, vulga- ta aded est sententia, vt eâ de re dubitare, videatur meritò absurdum & absonum: Quoniam tamen planè contrâ senserunt nostro seculo nonnulli ex eruditissimis, resque difficultate non caret, & tamen operæ pretium est, in re tam magni momenti à veritate non aberrare, non absce fuerit, totum hoc negotium accuratè agitare.

Mm 2

Principio autem sciendum est quid olim florentibus Romanorum rebus ad Romanum Imperium pertinuerit, siue reapse, siue iure.

Totum enim terrarum orbem olim imperio suo Romanos continuisse, & antehac viri quidam magni asseruerunt, & nunc etiam nonnulli pertendunt. Et verò aded id ipsis sacratum literarum dictis consentaneum esse nonnullis creditum, ut hæreseos infamiâ notare haud dubitauerint eos qui diuersum sentiant. Neque negari potest diserta esse sanctissimi Euangelistæ verba: *ἡ γὰρ ὁρμή ἐστὶν τοῦ κόσμου ὑπὸ τοῦ κράτους τοῦ οὐρανοῦ*. Sed & Marcus Tullius ita olim scripsit: *Nulla gens est quæ non aut ita subacta sit ut vix exstet, aut ita domita ut quiescat, aut ita pacata ut victoriâ nostrâ imperioque laetetur. Quin vulgati olim sermones fuere: Romam mundi caput, Romanos rerum dominos.* Martialis.

Terrarum Dea gentiumque Roma.

Petronius Satyricon:

Orbem iam totum victor Romanus habebat,

--- Quæ mare, quæ terra, quæ solum currit utrumque.

Nec aliter Græci loquuti sunt. Dionysii Halicarnassæi verba sunt L. i. cap. iii. *Romanorum urbs toti imperat terra, quæ quidem non est inaccessa, sed ab hominibus habitat. Imperat verò & toti mari, non illi tantum quod intra Herculis est columnas, sed & ipsi Oceano, quacunque est nauigabilis. Prima & sola earum, quæ ab omni ævo memorantur, Orientem & occasum domini sui terminos effecit.* Aliquot post Dionysium seculis in Ægypto cecinit Claudianus de Roma:

Armorum legumque parens, quæ fundis in omnes

Imperium. Item: parvæque à sede profecta

Dispersit cum sole manus.

Nec verò Cæsares iam tum Christianismo imbuti, adeoque ad modestiam maiorem compositi, dubitarunt mundi sese dominos appellare: quin titulus hic reperitur hodiæque in Actis Concilii Chalcedonensis act. XI. ac XII.

Cæterum vix sextam partem mundi tunc cogniti intra Imperii Romani ambitum olim fuisse, certissimum est: tantum abest Americam, plurimasque Oceani insulas, aliæque nuper demum Europæ cognita, illi paruisse. Sanè Augusto imperante ab oriente intra Euphratē

Euphratem: à meridie intra Nili catartas, deferta Africa; & montem Atlantem: ab occidente Oceano: à septentrione Danubio & Rheno amnibus, inclusum fuit. Adiecta postea quidem nonnullæ prouinciæ, vt Claudio Casare Britannia in ipso Oceano, Traiano Arabia, Armenia, Mesopotamia, Dacia; verum ne sic quidem omnia occupata. Quodque cum primis hic meretur expendi, Germania vniuersa nunquam, vel ad breue tempus, Romanis paruit. Cisthena sola constanti imperio à Romanis detenta: Transihenana quod ad Albim vsque porrigitur, Augusti Tiberique auspiciis semel iterumque inuasum, mox tamen iterum in libertatem vindicatum est, solis Rheno proximis populis, Frisii, Vsiptis, Tencteris, Iuhonibus, Mattiacis, & his conterminis Alemannis, nonnihil diutius dominatui Romano subditis. Reliquum omne infestis armis ne quidem tactum fuit. Quæ multis probare in tantâ literarum luce fuerit Soli facem mutuari. Itaque inutiles labori superfedebimus.

Nec verò quem mouerit illud Lucæ Euangelistæ, qui eiusmodi *ἀνθρώποις* nouit per tum fuisse sacro etiam populo familiares, Eadem scilicet loquendi libertate in sacris codicibus *omnia bona Damasci* dicuntur varii generis diuitiæ eius vrbs. Similia alibi plura reperias passim. Est verò & certissimum, optimam habitabilis orbis partem adeoque florem ipsum totius orbis, Augusti æuo, Romani Imperii finibus inclusum fuisse: vt merito iure potuerit pars illa eximia totius nomine venire, licet verè pars tantùm fuerit vniuersi. Quo liquet non multùm aded olim à rigido & duro veritatis sermone receptum passim loquendi morem recessisse: vt verò ille non omnimodè congruerit. Neque enim, si accuratè loquendum, nisi pars orbis terrarum Romano Imperio vnquam occupata est. Scilicet vt totius nomine pars potissima veniat, vulgaris est loquendi consuetudo. Ac proinde non aliter quoque loquutus est sanctissimus Lucas. Neque enim sacrarum literarum sermo ab eo quod tunc in vulgus suetū, habetque ergo & *ἀνθρώποις* suas & *ἑκαστοῖς*.

Sed & familiare ipsis est *ὁμιλεῖν* voce nunc Iudæam, nunc aliam aliquam latè porrectam regionem appellare. Quod obseruans Hieronymus: *Nomen terra*, inquit, *etiam cum additā particula omnis, restringi debet ad eam regionem, de qua sermo est.*

Verum hæc quum æminetia temerè lateant hodiè paulò doctio-

Aliorum, non est quur vel verbulo ampliùs ostendamus, quàm ineptè quidam ex illis Euangelii, aliorumque Romanorum verbis, verè totum terrarum orbem dominio Romano paruisse aliquando, colligant.

Sed fortassis omnem mundum occupandi aliquod Ius Romano populo fuit: adeoque per iniuriam nonnulli populi imperium eius olim detrectarunt. Sicut Aristidi Rhetori *miseratione digni visi, qui imperio Romano n. n. subiacebant, ut qui bonis maximis destituerentur*. At cum omne ius vel æternum sit vel positivum, atque vel ab ipso Deo vel ab hominibus profluxerit, nihil tamen horum pro vniuersali illo dominatu Romano valeat, quid de iure illo sit sentiendum manifestum est. Certè positivum eiusmodi aliquod ius siue diuinum, siue gentium, siue civile, nullum reperitur. Non diuinum: id enim humano generi non potuit innotescere nisi vnius Dei reuelatione, hic autem nihil huius nos docuit per Prophetas, per Apostolos, per Apostolicos viros, quibus solis internunciis usus est. Non gentium: nunquam enim omnes populi in id conuenerunt, imò plerique acerrimè Romano Imperio resistenterunt, nonnisi maximis cladibus domiti: pauci vltro sese & sua Romanis dederunt, aut in eorum societatem cupidè libereque consensere. Ne Romanus quidem populus tale aliquod ius condidit: ut nec condere potuit quidquam quod liberos populos extra ciuitatem suam obligaret. Iam si quod est perpetuum Dei vel naturæ ius, id non nisi ratiocinatione ex firmis ac æternis naturæ notis principiis deductum à nobis intelligitur. Et tamen hoc modo tale Romani populi ius vel vero simile nō potest reddi. Nec verò Dantis Aligerii aliorumque argumenta, quibus Imperatori tale ius adscribere conatur, quia expediat humano generi sub vno imperio esse, vilius sunt momenti. Ut enim illud fuerit vtile, non sequitur tamen illud imperium ad Romanos pertinere. Quir enim hi potius imperent omnibus quàm alii? Nec sola utilitas ius dat imperandi, nisi omnia imperia deteriorum in meliores iniusta sint. Ut porro etiam humanum genus in verè vnā rempublicam cōeat, *ἀδελφότης* est. Neque id expedierit illi, quales sunt res humanæ, quum ab vno commodè tam vastum spaciū regi nequeat. Certè Aristoteles, vir, si quis alius, *πολιτικός*, intra angustos limites beatam rempublicam

eam coarctet: tantum abest ut totum mundum crediderit feliciter ad unum sceptrum adstringi. Et verò ut naus cuiusque aliarumque rerum: sic & ciuitatis certa est magnitudo, quam si excedat non ampliùs id esse potest quod debebat. Ipse sanctissimus vir Augustinus L. IV. de civ. Dei. cap. XV. affirmat feliciores futuras res humanas, si omnia regna parua essent, *concordi vicinitate latantia*. Habent magna imperia suos usus, at quæ totidem, imò pluribus longè, damnis compescuntur. Ipsum illud Romanum Imperium *magnitudinis suæ laborasse* censuit Titus Liuius, prudentissimus vir. Nec aliò fortè spectauit Augusti consilium *coercendi intra terminos imperii*: ut ut Tacito incertum visum metu an per inuidiam, ita sit iudicatum. Non potuit verò natura imperium in omnes tribuisse Romanis, si & illa paruitas oneri fuit. Verùm hac de re operose agere non est huius instituti, abundè enim etiam sic liquet non æterna naturæ lege, non arbitraria, vel Numinis cælestis vel gentium omnium constitutione, Romano populo in omnem mundum quidquam iuris esse concessum.

Iisdem verò argumentis probare licet haud difficulter nullà tali lege Romanos præ aliis populis in occupanda, vel minima, terræ parte, singulare aliquod ius habuisse. Neque enim ex sacris literis constat nobis quidquam de diuino aliquo tali instituto: neque historiæ nobis produnt gentium omnium eiusmodi quem consensum, neque licet infirmis rationibus ex naturæ principijs arcesitis instituti modi quid persuadere.

Habemus verò hic & confitentes ipsosmet Romanos: nullibi enim legas alios titulos aut alia iura imperio suo vnquam prætexuisse, quàm quibus aliàs vulgò acquiritur aliquid aut possidetur, ius scilicet belli, fœdus, donationem, derelicti occupationem, ac id genus alia. Certè sibi diuinitus aliquid præ aliis datum nunquam præse tulerunt: quale quid tamen à Muhammede falsò iactitatum, Hebræis verò olim in ea quæ ab Egyptiis commodatò acceperant & Cananæorum terram, verè fuisse concessum notum est, de Tartariis narrat Haithonus c. XVI. & XVII. de Mexicanis Iosephus Acosta *histor. Americana* l. VII. de aliis gentibus baaliis memoratur. Apud Sallustium Mithridates causas bellorum Romanorum his verbis perstringit: *Romani arma in omnes habent, in eos acerrimè, quibus victis spolia maxima sunt*. Item: *Romanis cum nationibus, populis, regibus con-*

Hic una & vetus bellandi causa est, cupido profunda imperii & diuitiarum. Galgacus apud Tacitum: Raptores orbis, postquam cuncta vastantibus defuere terra, & mare scrutantur. Si locuples est hostis, auari: si pauper, ambitiosi: quos non Oriens non Occidens satiauerit. Verum hæc voces, ut hostiles, minus fortè merentur fidem: neque verò probauerim illud Carneadis, quod ex Cicero refert Lactantius l. V. institut. c. XVII. si iustitia sit obseruanda, Romanis ad casus redeundum fuisse: ne ipsi tamen Romani omnia sua bella iustis de causis suscepta esse ausi olim sunt prædicare. De Sardinia Carthaginensibus erepta, contra quàm conuenerat, iam olim conquestus est Polybius, grauis Scriptor, & qui in Romanis castris vixit. Cypri occupatæ iniquitatem improbant summopere Cicero pro domo sua & Ammianus Marcellinus L. XIV. De Corintho excisâ idem Cicero l. III. de officiis. Virilitatis specie in republica sæpius peccatur, ut in Corinthi deurbatione nostri. Alibi tamen eiusdem verba sunt: noster populus suis defendendis terrarum omnium potius est. Et verò olim famam iustitiæ præ aliis Romani obtinuerunt, certè affectarunt. Hinc Rhodii apud Liuium L. XLV. Certè quidem vos estis Romani, qui idem felicia esse bella vestra, quia iusta sint, præ vobis fertis, nec tam exitu eorum, quod vincatis, quàm principis, quod non sine causa suscipiatis, gloriâmini. Rutilii Tauri Æmiliani versus est notissimus de Roma: Iustis bellorum causis, nec pace superbâ Nobilis ad summas gloria venit opes.

Dionysius Halicarnassæus religionem Romanorum de prædicat, quâ Græci sui caruerint. Nam omnium, ait, bellorum initia & causas apparebis iustas fuisse: atque idem Deos meritis propitios sensisse & fauere. Neque negari potest iure id in Romanis laudandum, quod belli indictionem fecialibus, id est, sacerdotibus, non soli populo profano, commiserint. Ut autem hæc omnia sint vera, iustissimis scilicet causis bella omnia à Romanis suscepta, [quod tamen in vniuersum non esse verum ipsorum confessione antè docuimus] verum tamen est non aliud ius Romanos prætexisse vlli bellorum suorum, quàm quod omnibus populis est commune. De ipso feciali iure Cicero l. I. de officiis scribit; belli quidem æquitas sanctissimo feciali populi Romani iure perscripta est, ex quo intelligi potest nullum bellum esse iniustum, nisi quod aut rebus reperitis geratur, aut denunciaturum antè sit & indictum. Sed hæc clara sunt, nisi fallimur.

Id

Id verò cum primis notandum hoc loco ducimus quæ finibus Romani Imperii olim fuere inclusa diuerso admodum vatioque titulo ad illud pertinuisse. Fuerunt scilicet alii verè subditi atque in prouinciam redacti, alii amici, alii socii, alii aliter fœderati, magnus quoque numerus extitit coloniarum & municipiorum. Ex vnius Plinii lib. III. XV. VI. *naturalis historia* abundè id discere est: vt alios testes laudare non sit necesse. Singulatim quæ Italiae populorum vrbiumque fuerit tum ratio, præclare docuit Carolus Sigonius eximio opere *de antiquo iure Italiae*. Ne Germani quidem omnes Cisterhiani pari fuere conditione. Vbi enim Romana colonia esse meruerunt: Vt verbis vtar Taciti, qui de Batavis scribit: *manet bonis & antiqua societatis insigne*. Socii itaque Romanorum fuere Batavi, non subditi: quod egregiè, vt omnia, illustrat Hugo Grotius *L. de antiquit. reipubl. Batav. c. II.* Non in alio obsequio, eodem Tacito teste, trans Rhenum fuere Mattiaci, etsi & hi pars habitus imperii Romani. Ammiani Marcellini *L. XV.* verba sunt: *Prima Germania, ubi præter alia municipia Moguntiacus est, & Vangiones, & Nemetes, & Argentoratus.* Quædam itaque & Cisterhianæ Germaniæ vrbes municipiorum libertate sunt vsæ, quæ qualis fuerit docet Gellius *L. XVI. no. 1. Atticar. c. XVI.* Non diffitemur Romanos, societatis fœderumque iuribus violatis, sæpè socios suos pari cum subditis loco habuisse. Et verò hanc iniuriam questi olim Batavi apud Tacitum *L. 5. Historia: neque enim societatem, vt olim, sed velut municipia haberi, & Latini apud Halicarnass. l. 6. sub umbrâ fœderis Romani seruitutem se pati.* Rhodiorum, Aelorum, Achæorum, Thessalorum, Magnetum similes querelas alibi reperias. Ipse Sallustius bello Catilinario fatetur ciuitatem immutatam: *imperium ex iustissimo atque optimo crudele intolerandumque factum.* Hi, addit, ignauissimi homines per summum scelus omnia & sociis ademere, quæ fortissimi viri victores hostibus reliquerunt: *perinde quasi iniuriam facere id demum esset imperio vti.* Verùm non est huius loci hæc latè exponere: satis liquet Romanos non aliis titulis, aut aliis iuribus, in occupandis aut possidendis rebus vsos quàm vulgò receptis & vtitatis, adeoque nihil iuris eos habuisse ad totius mundi imperium occupandum.

Videndum deinceps nemquid eorum quæ possederunt Romani perdidierint. Et quidem quum in illorum potestate fuerint non

N n

ipse tantum prouinciarum varia, sed & ius eas possidendi, seorsim considerandum, an cum possessione & ipso possidendi iure tandem hæc sese habuerint. Adprimè verò videndum quemadmodum hæc sese habuerint eo tempore quo ad Francos Cæsarea occidentalis Imperii dignitas peruenit.

Ceterum occidentalis quidem Imperii [nam de vno illo nunc agere tempestiuum est] pleraque iam Honorii & Valentini III. Cæsari ætate à Germanicis gentibus, hætenus Danubio & Rheno seclusis, occupata esse notius est quàm ut longà opus sit probatione, ut neque patitur institutum in causas illius excidii accuratius inquirere: vtrum scilicet tanti mali causas illi per Constantinum M. institutæ Imperii diuisioni, qua ille, teste Zosimo, Rheni & Danubii ripas quidædecim legionum præsidio nudauit, & quod vntu firmum erat, diuisum in duo reddidit imbecille: an socordia successorum Theodosii: an denique potius fatali cuidam numinis indignationi sit adscribenda. Quicquid verò in causa fuerit, id certum est, illà tempestate non totis quinquaginta annis periisse Romanis penè mille annorum labores, quos acquirendis iis insumperunt. Ita sanè Hispania Vandalis, Visigothis, ac Sueuis: Gallia Francis ac Burgundis: Britannia Pictis, Scotis, Saxonibus, Anglis: Vindelicium ac Noricum, ut & Rhetia potissima Baiuariis atque Alemannis: Pannonia post alios Hunnis ac demum Hungaris, cesserunt.

Ne ipsa quidem Italia in ditione Romani populi permansit. Per Visigothorum enim Vandalorumque incursiones summe debilitatam primùm Heruli, mox Ostrogothi in seuerunt. Atque horum quidem ea vis fuit ut, ipsa Vibe Roma cum omnibus Italiae partibus occupatâ, nouum quoddam Italiae regnum quod adpellabant condiderint, Imperii Romani per ipsam Italiam nomine penitus abolito, & sublatis insignibus. Neque verò Reges illi Ostrogothici alio titulo quàm Italiae regum vsi sunt, imò ab insignibus etiam Romanis prorsus abstinerunt: ut ex eius æui scriptoribus notissimū est. Hinc Iornandes Gothus l. de regnor. success. ubi de Odoacro dixisset & Augustulo: Sic Hesperium regnum, Romanique populi Principatum, quod DCCCLXV. C. anno primus Augustorum Octavianus Augustus tenere cepit, cum hoc Augustulo periit: Gothorum dehinc regibus Romanis tenentibus. hisdem verbis vtitur Marcellinus Comes in chron. indit.

XIV. Baronius ad annum CCCCLXXVI. n. i. Imperium Occidentale collapsum est penitus & deuolutum ad Barbaros. Hic status Italiae fuit ab anno Christiano cccclxxvi vsque ad cccccxi circiter: quo tempore Iustinianus per Bellisarium cepit Gothis Italiam eripere rursus, & Romano Imperio, cuius vis & maiestas in Oriente supererat, restituere. Inde mutavit Italiae possessio per annos duodecim inter Gothos & Romanos: nec his quoque post Gothos excisos integre reddita est, nisi annis quindecim. Ex eo vero, si modò unquam, certe non antè indeptum à Francis Caesarem titulum unquam, Italia omnis in Romani Imperii aut ditionem aut nomen peruenit. Langobardi enim, Germanica gens, sed quæ aliquandiu Pannoniam tenuerat, à Narsete inuitati, Italiam penè omnem, pulsus Caesarum praesidiis, sui iuris fecerunt. Nec enim Graecis Caesari- bus quicquam in Italia paruit amplius quàm Roma ipsa eiusque pomeria, Pentapolis, Exarchatus Rauennatensis propriè sic dictus, vrbique Venetiarum. Etiam horum verò tandem pleraque vltimis Langobardorū Regibus cesserunt. Vt nihil ad extremū in Italiā remanserit praeter duas vrbes Romam & Venetias. Et verò Langobardi Regni temporibus tantū exiguae illæ Italiae partes retinuerunt Romani Imperii nomē, reliqua omnia Langobardici regni titulo venerunt, quorum scilicet erant in potestate. Restituit populo Romano aut Pontifici, pulsus vicissim Langobardis, Pipinus Francorum Rex Exarchatum Rauennatensem cum Pentapoli. Eius filius Carolus, cognomento Magnus, deiecto Deiderio Langobardorū Rege: anno dcccclxxiv. nihil quoque aliud vel certè parum, si credimus iis quæ habentur apud Anastasium in vitâ Hadriani, & qui illa exscripsit Baronio, ad annum dcccclxxiv. Ieorum, quæ Langobardi haecenus tenuerant, Romanis reddidit, omnibus aliis in suam ditionem transcriptis. Et verò ille ex eo tempore non minùs Langobardorum quàm Francorum rex dictus est. Ne Orientales quidem Caesares quidquam Italiae recuperarunt illâ tempestate, nisi quod Beneuentanum Ducatum atque vltima Calabria in suauis patrocinium susceperint.

Hæc omnia vsque adeò certa atque ex historiis in vulgus sunt cognita, vt adductis testimoniis illa probare fuerit hominis otiosi abutentis, & orbem omnem non toleranda in seuitia arguentis. Sole verò hinc clariùs elucescit, anno octingentesimo, quo

Na 2

Cæsareus titulus ad Francos peruenit, nihil transalpinum, exiguum verò admodum Italiæ partem in Romanorum potestate, adeoque Romanum Imperium Occidentale limitibus perangustis tùm fuisse circumscriptum.

Quin possessione itaque totius penè Occidentis Romani tandem exciderint, nullum est dubium: an verò simul & iuribus exciderint, eum per occasionem recuperandi, haud æquè forrè est manifestum.

Quin amittere & illa potuerint nemo dubitaverit qui norit iura illa, quibus sua tenuere, non fuisse alterius ordinis quàm quibus alii populi sua possident: quæ amissibilia esse certum est. Verè autem & amissa illa esse patebit, si quasi certum positum sit, regna quoque vsucapi & longo tempore præscribi, haud aliter atque alias res viliores, nec minùs ex signis etiam posse præsumi factam derelictionem. Enimvero non iis possumus accedere, quos inter est & Ferdinandus Vasquez, vir profectò doctissimus & ingenii acutissimi, Hispanicæ Iurisprudentiæ decus, qui omnem vsucapionis præscriptionisque vim & auctoritatem ex vno ciuili positio iure manare autumant, eoque ad libera regna non pertinere acriter contendunt. Vt enim verissimum est, vnius ciuitatis positius leges non astringere respublicas liberas, adeoque ferendum minimè est, vt omnium populorum controuersia ad amissum legum Romanarum quarumlibet etiam posituarum examinentur: ita videntur vsucapionis atque præscriptionis quædam iura ab ipsa naturâ constituta. Neque enim tantum ciuitatis alicuius, sed & humanæ omnis societatis interest, *ne quarundam rerum diu & serè semper incerta dominia sint, & vt aliquis sit finis*: quod præstare vsucapio potest, vt rectè scribitur *l. i. ff. de Vsurpationibus & Vsucapionibus*. Multò maximi verò refert, vt controuersia de regnis & prouinciaram possessionibus, quoad fieri potest, sopiantur: quibus nullæ aliæ potiores sunt mouendo orbi & publicæ tranquillitati perturbandæ. Atqui sine quosalus sua non constat mundo aut pax humano generi, illud indubiè ipsa natura diligentissimè vult obseruatum. Hinc sanè apud omnes gentes confessum, possessiones publicas non minùs quàm priuatas multo tempore ita firmari vt reuelli nequeant: quod multis testimoniis, interque ea ipsius Iephthis, præclare docet.

docet Hugo Grotius l.2.de iure belli ac pacis t.4. n.11.& in annotationibus.

Vt igitur fortè non iusto titulo primùm Galliam Burgundi & Franci: Hispaniam Gothi, Sueui, Vandali: Pannoniam Vindelicij & Noricum Hunni, Baiuari & Alemanni: Britanniam, Saxones & Angeli tenuerint: longà tamen & quieta possessione iam seculi nostri initio, quo tempore ad Carolum Magnum Cæsareum nomen est delatum, omnes hæc gentes vsu cepille prouincias occupatas dicendum est. Scilicet iam per trecentos quinquaginta circiter annos durauerat tum possessio illa: cum Iephres ad Ammonitarum Regem iniquæ vindicationis olim ablata accusandum trecentorum annorum possessionem sufficere iudicauerit. Neque verò simpliciter veterum est illud quod dicitur: *que ab initio non valent ex p̄st facto consuescere n. n. posse*: sed tum demùm, si causa noua ius per se idonea gignere non accesserit. Tanti autem temporis præscriptione accessit vtique nouum ius maximum & longè æquissimum. Nec tamen dixerim omnes illos Germanicos populos nihil habuisse iuris ad occupandas prouincias. Nam si quod ius est victorum in hostes & illorum bona: vtique & Germanicis hæc populis non defuit ius sibi vindicandi, Romanis, infensissimis suis & perpetuis hostibus, per victoriã erepta. Certè minore iuris specie Romani plæraque sua acquisiuerunt, si verum fatendum est. Porro & id certum Britanniam vtrò à Romanis derelictam, Galliam verò VVisigothis inhabitandam concessam esse. Omnes verò illas quas dixi prouincias à Romanis pro derelicto habitas esse multis sanè signis colligere est. Neque enim tanto temporis intervallo vel verbis vel factis illas sibi repetierunt: quum post illas prouincias iam magnam partem occupatas cum Francis ac VVisigothis non vnum fœdus inierunt: quale profectò fuit in signe illud contra Attilam, quo in bello nisi Franci & VVisigothi à Romanis partibus sterissent, nihil fortè illius imperii mansisset tum reliquum. De Clodoueo Magno, Francorum in Galliis rege potentissimo, scribit Gregorius Turonensis l.11.c.XXXIIX. illum ab Anastasio Cæsare codicillos de consulatu accepisse, eumque ab ea die tanquam Consulem ex Augustum esse vocitatum. de Longobardis Pannoniam incolentibus Paulus Diaconus Hist.misc.lib.xvi.c.xix.& Hist.Langobard.l.11.c.1. omni tempore quo Langobardi possederunt Pannonias Romana Reipubl.ad-

uersus amulos adiutores fuerunt. Vnde colligitur iam tum provincias illas nouis illis dominis atque occupatoribus Romanos quasi ultro concessisse. Nam qui contrahit cum possessore rei, ut ipsa illa re is utatur, is rei illius possessionem alterius esse tacite confitetur: contrahit siquidem cum illo tanquam cum domino illius rei. Habet certe hoc locum etiam inter populos liberos, nec tam iure ciuili ualeat quam naturali: ut recte docet Grotius, viz summus, l. ii. de Iur. bell. ac pac. cap. 4. §. 4.

De una Italia fortassis aliter sese res habet: quoniam inter Langobardos & Caesares Populumque Romanum perpetua penè fuerunt bella, Langobardi enim non videntur vnquam in quiete Italia possessione fuisse, Langobardi inquam: Ostrogothorum enim alia ratio fuit. De Theodorico sanè, qui pulso Odoacro princeps Ostrogothorum Italiae regnum instituit, in hac verba libellus de regnor. success. Iornandes: Theodoricus Zenonis Augusti pellectus humanitate Constantinopolim venit, ubi magister militum statim effectus, Consul Ordinarius triumphum ex publico donaperegit. Sed quum tunc Odoacer regnum Italiae occupasset, Zenon Imperator cernens iam gentes patriam illam possidere, maluit Theoderico, ac si proprio iam clienti, eam committi, quam illi quem non nouerat. Secumque ita deliberans ad partes eum Italiae mittens, Romanum illi populum senatumque commendat: o. uansque rex gentium & Consul Romanus Theodoricus in Italia imperit. Idem l. de rebus Gerbicus Theodericum inducit à Zenone petentem donari sibi Italiam: expedit namque, ut ego: si uicero, uobis donantibus regnum illud possideam: Item: ego enim si uicero, uestroque munere possidebo. Paulus Diaconus hystor. miscell. l. v. c. vii. scribit Theodericum Romae consensu Zenonis Augusti regnasse, Zenonemque postularis eius annuisse. Idem Iornandes nos docet Iustinianum bello suo Gothico non aliam causam praetexuisse, quam Amalefuentia, quae fidei eius se commiserat, indignam necem. Vide si quis dubitas l. de rebus Goth. cap. LX. & libro de regnorum successione cap. CXIII. Quibulcum censentit Precopius, Gracus atatis illius scriptor, in Goth. hystor.

De Ostrogothis igitur res certa est, haud inuitis Romanis Italiae illos imperasse. Cum Langobardis uerò plurima quidem gesta bella, sed & pax cum iis tanquam Italiae possessoribus haud semel est inita, quasi certamen fuerit tantum de finibus, non autem de regno integro. Agilulphum regem cum Gregorio Magno & Romanis pa-

cem

cem firmissimam inisse scribit Paulus VVarnefridus l. IV. de *gestis Langobardorum* c. IIX. adductis in eam rem Gregorii literis. Vbi obiter notandum, hunc Gregorium aded fuisse à cædibus & bellis alienis, ut non dubitauerit scribere ad Mauricii Cæsaris Apocrisarium: Vnum est quod breuiter suggeras Serenissimis nostris: quod si ego seruis eorum in mortem Langobardum me misere voluissem, hodie Langobardorum gens nec regem, nec duces, nec comites haberet, atque in summa confusione diuisa esset. Sed quidā DEVM times, in mortem cuiuslibet hominis miscere formido. A qua morum innocentia quantum discesserint Papæ exundans sanguine suo Italia hodiè que experitur. Verum hoc obiter. Recitat autem VVarnefridus idem, similes pacis conventiones inter Exarchos & Langobardos initas plurimas, quarum condiciones etiam haud recitat, satis tamen significat verum esse quod diximus, tandem de totius Italiæ possessione nullam controuersiam fuisse.

Idipsum maximè liquet ex iis quæ Pipinus & Carolus Magnus in Italia gesserunt. Neque enim per illos quidquam Romani reddi sibi petierunt, quasi per vim à Langobardis ereptum, præter vicinam quædam castrâ, Exarchatum Rauennæ & Æmiliæ nonnulla oppida. Narrat id diserte Anastasius Bibliothecarius in vita Papæ Stephani. Ipsius illius Papæ sub S. Petri nomine (maiore, vanitate incertum an impietate) fictas & ad Pipinum mistas literas ex latebris Vaticanæ Bibliothecæ deprompsit, & ad annum DCCIV. Annalibus suis inseruit Baronius: quæ itidem nihil aliud restitui postulant. Sed nec aliud per Pipinum Aistolpho Langobardorum regi est ereptum. Diserte Annales Francici *Pipinus reddidit sibi Rauennam & Pentapolin & omnem Exarchatum ad Rauennam pertinentem ad S. Petrum tradidit*. Nec Anastasius enumerans vrbes omnes à Pipino restitutas præter has ipsas habet vllam. Plura quidem donata narrat Leo *Histor. Cæsariensis* l. II. cap. 7. quem, sequi maluit Baronius: verum huic recentiori scriptori maiorem fidem quam ipsi Anastasio Bibliothecario deberi, haud profecto temerè cui probabitur nisi quem curiæ Pontificiæ amor excecavit: utque vera sint quæ ille habet, patet tamen satis, nec Romanos reddi sibi petiisse omnem Italiam, nec Pipinum nisi pauca eius iniuste à Langobardis esse occupata existimasse. Ne Constantinopolitani quidem Cæsares nisi hæc exiguum Italiæ portionem à Pipino sibi postularunt: ceu patet ex

iis, quæ post alios narrat Baronius ad annum DCCCLIII. Porro etiam hoc longè est verissimum, ipsum quoque Carolum Magnum destructo Langobardorum regno nequaquam illam potiore Italiam partem vel populo Romano vel eius Pontifici vel Cæsari Constantinopolitano concessisse, neque vel populum illum, vel Pontificem, vel Cæsarem postulasse eam sibi restitui, sed in Francorum ditionem eam omnem terram peruenisse. Certè eius postulati nulla reperitur memoria, multò minus huiusmodi alicuius concessionis. Contrà testantur historiae, Carolum Magnum statim à deuicto Desiderio regnum Langobardorum omne, quasi iure belli occupatum, adimpluisse. Hinc Annales Francorum anno 10 CCLXXIV: *Rex Carolus subacta & pro tempore ordinat à Italia in Franciam reuertitur.* Poëtafter anonymus antiquus l. 1. *Annal.*

*Dedita tùm Francis hac urbs clarissima [Papia scil.] cunctis
Exemplo fuerat reliquis. Nam protinus omnes
Tradiderunt Carolo sese concorditer urbes
Eiusdem regni: quod iam sibi iure subactam
Disposuit, quantum potuit pro tempore tali*

Iidem Annales ut & ille Poëtafter memorant anno 10 CCLXXV. Rotgaudum Foroiuliensibus Ducem à Carolo datum defecisse, sed illo deuicto provinciam istam Francorum Comitibus traditam. Anno item 10 CCLXXIX. Ducem Spoletanum in ducatu suo confirmatum. Iidem memorant anno LXXXI. Pipinum filium Caroli Regem Langobardiae esse constitutum. Verba eorundem, memoratu digna sunt anno 10 CCLXXXVI: *Rex statuit Romam proficisci & partem Italia, in qua Beneuentum situm est, aggredi: conueniens esse arbitratu ut illius regni residuam portionem, sua potestati subiceret, cuius caput capto Desiderio rege, maioremque partem in Langobardia iam subacta, tenebat.* Testantur verò iidem etiam, Beneuentanum ducatum Carolo tunc celsisse & quidem Adriani Pontificis consilio. Mirto alia testimonia: ne videar foli lucem fœneraturus. Id non possum non adducere, Carolum statim à capto Desiderio se ipsum regem Francorum & Longobardorum adpellasse. Recitat eius Epistolam ad Albinum anno 10 CCLXXIX, item priuilegium concessum monasterio Parisiensi S. Vincentii anno 10 CCLXXIII, hoc titulo ornatum, Baronius. Ipse Adrianus Papa hoc titulo Carolum laudat longè illà epistolà ad Constantinum & Irenen perscriptà, quam ex actis Conci-

III Nicæni fecundi recitat idem Baronius ad annum 10 cclxxxv. Ex quibus perspicuum est, totum Langobardorum regnum tenuisse Carolum, & quidem nullius beneficio, sed suo gladio acquisitum, neque in illud vel Populum Romanum, vel Pontificem, vel denique Cæsarem Constantinopolitanum, quicquam amplius sibi iuris arrogasse. Et postremum quidem eo confirmatur, quod, si credimus Baronio, Irene Imperatrix ruperit anno 10 cclxxxix sponsalia inter Constantinum & filiam Caroli contracta, quoniam Carolus ducatum Beneuentanum inuasisset, quem in suum patrocinium Orientales Imperatores susceperant. De toto scilicet Langobardico regno mota lis nulla fuit.

Ad hunc modum quæ Langobardi occuparant possederat Carolus ab anno dccxxiv. hoc est, penè triginta iam annos, quando Cæsar dictus est. Vnde liquet, tunc temporis neque Romanos aut Pontificem quicquam iuris amplius in illud Langobardicum regnum sibi tribuisse, sed pro derelicto habuisse, neque Carolum ipsum, religiosissimum Principem, Romani aut populi aut Cæsaris ius aliquod in prouincias illas Italix agnouisse. Adeoque & id iam constat, eâ tempestate ad Romanum Imperium occidentale ne iure quidem pertinuisse quicquam, non tantum Transalpinum, sed ne Cisalpinum quidem; si exicipias pauca illa Italix septius iam memorata.

Hæc verò cum ita se habeant, manifestum est id quod etiam supra diximus, eo tempore quo Carolus Imperatoris titulum accepit (contigit autè illud anno 800. ipsis feriis Natalitijs) pleræque Occidentalis Imperii fuisse iamdudum à Carolo possessa, & quidem nullam amplius controuersiam de iure possessionis Romanis mouentibus. Constat etiam tum temporis neque in Hispania, neque in Galliis, neque in Germania, neque in Pannonia, quidquam Romanæ amplius fuisse ditionis: imò ne in Italia quidem quid fuisse reliquum, quod sibi arrogarent Romani, præter urbem ipsam Romanam, Exarchatum Rauennatensem, & si quæ alia oppida aut Pipinus, aut Carolus, Langobardis erepta Romano Pontifici donauerant.

Non tantum verò nihil penè possessum tum fuit Romanis in toto Occidente, sed, ut antè demonstratum, & ius omne deperdita recuperandi longo tempore iam expirauerat. Bene scilicet apud h

socratem Archidemus Messenam repetentibus Thebanis dixit: Possessiones, siue priuatas siue publicas, praescriptione longi tēporis firmatas, in patrimonio & dominio habendas, omnibus est persuasum.

Si autem neque prouinciæ Occidentalis Imperii veteris amplius tum in ditione fuerunt Romani populi, imò si nec ius aliquod in illas prouincias populus amplius habuit, manifestum est per Imperatorium titulum Carolo Magno, neque possessionem neque ius aliquod in prouincias illas, aut esse concessum aut potuisse concedi. Igitur aut inani tum titulo est affectus Carolus, aut si quid accepit, accepit illa quæ in Italia extra Lægobardicum regnum erant, cum iuribus occupandi ea, quæ Constantinopolitanus Imperator possidebat. Cæterum cum quæ Constantinopolitani possederunt iure possederint, in illa certè nihil iuris potuit Carolus nancisci. Sed nec in ea Carolus quidquam sibi sumpsit, eoque laborauit in fraternitatem & amicitiam assumi Cæsarum Constantinopolitanorum. Eam verò impetrauit primum quidè à Nicephoro anno 820. testibus *Annal. Francic. & Adone*, iterum ab eodem anno 810. redditis Venetiis, quod iidem testantur *Annales*, tertium à Michaële Nicephori successore anno 812. & vltimò à Leone anno 813. iisdem testibus. Non arbitror extare hodie fœderum & pactorum illorum litteras. Nam quod Sigonius l. 4. de regno Italiae scribit in primo illo fœdere nominatim expressum, *ut Veneti inter utrumque Imperium positi, liberi atque immunes, & ab utroque securi viderentur*: id nescio an fide nitatur antiquorum eius seculi monumentorum. Certè *Annales* illi memorant Venetias à Pipino captas, redditas Nicephoro. Id certius: ex eo fœdere Calabriam & maritimas Ciuitates Liburniæ, Istriæ & Dalmatiæ, mansisse orientali Imperio. Testatur enim Eginhartus Carolum totam Italiam tenuisse ab augusta prætoria vsque in Calabriam inferiorem, in qua Græcorum ac Beneuentanorum constat esse consinia. Histriam quoque, Liburniam & Dalmatiam, exceptis maritimis ciuitatibus, ob amicitiam & iunctum cum eo fœdus, Constantinopolitanum Imperatorem habere permisit. Firmum autem amicitiae fœdus inter utrumque Imperatorem tandem coisse testatur idem Eginhartus. Imperatores etiam Constantinopolitani, inquiens, Nicephorus, Michaël & Leo vltro amicitiam & societatem eius expetentes complures ad eum misere Legatos: cum quibus tamen propter susceptum à se Imperatoris nomen, & ob hoc eis, quasi qui Imperium eis eripere veller, valde sus-

suspectum, sedus firmissimum statuit, ut nulla inter partes cuiuslibet scādali remaneret occasus. Erat enim semper Romanis & Gracis Francorum suspecta potentia. Quod facit illud quod in Annalibus habetur Legatos Michaelis Carolum dixisse Imperatorem & *Bacilē*. Ne in Italiam quidem omnem ergo ob titulum Imperatoris ius fuit Carolo, tantum abest inde illi collatum ius in reliqua etiam Orientalis Imperii.

Ceterum si non illa quidem Italiae haecenus Imperatoribus possessa omnia accepit Carolus, aut titulum solum impetrauit, aut vero potestatem aliquam in eas terras quae extra Langobardorum regnum erant in Italia, haecenus vero fuerant quasi in patrimonio Pontificis. Posterius sanè est verum. Erat enim iam antè quidē Carolus patricius Romanus, adeoque iam tum fortè eo nomine habebat aliquid in ipsam urbem Romanam iuris, aut per Imperatoriam dignitatem longè plus consecutus est. Namque fuit quidem Patricii nomen non nisi dignitatis titulus à Constantino Magno institutus, teste Zosimo l. 2. qua de re plural. 22. Codic. Iustiniani tit. 3. l. 3. In Carolo tamē videretur hoc nomine ipsa Exarchalis potestas significata. Namque & viuo patre audiit quidem Patricius, ut videre est in litteris Stephani Papae apud Baronium ad annum 775. Ipse ta mē annos sui Patriciatus solet numerare ab eo quo denicē Deliderium, non autem 781. quod scribit Otto Frisingensis l. 5. c. 28. & verò eo anno Romae exceptus est ritibus Exarchorum aut Patriciorum Romanorum, ut disertè scribit Anastasius in vita Hadriani. Ut verò non Patricii iure, reuera tamē non antè impetratam Imperatoriam dignitatem Carolo in ipsam urbem Romanam multum fuisse potestatis vel ex iis liquet quae habentur in Annalibus Francicis ad annum 766. Roma Adriano defuncto, Leo Pontificatum suscepit: & mox per legatos claves confessionis sancti Petri, ac vexillū Romanae urbis cum aliis muneribus Regi misit, rogauitque ut aliquem de suis optimaribus Romanis mitteret, qui populum Romanum ad suam fidem atque subiectionem firmaret. Missus est ad hoc Engelbertus. Recitat priora illa de missis clauibus & vexillo Baronius quoque, sed stomachabundus in nouationes, qui inde ausi sint colligere aliquam Caroli in Urbem potestatem. Ipse autem veteratō illa de in fidem & subiectionem suscipiendis Romanis callidè omittit, nihil aliud addens, quàm missum Engelbertū ad donaria & Hunnici belli manubias offerendas. Cong

stat verò & Carolum nondum Imperatorem causam Leonis papæ & coniuratorum agitasse anno 800. teste Anastasio & auctore An-
malium.

Quicquid verò sit de potestate quam Patricius habuit Carolus, haud difficile est probatu per Imperatorum titulum illi collatū ius omne in Urbem, Pōtificem, Exarchatum Rauennæ, & alia oppida quædam extra Langobardici regni fines posita, quæ fuerant Cæsarum vsque ad solennem illam rebellionem quæ Gregorio 11. Papa superstitibus Imperii Romani reliquiæ à Leone Isauro & sequentibus Constantinopolitanis Cæsaribus defecerunt. Testatur id de vrbe Româ ipse Bellarminus l. 1. de transl. Imp. Rom. c. 4. Liqueat id ex adoratione quâ, more antiquorum Principum, recēs coronatus Augustus, à Leone Pontifice est adoratus. *Annal. Franc. 801.* Liqueat ex sententia lata in eos, qui Leonem Papam malè multauerant: *Ibidem l. 1.* Liqueat ex subsequente ordinatione Romana urbis & Pontificis: *Ibidem l. c.* Referendum eodem quod apud Eginhartum in testamēto Carolino, Metropolitanas inter vrbes eius, primo loco numerentur Roma, Rauenna. Hæc potestas Cæsarum mansit per plurima secula, donec tandem post fatalem regis maiestatis casum in Henrico xv. per Gregorium vi. cepit nouus ille Papalis dominatus omnibus hætenus seculis inauditus. Ex eo verò tempore prisca illa & vera Cæsarea potestas in urbem, in Pontificem, & oppida, quæ ratione prouentuum quorundam in patrimonio Petri, aut rectius, Papæ, esse dicitur, tantum non est intermorua.

quin itaque Carolus hanc solū potestatem titulo Imperatoris sit consecutus, & quin hæc pauca tantum magnifico illo Augusti & Imperatoris Cæsarisque nomine tum quidem venerint, neque aliud tum pertinuerit ad Imperium Romanum occidentale, nihil est sanè dubitandum. Videndum an sequentibus temporibus re verà plus accesserit Imperio illi Romano præter ista pauca Italiæ, & quidem an Populo Romano eiusque Cæsaribus occidentalibus aliquid aut de nouo fuerit partum quod olim non habuerunt, aut eorum quæ dudum deperdita diximus, recuperatum. Cæterum si quid horum factum, aut vi occupatum oportuit, aut verò Prouinciæ quædam vltro sese Romanam in ditionem dederunt. Sanè nec in Hispania, nec in Gallia, quæ ad Rhodanum vsque à Pyrenæis montibus tendit, nec in Pannonia, nec in Dacia, nec in Britannia tale quidquid

contigit. Neque enim Hungaros, neque Francogallos, neque Hispanos & Gothos, neque Anglos ac Scotos, vel vitro vel vicoaëos, se & sua Romano Imperio post Caroli Magni ætatem dedidisse, v. l. libi legere est. Multò minùs verò id ipsum est factum à Septentrionalibus populis Danis, Suecis, Moschis, Polonis, Lithuanis aliisque. Hinc verò Sole est clarius, omnes has terras non tantùm non pertinere hodie ad Imperium Romanum, sed ne umbram quidem iuris Romano Imperio in eas esse.

Fortassis tamen aliter se res habet de Italia Langobardica & Germania. Non sunt quidem illæ terræ post Caroli ætatem à Romano populo victæ, adeoque iure belli nunc non possidentur: fortè tamè sponte suâ sese illis reliquiis antiquis siue subiecerunt siue sociarunt in vnum Reipublicæ corpus. Neque verò inanis fortè illa suspicio est. Hodie enim receptum est, illas terras omnes vnius Imperii Romani nomine nuncupare: quin obtinuit illud ipsum iam plùs quàm quingentos annos. Summus quoque Magistratus populorum illorum per multa sæcula non alio nomine quàm Imperatoris Romani audiuit: quod enim nunc adiicitur GERMANIÆ REGIS titulus, id nuperum est inuentum, & vix ducentis annis auditum.

Verùm enim verò, si quid tale vnquam contigit, id aut est ab ipso Carolo Magno factum aut ab eius successoribus. Carolus autem Magnum id egisse falsissimum est. Certè non eo tempore ille fecit, cum Imperatorium titulum accepit. Non enim tale quid memorat Annales & monumenta eius temporis, non tacitura certè rem tam magni momenti. Nec verò potuit id fieri. Neque enim licuit Carolo disponere quicquam de rebus regni Francici, inconsultis Ordinibus, quod alibi ostenditur. Tum autem temporis profectò non consuluerat Carolus Ordines Francicos. Inopinatò enim oblatus illi titulus est Cæsareus. Testatur enim Eginhartus dicere solitum Carolum: *se eo die quamvis precipuè solenniter esset, Ecclesiam non intrarurum fuisse, si Pontificis consilium præfere potuisset.* Sed neque postea huiusmodi quid ab eo factum memorat vllæ historiæ veteres. Contrà verò in diplomatibus eius & litteris cernere est distinctos titulos Imperatoris, & regni Francici ac Langobardici. Priuilegium Osnabrugensis Episcopatus apud Crantzium l. 1. Metrop. c. 2. ita incipit: *Carolus Imperator Augustus Romanum gubernans Imperium, Dominus & Rex Francorum & Langobardorum, Frisorum dominator.*

& Saxonum. Datum autem illud est anno 805. Testamento quoque Carolino quod Pithæus edidit, & Annalibus suis ad annum 806. inseruit Baronius, præfigitur: Imperator Caesar Carolus Rex Francorum & c. Romani tutor Imperii. In alteris quoque eiusdem Testamenti quo de mobilibus bonis disponitur apud Eginhartum, seorsum numerantur anni regni Franciæ, regni Italiæ & Imperii. Carolus itaque Italiam & Germaniam ab Imperio nunquam non distinxit.

Sed & Ludovicus Pius Germaniam non minus atque Galliam, adeoque regiones omnes Transalpinas, ab Imperii Romani reuerentia voluit esse liberam. Diuiso enim inter tres filios regno suo, omnes pari voluit autoritate esse: nequaquam autem aliqua in re Lothario, etsi ille Casareo honore esset insigniendus, inferiores. De ea diuisione notatu digna sunt verba Trithemii in Annalibus Francicis. Partitio talis est: Regnum Francorum Germania perpetuo per se habeat proprium Regem, nulli penitus mortalium, ne Romano quidem Imperio subiectam, sed pristina Francorum consuetudine liberrimam. Regnum quoque Francorum Gallorum à nostro diuisum, simili modo Regem, ut constitutio sonat, proprium habet liberum, qui non minus quam Rex Germania liber sit & nulli omnino subiectus. Manifestum enim est quod Franci ab origine semper fuerint liberrimi, & neque Romanis, neque alteri alicui certè unquam seruierint, aut exciterint subiecti. Quin potius ipsi destruxerunt Romanorum Imperium sibi que fecere subiectum. Et propterea Reges ambo in diuisione regni pristinam libertatem Francorum ubique alter alteri illam seruare statuerunt. Porro nec Italiã Langobardicam alius ille conditionis fecit. Etsi enim illam vnã cū Imperiali dignitate voluerit esse penes vnum Lotharium, per accedens tamen ea tantum coniunxit, non autem quasi dederit Langobardicum regnum Romano Imperio. Certè id factum nullibi legere est. Bene proinde Hugo Grotius l. 2. de iure belli ac pac. c. 9. num. 11. Carolus Magnus eiusque successores ius Imperii quod habebant in Frנקos & in Langobardos, à iure Imperii in Romanos, ut noua ex causa quaesito, sollicitè distinxerunt.

Et verò sollicitè hæc obseruata fuerant diu post Ludovicum: quum enim Lotharius filius eius natu maximus propter primogenituræ & Casareæ dignitatis honorem sibi, ius aliquod in fratres arrogaret, orto inde bello videlicet Lothario, libertatem suã fratres

tres egregiè tutati sunt. Ea de re in medio sunt verba Hincmari Archiepiscopi Rhemensis, viri eâ atate summæ auctoritatis epist. i. c. 4. ad Ludouicum Balbum. Qui cum Lothario erant: immiserunt illum in hoc, ut fratres suos exheredaret, & regni Primores qui cum illis erant annullaret, quoniam ipse primogenitus & nomine Imperatoris erat. Illi autem qui erant cum Carolo & Ludouico, dicebant, quod Seniores illorū (id est Domini sui Carolus & Ludouicus) Lotharii fratres erant, & sacramento regnum inter illos diuisum fuerat, & illi nec genere nec potestate inferiores erant, & ideo non se contra illos concederent. Latius omnia ista recitat Nithardus l. 4. ubi inter alia post fatalem illam inter tres fratres pugnam, scribit missos jâ Lothario Legatos ad Carolum & Ludouicum, qui dicerent: Si vellent illi, aliquid illi supra tertiam partem regni, propter nomen Imperatoris, quod illi pater illorum concesserat, & propter dignitatem Imperii, quam avus regno Francorum adiecerat, facerent: sin aliter, tertiam tantummodi partem totius sibi concederent, regeretque quisque illorum portionem regni sui prout melius posset, frueretur alter alterius subsidio & beneuolentia. Et verò posterius placuit. Itaque Ludouico cessit Germania pleno iure & nullâ re dependens ab Imperio Romano gubernanda, non minùs atque Gallia Carolo. Non latuerunt hæc Baronium: itaque ad annum 848. Trithemium his verbis accusat: errat dñ ait, iussu Lotharii conuenisse (Germania Episcopos,) cum id factum per Ludouicum Regem esse in Regno ipsius non sit dubium: nam nullam Lotharii facultatem habuisse disponendi aliquid in regno Germania, spectante ad Ludouicum certum est.

Manasse eandem libertatem Germanici Regni superflite Carolinâ Regum familiâ certum est. Plerique enim qui illi præfuerunt cum Italia aut cum Imperio nihil habuerunt commercii. Diuiso enim post obitum Ludouici German. regno, Carolus & Ludouicus & Carolomannus singuli suam Regni partem propriâ auctoritate tenuerunt, ut constat ex historia Landgrauiorum Thuring. c. 6. Arnolphus quoque diu Germaniam rexit, anteaquam Imperatoriâ dignitatem consequeretur. Post hunc verò neque Ludovicus, neque Conradus, vel Italiam vel Imperium habuit. Quo satis constat, eâ certè tempestate Germaniam non fuisse partem Imperii, nec administratam fuisse auctoritate Cæsareâ, sed proprios sibi Reges habuisse, & liberam fuisse distinctamque & sui iuris Rempublicam.

Italiam quidem Regnum qui tenuere, iidem fere & Imperatores fuerunt. Imò eà occasione post obitum Caroli Crassi in Italia Pontifices deliberarunt de eligendo in posterum aliquo Italiam rege cum Imperatorio titulo, quod testatur Sigonius l. 5. de regno Italia. Fuisse tamen & Reges Italiam sine titulo Imperatorio. Nec interea temporis constat factum aliquod decretum consensu Carolinæ familie (penes quam ius erat hereditarium in regnum Langobardicum) de subiiciendo illo Regno Imperii Romani auctoritati & Legibus. Itaque & Langobardicum regnum eo tempore mansit liberum ab Imperii Romani potestate.

Extincta porro Carolinâ familiâ Henricus Auceps eiusque filius Otto Magnus ab anno 919. ad 962. Germaniam regnum cum regno Lotharii tenuerunt, nullâ Cæsareâ dignitate ornati, nullo etiam modo Imperium aliquod Romanum reuerentes. Neque enim verum est, quod nonnulli euincere percontantur, Henricum Aucupem fuisse Cæsarem. Quin alibi ostenditur, illum ne quidem iura habuisse ad occupandâ Italiam aut Imperii dignitatem postulandâ. Sanè nihil Italiam illum possedisse est certum. Etiam illâ ergo ætate Germania non fuit habita Imperii Romani portio. Eodem verò tempore nunc Berengarius Dux Foroiulienfis, mox Lambertus, iterum Ludouicus Burgundus, modò Rudolphus Burgundus, modò Hugo Arelatensis, eiusque filius Lotharius, nec non denique Berengarius Episcopius Marchio ab Italiam Optimatibus, inconsulto vel Populo vel Pontifice Romano, imò his nihil contrâ nitentibus, Italiam Reges sunt creati Papæ, regni Langobardici Metropolitanâ vrbe. Et verò horum vix vnus alterque Cæsareum titulum accepit. Quo iterum constat, etiam tum temporis & Langobardicum regnum fuisse Rempubicam, reliquias verò illas Imperii Romani ab hoc regno seiunctas fuisse & plerumque sub nullo Imperatore.

Otto quoque Magnus, non Germaniam tantum, sed & Italicum illud Langobardorum regnum diu habuit in potestate sua, antè quàm Imperator Romanus audiret. Namque ann. 951. inuitatus ab Adelheide vidua Lotharii regis quâ & mox in matrimonium duxit, fudit omnique potestate exiit Berengarium Regem Italiam, eiusque filium Adelbertum. VVirichindus Corbeienfis l. 3. scribit Ottonem cum Adelheide Papiam quæ est sedes regia obtinuisse. Sequenti anno 952. Berengarius & Adelbertus in gratiam recepti feudi iure ab Ottone

gaum Langobardicum recuperarunt. Illam rem ita narrat Continuator Reginonis: Berengarius cum filio Adelberto sese subiiciens Ottone ab eo ut subditus recipit regendam Italiam. Iisdem verbis utitur ipse Baronius tom. 10. ann. ad annum 952. VVitichindus ita loquitur: Cum conuentus fieret, Berengarius manus filii sui Adelberti suis manibus implicans renouat a fide, coram omni exercitu, famulatus Regis se cum filio suo subiugauit: & ita dimissus in Italiam remeavit cum gratia & pace.

Itaque iam tum feudi iure ab Ottone Langobardicum regnum obtinuit Berengarius. Et tamen anno demum 951. Otto à multis Langobardici regni Proceribus & Iohanne Papa contra Berengarii tyrannidem inuitatus, expulso Berengario & liberato Papa, primò quidem regnum Italiæ occupauit iterum, deinde anno sequente Imperator est creatus. Narrat Baronius ad annum 951. ex Historia Ducum Beneuentinorum antiqua, Proceres Italiæ, appropinquante iam Ottone, Adelberto filio Berengarii regis dixisse: Velemus Domine, ut Papiam cum paucis pergas, & tuo genitori dicas, quatenus Langobardorum regnum sub vestra ditione committat, quia nos minime sub illius potestate amplius iam durabimus. Si vobis committit regnum, nos totis viribus pugnabimus, sin autem non, Italia regnum exterò regi commitemus. Idipsum autem cum Adelbertus non potuisset impetrare, Proceres omnes Berengarium pariter & Adelbertum reliquiss. Addit autem ille Scriptor: Itaque Otto Rex sine impedimento in Italiam intrauit, atque Italia regnum obtinuit. Luitprandus, qui itidem eo tempore vixit, in narratione legationis suæ Constantinopolitanæ, quam à Canisio editam inseruit Baronius decimo Annalium tomo ad annum 968. ita rem omnem narrat Nicephoro Imperatori: Palam est quod Berengarius & Adelbertus sui milites [i. e. Ottonis Vassalli] effecti regnum Italicum sceptro aureo ex eius manu susceperunt, & presentibus seruis tuis, qui nunc usque supersunt, iureiurando fidem promiserunt. Et quia hanc perfide violarunt, iussit illos quasi desertores sibi que rebelles regno priuauit. Tenuit ergo etiam Otto Langobardicum regnum antequam Cæsarea iura esset consecutus, adeoque & regnum illud Italiæ cum Imperii iuribus nihil habuit commercii. Et si verò sequente anno Imperator sit creatus, etiam tum tamen satis curatè distinxit Italicum illud regnum à reliquis illis Imperii Romani, quas Papa possidebat. Recitat Grati-

Pp

anus cap. 33. dist. 63. iuramentum Ottonis Papæ Iohanni præstitum, quod & Baronius habet anno 960. de cuius fide non est meum nunc disputare, ibi disertè verò legitur: *Cuiusque regnum Italicum commiserò: iurare faciam illum, ut adiutor tui sit.* Habet idem Baronius anno 962. diploma, quo Otto creditur confirmasse Romanæ Ecclesiæ bona, ubi inter alia legitur: *insuper offerium tibi de proprio nostro regno ciuitates & oppida cum piscariis suis Reatem, Amicernum &c.* Vnde patet porro, Ottonem Langobardicum regnum sibi arrogasse iure proprietario.

Insequentis temporibus aeterno quidem fœdere iuncta est Cæsarea dignitas non minùs atque Italici regni possessio cum Germania. [quod quibus auctoribus, quauè ratione, aut qua de causa contigerit, non est instituti nostri nunc exponere] cœpit etiam ex eo communis appellatio illa Imperii Romani, quæ res multos in errorem perduxit: nullum tamen monumentum potest produci, nulla tabulæ extant, quibus possit probari, aut coisse Germanicum & Italicum regnum cum illis Imperii Romani reliquiis in vnâ prorsus Rempubicam, aut illa in Imperii istius ditionem concessisse. Alterutrum autem affirmare sine certis documentis non licet aut fas est.

Ac prius quidem vel vno illo potest abundè refelli, quod & Germania & Langobardicum regnum Comitibus sua de rebus maximis ad rempublicam pertinètibz omni tempore instituerint, egerint quæque res maximas non impetrato consensu vel Papæ vel aliorum istius Imperii Ciuium. Ingressit se quidem, fateor, Papa Romanus post tempora Henrici I. plurisque Imperii negotiis, quin & conatus est pleraque ad arbitrium suum trahere: nunquam tamen ipse voluit videri deliberationibus interesse vt ciuis aliquis Reipublicæ, nunquam etiam hoc nomine vel vocatus fuit vel admissus, sed quomodo in omnia alia regna & omnes orbis Christiani respublicas dominatum sibi arrogauit & sumpsit, tanquam supremus Monarcha à Deo constitutus, ita & hoc nomine reipublicæ Germanicæ negotium voluit gubernare, sæpe inuitis, nonnunquam & consentientibus regni Ordinibus fatali tum errore constrictis. Si Germanico verò regno & Italico mansit summum ius administrandi Rempubicam sine populi Romani consensu, non in vnâ profecto Rempub. hæc coierunt. Quot enim sunt summæ potestates, totidem sunt

Ref.

Reipublicæ, ut vnum habeant Principem, aut arcto fœdere coniunctæ: ciuitates illæ sint vnitz. Quale quid de ciuitatibus Helueticis Iohas Simlerus & Bodinus, de fœderatis Belgicogermanicis Pro-
 uinciis optimè Hugo Grotius in *apologetico suo cap. 1.* annotarunt. Cæterum non conuenisse omnia illa in vnâ Reipublicam, mani-
 festum sit etiam diuersis illis coronationibus Regum nostrorum. Corona enim indicium est & signum quodammodo Reipubl. Scorsim verò primò accipitur corona regni Germanici, ex antiqua quidē
 consuetudine, vt & lege Carolinâ, Aquilgrani. Perperâ enim vul-
 gò creditur & nuncupatur illa corona Cæsarea. Veteres sanè recti-
 us, (inter quos est & Fridericus .1. Cæsar Epistolâ ad Ottonem Fris-
 ingensem) dixere illam coronam Regni Teutonici. At Cæsaream coro-
 nam semper & quidem iam per annos octingentos solus Papa Ro-
 manus addidit. Quin & multi post Ottonem Papæ quoque corona-
 ti sunt Reges Langobardorum, adeoque triplici coronâ, Germaniæ
 nempe, Langobardiæ & Imperii sunt insigniti. Accedit quod nun-
 quam quisquam post Carolū Magnum Cæsareum voluerit titulum
 usurpare ante acceptâ coronam illam Romanam, etsi iam esset co-
 ronâ Germanici regni honoratus: omnes enim antè sunt tantum
 Reges dicti, etiam nunc non nisi electi Cæsares audiunt, licet co-
 ronati sint Germaniæ aut Italiæ Reges. Ad hoc satis hodieque di-
 stinguunt ipsi Cæsares Regnum Germanicum ab Imperio Roma-
 no, dum electos se dicunt Imperatores Romanos, sed addito titu-
 lo Regum Germaniæ, quod nempe aliud sit esse Regem Germaniæ,
 aliud electum Cæsarem Romani Imperii.

Igitur vnâ profectò cum Imperio Romano Reipublicam ne-
 que Germania hodie neque Langobardicum Regnum constituit.
 Tantum verò abest, Germaniam sese & Langobardiam à sese domi-
 cam, Germano Imperio subiecisse, vt contrâ potius illud olim Ger-
 maniæ sese dederit magnâ ex parte. Omnem enim Imperatores e-
 ligendi potestatem Romani eorumque Pontifices in Germanos æ-
 ternâ lege contrulerunt: quo ipso ius Germanis dederunt summum
 magistratum Romano Imperio creandi: quod est magnam maiesta-
 tis partem alteri tribuere. Id quando cæperit aliàs exponitur. Id
 certum verò est moderatis adhuc Paparum rebus, & ante Hilde-
 brandum aut Gregorium vii. Papam, magnam satis fuisse Cæsa-
 rum à Germanis electorum in Pontificem & Populum Romanum

Ep 1

auctoritatem & potentiam : & nihilominus tamen in Germanorū fuisse potestate, eam omnem dignitatem ac vim electis ex suo arbitrio Regibus suis in alienam Rempublicam conferre. Quin manet hodieque, ut non nisi Germanorum Rex audiat Cæsar, priscā auctoritate licet ademptā. Quo patet, quasi surrogasse sibi potius Romanum Populum in sua iura Germaniam, quam ut Germania sese illi Imperio subiecerit.

Hæc verò omnia quum longè sint certissima, nihil est cur non aperte tandem pronunciemus: neque Germaniam neque Langobardicum Italia regnum verè partes esse Romani Imperii, sed Respublicas ab illo distinctas, adeoque nec Imperatorem, in quantum est Imperator, esse vel Germanici vel Langobardici regni caput aut magistratum, sed quatenus idem simul Rex est. Nec verò ex eo, quod iam multis seculis vulgò Germania quoque & Italia illa Langobardica Imperii Romani nomine audiat, sequius quid est colligere. Familiare enim est & receptum, simultæ Respublicæ coeant in vnum fœdus, ab vna aliqua illarum omnibus nomen commune indere. Ita olim Achæorum Respublica omnibus fœderatis nomen dedit, & Vrbs Romana omnibus Sociis: hodie fœderati omnes Heluetici ab vno Pago Suisæ fœderatæ item omnes Belgico-Germanicæ Prouinciæ vulgò Hollandiæ nomine vsurpantur. Eadē verò ratione & Imperii Romani nomē sociis Rebuspublicis esse inditum, vel hæc verba indicauerūt Gotfridi Viterbiensis. Hic cum narraffet, Lothariū Imperatorem regni sui tres in partes diuisi partem vnam, Italiam scilicet, cum Imperatorio nomine, maiori natu filio tribuisse, addit: *vide ad quantum defectum Romanum Imperium deuenerit, ut in tres partes diuiso regno Francorum, tertia partis tertia pars esset Imperium.* Apud alios scriptores tempore Caroli Calui Gallia Imperii nomine intelligitur, exclusā Germaniā. Otto Frisingensis, cum egisset de diuisione regni Francici inter filios Ludouici Pii instituta, ita loquitur l. 5. c. 35. *Ex hinc diuiso regno regna modò duo Orientale & Occidentale, quorum alterum (Orientale) partem Ludouici ac Lotharii, sedemque regni Francorum palatium Aquisgrani ac Imperium vrbs Roma habet: aliud verò, Occidentale, quod adhuc Francorum, eò quod istud Romanorum vocatur, appellatum, partem Caroli tenet inueniuntur.* Vnde perspicere est, iam ætate Friderici Barbarossæ Germanicum & Langobardicum regnum vocatum vulgò regnum Romanorum, ita

ita tamen, ut non lateret distinctio inter illa regna & Imperium Vrbis Romae. Igitur ex illo nomine Romani Imperii quidem haud licet colligere Langobardicum & Germanicum regnum pertinere reapse ad Imperium Romanum. Neglexerunt autem diu & ipsi Reges Germanici Imperatorio titulo regnorum Germaniae & Italiae memoriam adiacere, forte quod mos seculi non ferret cumulum titulorum, nomen autem Caesareum ea aetate adeo haberetur magnificentum, ut adiacere quidquam videretur indecens. Constat sane, eos nec adiecisse titulos Ducatum & Comitatum, quos tamen una cum Regia & Imperatoria dignitate possidebant. Primus, quantum videtur, Fredericus II. praeter Caesareum nomen, Siciliae & Hierosolymae titulum usurpavit, Suevici tamen Ducatus titulo non adiecto. Eum imitatus centum & quinquaginta fere annis post Carolus IV. & Romanorum Imperator semper Augustus & Bohemiae Rex voluit dici. Eius filius Sigismundus & Imperator & Hungariae & Bohemiae rex audiuit. Fredericus III. non multo post adiecit plurima propter Ducatus, Comitatus & alias provincias sibi subditas, Germanici licet Imperii feuda essent. Qui mos ab eo usque tempore inualuit. Maximilianus porro & Germaniae rex voluit dici: non tantum optimo iure sed & utilissimo instituto. Secuti autem Maximilianum ea in re sunt Carolus V. & omnes quotquot in hunc diem ab ea aetate Germaniae praefuerunt. Posset autem eodem iure & Italici similes, ut alibi ostenditur, & Burgundici aut Arelatensis regni, titulus usurpari: quantum ex superioribus est manifestum. Nec vero id ipsum non esset magno cum reipublicae bono coniunctum, quo cuiusvis possit eo rectius constare tota reipublicae natura. Certè interest rerum publicarum ad tuenda iura singularum, ut etiam si unum Principem acceperint, nomina prisca ne oblitterentur.

Quin igitur quasi ratum esto ac constitutum: Germanicum & Italicum regnum distinctas esse respublicas ab eo, quod verè Imperium Romanum est dicendum, nec Imperatorem, in quantum est Imperator, vel Germaniam regere vel Langobardicum regnum. Hinc verò sequitur gravissimè illos hallucinari, qui Germaniam censent teneri legibus Iustinianicis, aut Imperatori in Germaniam arrogare potestatem praefectorum Caesarum in Imperium Romanum, eo nomine, quod Germania sit verè Imperium Romanum, & Imperator, quatenus est Impe-

ratio, Germaniæ præsit. Vtrumque sanè esse longè falsissimum iam ostensum est. Non attingam enim nunc quàm imbecillis sit illa collectio, etiamsi vtrumque verum esset quod sumunt.

Non minùs verò hinc liquet, quàm iniquè Papæ Romani Imperii nomine abusi rebus Germaniæ sese immiscuerint, easque perturbarint aliquot antè seculis, quàmve iniquè non ad eò pridem Paulus IV. voluerit suas in manus resignari Romanum Imperium. Gregorius verò XV. electoralem dignitatem Bauaro collatam confirmare. Habuit enim olim quidam Papa Romanus unà cum aliis ciuibus Romanis eligendi Cæsarem potestatem, & verè elegit ille & Carolum Magnum & post Ottonem Magnum: sed in electionem regis Germaniæ nihil vnquam habuit iuris, iam Ottonem verò tempore etiam Cæsarem electionem in liberum Germaniæ procerum arbitrium transtulit. qua de re alibi. Certè vt hodie etiam aliquid iuris sit Papæ in electionem Cæsaris [quod tamen est falsum] eo tamen nomine non debuit ille sui iuris quòque facere electionem Regis Germaniæ & Italiæ.

Porrò & hoc conspectaneum est: si iure potestas Cæsarem creandi possit Germaniæ adimi, aut illa nollet aliquem creare, eo ipso tamen non amittere illam facultatem creandi regis Germanici, & Italici regni. Ita sit licuisset Alexandro III. Papæ Imperii occidentalis dignitatem in Constantinopolitanos iterum transferre, quod rogasse Emmanuelem Cæsarem scribit Blondus *l. 5. decad. 2.* & Platina in *vita Alexandri III.* aut verò si Bonifacius VIII. iure potuisset promissis stare (pollicitus autem erat se Imperii dignitatem in Gallos transfaturum) non tamen ea propter iure potuisset Germaniæ & Italiæ respublica ab iis in alios transferri.

Denique & hoc sequitur non esse, quod nonnulli ad eò pertendans Imperii Romani dignitatem non esse à Romano Papa collatam vel Carolo Magno vel Ottoni, eò quòd vterque iam ante coronationem Germaniam ac Italiam possederit. Non enim est difficile probatu factum id omnino esse à Papa & populo Romano: sed quòd collatum fuit, id verò si cum Germania & Italia Langobardica contendas, penè est nihil. Certè non est quod hac de causa sese iactitent Romani Pontifices, quod scilicet magno beneficio Germaniam affecerint: utpote quum, si rem videas, potiùs opinione collatio illa insignis quid habet, quàm reapse. Verùm de toto hoc nego-

negotio non est huius loci latius agitare.

Ceterum, quum nec Germania, nec Italia Langobardica subist hodie Imperatori, ut ille est Romanus Cæsar, ergo aut reliquum omne Italiæ illi ist hoc nomine parer, aut aliquid eius, aut verò hi. Ostensum autem est supra, quum Carolus Magnus Imperii rerum est potius, tum ex pacto Calabriam inferiorem mansisse in ditione Imperii orientalis, Venetorum quoque urbem iisdem redditam, reliquum autem omne, ut pareret Pontifici, in Caroli ut Imperatoris supremam potestatem peruenisse. Fuit autem & Ottonis eadem propè conditio. Namque & tum nihil reliquum relictum est Orientali Imperio præter Calabriam. Venetorum verò urbs itidem mansit libera. Cætera verò omnia Imperii veteris in Italiâ, tametsi essent in Pontificia manu, unâ tamen cum ipso Pontifice in Ottonis, ut Cæsar, imperium perueniunt. Luitprandus siue alius quis autor eorum, quæ à capite sexto sunt assuta. l. 6. Luitprandi, scribit, Ottonem ab Ioanne Papaunctionem suscepisse Imperii, addens: Insurgendum verò eodem Papâ Ioanne supra pretiosissimum corpus Petri, neque omnibus ciuitatis proceribus, se nunquam Berengario atque Alberto auxiliaturos, accepit. Otto Imperator c. 10. conqueritur, Ioannem Papam esse immemorem iuramenti & fidelitatis, sibi supra corpus S. Petri promiserit. Vnde claret, Papam fidelitatem iurasse Imperatori Ottoni, quæ vox quam habeat vim, ex more eius cui notum est. In diplomate Ottonis illius Ioanni Pontifici dato de bonis Episcopatus Romani apud Baronium ad annum 962. disertè bona illa omnia donantur, sed hac conditione saluâ in omnibus potestate nostrâ & filiis nostris, posterorumque nostrorum: item ne quis Pontifex in posterum consecraretur [verba Cæsaris sunt] priusquam talem in præsentia Missorum nostrorum, vel filii nostri seu vniuersa generalitatis facias promissionem pro omnium satisfactiõe atque futura conseruatione, qualem Dominus & venerandus spiritalis pater noster Leo spontè fecisse dignoscetur. Atqui Leo illi Carolo Magno subiecit sese prout olim Cæsaribus fuere subiecti Papæ, eoque Carolum statim adorauit: quod iam supra est dictum. In eodem porro diplomate notandum illud est, conuentum tum esse, ut quotannis per Legatos Cæsari nuncietur, qualem singuli Duces ac iudices populo iustitiam faciant. Si enim scius quid fiet quàm oportet, tum verò Imperatorē per Legatos suos id emendaturum.

Ex quibus profectò liquet, statim illo anno 961. Ottonem unum cum Cæsareo titulo iura veterum Cæsarum in Papam ipsum accepisse. Et verò eo iure usus est contra Ioannem illum Papam statim sequente anno. Quo tempore de nouo ciues Romani *fidelitatem* promiserunt *hæc addentes* [verba sunt Luitprandi l. cit.] & *firmi iurantes*, nunquam se Papam electuros & ordinaturos præter consensum atque electionem Domini Imperatoris Ottonis Cæsaris Angusti filique ipsius Regis Ottonis. Rogauit autem tum Synodus Episcoporum ab Ottone congregata, ut & Ioannem Papam exuere honore, & alium in eius locum eligi pateretur. Vtrumque autem effectum est. Eisdem vero Ottoni Romani ciues periuri 964. & tertia vice *fidelitatem* iurauerunt, ut post Reginonem narrat Baronius. Quò anno iterum Cæsareâ auctoritate vius Otto in exilium relegauit Benedictum, quem Romani ciues crearent Pontificem. Eidem portò Ottoni omnibusque eius successoribus Leo Papa præter illa iam dicta concessit in perpetuum, *facultatem eligendi successorem* (in Imperio scilicet) atque *summæ sedis Apostolicæ Pontificem ordinandi, ac per hoc Archiepiscopos seu episcopos, ut ipsi ab eo inuestituram accipiant*. Habentur omnia hæc verba ex bulla quâdam Leonis deprompta, apud ipsum Gratianum dist. 63. c. 23. Existatque apud Crantzium metropol. l. 4. c. 10. eiusdem Leonis alia bulla, quâ omnia quæ Pipinus aut Carolus Magnus donauerant Romanæ Ecclesiæ, Ottoni eiusque successoribus redduntur. Impugnat verò acriter vtriusque fidem Baronius ad annum 964. Quicquid verò sit de illis bullis, id certum est, Leone mortuo, ius illud eligendi ex arbitrio Pontificem non latuisse Romanos. Continuator Reginonis ad ann. 965. ita notat: Eodem anno dominus Papa Leo obiit. Tunc legati Romanorum Imperatorum pro instituendo quem vellent Romano Pontifice, in Saxonia adeuntes, honorifice suscipiuntur & remittuntur. Et Otgarus Spirensis Episcopus & Luitprandus Cremonensis cum iisdem Româ ab Imperatore diriguntur. Tunc ab omni plebe Romana Ioannes eligitur. Imò ex eo usque tempore omnes Pontifices Romani alique Archiepiscopi pariter & Episcopi pedum Episcopale ab Imperatoribus acceperunt, donec rem omnem turbaret Gregorius VII. Id quod alibi ostenditur.

Quin itaque Otto Magnus verè Cæsaream obtinuerit in Pontificem populumque Romanum potestatem, non est dubitandum. Potestatem autem de successoribus eiusdem ad Henricum IV. usque, idem haud

hanc difficulter ostendi, si opus foret. Verum id operose agere fuerit forte soli facem fœnerari. De Ottone III. tamen quæ dicit Glaber Rodolphus non possumus prætermittere: *Contigit, ait, initio Imperii Ottonis, ut sedes Apostolica urbis Roma proprio viduaretur Pontifice: (is erat Ioannes XV.) ipse verò illicò Imperiali usus præcepto quendam suum consanguineum [Brunonem, post dictum Gregorium V.] elegit, atque ex more in sede Apostolica sublimari mandavit. Quum verò eodem tempore Crescentius consul tyrannidem Urbis sibi sumpisset, aliumque Pontificem instituisset, narrat idem, atque ex eo Baronius ad annum 995. Ottonem & Urbem occupasse & Crescentium curasse præcipitari: Papæ autem à Crescentio electo & manus amputatas, & aures abscissas & oculos erutos. Idem ille Otto Sylvestro II. Papam instituit fatente Baronio anno 999. Idem Otto Sylvestro Papæ octo vrbes Marchiæ Anconitanæ donavit. Refert illud Theodoricus de Niem l. de privileg. & iurib. Imper. Ipsum verò donationis diploma edidit primus Marquardus Freherus & Insigni commentario illustravit, post illum à Baronio, id. *tomo 12. Annal. ad ann. 1191.* est insertum. Liquer verò inde, eo tempore magnum illud quod appellatur Petri patrimonium, non in Pontificis, sed in Imperatoris fuisse manibus, fortè quòd Leo omne illud Ottoni magno iterum concessisset. In illis autem literis notatu etiam hoc occurrit dignum, quod Romam appellet Cæsar suam urbem regiam. Huius porro Ottonis adhuc pueri mater Theophane per triennium in ipsa Roma vixit & rempublicam filii sui in usum tenuit. Quomodo anno 1003. Conradus II. integrum annum Romæ commoratus rebelles compescuit.*

Quanquam verò hæc vera Cæsarea potestas integra manserit ad Henricum vsque Quartum, (cuius pater Henricus III. aded iure suo est vsus, ut non dubitauerit Baronius anno 1046. illum hoc nomine nescio cuius Hæreseos Henricianæ auctorem proclamare) imò quanquam sese Gregorius VII. Papa confirmari voluerit per Henricum IV. primus tamen ille inaudita hactenus audacia, non tantum exuere Cæsarem omni dignitate est ausus, sed & sumere sibi potestatem in Imperatorem, reges, principes. Presserunt autem eiusdem vestigia omnes secuti Pontifices. Quanquam verò strenuè iura sua antiqua tueri ac seruare studuerint cum ipse Henricus IV. tum eius filius Henricus V. nec non Fridericus primus & secundus, tandem

tamen, post obitum scilicet Friderici II. Papæ victoriam obtinuerunt. Igitur iam quidem annos prope quadringentos neque in Papam, neque in urbem Romam, neque in illas antiqui Imperii reliquas prouincias Cæsarea verus potentia fuit exercita. Superstes tantum mansit Imperatorium nomen, & quidem, si verum est dicendum, inane atque procul re ipsa. Quod iam olim rectè intellexit fortissimus Germanicorum Cæsarum Fridericus primus, eoque cum Adriani IV. Papæ anno 1159. inter aliâ à Friderico posceret: nuncios ad urbem ignoꝛante Apostolicos ab Imperatore n. esse mittendos, cum omnis magistratus inibi S. Petri sit cum vniuersis Regalibus: statim respondit: cum diuinâ ordinatione ego Romanus Imperator & dicar & sim, speciem tantum dominantis effingo, & inane ubique porto nomen ac sine re, si Urbis Romæ de manu nostrâ potestas fuerit excussa.

Non disputabo nunc, an quadringentorum annorum possessione id quod initid per vim pepererunt sibi Pontifices nunc verè suum fecerint, præsertim quum tanto temporis spatio pauci Cæsares idipsum videantur in controuersiam vocasse, id certum videtur, si tot annorum præscriptione petierint nostris Regibus & Cæsaribus omnia vera illa & antiqua Cæsarum iura, non esse amplius quæ vanè iacent nonnulli nescio quod orbis aut Urbis Romæ dominium, multò minùs nunc esse magnis sumptibus & ingenti periculo in Italiam proficiscendum Cæsaribus electis, quò à Romano Pontifice Cæsaream coronam consequantur. Quinimò haud obscure hinc est dispicere, cum Orientale Imperium Romanorum per Turcam pridem sit destructum, nec Occidentalis quidquam penè supersit apud Cæsares præter nomen Imperatorium, haud iniuria fortassis posse affirmari, vel Imperium Romanum funditus periisse, vel verò Papam Romanum reapse frui nunc potestate Imperatoria, si demas licentiam titulum illum vsurpandi, aut in alium conferendi.

Cæterum his quæ vltimò attulimus nonnulla posse obiici videntur. Primum enim sacris literis videtur prædictam, non interitum Romanum Imperium ante vltimum diem. Ex legibus quoque Iustinianæ constat Imperatorem dominum esse orbis: certum verò est nostros Cæsares Iustiniani esse successores, itaque & nostris illis in orbem quoque vniuersum eadem hodie iura sunt. Postremò, si Cæsares hodie reapse non nisi Imperatorium habent titulum, haud videtur

derur eorum esse aliqua præ aliis Regibus dignitas ac prærogatiua. Verum enimvero, quod primo quidem loco adducitur, promitti in sacris literis Imperii Romani æternitatem, id temere probari non potest. Quomodo totum illud de non nisi quatuor magnis futuris monarchiis seu Imperiis mundi, plus habet famæ quàm veri: quippe quum olim in Asia iam ante Alexandrum tot numero floruerint amplissima imperia, Assyriorum, Babyloniorum, Medorum, Persarum, non autem duo tantum, quod vulgò creditur: Asia eadem post Romani Imperii interitum itidem habuerit, hodieque ex parte habeat vastissima regna Sarracenorum, Turcarum, Tartarorum Persarum, & Sinenfium: Europa verò viderit Francorum regnum maximum iam ante adeptum Cæsareum nomen: etiam nunc verò floreat vasta Hispanorum potentia & Gallorum. Nec verò reperitur quid in sacris literis, quod ad perpetuitatem Romani Imperii iure debeat trahi, siue enim somnium Nabuchodonosaris videas siue ipsius Danielis quod est c. 7. omnia illa vix attingunt Cæsaria tempora, ut optimè obseruant eruditiores: quod tamen hic disputare alienum est. Quid, quod Apostolicæ literæ excidium non Romani Imperii tantum, sed ipsius Urbis, haud paulò ante finem mundi futurum videantur prædicere. Antichristi certè tempora exceptura demum interitum Romani Imperii, communis omnium primæ ætatis Christianorum fuit sententia. De ipsius autem Urbis Romæ extremo excidio accipienda videntur omnino illa quæ c. 18. Apocalypsi leguntur.

Ad secundum respondemus. Eo argumenti genere vsos quidem perquam multos à Lotharii Cæsaris vsque temporibus ad nostram hanc ætatem, eos qui Romani iuris doctrinam professi sunt, quorum nonnullis penè persuasum est, omnia omnino illa competere hodieque Cæsaribus nostris, quæ olim Iustiniano, imò Augusto Imperatori conuenerunt. Verum hæc quidem doctrina apta est concitandis bellis, mouendis tumultibus, euertendæ reipublicæ. Si enim omnia ad illam faciem Augustæi xui sunt componenda, non hæc tantum nostra Germania sed penè totus orbis erit commouendus. Est autem tota illa colligendi ratio friuola, ne quid dicam grauius. Nulla certè illi vis inest, nisi pro confesso & certo sumas, populum Cæsaremque Romanum nihil potuisse iure amittere, aut verò omne quod in corpore illo Legum Romanarum reperitur id ex iure natu;


re venire, adeoque æternæ esse veritatis. quæ omnia longè sunt falsissima. Sanè cùm iura illa plæraque valcant ex constituto, sintque positiua, vniuscuiusque est liberæ reipubl. ea hæcenus vel reiciere vel admittere, eoque nec rerumpubl. controuersia rectè ex illis possunt decidi, vt optimè post Ferdinandum Vasquium obseruauit summus vir Hugo Grotius *præf. ad libr. de iure belli ac pac.* Stultum verò est omnem qui in nomen aut aliquo modo succedit in locum, eundem etiam in iura quæ ante aliquot centum aut mille annos obrinuerunt, succedere. Non minùs sanè hoc ineptum est quàm illud nonnullorum commentum Carolo V. ius fuisse ad occupandos Americanos, eò quòd esset Imperator adeoque dominus orbis: quos perdoctè confutauit Franciscus Victoria *relect. de Indis & Ferd. Vasquius in quæst. amb. illustrib.* Bene verò est, quod qui sese olim Cæsarianarum partium propugnatoribus illis opposuerint, ac Pontificem sumplerint sibi extollendum *super omne quòd dicitur Deus*, non minùs perperam sese gesserint, nihil aliud sc. adferentes quàm ipsorum Pontificum arrogantissima dicta, adeoque testimonium gloriosissimorum eius nodi hominum in propria causâ.

Tertii vltimique argumenti reicienda est sequela. Enimuerò non est Cæsari nostrò quidquam potestatis in liberas respublicas, sed ratione *αὐτονομία* etiam parua respublica libera, qualis est Rhegusina ex. gr. non minùs sua habet plena maiestatis iura quàm aliqua magna: dignitas verò omnis non ex illis maiestatis iuribus tantùm est æstimanda, sed & alia multa sunt quæ iubeant etiam inter pares ordinem aliquem seruandum. Certum verò est Carolum Magnum cùm Francis quoque uorsum Imperium suum extendisse, in Germaniam se. & Galliam & Italiam & magnam Hispaniæ partem, fuisse autem illos omnes natione & lingua Germanos, adeoque tum certè præcipuam Europæ vim penes Germanos fuisse. Certum verò & hoc est: tempore Ottonis Magni, non tantùm Cæsareo nomine, sed & amplitudine imperii, Germanicum regnum per complura secula longè antecelluisse, Hispaniam, Galliam, Britanniam, Daniam, Sueciam, Poloniam, Vngariam: utpote quòd comprehenderet omnem Germaniam, Galliæ magnam partem vsque ad Rhodanum, regnum Arelatense, & Italiam vniuersam. Denique certum est, ab annis septingentis nullam rempubl. non vltro semper Germaniæ eiusque Regi-

Regibus aut Caesaribus primum locum concessisse. Itaque quum dignitas hac & *reges* non tam à Caesareo titulo quàm ab ipsa amplitudine Imperii veniat, & verò Germanicum regnum in quiete eius honoris possessione haecenus fuerit, manifestum est, etiam si tollas omne Caesareum nomen, ius tamen suum Germanico regno permansurum integrum.


FINIS







RERVM ET VERBORVM INDEX.

 Bbatum magna olim auctoritas Pag. 15	Alborum publicorum occasiones & inci- tamenta 19
Aborisi 12	Album aut Matricula ordinum Impe- ris quare tam serò constitui coepe- rit? 6
Abusio abusionum portentum 248	Albi publici commoda & necessitas 19
Achaeorum Respublica 300	Alborum seu Matricularum errores co- rumque causa 20
Adelungi, praecipua nobilitas 47	Alemannia fracta, Alemanni deuicti 9
Adelungi, Grafen vel Richter aut Hauptlinge 7	Alemanni qui populi fuerint 9. & 10
Aduocati, Causidici, Clamatores & causarum patroni 211	Amalefuentha regina occisa 286
Aduocati 252	Amiternum 298
Equiuoca definiri nequeunt 1	Antuerpia 71
Agilulphus Rex 286	Antichristi tempora 307
Agnatorum ad Electoratum successio 114	Apocristarius, Archicancellarius 93
Albi vel Matricula in Germanico Im- perio quis primus autor fuerit 3	Apostolicorum virorum qui in nonnul- las Germaniae prouincias pene- trarunt census 123
Album vel Matriculam à quo tempore habeat Germanici Imperii Re- publica 3	Appellationum frequentiorum causa 267. & 268
Album vel Matriculam an omnes Ref- publica habeant 3	Archi-Camararius 93
Album vel Matriculam an habeat, semperne habuerit Imperii Ger- manici Respublica? 3	Archi-dapifer 93
Album vel Matricula Reipublica 3	Archi-pincerna 93
	Archidemi prudens responsum 290
	Archiepiscopus Moguntinus depositus 245
	Archisynagogos Hebraeorum 128

INDEX

Argentoratum seu Stratisburgum	141	Brema iam olim atate Caroli magna fa-	
Aristoteles ciuilis prudentia magister		ma & autoritatis villa publica	
76		48.55.56	
Aristoteles vir πολιτικῶτατος	278	brinio Caninesas Germanorum Dux	
Affessores	80	78	
Augusta Vindelicorum	69	brunsvicum unde nomen habeat	126
Auisamenta Constantiensia	190	Bulla aurea.	111
Auisamenta Moguntina	190	Bulla Palatina	114
Austriacorum Archiducum privilegia		Bulla Francofurtensis	114
266		Buraburg	142
Austrege, Geruillfürte Austrege	234	Burggrauen unde dicti	85
Austrege	234.239. & 240	Burggravius Marchionis iudex	260
Augetis sacro Populo familiares	277	Burgimagistri, eiusque regiminis origo	
		51	
B		Burgus apud Romanos & Germanos	
Basilea	69	quid?	30
Bavaria Dux Conradus dignitate ex-			
ultus	228	C	
Belgica prima, Belgica secunda	33	Casares quando & quo modo dimidium	
Belgico-Germanica federata Prouincia		Imperii perdidit	90
299		Casarum Gracorum in Italia reliqua	
Belgico-Germanica Prouincia vulgò		283.287	
Hollandia nomine usurpantur	300	Casareus titulus quando ad Francos	
Belli indictio Fecialibus committebatur		peruenerit	284
à Romanis	280	Casarea dignitas atque Italici regni	
Bellum denunciandum antè	280	possessio cum Germania coniuncta	
Bellisarius	99	298	
Beneficia Ecclesiastica	188.189	Casares etiam Germania Reges dicun-	
Berna	71.73	tur	299
Birka Ostrogothorum urbs	55	Casareus Imperatoriusue titulus inane	
Blasphemare	212	ferè nomen	299.306
Bohemia Rex in Germanici Imperii		Carocus cur Magnus dictus	34
Repubblica Ciuem agit	3	Cambysis in Iudicem animaduorsio	198
Bohemia Begis, ut Elect. munus & Offi-		Camera supremum Iudicium quando	
cium	117	institutum & à quo	96.111
Bohemia regis privilegia	266	Camera Spirensis Caroli v. sententiam	
Bonifacius Archiepiscopus Moguntinus		rescindens	247
Paganismi in Germania proflig-		Camera Spirensis an summa iudicando	
ator	126.127	authoritate polleat	268
		Cam-	

INDEX

Camera Spirensis eiusq; institutio	268	Bonifacium	127
Camera Spirensis Iudex	268	Circuli Germania	240
Camera Spirensis Assessores xli.	268	Civis vocis equiocationes	1
Camera Spirensis Visitatores	268	Civis potentia	2
Camera Spirensis Iudex & Assessores à à quibus constituantur	268	Civis in Imperio veri & genuini & proprii	2
Canonica electio	186	Civis effati	2
Canonista	189	Civis in Imperio genuini cur Status & Ordines Imperii dicantur	2
Carolus Patricius designatus	100	Civis improprie dicti	3
Carolus Magnus Francorum Rex & Saxonie Dominus cur dictus	11	Civis an sint omnes qui in civitatib; ac Reipublicarum ararii conferunt	3
Carolus v. Reip. iura vindicans	246	Civis an tantum sint qui Matricula vel albo inseri	3
Carolus M. ann. 1400. Imperator salu- tatus	100	Civium verorum, verorum ordinum ac Status proprium	3
Carolus M. Francorum Rex electus	102	Civis Imperii an sint, atque in eius- dem Ordinum censum relati Princi- pes, Comites & Barones à Casaro Ferdinando II. creati	4
Carolus casar constantinopolitans- rum casarum amicitiam coluit	290	Casar Ferdinandus II. quot Principes, Comites ac Barones creaverit	4
Carolus quid per Imperatorium titu- lum sit consecutus	292	Civis Germanici Imperii an proprie di- cantur quilibet eiusdem Principes vel Comites	4
Carolus Romani tutor Imperii	294	Civium an idem numerus semper esse debeat in Republica	6
Causa minoris mamoni ubi decisa	208	Civis secunde dignitatis qui fuerint	7
Causarum secularium sacrum forum	256.257	Civis prima dignitatis qui fuerint	7
Causa seculares inter Seculares perso- nas	255	Civium ac Status Germanicorum duplex olim fuit conditio: Alia sci- licet prima dignitatis, alia secunda	7
Causa qua ad Palatii comites deferre- batur	221	Civium verorum non idem semper fuit census apud Germanos	7
Causarum patroni Barbarorum victi- ma	204	Civis veri consulendi iudicandi que pa- restate deservuntur	8
Causa que ad Reges per provocatio- nem delata	220	Civium Imperii alii sunt Clerici alii Laici	22
Causidici, clamatores, causarum pa- troni	211		
Christiane religionis olim progressus, eum in Germania, tum in vicinis regionibus	125		
Christiana religionis gloria per Ger- maniam penes Carolum Imp. &			

INDEX

Ciues Imperii laici qui?	22	Comes Sanserranus ab ignobilibus in-	
Ciues Imperii Clerici qui?	22	dicari recusat	243
Ciuitas proprie vel improprie quid		Comitatus Palatinus unus superest	
ac quomodo ab Vrbe, Pago & Villa		Rheni scilicet	263
differat?	25	Comitia regni	234
Ciuitatum & urbium origo & princi-		Commenda	189
pia	26	Commercia maritima quando coeperint	55
Ciuitatum Helueticarum unitas	299	Commerciorum usus in Germania non	
Clodouicus quid Rhemensis Ecclesia de-		nisi ab anno Christi 1100	54
derit	169	Concilium maris & qui illi interfue-	
Cluuerii de Germanorum Habitaculis		runt	7
figmenta	29	Concilium minus & qui illi interfue-	
Columbanus Sueuorum Apostolus	126	runt	7
Comes	79.82	Concid. genera duo fuisse olim apud	
Comitina dignitas	8	Germanos	7
Comes stabuli, Constabulus, Maref-		Concilium Basileense	190
challus	93	Conciliorum vis ad Electores transiens	223
Comites seu Grauiones	209	Concordat a nationis Germanica	190
Comitum quod olim fuerit officium quae		Concordat a nationis Germanica Prag-	
potestas	80	matica sanctione collata	191
Comitum ius	259	Constantia	141
Comitum olim officium	15	Consultationem apud Germanos in	
Comitum & Ducum nomen variam o-		conuictis institutorum causa	204
lim habuit significationem	80	Controuersia gravis de Imaginibus	
Comes rerum priuatarum	81		99
Comes Archiatrorum	81	Controuersia inter Palatinos Principes	
Comes sacrarum largitionum	81		232
Comitum palatii officium	210	Corinthus excisas	280
Comitum Assessores	209.210	Corona Regni Germanici Aquisgrani	
Comitatum & Ducatum comiten-		sumitur	299
darum formula	209	Coronam Casarem dat Papa	299.
Comites Palatini	261		306
eorumque officium & potestas	263	Crantzii exclamatio	189
Comites ob fractam pacem capite dam-		Crescentium precipitari iussit Otto	
nati	208		305
Comitis Palatinus Rheni ut Electoris		Crescentii Consulis tyrannia	305
officium & prerogativa	117	Delic.	

INDEX

D

Delictorum poena apud Germanos olim
200
Democratia quomodo in Oligarchiam
mutetur & vicissim 6
Diuitia instrumentum Reipublice 91
Doctores iuris Romani Imperii Ordines
aliquando voluerunt abigere
127
Donauertensis urbis proscripio 249
Ducal & Comitina potestates quando
Episcopis attribui cepta 89
Ducatus quatuor Germaniae praecipui
261
Ducum & Episcoporum vis & potestas
quando & cur accisa 74
Ducum antiquitas in Germania effi-
cium 77
Ducum Eligendorum ritus Germanis
78
Ducum quae olim fuerit potestas 79.82
Ducum & Comitum nomen variam o-
lim habuit significationem 80
Ducatus aboleuit Carolus M. 85
Ducatus quando iterum instituti 89
Ducum Comitumque potestas quae olim
temporalis &c. erat, quo modo aucta
& mutata 87
Ducum potentia incrementum 88
Ducum ordo duplex, secularium &
Ecclesiasticorum quando institutus
89
Ducum Comitumque quando & quo
modo imminuta potentia 90.91
Ducis Saxoniae ut Electoris Officium
& prerogativa 117
Dux quot Comites sub se olim habuit
258

E

Ebbonis Rhem. Archiepiscopi increpatio
153
Eberhardus Comes accusatus & dam-
natus 228
Ecclesiasticorum Ducum potentia fra-
num 89
Ecclesiarum plurimarum in Germania
Doctores & Authores Apostolorum
discipuli enumerantur 125
Ecclesia primatate communi Presby-
terorum consilio gubernabatur Ec-
clesia 129
Ecclesiarum Romana, Antiochena, Ale-
xandrina, Hierosolymitana, Syri-
acensis, & Ephesine primi Episcopi
129
Ecclesias multas Germania restaura-
runt Reges Dagobertus & Sigeber-
tus 149
Ecclesiasticorum excommunicantium
fulmina 225
Ecclesiastici solis sacris vacare debent
273
Electores in Imperio qui & quot 106
Electorum Imp. constitutionis auctores
106.108.109.110
Electores quando ceperint hoc fungi
officio 107
Electores Electorum titulum suo no-
mini quando adiecerint 111
Electores ita olim eligendi Imp. pote-
statem habebant, ut ceteri Princi-
pes non excluderentur 111
Electoria dignitas non simpliciter per-
sonae, sed quatenus legitime terram
possidet 112
Electorum Ecclesiasticorum, electio
112

INDEX

postulatio, &c.	112	uilegia	266
Electores Eccl. a quibus fiat collatio	112	Episcopis civiles cura quando & quo modo commissæ, ac per quos gradus in id ventum sit	64
Electores seculares quo modo fiant	112	Episcoporum & Ducum vis & potestas quando & cur accisa	74
Electorum Secularium successio & succedendi modus	113	Episcopis quando attribui cæpta Ducales & Comitibus potestates	89
Electorum Secularium successio variat in Rege Bohemia	113	Episcoporum Germania ante quarum seculum nulla fit mentio	128
Electoralis dignitas Collatione Imperatoris solius acquiri potest	114	Episcopum Rom. variis conuertendis Populis operam dedisse non negandum	129
Electorum minorem Tutoris & Administratores	115	Episcoporum successio per electionem	130
Electus quando maiorænnis	115	Episcoporum successio per ordinem	139
Electores solis, sed vniuersis comperit Imperat. Eligere & coronare, ac quæannis de Rep. concilia conferre	115	Episcopos constituendi modus	131
Elect. priuilegia nonnullis aliis Principibus etiam communia. VIII.	115	Episcopos eligeant olim Populus & Clerus	132
Electorum administrationis commoda	115	Episcopum tria constituunt, iudicium Diuinum, Populi suffragium, & Episcoporum consensus	133
Electores an Imperatorem deponendi ius habeant	115	Episcoporum eminetia super reliquum Clerum quando cæperit	133
Elect. Ecclesiastici Archi-cancellarii vocantur	116	Episcopos & Presbyteros aequales esse statuebat Acrius	134
Electoris seu Archiepiscopi Maguntini officium & prerogatiua	116	Episcopos an crearint vel creare possint Imperatores & Principes	136
Electoris seu Episcopi Colonienfis officium & prerogatiua	117	137. 175	
Electoris seu Episcopi Treuirensis officium & prerogatiua	116	Episcoporum electiones à Regum Gallicæ nutu dependisse variis exemplis demonstratur	138. 139. 144.
Electibus singulis quæ cøperant	116	Episcopis solum Principum Imperio creati non approbant Conciliorum Patres.	139. 140
Electorum Officia quando cæperint esse hereditaria	118. 119	Episcoporum constitutio an Regum & Principum requiratur consensum	142
Electibus secular. quid cõmune	118	Episcopatum veterum & nouorum ratio diuersa	142
Elect. dignitas quomodo firmatur	119	Episcopale pallium	142
Electorum secularium Substituti in eorum Officiis	119	Episc.	
Electio Canonica	186		
Electorum aliorumque Principum pri-			

INDEX

- Episcoporum constitutioni an Romani Pontificis consensus necessarius* 142. 143. 144. & 175
- Episcopos inuestiendi facultatem an à Pontificibus receperint Imperatores & Reges* 146
- Episcoporum inuestituras an usurparint Carolus M. & eius Successores* 146. 147. & sequent.
- Episcoporum inuestituras Pontifices Imperatoribus & Regibus concessisse quomodo sit admittendum* 146. 147. 148. & sequ.
- Episcopi inuestiendi serula pastoralis & annulo donabantur* 154. 175
- Episcopos ut consecrabant Metropolitani* 156
- Episcopos etiam constituiebant Imperatores & Reges, Cleri & Populi suffragio ante non requisito* 158. 159. & 162.
- Episcopos constituere fas ei penes quem est summa Reipublica* 152 & sequ.
- Episcoporum Inuestitura quo modo & quibus rebus fiebat* 154. 172. & sequ.
- Episcopi olim eligendi & inuestiendi ritus* 155. 173. & 175
- Episcopi sine cleri & populi consensu non eligebantur* 156
- Episcopos eligendi facultas ab Imper. & Regibus petebatur* 158. & 162
- Episcopos à Clero & plebe electos non nunquam reiciebant Imp. & Reges* 160
- Episcopum si quemquam constituere vellet Pontifex, Imperatoris consensus erat impetrandus* 161
- Episcopi à Diaceno obiurgari* 163
- Episcoporum electio quàm saepe erronea* 163
- Episcoporum in electione quid possint Clerus & Populus* 166
- Episcoporum constituendorum cura cur præferri ad Reges pertineat* 167. 168
- Episcoporum bona temporalia Inuestituras à Regibus fieri debere arguit* 168. 169
- Episcopos constituere poterant Imper. & Reges eo quòd Patroni essent Ecclesiarum* 169. 170
- Episcopos constituendi iure cedit Imperator* 179
- Episcoporum electio penes Clerum & Populum* 180
- Episcoporum in Electione, dissensione orià, is Episcopus erat, cui Imp. accessisset* 181. 182
- Episcoporum Consecratio & Confirmatio* 185. 187
- Episcopi duo pluresue unius Ecclesia* 188
- Episcopi protestantes cur à Pontificiis non admittantur* 192
- Episcoporum instituendorum rationes varia* 130. 175. 191
- Episcopatus Protestantium in Germania* 193
- Episcoporum constitutionis lex nulla, siue naturalis, siue diuina, unquam lata* 193
- Episcoporum constituendorum ratio quæ Reipublica maxime utilis* 193
- Episcopos suos Hispania, Suecia, & Bohemia reges, ac Duces Armarica, aliorum regum Metropolitane subiecti noverunt* 194
- Episcopi an Regalia possidere debeant* 195
- Episcoporum collatio soli Imperatori an deferenda* 194. 195

<i>Episcopus inuitis populis non proficien-</i> <i>aus</i>	196	<i>F:</i>	
<i>Episcopi depositi</i>	207	<i>Factum in Republ. remedium</i>	197
<i>Episcoporum in clericos & monachos</i> <i>iurisdictio</i>	213	<i>Ferdinandus I. Imperat. Papa resistit</i>	110
<i>Episcopis an ad Papam appellare li-</i> <i>ceat</i>	214. 215	<i>Ferdinandi II. Caesaris in Cardinalem</i> <i>Cleseltum & Archiep. Treuirensis</i> <i>animaduersione</i>	242
<i>Episcoporum Iudices</i>	214	<i>Flacius Illyricus indistincte & sine or-</i> <i>dine scripsit</i>	155
<i>Episcoporum Vicedomini, Aduocati,</i> <i>Rastenvogte</i>	217	<i>Flardingum</i>	56
<i>Episcopi Aduocatos habere debuerunt</i> <i>217. 218.</i>		<i>Florus explicatur</i>	157
<i>Episcopalis sacri Iudicii varia munera</i> <i>216. 217.</i>		<i>Forum populi seculare</i>	257
<i>Ecclesiasticorum Cause Romani per-</i> <i>tracta</i>	243	<i>Formula in ducibus creandis obseruata</i> <i>verba</i>	4
<i>Episcopi ab Imperatoribus damnati &</i> <i>depositi</i>	245	<i>Formula per quam titulus Principis</i> <i>conferretur verba</i>	5
<i>Episcopus Hildesheimensis ab Impera-</i> <i>tore proscripuit</i>	246	<i>Formula per quam titulus Comitis co-</i> <i>ferretur verba</i>	6
<i>Episcoporum Aduocati</i>	248. 249	<i>Forum Iulium Italiae vrbis</i>	14
<i>Episcoporum Cause quod delata</i>	255	<i>Francorum pactum cum Saxonibus ini-</i> <i>tum</i>	11
<i>Episcopale pedum usque ad Gregorium</i> <i>vii. conferrebant Imperatores</i>	304	<i>Francorum Rex & Saxonia Dominus</i> <i>cur dictus Carolus Magnus</i>	11
<i>Erfesfurt</i>	147	<i>Franci quo tempore rerum per Germa-</i> <i>niam omnem sunt potiri, soli Cuius</i> <i>ius habuerunt, eodem tandem &</i> <i>Saxonibus concessa</i>	12
<i>Exarchatus Rauennatensis</i>	283	<i>Francis duo fuerunt conciliorum genera,</i> <i>maius & minus: tempusque illo-</i> <i>rum circa Calendae Maii</i>	13
<i>Excommunicatio eiusque effectus ma-</i> <i>ximus</i>	212. 213	<i>Franci in dominos à Germanis electi</i> <i>43</i>	
<i>Excommunicationes frequentiores fa-</i> <i>cte</i>	255	<i>Francorum dominatio Germanis po-</i> <i>pulis etiam grauis fuit</i>	43
<i>Excommunicationum effectus exaspe-</i> <i>ratus</i>	255	<i>Francorum tum Orientum tum Occide-</i> <i>ntium conditio</i>	45
<i>Eugenius Papa increpitus & domina-</i> <i>tus</i>	100	<i>Francorum potentia Romanis & Gra-</i> <i>cis sentit</i>	
<i>Europa vis praecipua penes Germanos</i> <i>309</i>			

INDEX

<i>cis semper suspecta</i>	291	<i>bella</i>	37
Francorum regnum an non unum ex		Germani sub quo Reipublica statu olim	
Monarchiis possit constituere	307		38
Friburgum	73	Germanorum Principes Grauiones vel	
Friderici Imp. prudens responsum	183	Scabini olim audiebant	39
Fridericus Imp. strenuus Iurium Impe-		Germanis tria precipua seruitutis in-	
rii defensor	183	commoda	41
Fridericus II. Caesar	235	Germanos in seruitutem redactus non	
Frisiorum seruitus in libertatem mu-		fuit, sed Roman. lingua, legibus in-	
tata ob praeclares in Italia gestas		stituti, moribus & praescriptis vi-	
10.		oportuit	41
Frisii maiores & minores	205	Germanicis populis Francorum domi-	
G		natio etiam grauis fuit	43
Gallia libros libertatem oppugnantes		Germani, laborum & scelerum Roma-	
manu carnificis e medio sustulit		narum pertasi Francos dominos de-	
270		derauerunt	45
Gallia aliquando Imperii nomine in-		Germania cum omnibus Europa regio-	
tellecta	300	nibus Urbium numero potest conten-	
Callus Heluetiorum Apostolus	129	dere	51
Germani libertate celebres	78	Germanis olim in pace nullus commu-	
Germanicorum populorum libertas		nis Magistratus	77
praeter ceteris de praedicatur	9	Germania in Circulos quando diuisa	
Germania quando & quomodo in pro-		& a quo	96. 111.
prium regnum cepit separari	16	Germanica Ecclesia iam a Seculo secu-	
Germanicorum Ordinum in quaternio-		lo secundo	124
nes diuisorum tabula uerum com-		Germanica Ecclesia seculo xv. iam cele-	
mentum	17	bres	ibid.
Germanicum & Lotharingicum re-		Germanos viri saltem Apostolici do-	
gnum unam Ciuitatem olim consti-		cuerunt	122
tuerunt	17	Germanos an Apostolorum aliquis do-	
Germanicorum Ordinum in quaternio-		cuerit	122
nes diuisorum praedicta tabula au-		Germanica Gentis quando Christia-	
thor Ostro III. falso creditus	17	na fide primum imbuta	121
Germania prima, Germ. secund.	33	Germanica gentes simplicitas & inre-	
Germania antiqua nullam habuit Re-		grites olim	104
publ.	37	Germania in quot Circulos diuisa	240
Germanis ab bellum natis, vel cum vi-		Germania Principum varia grauami-	
cinis vel inter sese perpetua olim		na	253. 254. 255. 256.

INDEX

<i>Germania Ducatus quatuor praecipui</i>		<i>Hamburgum</i>	58
Germania uniuersa à Romanis nunquam occupata	277	Hansici federis initium & origo	58.60
Germania Regis titulus	293	Hansici federis Emporia peregrina quatuor praecipua quae	61
Germania proprios semper Reges habuit	295	Hansico federe iunctarum urbium primum locum sortita est Lubeca, proximam Colonia	61
Germania an Iustinianensis legibus subiaceret	301	Hansici federis Vrbes in dioceses aut Ordines quatuor diuisa	61
Germania Regis titulus à quo tempore & cur Imperatorio additus	301	Hansicum in sedes cur tot urbes co- iuerint	61
Germanicum & Italicum regnum an distincta Respublica ab Imperio	301	Hansici federis decrementum, eiusque tum tempus tum causa varia	62
Germanicis rebus an Papa sese immiscere debeant	302	Hansici federis utilitates & comoda	63
Germanorum mores antiqui quam finceri	204	Hassi Cassellensis cum Hassio Darmstaden- se controuersia	242
Germania regnum per complura secula reliquis omnibus praecellensius	309	Hebraeorum occupationes quo iure facta	279
Germania pra reliquis regnis	309	Heertog vel Heertzog Germanis	78
Delia	309	Heluetia Alemannia magna pars	10
Gograuii eorumque potestas	259.260	Heluetia in seruitutem redacta	10
Gorgia Leontini locus	1	Heluetica societas	59
Gottinga	71	Heluetii ab una Pago Suisseri dicti	300
Goua	259	Henrici. Aucupis nuncupati, ac verè Thesei Germanici prudentia in augendis Vrbiu- tam quæstui tam dignitate	55
Goua seu Pagi	209	Henrici. x. ætas immatura & scelera multorum malorum causa	90.104
Goua seu Pagi apud Germanos	40	Henricus Leo Saxonum princeps fortissimus Obstritas deleuit	128
Graft idem quod Index	79	Henricus Claudus Imp. pius & fau- tus diotus	164
Grauaamina Principum Germania varia	252.253.254. & sequ.	Henrici Claudi dictum egregium	164
Grauaamina Ordinum Imperii Osna- bruga proposita	268.269	Henrici. x. Imp. mali Consultores	173
Grauiones seu Comites	83.209.258.		
Grauiones vel Scabini apud Germanos olim	39		
Gregorius Magnus à cadibus & bel- li quantum alienus	287		

INDEX

Henrici iv. Imperatoris depositio & appositae responsa	174	Imperii Rom. à Gracis ad Franco: translatio	100
Henricus v.	176	Imperii successio quando & quo modo ab hereditaria electoria facta	104.105
Henricus v. anacbemate percussus	179	Imperatoria dignitatis ad Germanos translatio	104
Henrici Leonis Saxonie Ducis generosa facinora	184.185	Imperatoris Conradi Successorem designantis extrema verba	104
Henricus Leo Saxonum Dux prepotens & eminentissimus	184	Imperatorum electio penes quem olim fuerit ac penes quo: hodie sit	105.106.110.111
Henricus Auceps an Caesar fuerit	296	Imperatoria maiestatis dimidium perditum	112
Hierarchia, hieromonarchia	129.130	Imperii Pincerna Rex B. hemia	117
Hieronymi de E. iſcopis pronuntiarum	128	Imperii Archidapifer Comes Pal. Rbeni	117
Hildebrandinorū perpetuum studium	157	Imp. Archi-Camerarius Marchio Brandenburgicus	118
Hildebrandi audaces conatus	166	Imp. Vicarii per Germaniam	118
Hildebrandus qualis homo, eiusque actiones nonnulla	171.172.173.174	Imper. Vicarius per Italiam	118
Hildebrandi Diuorum Ordinibus insertus	271	Imperatorum quorund. m. simonia	163
Hildebrandissimus	226	Imper. Lutheri Saxonis protestatio	180
Hildebrandismi maxima	243.279	Imper. Fridericus non satis sibi cauens	186
Hincmari Rbemensis Archiepiscopi encomium	120	Imperator seculares & Ecclesiasticas dignitates diuersimode conferens	186
I.		Imperator Rudolphus Pontificum conatibus non satis obstitit	187
Imagines quas controversas in Imperio mouerint & quando introducta	100	Imper. Carolus iv. Pontificum usurpationes confirmasse dici potest	189
Imperatoris electio penes quem olim, & quando ac quo modo ad Septemuiros delata	93.94.96	Imperatores aliquot Imperatoriā dignitate exuti	223
Imperatorum variorum electio	93.94	Imperator Rom. an Papa Vessallus	227
Imperator Caius occisus	97	Imperatoria dignitas collabens	235.236
Imperatorum Rom. varia successio	98	Iudicia de capite & fortunis Nobilium in Dania & Polonia	242
Imperatores Romanos interdum Senatus ante militum suffragia elegit	98	Iudicia Urbium compromissoria	263
Imperatoris Claudii electio	98	Iudicio aulico Casareo autoritas maior quam Spirensi Camera	270
Imperii Occidentis decrementum	99	Imperii Germanici Magistratus variā	56
Imperia duo quando esse ceperint	99		

INDEX

275	Imperatores an iure merito Mundi do-	perunt	237
	mini dicti	Inuestitura seu Vestitura quid sit, &	
276	Imperium Romanum vix sextam un-	an ea vox sit antiqua	153
	quam Mundi partem tenuit	Iob. Fridericus Saxo & Philippus Ha-	
276	Imperio sub uno esse genus humanum	sia Landgravius proscripti	241
	an expediat	Italia Reges	282
278	Imperium Romanum sua magnitudine	Italia possessio inter Gothos & Romanos	
	laborauit	mutans	283
279	Imperium intra terminis cōcūcūm	Italia Proceres Regē suū reiicientes	297
	Imperatores Eligendi potestas penes	Iudiciorum in Republ. necessitas	197.198
299	Germanos	Iudicia alia belli, alia pacis tēpore	199
300	Imperii magna diminutio	Iudices apud Germanos olim ex quibus	
	Imperator Maximilianus & qui ex	& quomodo eligebantur	201
	secuti sunt, Germania etiam Reges di-	Iudicia penis afficiendū apud Germ.	
301	cti sunt	olim an penes Sacerd. tes fuerint	200
	Imperatorum quis primus Imperatorio	201	
301	titulo alios adiecerit	Iudiciis Germanicis ex Iudiciis olim	
	Imperatores titulos alios cur diu negle-	lucrum	203
301	xerint	Iudiciorum simplex olim processus	204
	Imperatorum electio à quorum arbitrio	Iudices pedanei	205
302	pendeat	Iudiciorum Carolinā acare facies	206
	Imperatori Ottoni fidelitatem iurauit	Iudicari maior à minore non potest	208
303	Pontifex Iohannes	Iudicia iusta, Iudicia iniusta	211
	Imperatoris Ottonis Cines Romani fide-	Iudicia sacra	212
304	litatem promittunt	Iudicium occultum	221
	Imperium Orientale possident Turca	Iudicium Veritum	221
306	Imperatorium nomen, Cæsareusue titu-	Iudicium Vestphalicum	221
	lus, inane ferē nomen	Iudicium venicum	221
299.306	Imperii Romani, Urbisque Roma ante	Iudiciorum antiquorum encomia	222
	finem Mundi excidium	Iudicia Principes cur aliis committant	
307	Imperatori Carolo V. an ius fuerit ad	237.238	
	occupandos Americanos	Iudicia Principum arbitraria	234
308	Incola & Subditi qui dicantur	236.237.238.239	
23	Indulgentia penarum & sacrorum sa-	Iudicium Camerale	239
	cris. Aium	Iudicia transactiua	242
254	Inquisitio ad Dominicanos Monachos	Iudicia de Causis Episcoporum, alio-	
	pertinet	rumue Ecclesiasticorum	243
253	Indulgentia quando nummis venire co-	Iudicium Magdeburgense	263
		Iudices quos agnoscat Noriberga	
		Reus	

INDEX

Rzutling, Schuinfurtum, Dunkel- spila, Halla Suevica, Argentina & alia Vrbes	264	M	
Iudicium aulicum Regium vel Casa- reum	265.269	Magistratus Saxonii olim vel Ecclesia- sticus erat vel Civilis: hicque vel status, vel extra ordinem missus: & status quidem vel Iudicum vel le- gatorum	46
Iudicium Magdeburgense	268.	Magistratus communis nullus olim in pace Germanis	77
Iudiciorum Germania vitia nonnulla ut emendari possent	270.271.272.273	Magistratus varii & qui sub Francis 84	
Iudicum Assessores	201.202	Maiores, vel Minores quinam apud Francos dicti olim fuerint	14
Lulinum Emporium	55	Mallus Comitum	211
Iulio Casari non admodum nota res Germanorum	200	Mallus quid & unde	211
Ius instantaneum & momentaneum	114	Mallum	84
Ius decretale Pontificium	245.246.247 248	Marchionum Badenium, Georgii scilicet Friderici cum Eduardo Fortu- nato & Hieronymo	242
Ius Superioritatis	88	Maregraven unde dicti	85
Iustiniani bellum Gothicum	286	March. Brandenburgici ut Electoris of- ficium & prerogativa	118
K		Marescallus, Comes stabuli, Consta- bulus	93
Kilianus Francorum orientalem Apo- stolus	126	Matriculam vel Album a quo tempore habeat Germanici Imperii Respu- blica?	3
L		Matriculam vel album an habeat, semperue habuerit, Germanici Impe- rii Respublica?	3
Langobardi Germanica gens	283	Matriculam vel album an omnes Respu- blica habeant	3
Langobardis cum Caesaribus bella per- petua	286	Matricula vel Albi in Germanico Im- perio quis primus autor fuerit?	3
Leccio apud Tacitum corrigitur	8	Matricula vel Album Reipublice	3
Libertas non Aristocratie, non Monar- chie, sed Democratia praefertim bonum	38.	Matricula aut album Imperii Ordinum quare tam seorsum constitui caperit	6
Litium protractarum Causse	238	Matricularum seu alborum publicorum occasiones & incitamenta	19
Lotharingia unde sic dicta	16	Matricularum seu Alborum publicorum commoda & necessitas	19
Lotharingicum & Germanicum regnum unam Civitatem olim constituerunt	17		
Lotharingia Dux proscriptus	229.241		
Lubeca	56.71		
Lubecam cur prouocent alia Venedici oli Vrbes	264		
Luca Euangelista verba de tot. mundi consu ut intelligenda	277		
Luneburgum	71		

INDEX

- Matricularum seu Albrum publico-
 rum errores, eorumque causse 20
 Meinueri Episc. Paderbonensis mala
 artes ad dirandam Ecclesiam 164
 Metropolitanorum cura & potestas
 154.135
 Metropolitanorum quot in Gallia & alibi
 135.136
 Metropolitanorum pallium 143
 Missi seu Comites regia autoritate
 praeerant 48
 Missi regii 208
 Missorum regiorum dispensa 219
 Missi quo tempore iudicia sua institu-
 bant 219
 Missorum regiorum officium &c. 219
 Missi regii eorumque potestas 260
 Missorum regiorum nihil amplius su-
 pereft 263
 Moguntia 48.56.141
 Monachalia & cenobitica bona 252
 Monachorum mendicamentorum Ordi-
 nes quando instituti 261
 Monarchias in variis Mundi partibus
 plures dari illis quatuor vulgo credi-
 tis 307
 Monarchia Mundi an quatuor fuerint
 nec plures 307
 Muhammedes suarum occupationum
 ius diuinum praeiuxit 279
 Multitudini an in Comitibus locus 22
 N
 Narsetis victoria 99
 O
 Occides totus leui de caussa commotus 185
 Oligarchia quomodo in Democratiam
 mutabatur & vicissim 6
 Olisana celsa &c. de quibus 156
 Opificia luxuria & mollis vita instru-
 menta 52
 Oppida munita nec multa habent nec
 magni faciunt Poloni 39
 Ordinatio & manuum impositio 133
 Ordinum Imperii Catalogi varii 18
 Ordinum Albi diu neglecta confectio
 19
 Ordinum loco qui habendi, qui non 21
 Ordinum conuentionis errores 21
 Ordini alicui uni & sibi an plura li-
 ceat ferre suffragia 22
 Ordinum Regni ad Papam Carolum Cal-
 uum excommunicantem responsum 224
 Orphanorum & viduarum causse 211
 Ortonum prodiga largitiones in Eccle-
 siasticos 65.66.67.68
 Otto Dux Saxonia Ducum primus Re-
 giam dignitatem recusauit 85.103
 Ottonis iuramentum Papa Iohanni
 praestitum 298
 Otto Imperator urbes otto Marchia
 Anconitane Papa donauit 305
 P
 Pacta & conuenta inter Henricum vi
 & Pontificem 176.177
 Pagus & Vicus, Vrbs, Ciuitas & Villa
 quomodo inter se differant 26
 Pagi seu Gona apud Germanos 40.109
 Pagus apud Germanos quid 201
 Palantia Ciuitates in Saxonia 267
 Palatiz grauius Imperatoris iudex 260
 Palantiz grauioratus varii 261
 Palatini Comites eorumque officium
 & potestas 261
 Palatini Saxonia: Sueuia: Franconia,
 Burgundia, Gronouenses &c. 262.262
 Palatini varii cur & quando interie-
 rint 263
 Pallenzgraue unde dicti 85

INDEX

Parbania nulla unquā apud Ger.	199	Polonia Rex in Germanici Imperii	
Papales prouisiones & reservationes		Republica Cinem non agit	3
185.187		Pontificum actiones circa Episcoporum	
Papa Eugenius increpitus & damnatus		electionem inter se opposita	169
190		Pontifex Paschalis capitiuus	177
Papalis hierarchia iniriium	222	Pontifices sibi inter ipsos contrarii	185
Papa sacra potentia	223	Populi nomine quinam intelligantur	13
Papale forum	243	Pastulario in Episcoporum constitutio-	
Papa Romanus Imperii negotia ad ar-		ne quid	192
bitrium suum trahit	298	Pontifex an ab electione & confirma-	
Papa Iohannes iuramenti neglecti ab		tione Episcoporum Germania exclu-	
Imperatore accusatus	305	di debeat	193.194
Papa Benedict. in exiliū relegatus	304	Præscriptiones	190
Papa Leo Carolum M. adtrauit.	303	Pragmatica sanctio	190
Papa Leo Imperatoribus plurima resti-		Presbyteros & Episcopos æquales esse	
tuit & concedit	304	statuebat Alerius	134
Papa Iohannes depositus	304	Primas diæceses	214
Papa manus amputata, aures abscis-		Primogenitorū ubi inis prerogatiua	113
sa & oculi eruti	305	Principum & Turba nomine quid a-	
Papia	288.296	put Tacitum intelligatur	7
Pares regni Principes	231.232.233.242	Principum dignatio quibus olim tribu-	
Patriciorum Rom. magna dignitas	100	ebatur	8
Patricii nomen à quo institutum	291	Principum causa in Concilio olim de-	
Patronatus causa Fundatio, Dotatio,		cisa	208
Dotatio & Redificatio	169	Principes, Duces & Comites varii con-	
Pertinax idolorum cultus 400. ann-		demnati & prescripti	246.229.230
rum belli causa	128	Principum cōtrouersia varia decisa	234
Petri veria	189	Principum Causa & controuersia. ubi	
Petri patrimonium	305	fuerint agitata	231.233.234.235
Philippi pulchri Francorum Regis cum		Prinilegia de non appellando	266
Bonifacio VIII. controuersia	187	Procerum apud Germ. olim pra Plebe	
Philippus Hassia Landgrauus & I. h.		autoritas	14
Fridericus prescripti	242	Proceres vel Primores, aliis Seniores	
Pipinus an à Papa electus	101	92	
Plebs aliter atque aliter habita apud		Processus simplex Fororum	267
Germanos & apud Gallos	8	Protestantes Germani	236.237
Polonia denique aliquot auri libras		Protestantium in Germania clericis	
Germanico Imperio per multos an-		253	
nos soluit.	3	Prouocationes à iudiciis	218

INDEX

<i>Procuratores ad Regem</i>	266	<i>Rhegusina parua Respublica</i>	309
<i>Procuratio an detur à Camera Spiren-</i>		<i>Rhenus olim velut Romani Imperii in</i>	
<i>As Iudicio</i>	268	<i>Germania limes, sic forte & Christ. re-</i>	
		<i>ligionis fuit</i>	125
QR		<i>Ripa Iuria</i>	55
<i>Quaribona</i>	69.72	<i>Romana Respublica regimen variū</i>	97
<i>Ravenna eiusque Exarchi</i>	99	<i>Romana Respublica, Romanum Impe-</i>	
<i>Ravenna & Exarchatus</i>	148	<i>rium an super sit</i>	275
<i>Regalia ab Episcopis possessa</i>	195	<i>Romani antotum Terrarum Orbem suo</i>	
<i>Reate urbs</i>	149	<i>Imperio unquam continuerint</i>	276
<i>Regum potestas qua fuerit</i>	9	<i>Romanis an totum Orbem occupandi</i>	
<i>Regalia, eorumque fundamentū</i>	43.44	<i>ius aliquod unquam fuerit</i>	278
<i>Regum constituendorum ritus Germa-</i>		<i>Romani Cyprum iniuste occuparunt</i>	280
<i>nis</i>	78	<i>Romani belli indictionem Fecialibus</i>	
<i>Regis vires quales esse debeant</i>	88	<i>committebant</i>	280
<i>Regia Reipubl. facies mutata</i>	88	<i>Romani quo iure sua acquisuerint aut</i>	
<i>Regis vel Imperatoris electio quando &</i>		<i>possederint</i>	279.280
<i>quo modo ad Sepremuiros delata</i>	93.94	<i>Romanorum religio in suscipiendis bel-</i>	
<i>Regis Gunthrami egregium dictum</i>	118	<i>lis</i>	280
<i>Regis filii mactandi querela</i>	200	<i>Rom. cur Deos fauentes habuerint</i>	280
<i>Regii Iuris descriptio</i>	43	<i>Romanorum prada & occupationes in-</i>	
<i>Reges & Principes luminib. orbari</i>	207	<i>iusta</i>	280
<i>Reges regno pulsi</i>	206.207	<i>Romanorum Imperium intulerabile fa-</i>	
<i>Reges à Papis excommunicari</i>	224	<i>ctum</i>	281
<i>Regina quatuor equis religata & dis-</i>		<i>Romani Imperii Populi variis titulis</i>	
<i>cissa</i>	207	<i>sub illo fuerunt</i>	281
<i>Regum Causse ubi agitata</i>	223.231	<i>Romanum Imperium, quid perdidit</i>	
<i>Regis Caroli Cal. ad Papam epistola</i>	159	<i>281.282.283.284</i>	
<i>Regna parua feliciora</i>	279	<i>Romani an iuribus Provincias suas</i>	
<i>Regna an usurari & prescribi possint</i>		<i>possidendi aliquando exciderint</i>	284
<i>284.285.306</i>		<i>Rothomum</i>	56
<i>Regnandi quis olim modus apud Ger-</i>		<i>Rottuvilense Dicasterium</i>	263
<i>manos?</i>	9	<i>Rottuvilense Dicasterium Missorum</i>	
<i>Reipublice Germanica non semper una</i>		<i>Regiorum potestate pradicum</i>	263
<i>eademque fuit forma</i>	7	<i>Rulandi nomen non proprium sed ap-</i>	
<i>Renensburgum</i>	56	<i>pellatinum, fictitia qua de eo narran-</i>	
<i>Revisions & Syndicatus Iudiciorum</i>		<i>tur</i>	49
<i>Camera Spirensis</i>	268	<i>Reperitus Francorum & Rotorum Apa-</i>	
<i>Romiones illa cur huc usque locum non</i>		<i>Solus</i>	126
<i>habuerint</i>	268		

Sardi

INDEX

S.	Straßburgum	56
Sardinia Carthaginensibus crepta 280	Strasburgum an Episcopo Argentinen-	
Saxones Francis ADVNATI 10.11.45	si donatum	69
Saxonum pactum cum Francis initū 11	Straßburgum seu Argentoratum	141
Saxones à Francis deicti libertatem	Subditi Rege potentiores facti	88
suam retinent 10.11	Substituti Electorum in eorum Officiis	
Saxum sub Francis conditio 45	qui, & quæ eorum munera ac prini-	
Saxonia ex serua facta libera 47	legia seu prerogatiua	119
Saxones Christianum proficuntur no-	Successio cognatica	120
men 125	Suffragandi in Comitibus Imperii Ger-	
Scabini, eorum electio & munus 50	manici quinam ius habent	3
Scabini vel Grauiones apud Germ. olim	Suidbertus Saxonum & Frisorum A-	
39	pistolus	126
Scabini 210.257	Summa Reipublicæ, vel totò xxiuor circa	
Scabimatus Magdeburgensis 257	quæ versetur?	2
Schepen, Schöppen & Schöpsen	Superintendentes Germ. Pretestantiū 193	
80	Superintendentes alii Generales, alii	
Scoti in Barbaris Gentibus erudiendis	Speciales	193
assidui, at post eos Angli 126	T	
Sculteti apud Germanos Principum in	Tacito Germanorum res bene nota 201	
Pagis vicarii 203	Taflo Dux Boiaria morti addictus 207	
Scultesii, Sauldesii, Schulten &	Terra omnis notatione quid apud sa-	
Schulzen 210	eros Codices intelligendum. 277	
Securitas securitatum 205	Tertullianus & Irenæus indubitati te-	
Sermo ad quid homini datus 27	stes Germanicarum Ecclesiarum me-	
Seniores vel Primores, vel Proceres re-	merunt	124
gni 92	Thomas Apostolus Germanos an adierit	
Seruituris apud Germanos tria praci-	122	
pua incommoda olim 41	Thuringi ut olim deicti & habitii 10	
Seuerinus Norici & Vindelicia Aposto-	Tigurum	73
lus 126	Tribunalium summorum augendus nu-	
Simoniaci 138.172.173.174	merus 273	
175.188.189.	Tribunalium summorum Assessores cu-	
Sorabi Populi 12	ius religionis esse debeant 274	
Spira Episcopis ab Ottonibus cōcessa 66	Turba & Principum nomine quid apud	
Spira Nemecum 72	Tacitum intelligatur	7
Spirensum privilegium 266	Turbarum variarū causæ & initia 173	
Statua Rolandina quam habuerint si-	V	
gnificationem 48.49	Varus cur & quomodo à Germanis casus	

INDEX


234		Vrbium nonnulla Municipia fuere	41
Velarabi Populi	12	Vrbium numero cum omnibus Europæ	
Venedi qui	32	regi n. conicere potest German.	51
Venedici seu Slavica Gentes	128	Vrbes cur & quâdo extruxerint Ger-	
Venedici soli Vrbes Lubecam prouocant		mani	51. & sequ.
à sententiis suorum Magistrat.	264	Vrbes aquè Principibus ac Populis	
Venedi inter virûq; Imper. positi	29	commoda	52
Verba in Reges & Principes iniuriosa	144	Vrbibus ut accesserit frequentia	53
Vice-Marscallus Imperii à Cesare ob-		Vrbium Germania fortuna ab anno	
iurgatus ob errores in Comitibus cõ-		Christi 1100	54
missis	21	Vrbes ad Rhenum sita prima federi-	
Vicos solùm habuere olim Germani	29	bis se iungunt	56
Viduorum & orphanorum causa	211	Vrbium prima sedera seculo 1100	56
Villa quid, ac quomodo à Ciuitate, Vr-		Vrbes quæ in Hâfscu sed. coierint	61
be & Vico differat	26	Vrbium Germ. fortunam etiam auxe-	
Villibrordus Frisiorû Apostolus	126	runt metalla & salis fontes	63
Vinneta Vrbe	55	Vrbium Germanicarû Republica	64
Vismaria	56	Vrbes quomodo in Episcoporum potesta-	
Vinicomburio quando in hereticos sa-		tem cesserint	66
nare cepit	255	Vrbes quâdâ cur ab Episcopis non occu-	
Vlma, & cur diues audis	73	pata	69
Vormatia vrbs Episcopo concessa	68	Vrbes quâdâ ut amiserint Episc.	69
Vormatia	72. 141	Vrbium fortuna & conditio varia	70
Vrbes quando & Cur ad Comitatus ac-		Vrbibus Germanicis libertas à quibus	
cita	73	& à quo tempore concessa	72. 74
Vrbs quid, ac quomodo à Ciuitate,		Vrbium conditio hodierna à pristina	
Villa & Pago differat	26	quantum differat	74. & 75
Vrbium & Ciuitatum principia	26	Vrbium Magistratus olim & hodie	75
Vrbes ante 600. annos Germanis nul-		Vrbium inter se differentia	75
la	28	Vrbes quomodo in Oligarchias, Demo-	
Vrbium Germania à fluminibus, vel à cõ-		cratiis vel Aristoc. inciderint	75.
pis, vel à syluis, vel à montibus de-		Vrbes ad quasdâ cur alia prouocet	264
nominatio unde	29	Vrbs Roma Sociis nomen dedit	306
Vrbs & Vrbis Republica differunt	38	Wurszburg	142


FINIS


2-6-118


2-6-118


329











005647085

